





1

2

3. 5. 156







F. Solimene In.

F. De Juncos Sculp.

Ex legato D. Equit. & Int.
 Francisci Marmij

N I C O L A I
P A R T H E N I I
G I A N N E T T A S I I
N E A P O L I T A N I
S o c i a t i s J e s u .
V E R
H E R C U L A N U M .



NEAPOLI, Ex Officina Jacobi Raillard.
ANNO MDCCIV.

Superiorum permissu.

THE
FARMER'S FRIEND

OF THE

WINTER

(1881)


1881

THE FARMER'S FRIEND



THE FARMER'S FRIEND
AND MONTHLY

OF THE



ILLUSTRISSIMO,

ET EXCELLENTISS. DOM.

D. ALFONSO

DE CARDENAS

FAMILIÆ PRINCIPI,

SACRI ROMANI IMPERII

PRINCIPI MERITISSIMO

*Primo Lani, & Regni Neapol. Marchioni, Comitæ
Acerrarum, Comiti Palatino, Alcaydo perpetuo
urbis Platia in Regno Sicilia, Militum
gravis armatura Prefecto, &c.*

NIC: PARTHENIUS GIANNETTASIUS SOC. JESU.



On jure, sed injuria facerem;
si Herculaneum hoc Ver alteri,
quàm tibi nuncuparem,
Princeps Excellentissime: si-
quidem non tam meum il-
lud, quam tuum est: Etenim

domi tuæ, tuoq; cum Parente, coram te,
tuisq; est habitum. Et quando paternæ hæ-
reditatis ex asse hæres fuisti; Ver hoc unâ
cum

cum Herculano tuo , ad te pertinere non inficiar . Quod tuum igitur tam iusto est titulo, tibi, viro optime, sisto , reddoq; Habebis in illo si non nitidos eloquentiæ flores, quibus ingenium pascas, festivam certè hilaritatem , qua sublevare à curis animum, optatoque otio frui ; cum negotiorum mole oppressus secessum in amœnioribus literis quæris. Vivam præterea Genitoris tui imaginem, etsi sine fūco, ascitisq; ab arte pigmentis; sed nativo suo fulgentem colore, ad quam te probè, atq; examussim conformes; tuisq; moribus referas , abundè habebis. Quem etsi Regius avorum sanguis, illustres tituli, ac vetustissimæ dominationis insignia præclarum in Hispania , unde generis originem à vetustissimis Visigothorum Regibus rapitis, atq; in Italia reddiderunt; clarissimum , tamen apud ipsos etiam posteros egregiæ virtutes, quibus mirè instructus, fecerunt. Quocirca eo in uno omnia ornamenta, decora omnia intueri potes; quibus animum tuum exornes, priscumq; familiæ decorem comulatus illustres . Et sane si regias virtutes, munificentiam dico, magnanimitatem, ac fortitudinem: si comitatem, affabilitatemq; quibus omnibus se gratissimum effecit : si faciles mores , animumque ab omni fastu alienum spectaveris, plurimum

rum

mum oppido erit, quod imiteris. Eumq; sic
 imagine reddas; ut illius te non solum Prin-
 cipatus, sed virtutum etiam hæredem osten-
 das; quæ quidem etsi magna, tua tamen laus
 erit, ut revixisse in te Parentem tuum, jam
 nobis cuncti gaudeamus, tibiq; gratulemur.
 Quid vero de singulari viri eruditione, do-
 ctrinaque dicam? certè paucos ex nobilita-
 te similes habuit: imo superavit universos;
 idq; ex iis sermonibus, quos sæpè mecum
 habuit, & audisti Tu pariter: nam te etiam
 interesse volebat; ut sic paulatim doctrinis
 affuisceres: ut non minus in te nobilitatem
 sanguinis, quam sapientiam quoq; trasfun-
 deret: utq; & à fortuna, & ab arte te con-
 spicuum efficeret; colligi abunde potest. Ac
 proinde etiam ex hac parte habes, quod
 nervis omnibus æmuleris, atq; ad eam glo-
 riam contendas: quæ & pulcherrima, & avi-
 ra est. Quid enim tibi pulchrius, aut glorio-
 sius est futurum, quàm si Parentis tui effi-
 giem, in qua virtutes omnes, omnesq; dotes
 eminere, ipse repræsentet: ut in te ille; &
 tu in illo perpetuum vivas, quod ut facias,
 si quid authoritatis in me est, oro, atq; ad-
 hortor. Vale, è Surrentino Id. Jun.
 MDCCIV.

POMPEJUS DE FRANCHIS

*Societatis IESV Præpositus Provin-
cialis in Regno Neapolitano.*

CVM Librum, cui titulus: *Ver-
herculanum à Patre Nicolao Gian-
nettaſio Societatis Ieſu conſcriptum*: ali-
quot ejusdem Societatis Theologi, qui-
bus id commiſſum fuit, cognoverint, &
in lucem edi poſſe probaverint. Nos
potestate nobis facta ab Adm. R. P. N.
Generali Thyſo Gonzales, facultatem
concedimus, ut typis mandetur, ſi ita
iis videbitur, ad quos editio librorum
ſpectat.

Datum Neapoli 5. Octobris 1701.

Pompejus de Franchis.

Giacomo Raillard supplicando espone à V.S. Ill. come deve dare alle stampe un libro intitolato: *Nicolai Parth. Giannettasii Soc. Jesu Ver Herculanum*; per tanto la supplica a commetterne la rivisione per la solita licenza, e l'averà à gratia ut Deus:

Dominus Can. Carmignanus revideat, & referat
Neap. 2. Martii 1703.

D. Petrus Marcus Giptius Can. Dep.

ILLUSTRISS. ET REVERENDISS. DOM.

FActum est, quod jussisti. Legi librum inscriptum: *Nicolai Parth. Giannettasii Soc. Jesu Ver Herculanum*. Et nihil in eo offendi, quod aut Ecclesiasticam jurisdictionem, aut Christianos mores offendat; simulque admiratus sum eruditissimi, doctissimique auctoris ingenium, ad promovendas bonas literas factum, quod utile dulci miscendo, omne tulit punctum. Commisceatur longum Peregrinantis iter: at inter eas ingeniosissimas tabellas purissimo stylo depictas, & expressas, Historici, Physici, Philologi, imò & Mathematici invenient, quo se delectent, & proficiant. Itaque formis excudi posse, & debere arbitror, si ita Dominationi Tuz Illustris. videbitur. Neap. Septimo Idus 5. Martii an. MDCCIII.

Dom. Tuz Ill. & Rev.

Additissimus Famulus
Canon. Marinus Carmignanus.

Attenta supradicta relatione Domini Canonici Revisoris Imprimatur. Neap. 16. Martii 1703.

D. Petrus Marcus Giptius Can. & super edit,
Lib. Dep.

ECCELLENTISS. SIGNORE.

Giacomo Raillard supplicando espone à V.
me deve dare alle stampe un libro intitolato:
*Nicolai Parthenii Giannettassi Societatis Iesu Per
Herculanum*; per tanto la supplica à commetterne la
rivisione per la solita licenza, e l'averà à gratia ut
Deus.

Mag. V. I. D. Ioseph Valletta vid. & in script. ref.

Gascon R. Guerrero R. Biscardus R.

Provisum per S. E. Neap. 5. Martii 1703.

Maffellonus

EXCELLENTISS. DOMINE.

Ver Herculanum Clar: ac Doctissimi Viri Nico-
lai Parthenii Giannettassi; non sine solida ani-
mi voluptate, perquam attentè perlegi; uti quidem
tua iussa, authorisque dignitas postulare videbantur.
Ego verò nequiquā in eo animadverti, quod juribus
Regalibus adversetur; ideòque nihil vetare arbitror
quò minus publicam lucem liber elegans herclè, ac
doctus, aspiciat: Si modo Excellentiz Tuz videbitur,
cui faustitatem perennem, bonis literis, atque Reip.
profuturam, à Deo Opt. Max. enixè oro, deprecor-
que; Val. Neap. Eidib. Aprilis. ann. MDCCIII.

Tui Obsequientissimus


Ioseph Valletta

Visa relatione impr. & in publ. serv. Reg. Prag.

Gascon R. Guerrero R. Biscardus R.

Provisum per S. E. Neap. 5. Janii 1703.

Maffellonus.



VERIS

HERCULANI

LIBER I.

CAPUT PRIMUM.

*Extremus Campania tractus debethum inter & Sarnum
amnes describitur: & quod operis institutum
sit, exponitur.*



Ultimus ille Felicis Campaniæ
tractus, qui à Sebetho amne
ad Sarnum excurrit, & quā
foli ubertate, quā cœli tem-
perie nobilis, non minus
Hercule, quam Vesuvio, to-
to terrarum orbe celeberrim-
us est. Ille à debellatis Hi-
spaniis in ea loca victor in-
vestus, Herculanium, & Pompejos condidit: atque
Iberi Gerionis boves festivo sociorum cœtu duceus,
primam triumphi speciem ostendit: Ex qua triumphi
pompa ab Herculaniō ab se nuncupato, ad Sarnum
usque

A

usque

usque deducta , novum ibi conditum oppidum, Pompejos appellavit , ut nimirum ambo perpetua essent suarum trophæa victoriarum . Hic suis incendiis non minorem,quàm Æthna famam consecutus : atque ad se , eruptionesque suas contemplandas , remotissimas etiam gentes evocavit . Est autem amœnissima prospectu ora , & quâ oppidis , quâ villis , quâ etiam ædificiis ornatissima : in medio Biceps Vesuvius assurgit , ambituq; suo ad duo , & viginti passuum millia complectitur ; dorso non admodum difficili , & ferme toto vinctis , ac fructiferis arboribus convestito . Ad Septentriones Nolanum , ac Neapolitanum campum habet : ad Orientem Nucerinum : Sarnum ad Meridiem , & Stabianosemagrum spectat : ab Occidente, verò Cratere alluitur : in quem molli demissus clivo descendit : atque Herculeo promontorio finitur . in hoc Herculanium sedet . in ipso promontorii flexu Hercules olim portus : quî Herculis ab Hispania redeuntis classem accepit . nunc Vesuvianis incendiis obrutus, omninò interiit, ut ne vestigium quidem superfit . A Sebertho secus oram euntibus , gemini occurrunt vici , unus ad Terducium , Barna alter indigenis dictus. hinc sub ipsius clivi exordium Porticus, elegans oppidulum , insequitur . omnis verò , quæ à Sebertho Porticum usque planities extenditur , innumeris Nobilium ædibus distincta , atque exornata, conspicitur, Propè à Porticu nobilis villa est , quæ ab albo saxo Græcum nomen obtinuit : non secus, ac extremum Italiæ promontorium à candido lapide, Leuco petra veteribus appellatum . Est autem tum situs amœnitate, tum structuræ elegantia perquam conspicua . in ea Nymphæum , ad fallendum æstivis horis orium magifico constructum sumptu viscebatur, varix illud imagines ex omnigeno concharum genere bellè,

bellè, affabrèque effictæ, exornabant. inter quas præcipuæ erant, Pan fistula canens, cæruleo in mari nantes Nymphæ, Delphino Siren, Tauro Europa obequitans: aliaque istiusmodi è poetarum penu commenta. Quibus summam venustatem adjugebant, quatuor è Pario marmore docta artificis manu sculpta signa. erant hæc, clavà insignis Hercules, Pan fistula, Adolescens Genius, & nuda Arethusa. At plurimam loci famam Carolus V. auxit: qui ex Africa victor rediens, hac in villa triduò ad geniale otium loci, atque amœnitatem sedit. mox Herculem æmulatus novam ex debellatis Afris pompam egit. Ad Barnatædes, & villa altera Cardenidum est, & fontium elegantia, & hortorum amœnitate perquam nobilis. in qua eruditæ familiæ perpetua fere otia, & liber literatis hominibus aditus patuit.

Porticum Retina sequitur, frequens vicus, copiaque rerum percommodus: ubi propter plurimam loci opportunitatem, Romanæ olim clâssis, quæ ad Miscenum stationem habebat, degere classiarii milites solitavere. non longè in ipso promôtorio Herculanium est: inque Favonii plagam vergit, atque saluberrimis idcirco auris continuò perflatur. Salebrosa, quæ succedit, ac durior ob incendia, soli facies: etsi multis in locis domita agricularum industria sit: nempe nulla adeo immitis terræ indoles, quam continuus labor non evincat. In feliciore mox plano novum est oppidum, cui à Virgine salutatâ factum à minoribus nomen. quod & apricum, & populosum est. Tandem ad ipsam Sarni ripam Pompei sedent, Nucerinorum quondam, finitimorumq; populorum commune navale, atque emporium. trans alteram Sarni ripam læta, atque exculpta planities ad Aureum montem pertinet; cujus perquam jucundissimus prospectus Thessa-

la Tempe imitatur . ad illius vero radicem , inque intimo Crateris recessu Stabiæ visuntur.

Hac autem amœnissima terrarum ora , nihil admodum est , quod recurrente Vere , vel apricius , vel opportunius , vel elegantius inveniri possit : quocirca eo tempore ad animi voluptates à Natura factam merito dixeris . tanta enim cœli indulgentia , tantas camporum , & collium amœnitas , tanta litorum opportunitas ; ut plus ad alliciendos animos valeant , quàm ad extertendos suis incendiis Vesuvius . qui unus tantæ felicitati modum facit . Et si suo cinere , ubere veluti fermento (est & id ex tanta vastitate lucrum) adeo terram imbuerit , ut generosissima omnis generis vina ex illa proveniant . fructus verò præstantissimi nascuntur ; ut nulli fertilissimo quantumvis solo invideat . Falerna pyra maxima , & miras , Appia poma , & serotina , Nespila , Cotonea , odoris fragrantissimi : sorba tantæ magnitudinis , ut pomorum præ se speciem gerant . tandem , ut cuncta compendio complectar , nihil admodum est , quod in hoc genere accedat.

Ad Porticum nostræ familiæ ædes , ac villa , quæ elegantia , quæ opportunitate nobiles : in quibus diutino morbo præpediti degere solent , ut miti illa aeris temperie facilius convalescant . in hanc ego villam solitus verno tempore valetudinis ergo divertere : ne verò otiosus sedeam erudita cum amicis colloquia identidem habeo . Interdum , ut aliquam à studiis intercapedinem faciam , ad humanissimum Mæcenatem me confero , apud quem eleganti exceptus convictu , docta nonnulla inter epulas , aut curiosas permiscemus . Illa vero , ut ex temporaneo sermone inter nos habita , in commentaria reversus domum mox refero . quæ in præsentiarum luci committere ad juven-

juventutem ad erudita studia incitandam visum est. Atque id unum præsentis operis, cui Herculano Veri, quod in locis Herculi sacris, actum sit, nomen fecimus, institutum est.

C A P U T II.

Plurima de Sebetho amnæ, deque illius fonte, ac rivo Neapolim subterlabente scitu digna, quæ sita inter eundem sunt.

POST Martias Id: cum nitidissimus post continentem multorum dierum imbrem, sol illuxisset, & vacatione studiorum exedræ silerent, Balbo comite, cissioque monhippo invecus, ad Barneses Meccænatîs ædes proficiscor: ut placidissimum illum diem, cum benevolentissimo, atque eruditissimo viro paulo hilarius transigerem. Et sanè innubis cœli facies, & grata vel in primis temperies, viridantis undique soli amœnitas, mollissimum iter, jucundissimus quaquaversus prospectus summa animum oblectatione afficiebant. nec parvum gaudio ad ditamentum ipse erat Balbus, ingenuus, ac liberalis juvenis, & quâ moribus, quâ literis limatissimus: atque ob id mihi vel in paucis charus. Dum autem regifico ædificatum luxu Sebethi fontem percurrimus, ita me ille interpellat: Quam aptè de hoc fluvio scripsisti. Naut. VII.

Et ipse

Pauper aqua, at multo dives Sebethus honore.

Quo nimirum Neapolitani Vates, ipseque vel in primis, donasti. Miror sanè tam præexiguo rivo, qui uno, aut altero saltu vadari potuisset, amplissimum hunc pontem, quem nec superbus ipse Tibris dedignaretur, imo & Rhœnus etiam pati posset, impositum. Cui

tum ego: At præclarissimæ urbi debebatur. Quid enim exteræ gentes, quæ quotidie huc conflunt, dixissent, si in conspectu hujus urbis, qua majorem post Romam Italia non vidit, ut illius digna imperio cense-ri possit, in humilem pontem, ac sublicium incidissent? Præterea si non fluvio, ac ceterè celeberrimo illius nomine dignus erat. Quocirca mirari jam desine, Balbe, si magnificus istic additus Sebetho pons sit. Hic Balbus; occlusisti os; non oppedo. Verùm age, dicendus ne fluvius, an potius rivulus? memini enim me quondam apud scriptorem quendam legisse, innominatam hanc esse aquam, atque inter paludes juxta Vesuvium hauriri. Cui ego: At scriptor ille, quem inuis, nec me fugit, Poetarum principem non triverat, qui sub Sebethidis Nymphæ nomine bellè de nostro amne lusit *Æne: vii.*

Nec tu carminibus nostris indictus abibis

Oebale; quem genuisse Thelon Sebethide Nymphæ.

Fertur, Theleboum Capreas dum regna teneret.

Neque etiam Columellam legerat, qui de Hortorum cultu scribens, hæc de illo habet.

Et Stabia celebres, & Vesvia rura,

Docta que Parthenope Sebethide roscida lympa.

Extat etiam per-antiquus lapis ex vetustorum mœ-nium ruinis erutus hac cum epigraphe:

MEVIUS. EUTYCHUS.

ÆDICULAM. RESTITUIT,

SEBETHO.

Non igitur innominatus noster hic Sebethus, quando ab antiquis uti numen, non secus, ac cæteri amnes, habitus, cultusque est. Quem merito Jovianus sacro cum Parthenope nexu conjungit, dum bellè, ac festivè canit

Sparge tuas, Sebethæ, nunces: en colligit uxor

Parthenope.

Hic

Hic Balbus; Tu etiam, inquit, in Bellicis idem conjugium, ex quo Sirenes illæ tuæ ortæ sunt, his versibus celebraſti

Et olli

*Parthenope formosa parens; qua vecta per altum
Jonium, grajis è finibus: inq; beati*

Litora Crateris cùm descendisset, amicis

Excepta hospitibus à ruricola Seberho,

Sirenium genus Euboicis prima intulit oris.

Cui ego: Ita enim vero. Et sanè tot, tantisque carminibus, ut tu modo agebas, à nostris poetis, præcipue Statio, Joviano, ac Sincero celebratus fuit, ut jam maximos etiam fluyios, totoque orbe notissimos, fama sui nominis, æquet. Sed age, tum Balbus, & unde nam ille emicet, quæso ut exponas. Et ego. Faciam quando id tibi gratum intelligo. Duobus passuum millibus ab Aquis Regiis, sive Doliolo: qui ultimus ejus colli, qui Neapolim intercurrit, clivus est, fons scatur, ex quo veluti è labro, sive cratere, aqua, quasi bulliens, emicat, atque in subjectum planum effunditur, atque ob id Labulla nostris populæribus dictus est. Erumpens ex hoc fonte aqua cuniculis primum ad duo passuum millia exerpitur: mox geminas in partes diffunditur; una ad meridiem per paludes fluens Sebethum efficit. id vero eleganter, ut cætera Alcilius in celebri Isabellæ Aragoniæ epithalamio depinxit.

Parte alia, quæ perspicuo delabitur alveo

Irriguis Sebethus aquis, & gurgite leni

Prata secatur, liquidisque teris sola rosida lymphis.

Altera verò rivi pars rectà per Aquas Regias, & viam, quæ Capuanam in Portam ducit, Neapolim magnifico arcuum structu inducitur: perque universam penè urbem variis ramulis dividitur; ut pensilis illa suprà

aquâ ionatare videatur. quocirca nescio an alibi quid mirabilius reperias? id enim ex eo fit, ut subterraneo veluti mari urbs alluatur, ac perennibus undique fontibus irrigetur, quod & maxime civium commodo, & oblectationi cedit. Hic Balbus, quis crederet? id me prorsus fugiebat: miratusque primum in Pontano, cum elegantissimum illius opus perlegerem. & adeo placuit, ne etiam verba meminerim: *Prisca quoque, inquit, urbis munificentia prater ipsa moenia, maximo est indicio, fluvius intra urbem inductus, excavato saxo, in quo vetus urbs tota inerat fundata: eaque cuniculatio, atque effossa specus deducta subter, maximè celebres urbis vias, atque ad singula quadri-
via, in qua urbs omnia quondam distributa erat, excisi putei è quibus vicinia hauriebat: Cui tum ego: laudo memoriam tuam adeo singularem. Verùm est amplius quod mireris: etenim cum hac ætate, quàm amplissima creverit nostra Neapolis, inque altos scilivos erexerit; mirum sanè est videre aquam ad eminentiora evectam, perque innumeras fermè vias subterfluere. Id autem nostræ petræ clementia factum est: cum enim fissilis illa sit, quam facilè illiusmodi cuniculationem quaquaversus inducere. Quod etiam ad purgandam urbem, atque immittendas in mare, sordes quàm maximè conducit. id autè nescio an alibi invenias. Ita enim verò, tum Balbus. Sed age, & cur iste per urbem distributus tam fabrè, ac commode rivus, Formellis Pontano vocatus sit, edissere. Iudit enim festivissimus poeta hoc carmine:*

Est inter natas facunde prima Labulla

Nomine Formellis.

Hoc etenim sub Nymphæ nomine rivum illum appellat, à quo D. Catherinæ templo, quod iuxta Capuanam portam situm est, vulgò cognomen inditum.

Cui

Cui ego : quia Aquæductus quo rivus delabitur , ex-
 tructi fornices Formæ , & Formellæ à nostris dicun-
 tur : atque hinc fluvio cognomen factum est. In-
 telligo , tam Balbus . Sed cedo , cur tu in hæcenus
 editis tot operibus , hujus Nymphæ , atque illius fa-
 cundæ parentis Labullæ nullam mentionem fecisti ?
 & tamen Neapolitani poetæ summis illam laudibus
 celebrarunt . nam præter laudatum Jovianum , Dona-
 tus Francus in sua Neapoli venustè lustr hoc modo :

Sed quo me rapis heu rancum purissima Nympha

Nympha Labulla urbem fonte perenne rigans ?

Illabens subter vicariam mœnia circum ,

Perque domos largo flumine , perque vias .

Atria aquis , domus omnis aquis , urbs omnis abundat

Nilis & centum fontibus unda venio .

Præbet ubique libens sitienti pocula lympha ,

Splendidior vitro , dulcior ambrosia .

Alibi verò Nymphæ hujus , Sebethique amores ita
 perquam mollissimè prosequitur :

Cantabat vacuus curis Sebethus ad amnem ,

Si vacuum sciret perfidiosus amor .

Ipsa veni ad salices , & opaca umbracula vitis ,

Ipsa veni ad nostros culta Labulla modos .

Culta Labulla veni : sunt hic tibi farta parata ,

Nexa simul calathis , juncta simul violis .

Cui ego : optime me admones , Balbe ; faciam ut in
 Bellicis non desideretur præclarissimæ hujus Nym-
 phæ , atque in nos benevolentissimæ tam splendidum
 nomen . Et Balbus : Id abste expecto . Et , quæso , ut
 te ocyus moveas . nam , ut video lentè nimis de illu-
 stri opere agis , ut de illo curam deposuisse videaris.
 Atque hæc , ut dicta , in Mecœnatis ædes pervenimus .

C A P U T III.

*Dum ad nitidum Xysti fontem una cum Mecænate
confessum est, Authoris in Ægyptum naviga-
tio, quaque sub exordium acciderunt,
narrari capta.*

Cum ego, & Balbus è cisio, quo Neapoli ad Mecænatem veneramus, descendissemus, humanissimum statim virum in Xysto deambulantem convenimus. qui vix accepta salute, in amplexus ruens, benevolentissimè, ut semper excepit. & Fortunatissimus, inquit, hic mihi dies, quo vestra præsentia, ac colloquio frui licet. Mox ubi ad fontem, qui medio in Xysto nitidissimis aquis saliebat, altæque circum cupressus corqñabant, confessum est; summa me, inquit Mecænas, cupido incessit, Parthenie, ut ex te Navigationem illam tuam, quam vi. Naut. innuis, audirem. nam, ni mea me fallit opinio, mira quædam & curiosa continebit. Cui ego: Facerem libenter, ni merito vererer, ne tibi tædium allaturus essem: adeo prolixa res est. Et ille: Imo fastidia deterges. & usque ad prandium longum in medio tempus existit. Tum ipse: Næ ergo male morigeratus, qui tibi, cui me plurimum debere profiteor, id negem. Quæso tamen, ut parcas, si non eam habeam in promptu verborum copiam, qua conditi sermo posset; ut tuis eruditis auribus minus fastidiosus existeret. Et ille: Mitte istam curam. simplicem, ac puram ego elegantiam in familiaribus vel maximè colloquiis desudero. in quibus odiosa ut plurimum emendicata illa ex sententiolis, affectatæque dicendi cultu, elegantia. non secus ac in quotidiano convictu simplicem apparatus quæro.

cupe-

cupedia, atque intinctus in festos dies rejiciamus. Age igitur, ordire, ut ajunt, telam. ego te ab ovo usque ad malum attentissimis auribus, summaque, audiam voluptate. Neque id grave futurum ducotuo isti adolescenti, cujus perspecta mihi indoles est. Tum Balbus: Imo gratissimum vel ex hoc præcipue, inquit, quod tibi placere sentiam: cui non minus quam Parthenius sum beneficiis quamplurimis implicatissimus. Ego verò: Atque audite. Ut verò rem penitus teneatis, altè ordiar, atque à capite, ut dicitur. Eam ipse à natura indolem sortitus sum, ut intra angustos patriæ fines contineri vix ferrem. quocirca à puero crevit mecum amor, universum, si potuissem, terrarum orbem peragrandi. quem ego quotidie, ea adductus ratione roborabam; quod hic sapientis animi, atque excelsi genius esset: & quod una hac via aditarum rerum scientiam, atque omnium populorum mores, ac studia consequi quàm faciliter valuisssem. Ut enim ait Strabo, prudentissimi apud veteres heroes habiti, qui in remotissimas regiones peregrinari fuissent. Ita prudentissimum ab Homero Ulysses decantatum, quem semper ἀνδρα πολύτροπον appellat, quam verò prudentiam non aliunde hauser, quàm quod, ut idem cecinit

Πόλλων δ' ἀνθρώπων ἴδεν ἄσπεκ, καὶ νόον ἔγχε.

Hoc loco Meccenas: Ita enim verò, atque ob id Hercules, ac Dionysius summis laudibus commendati, & prudentissimi, fortissimique habiti. nec aliter Pythagoras, ac Tales Milesius immortalitatem nominis consecuti. qui ex longa, quam in penitissimas terrarum plagas peregrinationem susceperunt, redeuntes, secum unà in Græciam disciplinas, leges, ipsamque humanitatem devexere. quæ mox in Italiam feliciter transfecta. Cui tum ego: Eruditè, tu quidem, ut soles,

tes Etenim cum ex uno solo, quamvis ubere, atque ex-
culta cuncta plantarum genera minimè proveniant;
quare optimè poeta

Non omnis fert omnia tellus.

ita protus uoa Civitas, una Provincia rerum omoium,
scientiarumq; notitiam suppeditare non satis est : at-
que ob id perquā utilis est peregrinatio. quæ, ut opti-
mè Menander ; βίον τ' ἰθὺσι σωπρονέρερον . Hoc lo-
co Balbus, qui numquam ultra Campaniæ fines pe-
dem extulerat : At ego, inquit, istud tuum ingenium
non probo: siquidem ex longa peregrinatione magna,
ut plurimum sit vitiorum accessio, probitatis nullas;
& externos etiam mores, patriis posthabitis, facile
induimus. quod & scythæ Anacarsidi evenisse prodi-
tum memoriæ est. quod & ei capitale fuit. quocirca
meritò Ælianus, ut ait Philostratus, gloriabatur,
quod numquam extra Italiam navigasset: imo ne no-
visset quidem mare. atque ob id summa à suis obser-
vantia habitus, magna; auctoritate valuit. Cui tum
ego: Verùm aliter sapientissimi quiquarbitrati sunt. nec
tantum patriæ nostræ tribuendum, ut non esse etiam
in aliis locis res plurimas existimemus, ex quibus non
mediocre referre lucrum possimus. Sed ne lōgè ab in-
stituto deflectamus, illa mihi semper hæsit animo cu-
piditas, visendi orbem universum. cumque per æta-
tem, ac parentes non liceret, pictum in tabulis mun-
dum, quod unum in me situm erat, assidua medita-
tione percurrerebam. Non tamen id sitim fallebat, sed
magis, magisque accendebat: quocirca occasiones
omnes quærebam, quo expleri tandem animus, po-
tiusque voto potuisset. Commorabatur Neapoli homo
quidam Britannus genere, qui cum meus pater merci-
moniorum causa summam familiaritatem contraxe-
rat, atque ob id frequenter ad nos ventitabat. & quo-
niam

nia m mira conditus urbanitate , & moribus candidissimis toti familiæ erat acceptissimus. simul ac domum ingrediebatur , obviam statim omnes occurrebamus , & salute data , atque accepta , sessum nobiscum recipiebamus. Ego sæpe illum de exteris nationibus , apud quas peregrinatus fuerat , plurima interrogabam. gaudebat ille hac mea indole , meque præ cæteris diligebat. Sublato mox pestilentia patre cum universa familia , unus ego penè miraculo superstes fui. Hoc loco Mæcenas : Num , inquit , te etiam pestis corripuit ? Et ego : Ita verò. nec tantum tumore ad inguina enato , sed etiam pustulis laboravi : ac tanta vis veneni fuit , ut etiam correpto cerebro , delirium moverit. Et ille : Quo pharmaco convaluisti ? Cui ego prorsus nullo. neque enim tum erat , qui mei curam susceperet . Ille verò : Susceperunt certè superi , qui te nobis sospitem servaverunt ; ut tot nimirum erditos libellos conscriberes . Credo equidem , tum ego . verum pænitet me tanti beneficii , haud pares , ut debueram , gratias reddidisse . Sed pergamus porrò , no hujus diei gaudia tristi illa recordatione corrumpamus . Cum igitur pestilentia mancipatus , mei jam juris essem , acrius ad id , quo nihil antiquius habueram , animum intendebar . Forte fortuna accidit , ut longo post tempore in Britannum illum veterem amicum offenderem : qui ut me , quem peste cum tota familia periisse crediderat , ex improvviso , ac præter spem vidit , illico in amplexus irruit , tantaque lætitia affectus est ; ut non ipse majorem percepiissem , si in redvivum parentem incidissem . tanta in extero homine charitas erat : quæ sæpe numero in nostratibus , imo & in propinquis ipsis desideratur . Postea verò quam ille de mea familia plurima , ego de sua percontatus essem , eò tandem , quò maximè volebam , devolutus

sermo

sermo est : se nimirum navigationi accingere . Tum ego ingenti erectus spe : Numnam , inquam , in Britanniam ? Minimè , ille : sed in Ægyptum . Et ego : Sed qua navi ? Tribus , inquit , ille Britannicis , quæ hic stant in anchoris . quapropter si tibi eadem mens perstat , oblata occasio est , qua explere desiderium tuum possis . ipse tibi com meatum , ceteraque necessaria suppeditabo . Tum ego tanto percussus gaudio sum , ut numquam alias . quocirca cum gratias homini tam benevolenti , quàm qui maximè , plurimas egissem , constitutaque profectionis die , domum bona plenus spe , me recipio . Hic clam , ne is sub cuius tutela eram , & qui sapius à simili consilio me retrahere conatus fuerat , rem resciret , ad navigandum me accingo . tota verò supellex , totum viaticum quod mecum ferrem , pauci admodum libelli , quibus otium fallerem , & bis centum aurei ex iis , qui Venetiis ruduntur , fuere . Ubi verò dicta profectioni dies præfulsit , hospite , ut ajunt , insalutato , in portum convolo , conscensaque ex tribus illis navibus prætoraria , quæ ad belli casus instructa erat , vela fecimus . Hic Mæcenas : Audax sanè consilium , & supra ætatem . Ira verò , tum ego , non inficior . sed dandas ipsi ætati venia , & magnanimo illi desiderio ; quo ardebam miro modo . Est etiam & illud , quod acriter me stimulo incitabat : sic scilicet fieri posse , ut veluti emancipatus mei tandem juris essem . Sed redeamus quò nos ventus ferebat . erat hic Aquilo , qui secundo in velum flatu spirans , brevi nos ad ultimos Crateris nostri fines deduxit . Hic ego illud Statii repetens

Dextra salutavit Gaprens , & margine laevo

Sparjit Tyrrhena Mareotica vina Minerva.

Vale , inquam , charissima mihi quondam , Parthenope ,

pe, valete patrii colles : & tu tandem amœnissime
 terrarum sinus vale . me terræ aliz, alii colles, alii-
 que sinus vocant . At parcite mihi, quæso, si vos ego
 in tam tenera ætate relinquo : impatiens quando mi-
 hi datus à natura animus , inter angustos unius terræ
 fines contineri . omnes lustrare terras, sinus omnes
 excurrere, populos omnes adire, cunctorum mores,
 legesque edoceri, unicum illius votum est . Spero ta-
 men fore , ut ad vos incolumis redeam, iterumque
 sospites vos , ac salvos sospes ipse , saluusque revi-
 sam . Imo & illud lucri ex peregrinatione futurum,
 ut ex collatione reliquarum regionum chariora mihi
 in posterum habenda sitis, ita enim natura comparat-
 um , ut absentia desiderium pariat : nec nisi ex amissi-
 sione , quanta res sit, cognoscamus . Atque hic cum
 omnem quaquaversus Craterem oculis complexus es-
 sem, fateor me patrii soli charitatis sensu correptum,
 ut sponte lacrymæ proflirent . verum magna statim
 inductione animi erectus , lacrymas deterſi , mæro-
 remque omnem illicò excussi.

Sed jam fieri angustiis superatis, per exteriora Pæ-
 stani sinus hibernum versus Occidentem obliquato
 velorum sinu navigabamus. Dies, qui primus à Mar-
 tiis Kal: erat, serenissimus effulserat, quam serenita-
 tem suis ipse auris placidissimus Aquilo roborabat.
 mare modicos in fluctus assurgens , interque cæru-
 leum recurrentium undarum colorem , niveam ea-
 rumdem admiscens spumam , pulchram oculis spe-
 ciem exhibebat . Ego ad navis spondam sedens , il-
 lius cursu , quo pennata quasi sagitta , pervolabat,
 fluctusque disſindebat , mirificè delectabar . Et jam
 descendente in occasum sole, Leucosiæ in conspectum
 ventum est . nec longè Palinurus , quique Bunenti
 sinum montes intercurrunt, conspiciebantur. Hic cot-
 pori-

peribus procuratis, in puppis cubiculum unà cum amico me recipio. ille statim somno correptus altè indormivit. ego verò, & si nullum mihi mare fastidium creet, nihilo tamen minus, cum numquam assueverim in perpetua illa navis agitatione quiescere, vix claudere oculos quivi, nisi circiter diluculum: quo propter nimiam lassitudinem, levissimo sopore, perfusus sum. Ex quo brevi excitatus, inque altum navis tabulatum egressus, rogo ubinam essemus? Tum amicus, qui me prior ascenderat: Inter Strongylon, inquit, quæ una ex Æoliis est, & Calabriae litora. Tum ego lætus & alacer omne circa pelagus, terras omnes avidissimè contemplabar. Præfectus, quoniam reliquæ naves longè aberant, inferiora vela demitti jubet, sociosque expectari. etenim cum per angustias Siciliensis freti jam cursus celeraretur, timebat ne in Batavos ex Oriente redeuntes, quibuscum internecinum id temporis Britanni bellum exercebant, ex improvise inciderent. Ubi verò reliquæ duæ naves prætoriam asscutæ, directo inter Libonoti plagam, & meridiem clavo in ventum vela laxavimus. & quando languescere Aquilo cæpraverat, cuncta nautæ suppara explicuerunt. Totum autem diem cum navigassemus, ad Brutium tandem promontorium perventum est. Hic mensa, erat enim jam vespër, instructissimè in puppi adornata, cænavimus. & mirum sanè, quor præ lætitia, Campanoque Libero exstimulante, calyces Britanni fregerint. Hic Mœcnas: Quid tu? Cui ego: Vix tandem obtinuerè, & si me precibus onerassent, ut unum exhaustirem. ut enim te certò non fugit, à vino semper abstinui. Et ille: Tenco equidem: atque ideo te interrogavi. verùm contende, quò cæperas; res enim mihi accidit quam gratissima. Et ego: Attendite: filumque narra-

narrationis tetexo: Thracio è Brutio sinu modicis auris perflante: tota nocte navigatum est. ubi verò diluculum illuxit, in Pelorum, quod unum ex tribus Siciliæ promontoriis est, devenimus. At quia æstus, qui antea è puppi descendebat, jam refluerè incipiebat, & tenuissimus ventus erat, in ipsò freti vestibulo inhasimus. Hic ego antecenissimum illum prospectum intuens, miram oppidò voluptatem hauriebam. Hoc loco Mæcenæ, Quæso, inquit, ut ad mirabilem illum terrarum situm, vivis, ut soles, coloribus depingas. Cui ego: Faciam, quando sic jubes sed vereor ne tempus non suppetat. Ille verò: Abundè tempus erit. & si absolvi narratio hoc mane nequit; à prandio, quod superfuèrit, occantabis Tum ego: Benè est dicam igitur, quando aures mihi vestras datis intentissimas. Dextra ad occidentem Solem Neptunius mons est, Mamertina etiam juga appellant, qui sensim in molles clivos demissus in humilem tandem Pelorum descendit. A Peloro ad meridiem quam longissima ora excurrit, collibusque iisdem circūplectitur. in illius fere umbilico, ubi educta in eam se leviter falcem curvat, quæ nihil mirabilius terrarum orbis jactat, portumque efficit tota Europa celeberrimum, Messana ædificata est; quæ in eos sensim, quibus coronatur clivos, assurgit: & quæ portus commoditate, quæ ædificiorum magnificentia, quæ theatri in modum posita, superbissimam venientibus scenam exhibent; urbium quotquot in Sicilia sunt, facile princeps. colles adeo pectiti, & quæ vineis, quæ arboribus omnis generis convestiti, ut nihil liceat videre pulchrius. Læva ultimus Calabriæ Apenninus confurgit: qui & ipse modicos in colles se subiicit, inque Scyllæum jugum exporrigitur. ex quo longissima pariter ora Herculeum versus promontorium, quod postremum Italiæ ad Occidentem

est. ipso in freto, Messanam contra, Columna Rhegina, quæque à Neptuno nomen etiam obtinuit, posita est. quam supra Cœnys promontorium, nec procul cognominis amnis interfuit. infra Rhegium Julium. una ex quatuor celeberrimis urbibus, quæ in extremo Italici angulo summa olim potentia florere, & tantæ tum magnitudinis, ut à Columna Rhegina, ad promontorii usque fluxum omnem mœnibus, edificiisque oram occupaverit. Amœnam sinibus oram, latissimis distinctam hortis, frequentibus interjectam ædibus, ac villis, aprici, viridesque colles præcingunt. qui & ipsi prospectu jucundissimi, altissimos alios supra se vertices, sylvas opacissimas ostentant. Plurimum in Italo, cum Siciliensi latere oppida situ, aspectuque pulcherrima visuntur. quapropter mira spectantibus voluptas; ut & oculi visu, & gaudio saturari animus abundè valeat. Dum autem avidus singulas contemplantur, nunciatum præfecto, ipso in aditu juxta portum quatuor stare in anchoris Batavorum naves, & eas bellico apparatu instructissimas. Quo ille nuncio perculsus, declinare sculum litus, inque Herculeum promontorium cursum vertere constituit. quod & illico præstitit. nam ortus ex improvise Borrhapeliotes, in vela, præfectique vota secundus perflavit. id mihi ingrati primum accidit: miro enim Messanæ urbis desiderio, videndæque Carybdis tenebar. at cum cogitarem mox, ira fieri, ut è periculosa pugna evaderem, æqui, bonique duxi: solabarque desiderium evasione periculi. At brevi in novas iterum angustias, ac mærores delapsus sum Etenim cum Batavi nostras naves Britannicas esse, & numero, instructuque impares, eductis illico anchoris, explicatisque in ventum velis in nos contendunt. Hic Mæcenas: Huic ego navali pugnae libens interfuissem. Credo equidem, cum ego:

quippe

quippe virilis tibi animus, ac regius est. et mihi, qui vix è pubertate exceſſeram, & pugnas nōn iſſi in tabella videram, non exiguum maiorem futurum illud certamen incutiebat. Quod autem quam maximè timebam, illud erat, quod nec tu certè æquo animo tu- liſſes: ne ſcilicet Britanni deſperata victoria, ne in ho- ſtium, quos capitaliter oderant, manus inciderent, tormentarium in pulverem ignem iniicerēt: & ſic im- mani omnes incendio conflagraremus. Tum Meccœ- nas: Hunc ego morem tam barbarum, quam qui ma- ximè, haud equidem ferre potuiſſem. At ferendus, tum ego, vel invitis erat. Hic Balbus: Anne, inquit, ex eo elegantes illas Diras, iſtum adverſus morem concepſti, quas tandem in Navalibus produxiſti: adeo mihi placuerunt, ut etiam verſus teneam. Cui ego: Rem ipſam putaſti. At Meccœnas: Recites: quaſo, Bal- be. Cui licet: Geram hunc tibi morem: eſi id poetæ veſtri ingratius fieri certò ſciam. ſed det mihi veniam: & tibi, cui multum debet, gerat vel ipſe morem. Sta- timque recitavit:

*Major ac interdum tibi, Dux Romane, timenda
Pernicies eſt illa; furens ne barbarus ira,
Nempe ignominias, & victi nomina ferro
Impatiens, pyram ſubjecto fomite cellam
Incendat: riſuque fero, atque immanibus anſis
Devoveat ſeſe Diris, & vindicet igni.
Hoſtis non palma victor potiatur, iniqua
Sorce amat oppetere, & vivum ſe tradere flammis.
Victorem, victumque pyra comburiet una,
Eſt aliqua & victis victoria. Quis furor? aut que
Humanaſ tantum vexat dementia mentes?
Tantum & vindictæ ſtimulus mortalia corda
Torquet agens: Verùm non hac conſtantia fortis
Eſt animi, rerum discrimina nulla timentis,*

*Quæ fortuna ferat contraria, quæ varians Mars:
 Sed timidi, imbellisque, acri qui pectore non se
 Exsuperare valet, fatumque assurgere supra.
 Quippe inimica premittit cum sors, casusque sinistri,
 Haud equidem vitam misero contemnere multum est.
 At virtus animi fortissima, robur ahenum
 Pectoris, arbitrium sortis perferre: neque unquam
 Casibus adversis frangi: generosus & ille est,
 Qui valet esse miser, scavamque evincere sortem.
 Sed quid de tali virtutem pectore quaro?
 Cui non humani sensus, cui nulla feroci
 Est pietas innata animo: riget aspera tantum
 Barbaries, & bruta rigent rabiesque furorque.
 Dicite crudeles gentes, quæ lacte ferino
 Pavit Hyperboreis genitrix vos seva sub antris?
 An Pistris fuit illa? an Pistris immanior Orca?
 An qua subjectos vos despicit Ursa? maligni,
 Credo equidem, rigor ille poli morem indidit atrum.
 Ni forsán permixta Erebo, & caligine cæca
 Vos aterna sinu Nox obsita fudit: & ipsa
 Eumenides genitos vos excepere sorores?
 Quæ mox angineo lactantes ubero, iniquum,
 Immanemque animis instillavere furorem:
 Quo sensus crevere truces, & barbara corda:
 Digna parente Erebo, Divisque altricibus illis.
 Vulcano quibus est potius flamman te cremari,
 Quam sic victori fasces submittere: & aquo
 Ferre animo, Mavors, & sors quacumque paravint.
 O precor! o miseri! Stygios dediscite mores:
 Quos non Hircana, quamvis feritate potentes,
 Non Libyca coluera fera, non Dipsades, & qui
 Æthiopum rabidi vastant deserta dracones.
 Naturam vestram induite, & revocate relictam.
 Formam hominis, revocate animos, communia vos à
 Iura.*

Iura.

Juraque Natura moveant, legesque Deorum.

Ut recitavit, quamplurimas, inquit Mæcenas habeo tibi gratias, Balbe, quod istis me versiculis demulxisti. meque intuens, Perge porro & pugnam illam enarrato. Tum ego: Ubi primum Batavorum naves adventare præfectus animadvertit, armari illicò omnes jussit, atque ea expediri, quæ ad repellendum hostem necessaria ducebantur. potior verò, atq; impensior cura circa tormenta fuit, quibus longe distinguere Batavos posse arbitrabatur. magno igitur concursu in inferius tabulatum itum est. Ex his verò, qui in superiore permanerant partim sclopiis, partim hastis præmuniti: partim ad regenda vela concesserunt. At prius quàm omnis multitudo in diversas se partes divideret, hac ferme oratione ad pugnam præfectus incitavit: Si paribus nobis armis decertandum esset, haud equidem in præsentia vos, socii, ad incundum certamen inflammare oporteret; quando vestra pluribus mihi cognita experimentis virtus est. Siquidem ostendistis sæpè quam fortes vobis animi, & in pugnas paratissimi. quia verò & numero navium, & bellico apparatu nos hostes superant, idcirco vestri accendendi sunt animi, ut fortiores effecti, virtute numerum, instructumque pensetis. neq. id, quod nunc à vobis efflagito novum est. demonstrastis enim non semel, quam valida virtus sit, cum in angustiis versatur, & quantum crescant animi, cum in certo se periculo constitutosprehenderunt. Quocirca sic vobis statuite, ut hodie vel maximè præstandum sit, quod alias tanta laude præstitistis. vel igitur nova victoria relatum decus cumulandū est, vel honesta morte occumbendum. Vix hæc locutus, plura tempus non patiebatur, signum dari jussit; navibusque in trianguli formam instructis, adveptantes jam hostes opperiebatur. His

amicus me admonet , ut in ultimum tabulatum descendere , ibique in tuto pugnae exitum expectarem. Cui ego: Næ ipse lepus, qui in caveam me coniciam. Hac in puppi cum reliquis in casus omnes stare mihi certum est . condamque me in Numinis sinu, ubi tutissimus conquiescam. Hoc loco Meccenas: Laudo, inquit, constantiam, atque animosum pectus quod ab illa ætate minimè expectabam . At illud unum, tum ego, non parum mihi animum torquebat, quod nullus inter tot heterodoxos catholicus Sacerdos esset qui me per sacram confessionem expiaret. Hic Balbus: At non certò, quod unum restabat, atque in te situm, prætermisisti? Cui ego: Intellego . non omisi certe. sed in genua accidens, quo majori potui animi dolore, veniam à Deo enixè precatus sum.

Sed jam reboare fulminalia incœperant . etenim ubi primùm Batavorum prætoria intra teli jactum esse videbatur. explodi hostilis præfectus tormenta iussit . Explosaque illico ad triginta, tanto fragore, ac sumi nimbo, ut mihi erupisse Æthnam visum sit . At quoniam vel revera intra ictum non dum venerant, vel præ nimio maris æstu rectà collimate non poterant, ictus fere omnes incassum ceciderunt . Cum verò latus hostica navis obverteret, ut reliqua in nos tormenta exoneraret, nostra suas bombardas explosit. mirum sanè, & ego miraculi loco duxi, quæ longior præ cæteris erat, directò in clavum pilam tanto impetu evibravit, ut in plures illico partes perfringerit . quo casu veriti hostes ne ventorum arbitrio intransversum ageretur, vela illico demisere . reliquæ vero Batavorum naves prætoriarum timentes, ad illius se auxilium converterunt . Nos interea fortuna usi, & vento, qui jam vehementior spirabat, in altum cursum defleximus Hostes quia nos assequi desperabāt, & jam
ingen-

ingentem instare tempestatem videbant , Messaniam
se iterum receperunt . Ego perquam lætus quod sine
periculo tam curioso spectando interfuissem , gratias
Numini egi quam amplissimas : precatusque , ut que-
madmodum cæperat, navigationem illam fortunaret.
Hoc loco Mæcenas: Gratulor , mi Parthenie , te ex
alea illa quam maximè periculosa feliciter evasisse. &
ni me fallo, tum navalis belli rudimenta posuisti: quod
jam tradere facili tuo illo carmine, cuius modo Balbus
mentionem fecit , meditaris. Cui ego: In ea ætate de
hoc ne cogitaveram quidem . est tamen nunc , fateor,
maximum incitamentum . At nos ex irato Marte , in
furentem Æolum, turgidumque Neptunum , nempe è
patella in prunas , ut ajunt, incidimus. ingens dere-
pentè tempestas exorta est: tantoque nimborum appa-
ratu, ut brevi nos absorptura videretur. & sane quam
horrendum erat videre ærem identidem coruscare,
atque exardescere, fremere Oceanum, atque immani
æstuantium undarum volumine, ac geminato, nunc in
cælum attolli, nunc scindi, ac reboare, nunc in Tar-
tara resorberi: densissimas cogi nubes, inque nigerrimâ
se noctem cælum inducere: audire ingentes tonitruum
fragores, fulminum ictus, ac ventorum conflatus
perquàm horribiles. quin & ipsius maris interminatus
prospectus (qui enim extremi cernebantur , montes
nubes obduxerant) terribilis maximè , ac formidan-
dus erat. Hic Mæcenas: Quid tu, inquit, in tali rerum
statu? Cui ego: Jam me susceptæ peregrinationis cæ-
perat pænitere . verùm quia jacta jam alea , revocari
non poterat , quod dura necessitate impendebat , fe-
rendum virtute arbitrabar. & ne rimori succumberem,
certis animum stimulis erigebam. sed ne feramur ex-
tra lineam; nam si sic serò domum redibimus; & ego
defatigatus penè sum . Tum ille subridens: Ne dubi-

res, constitutos præteriri terminos non patiar. ut convivii magister, penes quem negotium, nos admonuerit, pransum ibimus. si verò brevis futura non sit coqui mora; velim illam æqui, bonique consulas. faciet enim id vestrum gratia. Cui tum ego: Nolo tecum officii contendere, utqui impar iusta retribuere. quocirca geram tibi etiam ea in re morem: etsi à lautiore convictu non parum abhorream. Verùm his prætermisissis; redeo ad propositum. Præfectus vir magni animi, & tempestatibus exercitus, suprema confestim vela demitti, atq; uno artémone relicto, violentissimum accipi ventum iussit: & quoniam hinc Libycus, illinc Thracias mutuo occurso conflictabantur, modo hæc, modo illæ obliquare sinus cogebamur: adversisque ex partibus irrupentes undas excipere. Quia vero jam navis aquam haurire cæperat, ad antliam, ut illico egereretur, magna festinatione itum est. Postea verò quam solidum in ea diem perturbatione, periculoq; transduximus, quod minimè sperabamus, evenit. nam cum, occidente Sole recrudescere venti soleant, tum è contrario remissa procellæ vis est. exortoq; ex improvviso Borthapeliore, qui præterito die sibi maris imperium vindicaverat, vela iterum placidissimus intendit. tùm gubernator in Hibernum Orientem, ut ratio postulabat, clavum convertit. & quamvis magnus esset undarum æstus. magnumque mihi fastidium crearet, prospero nihilominus cursu tota nocte navigavimus. Hic Meccenas sic me interpellat: Haud equidem ea tu nocte oculis somnum vidisti? Cui ego: Quis crederet? tanta lassitudo fuit; ut cum brevi cœna ex nautico pane, nauticoque ritu apparatus, aceto nimirum, oleoque imbuto, me refecissem, statim con dormivi. imo perpetua illa navis agitatio, cui jam assueveram, conciliare mihi somnum visa est.

Manè

Manè insequentis diei, ubi expectatus, in supremum tabulatum ascendi, miram cœli serenitatem, ac pacatiorem jam factum Oceanum summo gaudio cōspexi. perflabat idem ventus, nosque felici, ut optabamus, cursu deferebat. Ego amicum rogo, ubinam eo puncto versaremur? Et ille: In apertissimo Ionio: & ut nautę coniciunt circiter quinque & quadragenas longitudinis partes. Et ego: Sed qua in latitudine? Ille verò: Id ipsum indagare jam gubernator adnuitur. Eamus, tum inquam ego: aveo enim inspicere quas id ille arte perficiat, & quo instrumento. his etenim in studiis me aliquantulum versatum non inficior. Itum igitur in puppim est. Hic Gubernator collocato in superiore parte quadrante Geometrico perquam amplo, ac Solis altitudine indagata, se conicere affirmabat nos juxta quinque & trigessimas latitudinis partes versari. Interea loci, qui in specula vigil excubabat, se navim videre admonet, eque æstivo oriente vela quàm per obliqua facere. Tum ego: Faxint superi ne iterum nobis pugnandum sit. illa tamen me cogitatione solabar, quod facile ex una navi victoriã reportaremus. tandem duabus, non amplius clepsidris exactis, obviam illam habuimus. erat autem, ut ex vexillo statim deprehendimus, Veneta, quæ nos gemino tormentorum ictu salutavit: nos pari illam officio complexi sumus, mox dimisso lembo, quo ex portu solvisset, quidve afferret novi? interrogamus. Veneti se ex Cypro navigare, nec nisi Cydonia transisse, nullosque in piratas incidisse: nec nisi Gallicum inter navigandum myoparonem longè conspexisse. Quibus cognitis, cursum per eandem plagam, Rhombum novi dicunt, totum eum diem continuavimus. Sub vesperam languescere ventus cepit, ac pacatior maris æstus resedit: quocirca totam mox noctem sum-

ma quiete, placidissimoque cursu vela fecimus. Prima sed jam ferrugine illucescente, illud Crete promontorium conspeximus. quod Arietis frons dicitur, cujus ego aspectu quam maximè delectatus sum. ut autem vento Cretenū è litore perflante uteremur, universam eo die insulam radimus. Inclinate die cælum rubescere, idemque Apeliotes vehementer spirare coepit, idcirco, velum in eum dedimus. quo ea nocte usi, & secuto mox die, circiter IV. à meridie, in Alexandriæ conspectum pervenimus. Hic jactis juxta Pharus anchoris, in navi pernoctavimus. At ea mihi nox tam proluxa visa est, quam quæ proluxissima: tanto nimirum desiderio flagrabam videndi principem olim urbem, non modo Ægypti, sed totius penè Africæ: & Nilū in primis, de quo plura inaudiveram. Atque in hoc sermonis articulo convivii magister supervenit, monetque prandium jam esse instructum, cuncta edulia esui matura. Tum Mæcenas: Eamus, ne longiori mora cibi corrumpantur. à prandio quæ tibi Alexandriæ acciderunt, lubentissimè audiemus. omnes igitur illicò assurreximus inque proætionem ubi mensa instructa erat, ire pergimus.

C A P U T IV.

*A prandio dum ad otium cum Mæcenate confeditur,
plurima de Alexandria, quæque ibi Auctori
visa, quæque mira acciderunt,
exposita.*

POSTquam lautissimè apud Mæcenate tractati sumus, miratique hominis tum in conversatione affabilitatem, tum in convivio munificentiam, quæ præcipuè illius dotes semper fuerunt, Age sis, inquit, & quid

& quid tibi accidit Alexandria, quæque in ea observasti, exprome. etenim cum dies non sint adeo longi, illos brevi somnulo diffindere non est necesse. Cui ego: Et si mihi mos sit brevissimos etiam dies, quales hiberni sunt, per quam modico sopore meridiare, tamen abstinere nunc ab ea consuetudine, ut tibi inserviam. At ille, ut qui humanitate limatissimus: Nolo, inquit, ne minimum quidem tibi incommodi offerre. eamus ergo ad meridiandum. Cui ego: Ne quæso facias, nam mihi ingratam rem facies. neque id vel leviter nociturum. Nec plata, narrationem exordior. Benè mane lembus ex urbe, in quo Turcas quidam inspector, ad nos venit. inq. prætoriam statim insiluit, rogatq. præfectum, unde veniret? quas merces, quos homines veheret? nam ex vexillo Britannos esse deprehenderat. Hic Mecænas: Callebat ne præfectus Turcicam linguam? Cui ego: Minimè. Sed Turca Gallicè loquebatur, quo sermone Britannorum plurimi, & hi præcipui, qui mercaturam exercent, utuntur. Cùm autem Præfectus se ex Britannia venire, perque Italiam transisse, & quas merces, quos secum homines advexisset, significasset, ille statim facultatem dedit, ut quibus libitum, in terram descenderent, urbisque commodo uterentur. Statimque in portum se recepit, cuncta ad urbis præfectum relaturus. Nulla igitur mora interposita, atque in portum nos etiam, tenui perflante aura, devehimur. Mox ego, & amicus qui cum veneram, in litus insilivimus, cæpimusque urbem circuire. At vix paululum progressi, Æthiopem obviam habemus. quem statim ac vidi, me alias vidisse memineram. sed ubi, & quo tempore non satis recordabar. atque ob id, ut in tali casu sit. attentius illum inspiebam. & ille ac si me alias cognovisset, in me oculos attentissimos habebat. eandem Italico sermone

mone exclamans, ille, ille equidem est, statimque ad-
volans arctè sibi complexus est. Hoc loco Mæcenas:
Res ista, mea oppidò ac curiosissima, cedo, quid ran-
dem? Accipe tum ego: rem edisseram ab ovo. Meus
genitor mancipium coëmerat Æthiopem genere, atq.
ex jis, qui sub Ægyptum incolunt. hominem adeo
frugi, ac tam bonæ indolis; ut verè ex illis esse vider-
etur, quos inculpato Homerus vocat. Domi apud
nos decem annos vixerat, tanta vitæ innocentia, ran-
ta integritate, tanta item sedulitate, ut major deside-
rari non poterat. me una cum fratre, quem pestilencia
sublatum jam dixi, quotidie in scholam ducebat,
indeque domum reducebat: tanta diligentia nos tem-
pestivè admonens, ut nunquam negligentia nos ludi-
magister reprehenderit. tanta verò a nobis mode-
stiam exigebat, tantam linguæ continentiam, tantam in
discendo solertiam, uno verbo: tantam nostræ edu-
cationis curam gerebat, ut parens alter videretur.
quocirca unicè à tota familia diligebatur. Una tantum
in homine noxa, & capitalis quidem illa: nunquam
enim, neque ratione, neque admonitione, neque ullis
unquam blanditiis adduci potuit, ut Maumethe eju-
rato, Christo nomen daret. ut sæpenumero quamplu-
rimi viri religiosi, qui illum convincere certis argu-
mentis conati sunt, luserint operam. Hoc loco Balbus,
cui ingenium peramcenum erat; Quid mirum, inquit,
Æthiopem lavabant. Tum Mæcenas: Argutè, & falsè
dictum. at miseret me hominis, cui id decrat, quod
virtutum omnium origo est: & quo sine, cæteræ quan-
tæcumque illæ sint, nihil omnino prosunt. imperseru-
tabilia sanè Dei judicia, quæ nos homunculi assequi:
nullo modo possumus. Sed age. quid tum postea? E-
go: Cum tot annos servivisset, manumissus tandem à
meo patre, imò etiam tanta pecunia donatus, quantæ
satis

satis esse videbatur, ut in Ægyptum deferri potuisset. Atque hic ipsissimus ille erat, qui tum me complexus est: memorque præteriti beneficii vices rependere satagebat. Hic Mæcenas; oblata quando occasiuncula, patiamini, quæso, inquit; ut memorabile hoc loco exemplum referam, quo maximè accendi, incitarique animus possit, tum ad faciendam gratiam, tum ad retribuendam: quo vita hominum, mutuaque societas fulcitur miro modo. Cui ego: Imo rogamus, ut lubeat. nec quidquam evenire gratius isto potest. Et ille: Nō vi hominem Germanum genere, sed ab ipsis, ut ajunt, unguiculis apud Polonos educatum, qui nobili loco natus, & corpore, & ingenio pollens, militiam simul atque à puberibus excessit, secutus est: cumque multa tum prudentiæ, tum fortitudinis argumenta exhibuisset, Leopoli, eo tempore præpositus, quo Turcæ, capto Caminecio, universaque Podolia, toti Poloniæ imminuebant. Mox victi celebri illa pugna ad Colſinium, de pace agere cæperunt. Sic enim barbari illi sunt; ut victi facilè consternantur, ubi verò timorem excusserunt, iterum insolescant. optimum idcirco consilium tum eos urgere, ac premere vehementius, cum ingenti clade fracti, animos despondent. Missus igitur Leopolim de pace acturus legatus, quidam ex infimo penè ordine, ut gentis mos est, quæ nulla superbior. At quia hyems recurrebat, & iter illud maximè lutosum, Leopolim tandissimè, largo perfusus imbri, multoque sordidus luto fecialis Turca pervenit. Præfectus, quo de modò dicebam, vir comis, & ad demerendos sibi barbarorum animos factus, illum domi suæ excepit, statim calida lavari jussit, calidisque foris pannis conquiescere. deinde, ut recreatus, elegantissimo convivio exhilaravit. quin etiam apud se omnes eos dies esse jussit, quos Leopoli, ut pacis primæ poneret fundamen-

damenta, tranſegit. ad quam ſanctendam magno Polonorum commodo multum illa Præfecti urbanitas juvit. quæ tam potens natura eſt, ut vel barbaros etiam homines conciliet, atq; efficiat mixtiores. tandem non ſine munere diſceſſit.

Præfectus pacta mox pace, cum nec pares à Polonis gratiæ, nec ſtipendia ſolverentur, Sarmatia exceſſit: inque Italiam ſe contulit. dum verò Venetiis viſendæ urbis gratia ſubſiſteret, illud animo votum concepit, cujus prætextu miſſionem petiverat, ut nimirum Jeruſolymam ad venerandum Servatoris noſtri tumulum ſe conferret. Sæpe cadit, ut concepta ſimulata pietate vora, rite deinde perſolvantur: nempe in religionem ſuapte natura pender animus, & divinus, atque immortalis ille cum ſit, erga divina, atque immortalia ſummo opere afficitur. Conſenſa igitur navi eundem, quem tu curſum tenuit: niſi quod non Alexandriam ſed Canopum eadem appulerit. Hinc in Principem Ægypti urbem, ubi Turcicus Prætor, Baſſam barbari vocant, juſ dicit, delatus eſt. Quodam die dum urbem circumluſtraret, magnum liſtorum clamorem turbam ſummoventium exaudivit. ſeiſcitatus quid rei eſſet? adventare Prætorem cognovit: ſubſtitit illico, pompam illam barbari præſidis viſurus præſtant prætoriani milites Turcico more armati, duobus veſtibibus, ſequébatur Arabico equo invehctus Prætor, qui Germanum conſpicatus, attentèque inenitus, acciri hominem juſſit, datique in prætorium. Germanus ubi ſe evocari à Prætore cognovit, & ſi magni animi, in ancipiti tamen timore fuit: quid nimirum ab ſe barbarus homo veller: paruit tamen, nec ſecus facere ei liberum: atque illico perrexit. Ut venit in ſecretius conclave, uti prætor mandaverat, introductus eſt. Hic Prætor noſti me, inquit? Et ille

com-

comminus intuitus; Ni mea me, inquit, opinio fallit, memini te alias vidisse, sed quo loci non satis teneo. Tum Prætor: Dicam ego, cui tenacior memoria. Ille ego ipse sum, quem tu Polonico bello, tanta Leopoli humanitate, tanta benevolentia complexus es, cum æsturus de pace, illuc pluvia benè madidus, lutoque conspersus pervenerim. Non tu ille, qui tum præsidebas? Cui Germanus: Ita enim verò: gratulorque quod hie te ego tanto in honore conspiciam. At Prætor: Me, quando apud nos, non natales, non favores apud Principem locum habent, sed egregià facta, quibus quilibet sibi nobilitatem, ac favorem parit, meæ virtutes in hoc honoris, potentiaque fastigium exere. quod apud vos rarò accidit; etsi cultiores vos esse iactetis, quibus nescio quæ majorum nobilitas, & favor amicorum, quam veræ, solidæque virtutes, plus æxtimantur. Sed gratias forei habeo, quod in hoc me gradu collocaverit, reque huc advexerit, ut accepti olim beneficii, cujus non mihi excidit memoria, grates rependere tibi valeam. quocirca quæso, ut indices in quo juvare te possim. faciam lubentissimè. statimque afferri quædam ad id parata munera, quibus eo loci vestigio, ac temporis donatum voluit. jussit insuper certa in domo liberaliter tractari: nam apud se hominem retinere gentis ritus non permittebant. Ille cum Prætori gratias egisset, tria petijt: primum, ut sibi sua facultate liceret in Palæstinam ire: secundum, ut ipse Religiosis hominibus ex D. Francisci familia; qui sua sub ditione erant, faveret, & qua posset opè opitularetur. tertium ne unquam in Poloniam armatus rediret. Tum Prætor subridens, primum, ac secundum, quæ in mea sunt potestate facile impetrabis. tertium quod in Principis voluntate situm, spondere non possum. Quia verò optimè noverat, quo Germa-

ni

ni petitio spectabat ; ut nimirum magnificè de sua virtute sentire videretur , quod si tamen , adjunxit , penes me erit, haud equidem committā, ut fortissimos Polonos laceſsam. Nec plura: hominem benevole dimiſit . Uſque adeo collati in tempore beneficii numquam vel in barbaris memoria obliſatur. At tu perge porro : nam quid ſimili abs tuo illo frugi Æthiope expecto . Cui ego : Haud equidem falleris . accipe igitur, quando audire tibi eſt animus Ut me complexus, ac paterna charitate oſculatus eſt (quod etſi mihi inſolens viſum; tanto tamen impetu advolavit, ut vitare complexum non quiverim) ſtatimque in lacrymas prorupit & tanto gaudio, quaſi redivivum filium obviam habuiſſet . ubi verò ſe tantisper continuit, quid, inquit, Dominus meus Alexander? eſtne in vivis? Ego cum Patris nomen audiviſſem, primo expavi. mox veteris mancipii recordatus ; Tu ne, inquam , noſter ille Achmetes ? Et ille: Ipſiſſimus. ſed age quaſo: nam hic me ſtimulus pungit, vivit ne meus Dominus Alexander ? Hic ego cum illa lacrymari cepiſſem, ille inter gemitus, & lacrymas exclamans, Me miſerum, inquit, ſatis teneo illum fato conceſſiſſe. Mox ubi mutuis lacrymis modus aliquis eſt factus; omnem meæ familiæ tragædiam breviter enarraſi. qua ille audita ſummopere indoluit . meque rogat , ut apud ſe diverterem. eſſe ſibi domum, & tantam rem domesticam, ut mihi ſi non pro merito , pro tempore ſaltem poſſet aliquo modo inſervire. ſequæ ſuperis maximas gratias agere, quod præſentem occaſionem præbuiſſent, qua teſtari erga noſtram familiam gratum ſuum animum, & memorem beneficii . ſmo gratiſſimum ei futurum ſi toto eo tempore , quo Alexandriæ commoraturus eſſem, domo ſua , ſuoque miniſterio , quod mihi exhibere ſummopere cupiebat , liberè uterem . Ego quia ſatis

per-

perspectam hominis fidem, atque in nos officia: implicatumque habebam maximo beneficio, libertate scilicet, qua patris benignitate donatus fuerat, penulam scindi minime passus sum. At id amico grave fuit, tum quia in suam fidem, ac clientelam acceperat; ac proinde apud se me esse volebat: tum quia barbaro homini minimè fidendum esse arbitrabatur. At ego satis jã maris pertectus, & navigii agitatione turbatus, in meam illum sententiam adducere adnissus sum. inquam tandem venit, captus tum humanitate Æthiopis, tum candore, quem ille non ore, sed animo præferebat. mirum oppido: quando apud nos inversi reperiuntur Æthiopes, qui animi colore, non vultus nigricant. cùm igitur uti veteris mancipii hospitalitate decrevissem, unà cum Britanno amico Æthiopè sequor. qui non multis passibus in suam nos domum deduxit. Erat hæc ad occidentalem Nili ripam posita, situ & amœno, & comodo; cui ad dexteram hortus erat non admodum amplus: sed tum domus, tum hortus elegantissima supra hominis sortem. Erant domi filius, cui Achmetidi nomē, & Ægyptia nurus: uterque textoriam exercebat. Vix venimus, cùm statim Achmetes, quis ego essem, filium, & nurum docuit, qui illico accurrentes patrio more venerati. mox ad accurandum prandium discesserunt. Hic Meccenas: Miram oppido voluptatem ex tua ista peregrinatione percipio. Age sis igitur, quid vos interea? Et ego: Pro foribus sedimus ad Nili ripam, cujus ego aspectum mirum in modo delectabar. dumque sic otiosi confidemus, Achmetem rogo curnam non in patriam redisset? Et ille: Audi, quæso, res est tam mira, ut operæ auribus sit percipere. A tuo genitore, cujus ego sine lacrymis vix recordari possum, libertate donatus, Messanam primùm tenui; deinde Ligusticam navem

Alexandriam petentem, subivi. qua dum navigarem, in piratas incidi, à quibus omni auro spoliatus sum; vectusque Rhodum. hic Æthiops quidam præerat. quem statim conveni, & quid mihi accidisset, edoceo. ille miserrus popularis sui, iussit universa mihi à piratis restitui. nec mora, reddita illico, & si ab invitis fuit. Erat Æthiops vir rigidæ indolis: cujus voluntati adversari capitale erat. Et sanè cum infamis illiusmodi facis hominibus rigidus sis, oportet. Stabat in anchoris Rhodio in portu Græca navis: ex Chio insula, quæ onusta merèibus Canopum brevi navigatura erat. quam venia à Prætorè impetrata, conscendi. post biduum vela fecimus Canopum petentes. Verùm vix altum tenuimus, cùm orta de repente perquam horrenda tempestate, in Libyam, non sine periculo, delati sumus: ac Parætonium salvi subivimus. Hic ego, quoniam navis pene dissura, & jam summopere tenderet maris, terra iter aggressus, Alexandriam veni: atque in hanc ipsam domum primum offendi: rogoque filiū, quem minime agnoscebam; ut quando Æthiops ipse esset, popularem suum ex longo, ac difficili itinere lassum hospitio reciperet. annuit ille benignissimè: ac me statim perhumaniter tractavit. Dum post cœnam confabulamur, omnem illi meæ tragœdiæ historiam enarro. Ille dum patriæ urbis, dum patris nomen, dum certa quædam signa recognoscit, in amplexus confestim ruens; Tu, inquit, meus pater, & hæc tu nurus hic ego quanto gaudio correptus sum; ex te colliges. Cui ego: Intelligo certè & tantam tibi felicitatem magnopere gratulor: Deoque gratias ago quam plurimas, quod tantum tuæ probitati dederit, moribusque candidissimis. Et ille: Id tui patris merito factum; ut nimirum haberem hic ego, quo te excipere, atque exiguas licet vices rependere potuissem. At hæc cum

cum diceret, adest nurus, nunciatq; omnia in promptu esse; quocirca assurreximus, inque superiorem domus contignationem ascendimus. hic modica mensa, sed elegans instructa Italico more erat: inque mensa duæ tantum sediculæ, in quibus ut luberet sedere, perurbanè nos Achmetes rogavit. contra ego illum rogo, ut ipse, & nurus nobiscum sederent, satis esse si filius ministraret; scire eum me priscis moribus institutum, nec ulla re magis, quàm nativæ simplicitate gaudere. at nec ratione, nec precibus adduci potuit, ut vel ipse, vel saltem nurus accumberet. debere se, suosq; omnes ea in me officia, quibus beneficentissimos prosequi dominos natura vellet. Dum ergo ego, & Britannus comedimus, ipse cum filio, & nuru perquam familiariter, ac benevole ministrabant. Erat autem nurus modestissima mulier, atq; urbanissima, & sermone, ut ex gestu coniciebā, non invenusta. Hic Mecænas: Quid vobis, inquit, apposueret? Cui ego: Ovum decemenum sorbile, deinde oryzam scitè coctam, & butyro imbutam, perquam tenerimum caponem elixum. assos post hæc palumbos delicatissimos intulere. pro secundis menüs, Ægyptias caricæ, ac dactylos suavissimos. Tum Mecænas: Satis laudè pro conditione hominis. At Balbus: Non vobis, inquit, oleraceam pulcem apposuit? Cui ego subridens: Bellè tu quidem. voluisse nec colicolas, vel brassicam capitatam? sed ista Neapoli invenies, ubi herbaceos homines, herbaceæ voluptas tenet. cæterum aliis in regionibus pecudes herbivoræ, non homines. Et ille: Itane perhonorificè de tuis sentis? Et ego: Sentio, ut res est. solidos homini natura cibos paravit, in quibus plurimum succi, ac nutrimenti est: non verò levissimos illos, in quibus nihil prorsus, nisi excrementitius humor subest. Sed mittamus istæ: neque extra oleas ferri tem-

pus finit. viden ut advesperascat ?

Ut nos abundè pasti , ad prandium ipsi concessere. Interea ego & amicus ad fenestram , quæ ad Nilum patebat, confidimus . multaue de eo amne cum Britanno habui : & me mirari , quod minimè eum esse fluvium reperissem, quem fama, totq. scriptorum monumenta referebant . atq. in id sermocinationis rediens Achmetes offendit . quem & si invitum nobiscum sessum recepimus: mox ita interpello; Miror Achmetes, quod adeo tenuis Nilus, nec patiens navigiorum , quem tamen maximum fluviorum fama canit. Et ille : Hic, inquit, non Nilus, sed perexiguus illius ramus , atque hùc arte ductus . & quia per universam urbem ad domestica ministeria derivatur, exilis admodum in mare influit. Cæterum Nilus non septem, ut prisceis temporibus , sed quinque in mare ostiis se exonerat . ex his Canopicum amplum, & navigabile: hoc ampliore alveo fluit Pelusiacum; reliqua tria naves non ferunt. Verùm si tu illum juxta Alcaitum videres augeret oppido conceptam de se opinionem. ibi enim totus fluit, alveo quam amplissimo. Hic mihi magna incescit cupido illius urbis, atq. universæ Ægypti perlustrandæ. quo circa statim hominem, quæ via duceret Alcaitum, interrogo. At Britannus : Omitte, inquit, scitari ea , quæ tuæ ætati minimè conveniunt. mox cum me Achmetis fidei commendasset , ad suos revertitur, me crastina die conventurum spondens. Interea loci, dum hæc dicerem, adest ephebus, monetq. me ab auriga vocati; tum ego ad Meccenarem, Quoniam tardissima hora est, & quasi ultima , quæso, ut liceat per te mihi Neapolim reverti. quæ supersunt, & plurima quidem illa , alias narrabimus . Ille: Fac ut tibi lubet: sed propediem te restituas, & primo mandè ut totum apud me diem feriatus agas. & socio suo isto
ado-

adolescente, cujus mihi mores acceptissimi. Hoc loco Balbus gratias plurimas viro tam benevolo, quam qui maximè humiliter egit. mox si quid Neapolim vellet, rogamus, ill. coque discedimus.

C A P U T V.

Occasione à Nilo dedida, quasitum undenam fontes, fluuiique orirentur, ac tanta perennitate fluerent.

Q UODAM die, qui festus erat, benè manè me janitor vocat, monetque esse ad januam quadrigam Comitum Acerratum: meque aurigam unà cum expedito famulo præstolari. tum ego interpretatus, quod erat, Lælium accerso: & eamus, inquam, ad Mæcenatem, qui currum suum ad nos misit, ut illo ad BARNENSES ipsius ædes duceremur. Tum Læli. Veniam, inquit, lubentissimè: mitum enim in modum ab illius tam insigni comitate, morumque affabilitate singulari captus sum. facultate igitur à Præside impetrata, ad januam descendimus, ubi Mæcenatis famulus expectabat. qui, ut me vidit, Te meus, inquit, dominus saluere jubet, rogatque ne graveris hoc die, qui festus est, ad se venire. habere plurima, quæ ore tenus dicat. Veniam libenter, tum ego. nec mora, in currum insilio, sequiturque statim Lælius. currusque cortina oclusa, discedimus, dum cursu perquam celeri, sex enim equis spadiceis currus trahebatur, deferimur, ità ad me Lælius. Fortunatus hic nobis dies recurrer, quo tanti viri societate, ac magnificentia frui licebit. quocirca niveo mihi lapillo, lapillo autem? imo gemma signandus erit. Cui ego: Ita vero. & sanè, ut latine fatear, nullus mihi in anno felicior dies, quàm quo ad

Mecœnatem pergo . Credo facilè , tum Lælius . quod autem maximè in homine mihi placet , est summa majestas , cum pari affabilitate , mira eruditio sine jactantia , convictus splendidus sine superfluitate . tantus autem illius erga te amor , ut desiderari major non possit . Hæc vero , & alia uti dicta , ad Mecœnatem tandem perventum est . Illum autem pro foribus hortû deambulantem cœffendimus . vix è curru exilivimus , cum obviam factus , nos , ut solebat , affabiliter excepit . & post mutuâ salutem , in superiorem ædium coactionem ascendimus . inter eundem ita ad me : Heri vespere dum animi gratia Halicutica tua legerem , in illud incidi :

*Sed neque Samblaside , sileam felicia Chratidis
Donæ tui , Truttas , nec qua piscator amicam
Arte tibi Calaber prædam petat . At mihi carmen
Suffice , namque potes , felicior indita quando
Vena tibi , nostrisque volens da rebus honorem .
Dum te Crathis habet regnata ad flumina , & ipsa
Inter lata tibi properant convivium Trutta .*

In quibus versiculis dum liberius immoror , tuumque erga amicos gratissimum animum laudo , allatæ sunt à Vulturno amne , quem propter scis meum esse rusculum , sex Truttæ pinguiissimæ , & majusculæ quia verò quam rarissimè istiusmodi vos pisces obsonatis , ideo te advocavi , ut illis paulo liberius indulgeas . & gratias ago , quod Lælius adduxeris . Cui , tum nos beneficium illud summo loco ponentes , gratias maximas persolvimus . Ubi vero proactionem ingressi , sumus , sedeamus hic in Meniano , inquit , ad amœnissimum hunc prospectum : & dum edulia adornantur , dicamus aliqua de tua peregrinatione . Cui ego : Gera-
tur & hic tibi mos . Ecille : Dum animo versarem Nilum , in quem ultimum aliàs sermonem deduximus , il-
la

la mihi statim orta cupiditas est, sciendi nimirum undenam fluvii orirentur, & cur tanta & quarum perennitate continuò fluere. & quando hic otiosi cense-
dimus, hac de controversia videamus. Tum Lælius: Gratia tibi plurima, inquit, Mæcenas, quod istam in medium quæstiunculam intulisti. rem ego tam abstusam, quàm quæ maximè, scire summopere ave-
bam. Quare age, me intuens, quid de quæstio sentias, exprome. par enim cunctam hanc gratiam viro tui amantissimo, & cui plurimis implicatus es beneficiis libenter facere; Tum ego: Faciam: sed res est satis per-
plexæ, & proluxa nimis. aggrediar tamen, quando au-
dire vobis est animus. At ingens me saxum movere vultis, & ire, ut ajunt, per centum funem. siquidem nihil rã difficile indagatu est in universa physica, quæ de naturis est: ex qua fateor aliquam me voluptionem haurire: nam clamorant illam, atque à sensibilibus naturis abstractam, jis reliqui, quibus & otii plurimū, & litium censerandarū amor est. Ordietur igitur telam pertexere: sed quàm brevissimè, ut potero, ad intel-
ligentiam tamen accomodatè. Vetusissima quorun-
dam opinio fuit, acceptam è cœlo, tum pluvias, tum nivibus aquam per fontes remitti; atque una ex hac oriri fluvios arbitrati, quibus verò id argumentis ef-
ficient, dicam compendio, ut ad alia citius pedem transferamus. Et primò jis, inquiunt, in locis, atque ea anni tempestate, qua frequentiores imbres, effu-
sioresque decidunt, frequentiores etiam fontes, atque uberiores scatent. Sic Galliam, Germaniam, atque his vicinam Italiâ quampluribus irrigari rivis, ac fontibus videmus: & eos hyeme plenior alveo, quam æstate fluere. contra verò jis in locis, ubi aut nullæ, aut rarissimæ sunt pluvie, vel nulli, vel paucissimi fon-
tes, atque hi plerumque deficiunt, quocirca aridas esse

*Æthiopiz solitudines , & rarò admodum inveniri in interiori Libya fontes compertum est. ibi enim cum fervida soli natura sit , non datur humori locus . Imò in Ægypto, ac Peruvia cum numquam fere pluat , rarissimos admodum rivos invenies. Hic Meccenas : At in Ægypto Nilus fluit : qui unus instar multorù est; in Peruvia nescio quem etiam amnem , & magnum quidem illum perlabi perhibent . Cui tum ego: Ita enim verò. At Nilus alienigena , atque ab interiore Æthiopia devebitur: non secus ille, qui litoralem Peruviam alluit, ex montana quæ altera Peruvia est , descendit. Et tum hic, tum Nilus, ex nivibus quæ montosis in locis liquefcunt , incrementa capiunt sua . Atque hinc aliud argumentum existere opinantur : est autem id: aquæ tum pluviis , tum nivibus mirum in modum in fluminibus crescunt, tumidaque ea reddunt; ac veluti alunt : quis igitur ex iisdem principio fieri eat inficias? nempe generantur ex his, quibus mox quodammodo nutriuntur, atque augescunt. Imò cum paucissimi fontes snt, qui æstivo calore, quando in pluvias, ac nives aer neutiquam concrefcit, fluere non cessent: vel si fluunt , tenuissimo vix pede , ac veluti latente, progrediuntur, ut interdum eos ad irrigandos hortos agricolæ quærant, illud deduci manifestò putant : ab his scilicet ortum fontes, ac fluvios ducere suum. Tum Meccenas: Et si id mihi non videatur verum omninò, verisimile quidem certè . Sunt tamen qui hærent animo scrupuli, fac quæso, evellas. Cui ego : Faciam, inquam , si potero. indica tu mihi illos. Quid necesse, ut indicem? inquit ille. tenes quippè. Ego verò: Numnam ipse divinus , qui quos habes in animo scrupulos conjectem ? Tu vates , tum ille : conjectare igitur tuum erit. Tum ego : Utar , uti jubes conjectura : An quia non alius pedes decem humidam se subter humum
aqua*

aqua insinuat? Et ille: Ah! abi divinaſti: id ipſum eſt. Verum iſtuc, inquam ego, nihil prorsus efficere opinantur. magnis enim in montibus vaſtas ineſſe lacunas exiſtimant, imo, & montium ſerme omnium ſinus in immenſos fornices, ampliſſimasque cavernas concameratos, in quas ex altiſſimis jugis pluviales aquæ decurrentes confluant univerſæ. excipi autem illuc per rupium rimas, commiſſuraſque, per quas ſua ſe levitate inſinuant, atque intrudunt. mox verò per rimas alias ex lacunis illis erumpentes ſcaturiunt, fluvioſq. progignunt. Hic ille: Ain' tu? Et ego: Aio enim verò. Nam qui ad eruenda metalla, in penitiſſimos montium ſinus irrumpunt, plurimos in illis deprehendiſſe lacus teſtati ſunt. quin imo in Caucaſo, ex quo ſuum Ganges ortum repetit; in Æthiopicis montibus, ex quibus oriri Nilum compertum eſt, vaſtiſſimas lacunas eſſe, qui ad ea loca proſecti tradiderunt. ex his autem licet de reliquis conjecturam facere. Præterea obſervatum in Alpiſus eſt, ubi frequentioribus rimis rupes hiant, per quas nimirum faciliori aditu interlabi aqua, recipique poteſt; crebriores etiam fontes ſubjectos in campos emicare. ex hoc autem delapſis è cœlo imbris generari fluvios manifeſto ſe argumento conficere arbitrantur. Atqui ſibi facile perſuadeat, tum Meccenas, tot, ac tam vaſtis fluminibus, ac numquam intermiſſo curſu fluentibus tantum ex unis dumtaxat pluviis aquæ ſuppeditari? Ego non certè ſic animum induco. Tū ipſe: At illi vero ſimilius ducunt. quando ex aquis ab unius tantum teſti deliciis pluvio cœlo deſcendendibus grandiffimas impleri lacunas videamus: ex quibus quæcumque ad domeſtica miniſteria haurias, adhuc quod iterum haurias, eſt. Tum ille: Ita vero: non nego. at quæ cum vaſtis illis fluminibus comparatio? Unus Argenteus amnis, ut tu

vocas

vocas (& merito novo fluvio , cujus argenteæ arenæ tale nomen imposuisti) tantum in Oceanum quotidie aquarum defert , ut incredibile penè sit . ostio enim tam immenso pater, ut maris potius , quàm fluminis cognomen sibi jure usurpare possit. mitto Amazoniû , mitto Croceum , (quem tu limato barbaro vocabulo Hoangem vocas) mitto Nilum , Euphratem , Indum , Gangem , & qui Gîs veteribus , Niger id temporis à nigris , opinor , incolis , novis nuncupatur . Qui quidem omnes , etsi longo ab Argenteo intervallo distent , magni tamen per se , magnamque perpetuo cursu in mare aquam convectant. Verùm age , quid tu de horum placito sentis ? Tum ego : Acceptam ab imbribus aquâ , iterum montes per devexa , ac velles in spatia camporum remittere : atque isto modo plurimos ex minotibus oriri fontes , augeri cæteros , atque etiam inundare , in confesso est. torrentes enim hyeme fluunt , & eo tumidiore alveo , quò plures , atque effusiores imbres deciderunt , æstivo autem tēpore ardescunt omnino. perpetuos verò amnes intumescere pluviis , ruptoque riparum repugulo , effundi , lateque omnia diluvio obtuere , nemo unus est , qui neget . E lacunis itidem , in quas deciduæ aquæ coguntur , rivos quosdam erumpere , ne id quidem improbabile . nam ubi aditus per montium hiatus patuit , quid prohibet , ut aquæ illæ non emicent ? universos verò amnes ex his unis procreari , haud equidem ità certum , ut concedam . Id vero ex eo ipso argumento , quod tu ingeniosè , eruditèque protulisti : cui suam inesse vim planè fateor . Quin imo plurimi sunt , & magni fluvii , quorum fontes non è montibus , sed ex campestribus exiliunt , in planitie vero adunari tantum æquæ non potest : quando hæc ad duodecim vix pedes descendat Hoc loco Mæcenas : Sed qui nam isti fontes , qui è planis emicant ?

Cui

Cui ego : Tanaïs, ac Borysthenes, ut reliquos, & eos plurimos missos faciam. At Lælius: Verùm Lucanus, non ineruditus poeta, Rhiphæo è vertice Tanaim descendere cecinit, his verbis.

Qua vertice lapsus

Rhiphæo Tanaïs diversi nomina mundi

Imposuit ripis, Asiæque, & terminus idem

Europa, media dividens confinia terra.

Cui tum ego : Id poeta ex veterum opinione asseruit; & parcedendum ei est; quando ea ætate inexplorata ea loca Romanis erant. Verùm Mæcenas: Hactenus dictis assentior, dilucida quippe. Sed pergamus reliqua: nam res, ut conicio bene longa. Rectè intelligis, tum ego. atque hinc est, quod fusè, atque enucleatè, ut res postulat, differere non possum. contentam tamen præssè, sed dilucidè, ut potero. Complures sunt, quorum dux est Aristoteles, qui concreto ex ære, in aquam converso, oriri amnes, ac fluere opinati sunt. Tum Mæcenas: Magnum sanè momentum istius sententiæ tantus vir affert: cui Cicero post Platonem primas defert: neque tu à Tullio dissentis. Cui ego: Haud equidem fas mihi est, à tanto viro discere. sed tempus est, ut quo id argumento efficiant, videamus Et ille: Istuc vehementer expecto. Arbitrantur igitur, tum ego, Peripatetici eo modo, quo pluviz in ære ex coacto vi frigoris vapore producantur; inque subjectas mox terras aerii quasi amnes delabuntur: ita etiam intra montium viscera fluvios generari, atque effluere. ex eadem nimirum causa quam efficientè vocant, eundem in aquam aerem immutari, perque rimas deinde, hiatusque rupium erumpere; factoque vi alveo per lata camporum spatia, valesque decurrere: quo tandè sese in mare recipiat verisimile quidè Hic Lælius: Patiare, quæso, inquit, ut te paucis interpelem.

Iem. Ego: Imo gratum facies. Et ille: Præ frigore densari aerem, inque aquam abire, quem plurimi hujus ætatis physici negant. nam, ut omittam plura, quæ ad hanc rem conficiendam congerunt, totus hyeme circa terras aer concreveret, inque aquam converteretur. Cui ego: Rectè intelligis. est tamen ratio, quæ istam coactionem fieri persuadeant. Et ille: Audire abs te illam aveo, quod & gratum Meccenati nostro futurum existimo. Tum Meccenas: Imo gratissimum. Et ipse: Dicam illico, sed præse, non Asiatico illo dicendi genere, quo utuntur in scholis, à quarum ut flosculis, ita longo illo, ac tumultuoso ratiocinandi ambitu hic me contineo. Tum Meccenas: Benè facis. pacatam ego istam tuam Minervam summopere amor armatam Palladem degustabimus in Bellicis. Et ego: Sed audite jam. Vidistis, opinor, & quidem sæpè nometo stillatoriam ustrinam, in qua miro artis magisterio è variis herbarum generibus, vinoque, atque aliis humoribus, aquæ, igneique rores educuntur. jam verò quod in hac industria sic artis, fieri etiam in montibus à natura arbitrantur. quæ enim causæ illius extillarionis sunt; eadem in efficiendis fontibus insunt. etenim concava rupium operculi præ se vicem gerunt. quæ quoniam suapte natura frigida sunt, idonea quammaximè ad aerem in aquam transmutandum. infra lacunæ stagnant: & his subter inclusi ignes, qui calore suo sensim aquas attenuant, inque vapores solvunt: qui mox in rupium fornices incurstantes, illico, præ illarum frigore concreverunt, inque aquarum guttas abeunt, extillant, fluunt, atque jam fluvii præterlabentes immurmurant. Hic Meccenas: Ista intelligo: & liquida vel ex eo, quod è montibus plerumque amnes oriantur. Et sanè cum Sebethum, cum Clavium: adde etiam, si vis Vulturum, mente concipio, haud equidem

equidem multum laboro ; ut ita progigni flumina
existimem. at cùm Danubium, cum Nilum, Indumque
& Gangem , omnesque simul fluvios animo comple-
ctor, tum minimè induci possum , ut id mihi persua-
deam . Undenam enim tanta vaporum copia , tantæ
aquæ, tam vasta concava, ut tantis, & tam vastis flu-
minibus jugis aqua suppediteretur ? Cui tum ego: Rectè
autumas . neque ego in hanc ire sententiam unquam
quivi . Nam etsi non inficiar quosdam fontes suam ex
his aquis originem ducere; plurimis quando in locis
extillare rupes ; inque unum confluentes guttas, cra-
teres implere, exundare , ac fluere , compertum ma-
nifestò est. omnibus verò fluviis perenni licet extil-
latione; suffici aquas posse nego, ac pernego. Hic Læ-
lius: At si ea evoluamus, quæ explorata jamdudum sunt,
id neutiquam insolens videbitur. Et primò refert Car-
danus quendam ægrum singulis diebus sex & triginta
urinæ libras reddidisse: cùm vix septem quæ edendo,
quæ porando consumeret. idque per sexaginta solidos
dies . quo tempore , ex subducta summa confectum
MDCCL lotii libras, supra potum , cibumque effudis-
se cum vero de re tam insolenti quæstio intèr phy-
cos haberetur, in eam cuncti sententiam abjērunt: nē-
pe aerem arteriis , reliquoque corpore contentum in
aquam coactum: novoque numquam deficiente, pro-
pter animantis respirationem, novam semper aquam
concrevisse . Traditum memoriæ & illud est , quod
operæ auribus audire, adeo insolens , & portento si-
mile est . Quædam virgo, ex ijs, quæ se Deo manci-
parunt, tantum, præ vigiliis, jejuniis , assiduaque di-
vinarum rerum meditatione ignem in se excitaverat,
ut tota ardere videretur. ad eum aurem ingentem ca-
lorem remittendum copiosissimum natura aerem at-
trahebat: qui mox visceribus concretus, inque aquam
muta-

mutatus, tanta per vesicam copia egerebatur, ut multis hebdomadis, singulis diebus co. urinæ libras emitteret. Jam verò si in unius hominis extis tantus cogeretur, quid mirum, si in tot montium vastissimis visceribus tantus exillare humor densato ex æthere quibit, ut affatim pabula rivis, fontibusque suppedirentur? Cui tum ego: Eruditè, tu quidem, Læli: sed quæ tandem collatio tantulæ urinæ, cum immensa illa aquarum mole, quam universa flumina continuo evolvunt? nulla quippe. Sed age, sis, & pressiori rationatione rem conficiamus: & libentius id faciam, quod placere Mecœnati nostro Geometrica sentiam. neq. ab his tu artibus abhorres. Ita, quæso, tum Mecœnas: atq. id abs te ego expectabam. Tum ego. Sed vos, quæso, ut mihi veniam detis, si duriuscula futura oratio sit. At Mecœnas: Imo ipsi veniam rei damus, quæ elegantiorum cultum non patitur. quin & varietas ipsa pars est elegantiz. & interdum etiam in Venere superbus ille neglectus elegantioris cultus, omni elegantia venustior. Rectè æxtimas, tum ipse: statimque telam, ut ajunt, exordior. Accipiamus, si lubet, Eridanum, qui, etsi ex primis, quos terrarum orbis numerat, non sit; Italorum tamen regem fluviorum suo jure poëta vocat. imo ad veritatem indagandam commodius id faciet. Hic ad ostia, quibus in Adriaticum se sinum exonerat, profundus medio in amne, quæ turgidior, ac vehementior currit, pedes ferme viginti: circa ripas verò non est tam altus: statuamus igitur quindecim, non amplius pedes à summo gurgite ad imum descendere: passus scilicet tres. latitudo inter utramque ripam, ut eruditi tradunt M. passus amplectitur: una hora passus sex mille conficit. quod vel minimum est. Jam verò rationem supputanti manifestum fiet: una tantum hora passuum aquæ, ut ajunt, cubitorum centies octogies centena millia, in Adriaticorum

cum infundere. Jam verò si totam hanc immensam penè aquarum molem unus aër in guttas coactus supeditaret; necellum foret concedere adjacentium circa montium cavernas uni Eridano singulis horis guttarum centies octogies centena millia: quotidie verò millies trecenties vicies centena millia; quarum quælibet, unum cubicum aquæ passum constituat, extillare. hanc autem mensuram explere guttæ vix poterit, si intra unius arteriæ pulsus, nimirum puncto temporis, eëties millies cadat. Verum quis adeò crassæ Minervæ, ut id sibi nullo negotio persuadeat? nemo quippe Hic Mecœnas: Ita proisus: res est apertissima. quamvis in illis tam multiplicibus numeris, difficile admodum sit caput repetire. Cui ego: At sunt quædam alia, quæ hæcenus dictis fidem adjungunt. Et ille: Profer ea, quæso. Tum ipse: Istuc jam ibam. Compertum ex summis scopulorum verticibus, in quibus vel nullæ, vel angustissimæ cavernæ contineri queunt, copiosissimos fontes erumpere. Hi vero extillatione in illis coadunari non possunt. Imo si quæ coacto ex aëre illis in scopulis guttæ defluerent, ex lateribus, non vero ex verticibus erumperent: in quæ micare aqua sua sponte nequit. Hic Mecœnas. Assentior & his. est ne aliud? Illud, tum ego; Ad certam aquæ magnitudinem conficiendam, exempli gratia, palmarem, quadruplus mole aër, quadripalmaris nimirum, succedat necesse est. tantus verò aër per hiatus montium suffuci non potest, nec plerumq; res patitur. Tandem qui è campis exiliunt, hi certè extillatione oriri fontes minime possunt. nam aqua inferius adunata sua se vitollere neutiquam valet, quippe gravis. Interea, famulus advenit, & tempus, inquit, prandendi est. Si ita: Eamus, inquit Mecœnas. de his videbimus post. una igitur omnes assurreximus, inque mensam basilicè instructam concessimus.

CA-

C A P U T VI.

*A prandio incœpta prius quasi iuncula absolvitur, atq.
ab Oceano oriri annes demonstratum. qui verò
fiat, ut in montes emicent, incompertum
esse ostensum.*

POSTquam regia penè lautitie pasti, assurreximus,
inque apriciorem prospectū confedimus: Redea-
mus ad controversiam, inquit Mecœnas, ut tandem
quid certi, statuamus. Undenam igitur repetenda flu-
viorum origo; exprome, si lubet. Cui ego: Morem ti-
bi illicò geram. Plurimi sunt, qui aquarum omnium
parentem, inexhaustumque fontem Oceanum putant.
atque idcirco in eum flumina omnia confluere, ut eo
relabantur, ex quo primum emersere. Hoc Lælius lo-
co; sic me interpellat: At in hac tu sententia: habes
enim VII. Naut. hos versículos: quos patiare, quæso,
ut recitem. & cò præcipuè, quod Mecœnati tuo place-
re sentio: Cui Mecœnas: Ita quæso. Tum Lælius:

*Fluviorum pater Oceanus, rex magnus aquarum
Quique sinus centum, centum fluit aquora circum,
Atque plagas omnes terrarum fluctibus ambit.
Quin subtus terras & præter labitur omnes,
Per cæcos aditus, perque horrida Tartara Ditis.
Ceu toto in tenues diffusus corpore Venas
Insinuat se sanguis, agitque per omnia vitam.
Stagna lacus perhibent, hinc & vaga flumina, fœtes,
Eque cavis quidquid saxis distillat aquarum,
Oceano ex alto consurgere: namque ubi pontus
Descendit magna per crebra foramina terra,
Quà via cæca patet, superas se rursus in auras
Emittit saliens: nam quantum vertice ab alto*

Da-

*Descendit maris unda, salit de gurgite tantum .
 Hinc Tagus auratam voluens cum flumine arenam
 Erumpit, Batisque alba praeinctus oliva,
 Et qui tot terris, tot nomina gentibus Indus,
 Caucaesa de rupe fluens, imponit: & ipse
 Purpurea Ganges unda, Tanaisque nivalis .
 Hinc gelidis venit Oxis aquis, & dives Hydaspes,
 Et Lycus, atque Hermus, fontesque binominis Istri.
 Nilus &, Aegyptum tumido qui gurgite distat,
 Usque cacuminibus Luna devexus ab altis.*

Hic Mecœnas: Id scilicet ex veterum opinione. nam
 hi montes, ex quibus erumpit, non illi quibus à Luna
 nomen factum. Ita vero, tum ego. statimque Lælius:

*Et Gis Aethiopum fama notissimus, & qui
 Spumeus Alpino Vesuli de vertice curris
 Eridanus, sceptrisque potens Tiberinus, & ipse
 Pauper aqua, at multo dives Sebethus honore.*

Nimirum, hic ait Mecœnas, quo à Neapolitanis poëtis
 dignatus est: & inter hos primo loco Virgilium re-
 pono. qui non modo hac nostra civitate donatus, sed
 consul etiam in Augusti gratiam renunciatus. Cui
 tum Lælius: Si mihi liceret, ego in tui gratiam Parthe-
 nium nostrum consulem crearem. nec sanè expecta-
 tionem falleret. Cui ego: Excidisti è curru: redeas,
 quæso, in viam. verùm omitte meos versiculos canti-
 tare: cæteroquin haud notam effugies. Et ille: Nimi-
 rum, ut tibi audulari videar? Sed de hoc non laboro.
 Scio ingenuam Mecœnatis indolem. Cui Mecœnas:
 Recita, Læli; cæterum de consulatu, ut dicam, tanti
 illum Parthenius facit, quanti cassam nucem. Et Læ-
 lius:

*Orbe sub occiduo Panurus, & alta fluente
 Amnis Amazonidum, centum qui flexibus errat,
 Et sata rura rigat lætè felicia centum.*

*Ceruleisque Canada vadis, flauusque Siopis:
Quique mari magno fluit ore, Argenteus amnis,
Et gemmas secum, & nitidas subuectat arenas.*

Ut Lælius recitavit, Num, inquit Mæcenas, quod poëta cantitasti, physicus probas? Cui tum ego: Ita enim verò: neque asylum aliud patere video, ad quod me recipiam. Si ita, tum ille: neque ego dissentiam. At quibus tui argumentis conficias, exprope. Cui ipse: Contendam equis, remisque, ut dicitur. Et primo: Summa quoniam sacris literis adhibenda authoritas est, liceat mihi ex illis argumentum depromere. Æquissimum id postulas, tum Mæcenas: Rideo enim ego illos, qui physicis de rebus cum disputant; ratiocinandi gratia, ut ajunt, ne scilicet impii habeantur, laeras literas, divinam scilicet auctoritatem, sequestro ponunt. quasi prima, & potissima ratio rerum omnium, non ipse earumdem auctor, ac princeps Deus sit. Cui tum ego: Gratias ago ob verbum istud pietatis, & prudētiz plenum. quod ad eorum Philosophorum, quos ego nunquam concoquere potui, impudentiam castigandam plurimum valet. Sed ad rem propius accedo: nimium enim proluxa cū sit, longius ab instituto discedere non patitur. In libro, qui Ecclesiastes inscribitur, hæc notantur: *Omnia flumina intrant in mare: & mare non redundat: ad locum unde exeunt flumina revertuntur; ut iterum fluant:* Ex quibus liquido consequitur, fluviorum omnium parentem Oceanum esse. quare optime Hom. Iliad. xxi.

Οὐδὲ βαθυρρεῖται μέγα θῆνος ὠκεανοῖο·

Ἐξ ὅπερ πάντες ποταμοὶ, καὶ πᾶσα θάλασσα·

καὶ πᾶσαι κρήναι, καὶ φρέατα μακρὰ νάουσιν·

Enim verò si, ut facit auctor, ait, in mare se fluvii exonerant, ut iterum fluant; jam ex Oceano oriri, tam manifestum quàm quod maximè. Et si, ut idem, inquit,

quit, & oculis tenemus, mare non redundat; id statim, quod rectè arbitramur, existit. Nam cum quotidie immensa penè aquarum moles è tor, tantisque fluminibus, èque tantis, diversisque terris, in Oceanum infundatur; jam si hic illam in suum acceptam sinum, nō illico per interiores meatus rursus remitteret, quis non videt futurum fore, ut brevi exundaret? Hic Mecœnas: At huic rationi occurre non videtur difficile. nam cum continuo vi Solis, præcipuè in torrida zona multum aquæ attenuetur in vapores, abeatque in ærem: uti etiam in Naut. VIII. non negas.

*Attenuat quoniam Sol ferventissimus undas
Oceanus magis:*

Jam mirum non est, si Oceanus non intumescat: & ut fluvii faciunt, cum pluvialibus aucti aquis se supra ripas effundunt, litora, terrasque obruat. Cui ego: Eruditè tu quidem. & gaudeo quod meis me versiculis petas. Est tamen, bona tua venia, quod reponam. Ex utroque enim Mundi cardine, Arctico nimirum polo, ut Geographi dicunt, & Antarctico, versus terrarum umbilicum, inque Aquidiale circulum, ut iidem ajunt, aquæ perpetuò descendunt, & continuò pluviis mare augeatur; haud sanè vero videtur simile tantundè aquæ calore consumi, quantum ex pluviis, ac liquatis in utroque polo nivibus, quantum item à fluviis nunquam intermino cursu conferatur. Si enim uti calculo vellemus, rationemque supputare, tantum quotidie in Oceanum aquæ subvectari reperiemus, ut minimè vitari possit, quin hic in terras refundere-
tur. Tum Mecœnas: Ascendior & his, at hic statim in eum scopulum offendo, ex quo declinare summæ artis, summique ingenii est. Qui nimirum fiat, ut aqua suapte natura gravis se se altius attollat, inque editissima montium juga, ex quibus plerumque fontes sca-

D 2

cent,

rent, infiliat. hæ Syrtis, hæ brevia; e quibus si evadipotest, confecta res est. Cui ego: Rectè intelligis. Si enim ex his cautibus patebit effugium, in tuto res est. Varias multi machinas excogitarunt, quibus aquam ex humili, in altissima subveherent. illas, quando lubet, satis, necne? breviter examinemus. Supra terras confurgere Oceanum, ut extima illius superficies, non modo camporum planis, sed montibus ipsius editior sit, nonnulli voluere. quo posito, causam quam expedite reddiderunt. Intelligo, tum Mæcenas: nam ut habes in versiculis modò à Lælio recitatis.

Quantum vertice ab alto

Descendit maris unda, salit de gurgite tantum.

At Lælius Mæcenate intuens: Imo habet id etiam Bell. II. quos versus dum transcriberem memoriz mandavi: Recites, igitur, tum Mæcenas. Atque illicò Lælius:

Has sed supremas liquidis resonantia rivis

Flumina habent: cæcos qua per telluris hiatus

Lapsa mari ex alto veniunt: atque incita rursus

In mare per latas redeunt currentia terras.

Ergo, inquit hic Mæcenas, in hac tu es sententia? Minimè verò, tum ego: altum enim hic mare profundò poëtico more dictum. vel si altum interpretetur quispiam: id ex aliorum placito factum, non meo, existimet. Enim vero, si altior Oceanus statuatur, quis non videret fore, ut hic in terras per ostia fluviorum illico irruperet, non vero in illum flumina conflueret: ejus enim indolis est aqua, ut depressiora semper in loca sua se sponte incitet, & nativis quibusdam stimulis perducatur. Quæ quidem unica est ratio, cur fluvii tam pernici cursu, tanta aquarum contentione in mare se se præcipitent. Id in eo libro, quem de Astronomiæ principiis scripsi, demonstratum & breviter,

ter, & perspicue est. Hic Lælius. Non me fugit: auditor quippe tuus eram, cum tu illum in schola explicares. imo & argumentum teneo. Cui Mæcenas: Repeas, quæso, Læli; nam etsi in eo libro mihi à Parthenio dono dato, legerim, cupio tamen ex te audire. Tum Lælius: Geram hunc tibi morem non modo patienti, verumetiam volenti animo. Aqua suapte natura sic est, ut libera; nullis nimirum impedita repagulis, nullo aggere mancipata, ad deversa se loca deferat, humilia sectetur, nec fluendi finem faciat, quousque clivo omni superato, in declivi sit: fluit autem à montibus in valles, ex his in campestria enititur: ex quibus mox in mare lentiore licet gradu se promovet: altiores igitur montes, ex quibus rivi scaturiunt. Hic Mæcenas: Rectè concludis. gaudeo quod his in studiis versatus sis: At Lælius: Utinam his inquit, tempus omne concedere mihi licitum. facerem, nec me quis negligentiae accusaret. Non ego ex illis sum, qui contentionis eupidi magis, quàm veritatis sunt: totique in illis occupantur, in quibus præter verbi controversiam, nihil admodum est, quod quæras. Tum Mæcenas Lælium complexus, laudo, inquit, istam tuam indolem singularem. charior posthac mihi, & jucundior eris: quæsoque Parthenium nostrum, ut te etiam ipse chariorem habeat, & meo etiam nomine commendatum. Cui ego: Imo charissimum: & id etiam faciam in gratiam tui. jam enim illius mihi ingenium perspectum. odit ille, & merito illiusmodi lites de umbra, ut ajunt, æni, ac theatralem illam gloriolam tanti facit, quanti hilum. Atque hic quando jocari cœpimus, referam lepidam fabellam, quam operæ prærium est audire. juvat exhalare tantisper animum. Tum Mæcenas: Ita, quæsumus, ut pro Lælio etiam respondeam, Ego vero: Atque audite. In quadam percelebri

Hispaniarum schola, (Salmaticensine, an Complutensi, non satis teneo : nam multis ab hinc annis ab Hispano viro tum erudito, tum urbano rem accepi) duo ex nostra familia in frequentissima auditorum corona, acriter, ut fit in disceptionibus, de continui, ut ajunt, compositione, disputaverant. qui theses propugnabat, cum Aristotele sentiebat: à quo ne latum quidem umquem discedere, Senatusconsulto cautum est: qui verò oppugnabat, à Zenone Stoicorum principe stabat. Qui quoniam peracutus, ac fervidè indolis, palmam retulisse sibi visus est. Hic Meccenas: Nimirum inanem plausum à theatro, nam veri nihil affectus: later quippe adhuc veritas. Imo & latebit quoad homines vivent, inquit Lælius. Sed quid tum postea? Cui ego: Accipite: Mirum sibi in modum plaudens, superbè circumspiciebat. uti pavones solent, ubi caudam explicarunt. quam quidem hominis caudatam superbiam non tulit, modestiæ amator Deus. Dum igitur, soluta concione, inter amicorum manus, ac plausus effertur, quidam non notus hominem convenit; eque turba recedere jubet: habere senescio quid serii, quod illi ad aures committat. Secedit ille. & quid istuc rei tandem est, inquit. Ille vero: Nobilis vir, qui ruri altera ab urbe Leuca graviter ægrotat, te enixè rogat, atque obsecrat, ne grave ris è vestigio ad se venire, ut totius antea actæ vitæ confessionem excipias. Tum doctor perculsus improvise illo nuncio, Quo pacto, inquit, tanta è contentione defatigatus, ac sudore madidus, dieque jam inclinato, tantum itineris suscipiam? veniam die crastini. Et ille: Res moram non patitur, quippe morbus gravissimus. neque seria tollere in crastinum laudabile: imo ne expedit quidem. De via, sollicitudinem omnem deponito: est ad januam equus cursorius expeditissimus,

mus, quo nullo incommodo quameitissimè deveharis. Tum ille: instare iterum, ut in posterum diem res differatur. At nuncius: Jam dixi seria non esse tollenda in crastinum. quid si ille ipsa hac nocte facto concedat? certè tibi de illius salute ratio reddenda erit. age, move te ocys; nam id tui instituti peculiare munus est. Hic doctor, fontica adductus causa, ut ajunt, aquivit. accepta igitur è Prætorè facultate, ad januam se confert: inque paratum equum insilit: jubetque nuncium sedere post equitem. at ille renuit: seque expeditissimos, inquit, habere ad cursum pedes. & sanè tanta pernicitate sequebatur, ut equum cæteroqui velocissimum superaret. Dum autem pergunt, Doctorem nuncius interrogat, qua de re controversiam habuissent? De continui compositione, inquit doctor. Et Nuncius: Quid tu? Et ille: Zenonis sententiam accerimè, ut nunquam alias propugnavi. Quo, quæso argumento? tum Nuncius. Cui doctor: Validissimo illo, quod Achilles in scholis vocari solet; èque partium infinita multitudine, desumitur. Dum autem argumentum ipse repeteret, quidque contra adversarius reposuisset; ubique plauderet miro modo, nuncius identidem occinebat, Quot absurda, quot ridicula ambo effutistis. multos sæpè sophistas ineptire, nugasque loqui audiivi non sine risu, sed qui magis quàm vos, neminem. atque ex intervallo illud græcè repetebat *πῶδὶ αὐτοῦ*. Hoc loco Doctor non sine stomacho, Esne tu inquit physicus? Et ille: Quam qui maximè, ab ipsis enim unguculis his operam studiis navigi: quocirca ea calleo, plusquam aprugnum callum callet, ut dicitur. Sed si ita, cur, inquit doctor, ab eo vitæ instituto discessisti? Et ille: Ob quandam animi extumescentiam: qua tu etiam nunc quasi foliis tumes. si scires, quàm multa sint, quæ se latent, fastum istum

cerrò deponeres. Hic doctor acriter irritatus, Argumentemur, inquit. Cui statim; nūcīus: Ne quæso crabronem irrites: pœnitebit quidem certè, cum te brevi deprehensum animadverteres. Quoniam verò jam tenebris obduci cœlum incœperat, & iter per sylvas videbatur satis impeditum, Quà imus? inquit doctor. & quando ad istius ægroti villam tandem venimus? Brevis, tum nūcīus. per quo implexos calles, adituque difficiles ire occupavit. At doctor animadverterens equum frenum nō audire, & volare verius, quam currere: & hzere sēper lateri ducem, doctè disputare, atque eruditè, & Græca etiam occinere, quæ vix ipse intēlligebat, non bonum quid suspicans, cœpit expavescere: cumque salutari se crucis signo muniret, repente equo, & dūcē evanescente, solus in media sylva, multa jam nocte relictus est: tantoque timore correptus illico est; ut nihil propius factum sit, quam occumberet. Nempè, tum Mécœnas, malus ille genius erat, magnus oppido philosophus, quocirca non immeritò affirmabat multa ab illis absurda, ac deridicula inter disputandum dicta. voluit, haud dubium, bonus Deus hominis fastum multare, ut sic in posterum disceret de se superbè non sapere. Sed age redeamus ad propositum. Tum ego: Quidam, ut è vadis illis emergere, in alia inciderunt: à Scylla nimirum in Carybdim; ut dici solet: opinantur enim non maria quidem omnia; sed quædam tantum editiora esse: ea nimirum, quæ à terris quam remotissimæ: ex illis vero fontēs ducere originem arbitrantur. Hic Lælius: At futile istuc cōmmentum est. urget quippe eadem difficultas, idem premit argumentum: idemque absurdum lequatur, necessum est. Altiora illa, quæ finguntur maria in proxima, ac decliviora confluerent: hæc turgidiora jam facta, in terras irruerent.

perent. Cui ego: Ita verò: neque quibusdam assentior, qui divina illa teneri vi, ne defluerent commenti sunt. est enim perfugium inscitiz. nec magni est animi ad sacram anchoram confugere, quando nulla à tergo tempestas premit, nullus ardet adversarius. Hic Meccenas: At quædam sunt in sacris literis, quæ id videntur insinuare. Etenim si intumescenti Oceano, ac præ undarum æstu, ventorumque ira effervescenti, ne præscriptos sibi fines litora scilicet, translirer, Deus iussit; jam divina stare vi, manifestè consequitur. Cui tum ego Doctè tu quidem. Verùm illud ego præscriptum, naturam ipsam aquarum interpretor. quæ cùm ita ab auctore creata sit, ut intra terrarum alveos contineatur, eos egredi fines non poterit. est & illi certus limes, modusque constitutus, quem supra intumescere vi tempestatum negatum est. cæterum, ubi terrarum spatia depressoïa sunt, ut recidit in Belgio, tum perfractis aggeribus irumpit, & latissimas circum terras inundat. Hic Meccenas: Intelligo: perge porrò. Tum ego: Quidam hæc tollere admissa machina Oceanum sunt: Aqua, inquit, quæ per subterraneos terrarum meatus in ima descendit, æquilibris, oportet ut sit cum toto Oceano: est autem æquilibris si altior assurgat, molemq; altitudine compenset. At hi errant, quod ajunt, tota via. Etenim geminæ in eandem cùm se aquæ superficiem rotundas vertint, æquilibres constituentur: etsi una per exigua, altera major sit. Liquida enim, ut Archimedes demonstrat, non mole, sed altitudine certant. Hoc loco Lælius: Istud clarissimum, inquit, quod & geometrica olim à te ratione ostentum commemorat: qua quidem nihil certius omnino est. At mihi, cum Meccenas, illud favere huic æquilibro posse videtur: nam quotiescumque duo humores non similis, sed diversa

naturæ sunt ἐτερογενεῖς. Græci dicunt, tum leviorē ascendere, subsidere graviorē, atque isto modo stare æquilibres exploratum est, cum verò salior aqua, dulciore sit gravior: jam emicare fluvios, ipsa liquidius aqua consequitur. Atque ista machina, nativæ nimirum vi, ex humiliore se loco aqua subtolli; montes exsuperat: ex quibus inde per devexa fluens, ea repetit loca, è quibus exiliit. Cui tum ego, ingeniosè tu quidem, verū est, quod statim opponam. Dulcem præ salsa leviorē esse aquam non inficior, & do lubens: differentia, ut doctis placeat, secundū viceſimas, idque ad summum. Jam vero marinam aquā M. vel si libet, MM. passus à fundo eō surgere statuamus: quia verò fluvialis viceſimis constituta levior est, statim existit, viceſima milliaris unius, vel duorum, si secundum accipiamus, parte fluvios editiores esse: nimirum passibus L. vel C. sunt autem editissimi montes, ut interdum ad plura passuum millia turtici surgant, inque altissimis verticibus aquæ scaturiunt; non ergo hoc argumento id, quod quærebatur, efficitur. Hic Meccenas: Vicisti: do manus. sed quam tandem viam inibimus? numnam ad impetum confugiemus? ad aram nimirum, ut dicitur. Cui ego: Probabilia, conjectas, quippe non desunt, qui vehementissimo exarsas impetu aquas tolli, erigique affirmaverint. Id vero fieri ajunt hoc modo: Oceanus identidem vel ex flatu, reflatuque ventorum, vel æstu ex Lunæ accessu, recessuque, vel halituum vi, qui in aquis latent, incrementa capit: ubi verò intumescēs in litora, hiatusque terrarum irruerit, tanta vi subterraneos cuniculos pervadit, ut altissimè aquam impellat, atque extrudat. hæc isto modo impulsæ in editissima rupium juga præ-rumpit, emicatque; perque crateres mox fontium delapsa fluvios efficit, continui verò flatus, atque æstus cum

cum sint ; idcirco continua illa in fontibus , & nunquam interrupta perennitas. Hic Meccenas: Verisimile istud quidem certè. Et ego: Imo multa sunt , quæ fidem huic sententiæ adstruunt: & primo Scylla, & Caribdis, loca non minus fabulis, quam naufragiis celeberrima, magnoque naturæ miraculo, quàm maxime admiranda: profundi quidam hiatus sunt, immensamque aquarum copiam exhauriunt: quam deinde in Oceanum remittere, non defuere, qui dixerint. Hic ille: Haud equidem id mihi novum, habeo enim in memoria tuos illos versículos V. Naut:

Nam subitus terram, ut perhibent, Manesq. profundos

Tenditur immensus per concava saxa mentus:

Illum trans Libya fines erumpere Ponto

Eximo: voluere, viasque secare latentes

Oceanum Eoum, fluctusque haurire Sicanos.

Cui tum ego: Multum tibi, ut viderè, abs re tua est otii, ut meos etiam libellos evolvas. Ille verò: Haud equidem ingrati animi notam effugerem, si non haberem quotidie ad manus; quando tu illos mihi, quæ tua fuit humanitas, nuncupasti. Imo tu, tum ego, humanitas fecit, ut tuo illos nomine dignareris. Atqui pergamus porro, jam enim contenebrat, mihiq. videre janitorem videor supercilium contrahere, moræque impatientem jamjam irasci. est enim capularis senex, atque iracundus. Quod igitur dicebamus, co etiam argumento approbant; quod libero in aëre, vi ventorum, impetuque turbinum allisum ad cautes mare altissimas se supra rupes efferat, cunctaque spumis aspergat. id verò facilius fiet, cum aqua per arcas tersarum fibras magno coacta, atq. impulsæ impetu præcipitatur. Tum ille: Habeo & ista: sed, ut dicam; quod sentio, videntur mihi hic etiam syrtes esse, & vada, è quibus evadere minimè expeditum, ac com-

modum

modum est. Etenim compertum, intumescētis æstus Oceani ad V. vel VI. tantum orgias elevari. hæc verò altitudo ad rem nihil facit. Cui ego: Rectè animadvertis, est tamen impetus, qui multo supra VI. orgias aquam ab se impulsam attollere poterit, habenda etiam ratio, rem exemplo, si placet, explicabo: Hoc Lælius loquor: Imo quæsumus? sentio id enim Mæcenati nostra placere. & ut tu IV. Bell.

Ardua ab exemplo fiet res planior.

Da igitur aures, tum ego: Esto vectis suo fulero innixus; inq. uno illius capite globus sic minor, exempli gratia lib. X. in alterum verò caput, major alter, librarum scilicet C. ex altitudine unius exapedæ demissus incurset: videbis illi cò exilire minorem, & ad duas vel etiam tres exapedas attolli: Hic Mæcenat: Istuc do facile, verum quid ex eo conficis? Quid? cum ego, maiorem nimirum intumescētis Oceani molem, minorem quæ per terrarum cuniculos impulsæ, quàm altissimè elevari. est enim ex majori corpore maior impetus, qui minoris relictantiam longe superet. At Mæcenat. At responsio est in promptu. nempe alia liquidorum, alias solidorum habitudine corporum est: hæc tota simul incursant, illa non ita; hæc una cecidentur, illa per partes: Dum enim aquæ mons, ut ait poeta, æstuante Oceano, in eam aquæ partem, quæ per hiatum intruditur, superincumbit, non totam in eam vim exercit suam, nec tota conicitur: maior illius pars additiora alliditur, in quæ diffractus est impetus; ideoq. in eam non totus expenditur. imo hic dum per angustos, ac tortuosos canales uba simul cū aqua demittitur, semūm infragitur, atq. hebetatur, ut tandem desinat, pereatq. omnino: & fortasse an-

tequam aqua ad fontes perveniat. Præterea, ubi nullæ tempestates, uti Pacifico in mari, ubi nulli, aut vix sensibiles æstus effervescent, nulli etiam fontes scaterent, quod tamen neutiquam verum est. Tum ego: Gaudeo, quod à te deprehensum me video. & fateor me istud argumentum prævidisse: quod quantum vim habeat, intelligis ex te. quare incamus, si lubet, cum aliis aliam viam. Lubet, tum ille: faciemus, ut physici, qui Erisichthonis Metra, ut est in proverbis, mutabiliores sunt. Cui ego: Quid mirum? physicos hic fingimus. pargamus igitur; & quando tantum otii concessum, non erit abs te tantisper nugari. Quidam homines lepidæ indolis, & comminisci faciles ejus esse naturæ terram commenti sunt, qualem spongiæ indutam scimus. bibulam igitur terram voluerunt. quo dato, brevi difficultatem omnem præcidunt. nam si sic, dum una illius pars aquâ ebibit, altera statim attrahit, sursumq. evehit: itaq. fieri, ut aqua ab inferioribus hausta, in supremos montium vertices evadat atq. hæc illa est antlia, quæ acceptos ab imo fontes, in editissimâ quæq. loca submittit. Tum Meccenas: Habet speciem veri: abesse tamen à veritate mihi facile persuaserim. Esto enim per hiantes terrarum fibras, quasi siphunculos aqua è mari hausta in montium juga sese inferat: verum ubi ad ea nulla vi, nullo impetu urgente pervenerit, illico ab ære supprimeretur, adituq. ne erumperet, fluereq. prohiberetur. Est etiam quod non omnes terræ bibulæ, neq. ita facti, dispositiq. canales, ut aqua una omnis, sursumq. coacta eleveetur. & tamen omnibus ex terris, & durissimis etiam cautibus fontes emicant. non igitur procreari amnes poterunt isto modo. Tum ego: Quam putamus rem, acutetigisti, quocirca futile istud physicorum commen-

tum,

tum, quò se non expediunt difficultate, sed magis induunt, omittamus. Neq. illi evadunt à scopulo, syrtesq. declinant; qui universam subitus terram maris aquam permeare, opinati sunt: idq. se manifesto putant conficere, quod in insulis, inq. continetium terrarum oris falsi, ut plurimum, fontes scaturiant: imo in mediterraneis etiam locis salusculos exilire fontes compertum est. Hic Mœcenas: Id ego facile darem. Imo etiam ipse, tum ego. sunt quippe in terræ gremio, immensæ pene cavernæ aquis benè plenz. illas Greci ὑδροφυλακία, atque ἀβυσσος appellant. idq. ex eo etiam in manifestò est, quod interdum, cum terra movit, ingentes aquarum voragines patuere. atque in hunc modum plurimos lacus extitisse memoriæ datum est. verùm hæremus adhuc in vado. Hoc loco Lælius: Mirum oppido, inquit, quod in tanta aquarum copia, in qua versamur, hæreat nobis aqua. Cui Mœcenas: Euge Læli: lepidus, tu & argutulus. ad me verò conversus, Perge tu porro. nolo festinanti moras innectere. Et ego: Certè hora est quasi diei ultima; atq. ob id joculari non sôit. Esto igitur, se per terrarum gremium latè Oceanus infuset, qui tamen fiet, ut ex subjectis cavernis, suomet reluctantè genio, exiliat in montes? Et ille: si major virtus minori prævalet, quid prohibet, quin minor aqua à majori sursum impellatur? Cui tum ego: In solidis id, non in liquidis verum est, quorum ea est natura, ut superius dicebamus, ut altitudine pugnent non mole. cui enim, qui vel leviter Geometrica attigerit, non cognitum est, unam non amplius aquæ libram cum mille decertare. nec vel transversum unguem discedere ab æquilibrio? nempe sive exigua, sive ingentes aquæ fuerint, eadem premeendi vi, nîsque præditz: si una eademq. ambarum

al-

altitudo sit. Hic Meccenas: Teneo & hæc. Sed
 quod tandem asylum patebit, quo se recipiant? num-
 nam se ad Vulcani aram vertent? Ad hanc ipsam,
 tum ego: Ajunt quidam, & vendibiles quidem Au-
 thores, aquas vi ignis rarefcere, atq. ebullire, quæ
 mox effervescentia eleventur, altosq. affecutæ fon-
 tes, effluent. A tñ ita, tum ille; unde tantus in aqua
 frigus? A rupiũ natura, ajunt, quæ frigida plerumq. est:
 nam quæ aliunde scater, calida interdum. imo etiam
 in locis illis, ubi major ignis exardescit, fervet etiam,
 atque ebullit. Tum Meccenas: sed quid tu de isto-
 rum placito? Cui ego: Pluribus in locis ardere
 ignes, quorum vi, quæ superius constituta ferve-
 re aquam: assurgere mox, atq. effundi: oririq. am-
 nes nonnullos isto modo, non irem inficias. & ~~et~~
 verò similis sit, præ nimio calore aquam in vapores
 attenuari, calidasq. mox in guttas concrefcere, atq.
 extillare. ut in ollis evenire quotidie coqui animad-
 vertunt. ceterum universos, & vastissimos quidem
 amnes ex his guttis originem ducere, falsum arbi-
 tror. siquidem gelida fere semper scater aqua, &
 immensa, & nunquam intermissa perennitate. Quidam
 sunt, qui in terrarum gremio, quæ loca Tartara nun-
 cuparunt, immanem aquam esse, eamq. animantibus
 spiritibus agitari putavere. qua instar sanguinis nu-
 triri terras, imo etiam vivere commenti sunt. quo
 dato, sua virtute moveri, ac surrigi, telluremq. uni-
 versam permeare, consequi manifestò putant. Hic
 Meccenas: At isti homines, aut nugas loquuntur, aut
 delirant. ut hi plerumq. solent, quibus ad novita-
 tes comminiscendas prurit animus. Cui ego: optimè
 intelligis. Hoc loco Lælius: Ut video, res est inda-
 gatu difficilis, & quocumq. te vertas, impeditos in-
 venias aditus, & vix superabilis vias. Cui Meccenas:

Re-

Rectè extimas . Latet in ipsīs aquis demersa veritas. Cui tum ego : Ita summo opifici visum : cui uni nota est machina , qua aquas attrahat , quippe auctori . At in ultimum quando diei serum disputando pervenimus , quæso ut abundi facultatem concedas : & ille : Do , inquit : sed fac , ut te propediem revisam.

C A P U T VII.

Inter eundem quadam , qua ad superiorem quæstionem spectare videbantur , obiter perquisita.

Dum unà cum Lælio è Barnerii Mæcenatis villas Neapolim , quadriga vecti , redimus , ita me interpellat : Quædam mihi in promptu sunt , quæ te de superiore disputatione interrogem . quæso igitur ne id tibi grave sit : scio quippe ex quanta contentione defatigatus , vix tandem quiescas . Cui ego : Lubet : sic plusculum hoc temporis , quod superest , ut domum veniamus , non abibit sine lucro . Tum ille : Id ipsum volebam : scis enim me in omnes addiscendi occasiones , quasi è specula , imminere . Age igitur : si ab Oceano in terras aquam irrumpere multis adducti argumentis concedimus , cur nam falsa illa cum sit , dulcis mox è fontibus scatet ? Cui ego : si primum damus , & dandum jam putas , ab hoc se expedire non multi est otii , illa enim dum se per terrarum fibras insinuat , ac per arenas , falebrasque interlabitur , quasi per colas extillat , purgatur , falsedinemque exuens , dulcescit , id autem ita fieri , ars ipsa comprobat . nam dum eadem aqua in extillatoria fornacula guttatim depluit , nativam falsedine deponit . atq. hinc est , cur circa litora falsuscula hauriatur : cū enim per exiguos meatus , atque arenulas , non tanto spatio extillaverit , quantum
ad

ad falsedinem exuendam satis erat. Intelligo. tum Lælius. est tamen qui me torquet scrupulus: sunt enim vel in ipsis montibus salis fontes; qui cæteroqui deberent ea ratione dulcescere. Cui: Non nego, inquam: id verò idcirco evenire arbitror, quia laxiores interdum meatus patent; quo fit, ut colari aqua minimè possit. quocirca neutiquā mirū, si nativa adhuc falsitudine emicet. Imo cum etiam in montibus salis fodinæ sint, quis infici illis aquam, inficietur? Tum Lælius: Assentior prorsus. Cui ego: Plerique sunt, qui superiorem tantum Oceani aquā falsā esse arbitrantur, inferiorem verò dulcem: in quorum sententiam si descenderis, jam rectè conficitur, dulces esse fontes oportere. Hic Lælius: At hi nugantur. quo enim modo fiat, ut id comperiant? Cui ego: Imo addunt experimentum, quo se illud explorasse confirmant. Num urinandum Lælius. Cui ego: Minimè vero. calamum satis longum, cujus supremum labrum, artissimè occludunt, in mare demittunt: mox illo referato; inferiorem aquam hauriunt. oclusoque iterum, calamum inde educunt; inque guttum aquam infundunt. libantes dulcem deprehendisse restantur. At Lælius: Quid tu de isto experimento? Et ego: Haud omnem illi fidem adhibendam esse existimo. nam mihi nunquam voto respondit: & quorquorogavi urinatores, quique ad multos etiam passus descendissent, falsam omnes reperisse aquam responderunt. quocirca qualis in imo, penitissimi Oceani fundo sit, is tantum novit, cui, utpotè auctori, abditissima quæque naturæ patent. Hic Lælius: Ita est, ut dicis. quare tu in re simili non immerito cecinisti.

Multa latent homines, solis qua cognita diis sunt.

Verum pergamus porro. Compertum plerisque in locis est, plurimos fontes eadem incrementa, ac decre-

E

menta

menta habere, quæ Oceanus: hoc enim intumescente turgent, copiosioresque fluunt: detumescente verò, subsidit ipsi, ac tenuiores præterfluunt. si sic jam videtur liquidò confici æstu aquam ad juga montium assurgere; ut inde relabatur. Cui ego: Aliquos fontes, & litotales vel maximè, oriri ex æstu, & eas ob id pati vices, non certè negaverim: at omnes, neque concedo, neque si vellem possem. Enim verò ab æstu cum mare intumescit, atque altius assurgit, cum servare modum compertum est, ut vix decempedam exsuperet: at aqua altissimos in vertices enititur: non igitur ab æstu elevari tantum potest; ut superatis fontium jugis, victrix exiliat. Imo sunt, qui contrarias vices sortiti, Oceano æstuante, decrescunt, augentur vero subsidente. quo quid insolentius dici potest? ex his ille inter primos est, qui Gadibus Herculis delubro proximus fons erat, qui, ut ait Plinius: *Alias simul cum Oceano augetur, minuiturque, alias verò utrumque contrariis temporibus.* Et ut idem ait: *In ripa Batis, oppidum est, cujus putei, crescente æstu, minuuntur, augentur, descendente: mediis temporibus immobiles.* Et sanè tam mira sunt, quæ de fontibus perhibentur, ut singulas illorum causas indagare difficile admodum sit. quare fontium miracula meritò dicta sunt: Hic Lælius: Si tantæ, inquit angustię hic sunt; ut quò te veritas, omnino ignores, cur non in cœlum confugimus? Cui tum ego: Nempe cœlestium vi corporum elevari aquam dicamus? Id ipsum, cogitabam, inquit Lælius. Ego verò: Sed quot hic etiam scopuli, syrtesque occurrunt? tot sanè; ut ad indagandas rerum naturas ne in cœlum quidem aditus physicis pateat. quæ incertus istic in ea, quæ sub Luna sunt, syderum influxus. quam longissimâ intercapedo, qua propagari necessum foret. At Lunam, tum ille, in Oceanum, in-

fluere

fluere in confesso est . quod vel tu in illis versiculis,
quos habes Naur. VI. professus es :

Ipse sed Oceani spumantia carula duco

Regina arbitrio Luna, imperioque cieri :

Vimque illi arcuam, motu qua concites undas,

Esse puto parent Luna freta surgida, quando

Ille abeunte cadunt maria, & veniente, tumescunt.

Cui tum ego : Sed esto ; quando meis me versiculis
prehendisti, insit syderibus vis ista : Cur verò ex hoc
potius loco in fontes aquam trahunt, non verò ex il-
lo ? Tum Lælius . Assentior ; nihil enim habeo, quod
huic reponam . Sed si istud præstare sydera non pos-
sunt, cur Intelligentiæ facere non poterunt ? Ea his
enim cura à summo opifice demandata, ut mundi
elegantia, commodoque mortalium invigilent : quo-
rum gratia cœlestia corpora condita sunt, & perpetuo
motu circumaguntur . An timemus, ne in gen-
tium errores incidamus, qui divinitatem fontibus
tribuebant ? Sed nos non ea esse numina, sed ab Nu-
minis administris regi, gubernarique existimamus,
Cui ego : Eruditè, Læli : verum scis me minimè ab his
alienum, qui nativa vi ferri, rotarique orbes, syde-
raque universa, arbitrati sunt. quod si ita, cur non
potius innata quadam, atque arcana virtute surrigi
sursum aquas putandum sit ? Latebit certè in jis arca-
num nescio quid, quod illarum naturam evincat. Sed
quid, ille, si cum plerisque arcanam istam vim esse
Numinis providentiam affirmemus ? Cui tum ego :
Rectius hi faciunt, quam illi, qui editiorem stare
Oceanum, divinoque jussu cogi, ne in terras irrumpat,
putavere. Cæterum, ut jam dicebamus, res est inseru-
tabilis omnino. quæ cum dicerem tardissimè domum
perventum est.

C A P U T VIII.

*Authoris iter Alexandria Babyloniam usque: quaque
in eo evenerunt apud Mecenatem
enarrantur.*

SEdebamus unà cum Mecenate ego, & Lælius ad fontem, qui medio in Xysto positus, proceris circum cupressis obumbratur: cum Mecnas: Age, inquit, quando otium datur, quod tuæ peregrinationis sequitur, enarrato. Cui ego: Faciam libenter, cum nihil mihi antiquius, quam tuis jussis obtemperare. Et ille: Scio equidem quantum tua in me officia luceant. Et ego: Contendam igitur iussa facessere, & ea brevitate, quæ id temporis plurimum placet. Cum ingens me cupido videndi Nilum eo in loco, quo totus, ac integer fluit, incessisset, Achmetem rogo, ut pro veteri amicitia ad id operam suam conferret. Et ille: Meus filius, inquit, Arsinöen, quæ in intimo Arabici sinus recessu est, negotiorum causa profecturus. quocirca jubebo, ut Babyloniam iter faciat, teque illuc deducat. & si jubes veniam & ipse; ut ibi meum, ac perantiquum servitium exhibeam. Cui tum ego: Nolo, ut effræta jam ætate, tantum laboris suscipias. Ibo unà cum tuo nato: imo illum Arsinöen usque comitabor. non omitam occasionem videndi Erythræum, & ea vel maximè loca, per quæ dilectæ olim Deo gentes siccis pedibus transfretasse porhibentur. Interea loci, dum profectio adornatur, adest Britannus, cumque pro more me affabiliter salutasset, Quid ageretur? interrogat. Cui ego: Babyloniam, atque Arsinöen proficisci meditamur. Tum ille: Babyloniam veniam ego cum duobus popularibus, de Arsinöe

nōe cogitationem omnem deponito. Longum enim iter, & periculosum. imo veror, ne antequam redeas, naves solvant, in Europam redituræ quod si ite, quid tu hic barbara in terra, & solus ages? Hic Achmetes sic illum interpellat: Fateor, barbarum in præsentia solum hoc, in quo olim humanæ artes floruerunt: at utur nunc sit, non certè magis barbarum, quam sit vestra Britannia. in qua tamen sunt plurimi exculi, atque urbani. Sic in Ægypto, imo & in penitissimæ Æthiopia complusculi sunt, in quibus eas animi doctes reperiās, quas interdum in plerisque ex humanissimis populis requiras. Et si cuncta desint, sum ego ipse, qui in cultissima totius Europæ Italia, inque urbe officiorum refertissima, diu vixi: & in domo, in qua et si non superbæ opes, nec tituli, summa tamen erat urbanitas. Hic Britannus: Ita verò: non inficior. sed qua deinde occasione, quo duce, in Italiam redibit? Cui Achmetes: Nunquam hic naves vel Gallicæ, vel Venetæ defunt, quibus & tutò, & commodè navigare possit. idque meum erit curare: & jam nunc recipio: eamque diligentiam impendam, quæ servum, eumque memorem beneficii decet. Hic cum et si ægrè amicus assensisset, in diem crastinum profectionem decernimus: pararique omnia, quæ necessaria duceantur, Achmetes iussit. quia verò hora erat quasi XII. camus, inquit Achmetes, si lubet pransum. Cui Britannus, qui subiratus erat, & si iram læta fronte dissimulaverat: Ire, inquit, vos, ego religione teneor. Hoc loco Mecænas: Nempe graviter tulerat, habitam ab illo barbaram terram, in qua ipse natus fuerat. Cui ego: Intelligis. sed quid facias? sic sumus omnes, ut nimirum eos, qui de nobis, ac nostris haud perhonorificè loquuntur, vix patiamur. At Mecænas: Ita enim vero. Sed illi re vera sapiunt nescio quam barbariem.

quocirca nō immerito dicere solebat illa Svecorū regina, quæ certè virilem semper præ se animum tulit: Præter Italiam, Galliam, & Hispaniam, reliquū terrarum orbem barbarum esse. Cui ego: Addam, quod ex me affirmare non ausim, & si vellem temeritatis notam, vel certè maledicentiæ non effugerem, eruditissimus ille, ac ingeniosissimus Viera Lustanus genere, sed in America natus, cū Romæ esset, & multarum gentium mores, atque ingenia cognovisset, asserere non dubitavit, extra Italiam omnia barbarie obsita, & inter primos Lustanos suos censeri volebat. quod quidem ut dicebam, non sic animum inducō, ut mihi id faciliè persuadeam. Sed redeamus in viam, quæ longa cum sit, aliò divertere, non sinit. Cum Britannus abiisset, passus scindi potius laciniam, quam remanere, nos ad mensam sedimus. nam nullo modo ministrare Achmetem substitui. A prandio tota in adornanda profectioe cura fuit. nec quidquam bonus Achmetes eorum prætermisit, quæ opportuna videbantur. Filio impensè iussit, ut eam mei curam susceperet, quam erga parentem se, uxoremq. suam adhibuisset: meq. tanquam veterem coleret dominum, ac solerter obaudiret. quod iterum, atq. iterum summopere inculcavit. Primo manè adfuit Britannus, qui cum ad litus venimus, ubi lembus erat expeditissimus. hic Achmeti vale dicto, nam eoque nos comitatus fuerat, lembum ingressi propter oram ire occupavimus. Iam dies ad umbilicum venerat, quando vehementissimus ex improvviso ventus exortus est. qui quoniam ex Oriente perflabat, in terram nos descendere cōegit. lembus in anchoris, in angusto oræ secessu stetit: nos interea corpora curavimus. quibus brevi proturatis, statim omnes in arena dormire. Ego, cui insolens lectus ille

gras

erat, in vicinū tūmulum conscendi, circum undequaq. orantē spectaturus. quod quia salutare mox fuit, non nisi iussu Numinis factum putavi. Vigilat quippe benigna Dei providentia, nec suos unquam perire sinit. Etenim dum oculos circum flecto, & campestrē omnem regionem inspicio: tres equites ex longissimo iussu ad nos cursu convolare animadverto. quos ego statim prædones Arabes esse, de quibus multa audiveram; suspicatus, socios omnes excito, eosq. de prædonibus admonéo. Assutere runt illico omnes, atq. arma cōtripuerē. quidam Anglus scelopum, quem secum in promptu habebat, in eos direxit, alter, qui cum mihi necessitudo erat, fistulam prætendit. illi ut proprius adcessere, ingentē, ut barbaris mos est, clamorē ediderunt, simulq. jacula emisere: sed sive quia nimis festinanter, intorserant, sive Deus, cui me enixē commendaveram, vim illorum infregerit, extra ictum ceciderunt: tum Angli itē impatientes tormenta explodūt. statim unus, qui majori tormento ictus fuerat, ex equo prolapsus, paulo post, indignam animam efflavit; alter graviter sauciatus, qui illico cum tertio è furore aufugit. Nos non minori festinatione, lembum conscendimus. & quoniam aliquantum se venti vis remiserat, nautas iter capessere, obnitiq. vento jubemus. Duplex enim periculum imminēbat, ne vel prætones, aucti numero, redirent: vel Turculus præfectus, apud quos crimen capitale est, re comperta, supplicium de nobis sumeret. Hic Meccenas? Capitale igitur, se à prædonū vi, atq. injuria defendere? non natura didicimus licitum cuiq. esse vim vi repellere? Cui ego: Apud Barbaram gentē immanis hic mos invaluit. adeo enim vindex homicidii gens est, ut in ipsam naturam peccet. dumq. vitium unum cavere vult, in-

aliud incidit . nimirum difficile reperire modum, ubi nulli culti mores, nullæ artes humanæ vigent. Sed redeo, ad propositum . cum tota nocte navigassemus, primo diluculo Schediam tenuimus . Sedet hæc urbs in uno ex septem Nili ostiis, quod Canopicum olim, & Heracleoticum appellatum est . Hic ad publicam cauponam, quæ in ipsa Nili ripa extructa est, divertimus . quia vero vix tota illa nocte somnum oculis videramus, nos ad quietem, Achmetidos ad accurandum cum caupone prandium se contulit . Post brevem soporem, ingens clamor de repente exortus, nos excitavit : accurrimus illicò : & quid rei esset ? percontamur . Tum Caupo : Egressa è Nilo Bellua in oppidum irrupit . Cui ego : Sumus hic satini salvi ? Et ille : Satis . validæ enim fores , & præstructa in illis fovea ; in quam si inciderit, festivam vobis scenam exhibebit . mox ego novarum rerum percupidus, quæ bellua esset, & quod periculum ab ea immineret, perquiro . Hoc loco Mæcenas : Crocodilus haud dubio ; cuius capturam, & variam illam in Hælicuticis tradidisti . Cui ego : ita enim verò . at eò tempore ne de auditu quidem Crocodilum noveram . quocirca de illo Achmetidem, qui jam supervenerat, curiosè interrogo . Respondit ille, & pluribus, telamq. orditus hoc modo : Est huiusmodi animal , quod et si in aliis fluminibus generari ferant, Nili proprium, Iacerto simile, si unam tantum caudam excipias . tanta enim magnitudine excrefcit, ut XXVI. pedes æquet : imo interdum exsuperat . idq. vel ex eo magis mirum, quod ab ovo aoserino æquali excudatur . amphibium animal, utpote quod tum in terris, tum in aquis commode vivat . Os ingenti, rictu patet : maxillæq. validissimæ LX. dentibus armantur : atrep- tamque ovem uno ictu integram devorat . linguas caret

caret: atq. ob id mutum. caudæ longitudo, reliquo corpori suppar. quam in spiras serpentis more implicat. eaq. natantes, reliquosq. Nili pisces implicatos enecat. dorsum durissimis squamis obtegitur. venter mollissimus ad ictus patet. quatuor graditur pedibus: quos tenacissimis unguibus armatos gerit. oculi svillis persimiles prominent: eorumq. acrior in terris acies, quam in aqua. Hoc loco Lælius, Patiaxe, inquit, ut te unum interrogem. Qui fiat, ut Crocodilus clarius in terris, quam in flumine perspiciat? cum cæteroqui pisces acutissimo visu polleant. Cui ego: Quia nimirum huic belluæ ita à natura constitutus oculus est, ut refractos in aqua radios non benè uniat: hinc confusus obtutus est. in terris cum minimè radii refringantur, in unum omnes collineant, clarasque rerum imagines depingunt. Hic ille: verisimile: perge igitur quod cœperas: Tum ego: Podice caret, ajebat Æthiops: atq. idcirco per os ipsum excrementa egerit. quæ in terrestribus odora sunt, & pro pigmentis mulieres utuntur, ut elegantiores appareant, & gratum item odorem spirent. Tantæ feritatis, ut nulla in Ægypto nocentior fera sit. Atq. hæc cum diceret, renunciatum est occisum Crocodilum, mortuumq. exenterari. Accurrimus cuncti illicet, & quo modo enectum esset monstrum, perquirimus. Æthiops quidam, narrabat unus è turba, prælongam humero perticam ferebat: in quem cum Crocodilus magno impetu irrueret, ille, ut erat vir magni animi, nil territus perticam objecit. quam bellua cum avidissimè excepisset, adegit ille tanto in ventrem nisu, ut exanimata statim fera sit. quam mox accurrentes alii confecerunt, usq. adeo validissimum relum est præsens sibi animus: nec vinci homo potest, qui non timeat. donatus ob id Æthiops

magno præmio . quo audito, ad videndam feram accedimus, & qualem Achmetides descripserat, invenio . illam ego curiosè, atq. attentè diu contemplatus sum : dum autem exenterarent , quendam è circumstantibus, qui doctior præ cæteris videbatur, essetne bellæ usus? interrogo. Tanta ille humanitate respondit, quantam barbaro ab homine numquam expectassem. Dextræ maxillæ dentes, inquit, fortes ad amorem homines reddunt, qui in ventre lapilli generantur, febris rigorem, quem perosissimum Græci dicunt, expellunt . quam etiam vim in adipe esse ajunt . pellis adustæ cinis aceto dilutus , si jis membris, quos morbi gratia, secare oporteat, admoveatur, adeo ea torpida reddit , ut doloris omnino sensum adimat. idem ejusdem pellis nidore evenire, nonnulli ajunt . sanguis visum roborat, oculosq. acutiores efficit . caro elixa (caput tamen , pedesq. excipito) hisciadem curat , renumq. dolorem allevat . ateps grangrænam sanat , pilosq. deiecit . & quod mirum magis est, si quis adipe perunctus in Crocodilum irrumpat, minime læditur . & quamvis plurimi putent immedicabiles esse Crocodili morsus, illius tamen adipe facillè curantur . Hæc & multa Æthiops narrabat: quæ ego Achmetide vertente, summa animi voluptate excipiebam . quia verò jam prædii tempus appetebat, nos in cæuponam recepimus. Post prandium lustrare oppidum placuit . Et primo in portum perreximus : qui in ipso Nilo exstructus, navibusq. excipiendis per commodas naves ita ad ripam applicantur, ut ex illis domus ingredi quam facillè valeas . infra portum sequum est pro oppido magnificum; cujus hæc ad Nilum facies, valvæq. patent : illa in forum vergit . secundum Nili ripam non inelegantes ædes posite pro honestioribus viris . & tabernæ mar-

catorum plurimæ . non procul à portu in viâ , quas iter Alexandriam , per exigua ars est : quibus lustratis , in Cauponam redimus . quodq. diei reliquum erat , ad Nilî ripam sedentes cum veteri amico transfudimus . Postera die navim ingressi Babyloniam adverso Nilo navigavimus : perq. eam Ægypti partem , quâ à similitudine græcæ literæ , Delta veteres , atq. inferiorem Ægyptum appellant . Nam non longe ab antiqua Mempî Nilus in septem illos ramos dividitur , triangulumq. extremis efficit , ejus basis ora maris : atq. hic triangulus Delta regio est toto orbe , qua camporum ubertate , qua urbium , populorumq. frequentia nobilissima . Hoc loco Meccenas sic me interpellat : Quid tu inquit , de Delta sentis ? Nam plurimos esse scio , qui à Nilo factam arbitrantur . tantum enim sabuli , terrarumq. è superiore Ægypto continua alluvione convexit , ut recurrentibus annis , novati in Ægypto Ægyptum præterverit . Cui ego : Scio gravissimos auctores ita censuisse : atq. illud verissimile quidem certè . scimus enim Acheloum amnem , tantum limi , sabuliq. ad vexisse , ut totum illud maris spatium , quod inter ipsius ostium , Echinadasq. interjacet , impleverit . quia etiam novis idem terris , ex editis montium jugis advenientibus , novæ è mari terræ oriuntur : ipse verò in se converti , ac veluti retrofugere pontus aspicitur . Et ne longè exempla petam , nobilissimi olim Crateris portus Hercules , & Sarni amnis hoc modo penitus interiere . ita Lucrinus vix nomen servat . Nec aliter omne id spatium nostræ urbis , quod a Nobilium Sedile , cui à portu , qui eo loci olim fuerat , nomen obtinuit , usque ad mare est , novum omnino , assiduisq. alluvionibus enatum . Ita verò , cum Meccenas ; non inficior : at quantus hic terræ tractus ? punctus

Quis certè si cum tota Delta componatur. Cui ego : Do equidem . At igens Nilus , fabulosa Ægyptus , annuæ alluviones , ac vastæ . & quod caput est , longum tempus magnus est artifex . Tum Meccenas : si id demus , vero etiam similis est , inferiorem Ægyptum sæpius figuram , situmq. variasse . Do facillè , tum ego : eq. eo existere manifestè duco , quod ex septem brachiis tanti amnis , vix nostra ætate tres numerentur , Tu Meccenas : Ita est , ut dicis . perge igitur , non dum enim Babyloniam pervenimus . Et ego : Postea quam multum navigassemus , Nictum devenimus . quæ urbs ad Nilum sita , populoq. refertissima . mox ad Naton insulam , quæ tum villis , spissoq. arborum textu , tum rerum omnium ubertate , & celebris est , & peramœna . Inde Lætum , ubi se Nilus distrahit , deveni sumus quia vero nihil visu dignum in oppido esse , aiebant , discessimus illicò : perq. integrum jam Nilum , amplissimoq. turgidum alveo , Babyloniam tandem pervenimus . interea loci , dum hæc dicerem , adsunt Meccenates ephebi mulsam subministraturi : ad quam hauriendam statim convertimur .

C A P U T IX.

De Ægyptia Babylone sermo habitus , quæ ea in urbe ab Authore spectata fuerunt , apud Meccenatem distinctè enarrata .

UBi jam suavissima mulsæ potione , iusta intercapedo facta est , quod in longis narrationibus ni facias , periculum est , ne fastidium auditoribus crees . non enim facillè longum se continet animus : & intermixta sæpe varietas delectationem parit , distractusq. tantisper ubi mente pervagatus fueris , at-

ten-

entionem commodè dicenti adhibes . Age jam , inquit, Mercenas : & quando Babyloniam sermone peruentum est, aliqua de illa nobis ediffere . Cui tum ego: Geram hunc tibi morem: & eo lubentius : quod fragantissima illa malsa roborata mens, animusq. vegetior factus, quæq. mihi in memoriam venerint, breviter dicam. Sedet hæc urbs ad orientalem Nili ripam contra Mempheos ruinas : quæ ad occidentalem ripam ab antiquissimis regum , qui primi in Ægypto dominati sunt, ædificata perhibetur : perq. plurimæ seculorum spatia illorum regia constituta . Ex hujus mox ruinis , Persisterrarum imperium obtineutibus, nova ad orientalem ripam instructa à Cambyse urbs est, deq. nomine Assyriæ Babylonis à Semiramide condita , Ægyptiam Babyloniam vocavit. quæ eandem, quam Memphis, sortem experta est . nam a Græcis primum, tandem ab Arabibus diruta , novæ urbi locum dedit . sic variante vices fortuna ; & ut quemadmodum novis populis veteres imperium, ita urbes urbibus cederent . Hæc autem urbs ad Septentrionem Babylonis in eadem ripa , amplissimaq. in planitie ab Arabibus non multo post , quàm in Ægyptum intrupere, condita est . de anno nihil certè statui in promptu est . de auctore variant : quidam a Sclavo quodam Arabi regis servo , cui Gehoani nomen. fabricatam voluit, & Alcayrum appellatam . sita est inter inferiorem, ac superiorem Ægyptum , mediaq. inter Arabicum suum, & Libykos montes, qui termini ab Oriente , atque Occidente Ægypti sunt . nam à Septentrione nostro mari alluitur, ad Meridiem, ubi Nil cataraetæ, Æthiopis montibus finitur . Urbis figuram triangularem quidam , quidam vero ovalem esse tradiderunt . his facilè assentior . etsi tantæ illius magnitudo , ut complecti tota oculis nequit.

ejus

ejus quippè longitudo ad XXXI. millia passuum, latitudo ad XX. patet. circuitus tam vastus, ut vix uno die absolvi ab equo cursorio possit. Arabibus, Turcis, Ægyptiis, Græcis, aliisque gentibus tanta multitudo colitur; ut nulla sit in Oriente populosior. & si vera sunt, quæ tum narrabantur (nam sermonibus vulgi, res pro suo more amplificantis, vix credo) supra septuagies centena millia capitum numerantur. quantam multitudinem, in reliqua Ægypto, minimè reperiis. viæ publicæ, vicique tanto numero, ut duode viginti millia quidam recensuerint: etiam perangustæ, nimis sint: tres tantum viæ, nudinis destinatæ, ampliores patent. domus innumeræ, & duobus contignationibus assurgunt; ut æstate, qui in inferiori habitant minus a vicino Solis cæstu torqueantur. cum cæteroqui in toto Oriente, una tantum ædes coactione positæ sint. plurimæ multo marmore, multoque sumptu instructæ; quod antiquis Ægyptiis solenne fuit: restat nimirum adhuc in nova barbarie nonnihil prisce splendoris, nec interire omnino possunt inveterati tot seculis mores. januæ angustæ, atque humiles, ut domum ingredientibus, inclinandum sit caput. idcirco factitari, ajunt, ut scilicet belli tempore immunis ab alendis equis gens esset. at illud mirum oppido mihi visum est: seræ nimirum, quibus valvæ obfirmantur, non ex ferro, sed ex ligno, adeo affabrè factæ, ut eundem usum commodè præbeant. Hic Lælius: At facile disrumpentur. Cui ego: Non ita: miras quippe structura est. præterea addita lex sæverissima, qua nulla sera tonacior: & ubi de crimine pœna sumitur, ratio admodum peccatur. sed ut redeam ad limen ostiis: dum urbem per orium lustramus, duo præcipua sana vidimus: nam cæterorum tantus numerus, ut supra IV. M. esse pectibantur. Primum, quod illustre
rem-

templum Arabico vocabulo nuncupatur : & nomen
satis operi responderet : amplissimum quippe , & qua
structura , qua ornatu per quam magnificum , annui il
lius census adeo pingues , ut in eo superstitionis pon
tifices unâ cum numerosissimis familiis alantur . alte
rum non inferioris amplitudinis ; in quo XXX. colum
næ ex elegantissimo marmore visuntur , utrumque
eorum regum opus à quibus edificata urbs est . Hoc lo
co sic me Lælius interpellat : Sed quo pacto Mahume
tanorum in templâ irrupisti ? audiui enim id apud il
los religioni duci : neque unquam in ea nostris adi
zum potuisse . Cui ego : Præmium custodi dedimus : &
ita resecratum est ostium . tanta enim hominum avari
ties , ut nihil tam sanctum , tam religiosum sit , quò
argenteis machinis non pervenias . neque unum hoc
Turcarum , qui supra reliquos avaritiæ norantur , sed
gentium pene omnium vitium est . auro vœnit iustitia ,
vœneunt sacra , comparantur amicitie , arces expu
gnantur . Sed pergamus porro : nolo ab instituto de
flectere . Postquam ea templâ vidimus , in arcem con
tendimus , quæ edito in rupis vertice posita est . ad
quam ut mollior esset per clivum ascensus , ingressi
ipsa in rupe gradus , per quos nullo labore arduitas
superatur . illius figura fermè rotunda , & propugna
culis antiqui operis ornatur verius , quam munitur . ut
expugnari nullo negotio , vel una die possit . Cæterum
regiæ ædes , quæ in arce sunt , & quibus ultimi reges
inhabitant , superbissimæ . cubicula , porticus , Xy
sti , quæ marmore , quæ picturis , quæ etiam musivo ope
re elegantissimo , quæ per magnifica sunt . visuntur
adhuc inaurati forpices , ac texellata pavimenta , alia
que sumptuosissimi luxus monumenta . At infra loci
situm cætera sunt : amœnissimus enim quaquaversus ,
ex innumeris fenestris prospectus patet . crederes ex
pyra-

pyramidis cujusdam apice omnem te Ægyptum circumspicere; universam spectare urbem, eamque quasi pedibus subiectam, totumque Nili alveum oculis complecti. Hoc loco Mœœnas: Age, dic ea sinceritate, quam ego inter cæteras tuas dotes, primam numero, pulchrior ne nostro prospectu, quo ex edito Hermite circumspectantes fruimur? nam ni me fallo, nescio quid illo pulchrius inveniri detur. Cui tum ego: Dicam, ut jubes: etsi verear ne me patriæ amor, quem difficilè exuimus: & quoniam ita natura compatum, ut nostra nobis pulchriora, quam externa, videantur: me à veritate divertant. Jucundus ille fateor Babilonicæ arcis prospectus, & præcipue id temporis, quo Nilus inundat, cum natantes mari terras, inque aquis habitantes homines, te videre credas: At longè jucundior Neapolitanæ arcis prospectus, quam unè cum colle Hermitem dicimus; qui & Antinianus est vulgo appellatus. Hic enim si te ad Orientem vertas, magna Campaniæ pars viridissima planitie spectatur; in culus medio biceps Vesuvius assurgit: Apenninus cotonat: ad Septentriones si respicias, altera Campaniæ pars latissimis extenta campis, plurimis distincta oppidis, villisque interposita, eodemque Apennino præcincta tuis se oculis obiciet. Si ad Occidentem, mira tibi varietas sese offeret, Pausilypus frondosus vertice, sinuosus litore, variatus ædibus. Nefis tutrita, Leucogzi colles, quæque amœnissimæ intersunt valles, Vulcani forum, Puteoli, Bajæ, Misenus, Cumæ, Ænatia, Prochyte, remotæque Taurubulæ sub obtutum cadent: quæ longè Massici, Circæique montes concludunt. Si vero ad Meridiem respexeris, totus tibi Crater patebit, ejus alterum latus Stabiæ, Vicus, Surrentum, Massa ad delubrum, pagique innumeri exoriant, Aureusque mons, atque Æquana juga definiunt.

niunt. modicoque disiectæ fretæ Capræ circumscri-
bunt. Subjecta urbs Neapolis, quæ etſi Babylonia mi-
nor, elegancia tamen, ac magnificientia longè ſupe-
rior. quam vero iucundus, atque amœnus collis, qui
urbem coronat, & quantum oculos oblectet, haud
facile dictu est. quapropter præferendum noſtrum
hunc proſpectum Babylónico, non dubito. Arque ob
id magnificum illud nomen noſtro colli aſcriberem,
quod eis Græci campis, qui ſupra Thermopylas ſunt,
uodè tota Theſſalia conſpicitur, indidere nam ob ad-
mirabilem, iucundumque proſpectum, Thaumacos
appellarunt. & ſanè ſi admirabilis ullus in Orbe pro-
ſpectus eſt: hic ſanè admirabiliſſimus. quo factum,
ut Campania noſtra ob id etiam Felix cognomento
appellaretur. nulla enim regio eſt, quæ vel terræ ſitu,
vel cœli temperie, vel camporum ubertate, vel ma-
ris hospitalitate, vel collium amœnitate, vel oppor-
tunitate inſularum, vel ornatu montium illa nobilior
ſit. Hic Mæcenas: tu in Halieuticis, hic etiam ge-
nio indulſti. Laudo ſtudium tuum iſtud erga com-
munem parentem. nam plurimi ſunt, quos non niſi
externa delectant, placent peregrina, laudant exoti-
ca: tantoque nativæ ſoli ſtudio tenentur, ut merito
in ultimam barbariem amandandi eſſent. Sed redea-
mus ad propoſitum. Cui ego: Id ipſum jam medita-
bar: quæque tum oculis complexus ſum, enarrare cõ-
tèdam. ſed per cõpendium, jam enim ad occaſum dies
vergit: & ſi tardè domum redibimus, Lælius incœnatus
cubitum ibit. hæc enim tardè veniētibz multa. Tum
Lælius ſermo tuus ſimplex, ac mundus, lautiſſima mihi
cœna. Cui tum ego: Bona verba ſi. ſed interruptæ nar-
rationis retexo. Ex templis in fora nundinarum, quæ
plura ſunt, & magnificis ædibus exornata, pedem in-
tulimus. His in locis videre eſt non ſine voluptate,

immensam penè mercium omnis generis multitudinem, quæ ex omnibus terrarum partibus advehuntur. Indi telas egregio opere textas, pretiososque lapides afferunt: Armeni aromata, & pelles versicolores. Persæ oloferica, Arabes equos, & odores, Æthiopes aurum, quod è fluminibus colligunt. Afri Camelos ebur, dactylos, & mancipia, Galli aurum, argentumque elaboratum, aliaque manufacta. Angli, & Batavi pannos. uno verbo, quidquid ex toto Orbe vectari potest, in unam Babyloniam asportatur. Vidimus item plurima nosocomia, & horum quædam amplissima, amplissimiq. redditibus ditata: innumeri quibus egroti sustentantur: tanta verò cura, ac diligentia, ut majorem vix deſideres. Hic Lælius: Miror tantam inesse barbaris charitatem. an hujusmodi morem ex prisca Christianis acceperunt? Verisimile, tum ego. Sed quid mirum? indita nobis à Natura in miseros misericordia, quam si qui exuerint, naturam exuisse censendi sunt. quisque calamitatibus patet: corporisque ægritudinibus obnoxii sumus omnes: quod si non mutuò juvaremur, malè humano generi consultum esset. quando & brutæ pecudes sibi mutuò opitulantur, & ut possunt, opem ferunt. Ex nosocomiis in Laniens perducti sumus. sunt vero hæ novem tota urbe celeberrimæ: in quibus infinitus pene numerus pecudum omnis generis jugulatur. hæ ad regem spectant. Eique pro tributo singulorum pecorum caput, & pellis obveniunt. ex quibus magnam pecuniam corrogat. Cervi tamen immunes. Hic Mœcenas: Laudo genus tributi, quod non hominum, sed pecudum capita persolvunt. sed cur cervi immunes? Cui ego Id ipsum miratus tum ego: atque à multis immunitatis causam exquisivi. nullus satis quæsito fecit. etsi plurimas pluximi fabulas, ut est vulgus hominum

com-

commenti sint. Quidam id fieri, dicebant; quia prisca reges cervorum venatu summopere delectabantur. alii quia mortui medicandis hominibus profunt. alii demum quia satis oneris in capite gerunt, suis illis vastis, ac ramosis cornibus. Placet hoc ultimum, tum Meccenas. at si ita quot etiam homines immunes à vestigali forent? Sed omittamus jocos. Ita, cum ego, nam ut optime poeta:

At fugit interea, fugit irreparabile tempus

Singula dum capti circumvectamur amore.

quæso igitur, ut abundi facultatem concedas: alias quod reliquum est, referemus. Per me licet, cum ille. statimque discessimus.

C A P U T X.

Occasione arrepta à columna, ex qua Egyptii Nili incrementa dignoscunt, de illius incremento, & vera causa fusè disputatum.

R Edieramus cum Lælio ad Meccenatem, qui nos benè manè ejus diei, qui remittendis animis datur, præmisso curru, advocaverat. & post datam, acceptamque salutem, sedemus, inquit Meccenas, & Babyloniam revértamur. mirum quantam peregrinari mente, quando ægro corpore non licet, delectationem mihi pariat. Id mihi etiam, tum Lælius aridet miro modo. & quid jucundius quam sine incommodo, imo etiam sedendo lustrare orbem, gentium mores discere, navigare maria, ignotos adire populos, terrarumque habitudines, & quæ, ut ait poeta, quæque ferat, quæque etiam recuset cognoscere? Quibus ego: Si ita, attendite: Secuto mox die, ad eam Nili insulam nos hospes perductavit, in qua Nili incrementa cognoscuntur. quapropter Arabico vocabulo, quo men-

fura significatur, *Michias* vocitatur. Sita est hæc insula ad meridiem antiquæ Babylonis, eamque universam Nilus interluit. & ipsa instar urbis, veluti insula Tiberina, habitatur: numeratque ædes MD in illius editiore clivo regium palatium locatum est. quod Regem quendam Sarmatico ex genere coluisse perhibent. delectabatur plurimum ea insula: juxtaque templum etiam posuit. quod regiis ædibus nec magnitudine, nec ornatu cedit. At mihi spectanti summo opere placuit Niloscopium. Hic *Mecænas*: Nimirum locus ex quo Nili incrementa specularuntur? Cui ego: Rectè ex græco vocabulo conjectas. Est autem fossa quadrata, in qua ingens aquæductus, qui subter humum instructus, ad superficiem usque Nili perducitur. media in fossa marmorea columna erecta est, inque duode viginti cubitos distincta. ex hac autem Nili incrementum contemplantur hoc modo: cum ex crescere Nilus incipit, assurgens paulatim aqua per aquæductum in fossam influit, sensimque intumescens, augmenti partes in columna ostendit. sic primo duos assurgere digitos, tres secundo: atque isto modo sequentibus diebus incrementa notantur. Hic *Lælius*: Ut video eo sit modo, quo in Thermometris caloris augmenta, frigorisque dignoscimus. Cui ego: Ita prorsus. id vero, ut primum ab homine ad id destinato, exploratum est, ministris quibusdam significatur: qui illico croceis induti calceamentis, veteri more, universam urbem excurrunt, fluviique incrementa denunciant, & ut pro accepto beneficio quam maximas Numini gratias agant adhortantur. quem ego morem summo opere laudo, plurima quippe in nos Superum beneficia forent, si dignæ ob concessa grates redderentur. Optimè ducis, tum *Mecænas*: ingrati plerumque mortales erga beneficentissimum

mum Numen : cujus tanta in nos quotidie promerita
 lucent, ut vix totum vitæ tempus ad referendas gra-
 tias sufficeret. Sed antiquus ne hic mos, ac recens, at-
 que à novis ineolis institutus ? Cui ego : Antiquum pu-
 to, & à prisceis usque temporibus deductum : et si pau-
 lulum variasse pro varia gentium indole verisimile.
 Reperi tamen alium privato cuique, proprioque in-
 fundo usui fuisse, quo quisque sibi fluminis incremen-
 ta, ex quibus unis singulorum fortunæ pendebant,
 meriebatur. Quisnam istic, tum Mœcenas. Cui ego :
 Accipe, in cellis, seu cryptis subterraneis vasa quæ-
 dam cylindrica concava extruebantur ; eaque circu-
 lis quibûsdam equo inter se spatio distatibus per certa
 intervalla distinguebantur. in horum vero cylin-
 drorum bases tubos per subterraneam cunicula-
 tionem à Nilo deducebant ; perque eos exere-
 scens mox aqua derivabatur. quæ quanto altior in-
 tra prædicta vasa assurgebat, tanto majus fluvii in-
 crementum significabat. huius autem certam ma-
 gnitudinem è circulorum numero, spacioremque,
 quæ assurgens aqua occuparet, definiebant. pro ma-
 gnitudine verò inundationis de anni fertilitate, steri-
 litateve pronuntiabant. Hic Mœcenas : Quoniam,
 inquit, dara mihi ad eruditum sermonem porta est, ea
 utar. & eò præcipue ; quod videam Lælium jam se
 ad interrogandum accingere : quam igitur ob caus-
 sam certis, statisque temporibus Nilus exerceat (quod
 quidem manifesto Numinis beneficio fieri negabit
 nemo unus. arida enim Ægyptus cum sit, & siculo-
 sa, nec celestibus unquam imbribus imbuatur ; ni
 exundante Nilo irrigaretur, non secus ac Libya, in-
 ousla esset, ac deserta) enucleare si lubet, disseramus.
 Cum Lælius : Fateor, inquit, te cogitatum meum
 prævertisse : id enim jam eram percontaturus ; & sci-

re jamdiu avebam. res quippe scitu dignissima. Quibus tum ego : Neque ipse adeo inurbanus, ut quod vobis placeat, non lubentissime velim. Ingrediamur igitur, tum Mæcenas : & de tempore primum inundationis, quod te certè non latet, videamus. Cui ego : Dicam equidem. verùm in re tam frequenti, quippe anniversaria, & quæ non apud antipodas, sed in Ægypto, nostro nimirum in Orbe; contingit, mirum oppido quantum authores varient. adeo difficilè est veritatem assequi : quæ licet una, diversos tamen pro intuituum ratione prospectus habet. Quidam incrementi exordia medio Junio constituunt. quod LX. solidos dies durare ajunt : mox totidem decrescere. quidam alii, etsi in augmenti tempore consentiunt : detumescentiam tamen ad XX. usque Septembri diem extendunt. Cardanus sub æstatis initium, Sole Cancri Signum subeunte, excrecentis Nilii principia ponit : XL. dies continuos intumescere, XX. verò non amplius detumescere : quibus expletis feri ab Ægyptiis tradit. At alii sunt, qui sub exordium Canicularium dierum augeri Nilum, perque integrum mensem fieri incrementa dixerunt. Hic Mæcenas : Quid tu, inquit, in re tam varia certi statuis ? Cui ego : Junio mense, circiter initium Cancrici, incerto tamen die : siquidem nunc citius, nunc verò tardius pro varia anni tempestate Nilus assurgit : dies verò XL. durare augmenta, totidemque decrementa constituo. Ita narrant incolæ penes quos fides rei est. idque etiam Leo Africanus tradit, cui utpote indigenæ facile crediderim. Qui eo tempore urbes Ægypti fere omnes, villasque universas instar insularum esse ; nec nisi navibus adiri posse, ait. tantam eo tempore vectandis rebus opportunitatē esse, ut nullo penè sūptu immēsa fœrmè mercium

copia transvectetur. idque secundo fluvio: nam in defluentem conniti, neque vacuis quidem cymbis conceditur.

Affatim, inquit Mæcenas, de tempore hætenus visum est, ad indagandam nunc causam tantæ, ac tam celebris inundationis, quæ quidem non plana res erit, sermonem transferamus. Cui tum ego: lubet: verum jube ut Lælius dicat. Tum Lælius: Ego ut qui discipulus, &que specula in omnes addiscendi occasiones immineo, audiam attentè. tu qui magister ediffere. Cui Mæcenas: Modestè Lælius: age tu, fac ut cæperas. Quibus ego: Si jubetis, morem geram. & quæ varia physicorum sunt placita percipite. Plurimi, quorum duces Agatharchides apud Diodorum Siculum, & Nearchus apud Strabonem, Nili incrementa ex pluvialibus aquis oriri opinati sunt; siquidem Junio, Julioque mense, cum ardentissimi æstus in interiori Æthiopia esse solent, immensi imbres, quibus illi temperentur, maxima Naturæ providentia, in terram decidunt: qui mox per varios torrentes, ac fluvios in Nilum adunantur, hic tumidus aquis assurgit: inque Ægyptum citatissimo contendens cursu, universam penè alluit, obruitque. Hic Mæcenas: Darem id certè tibi, si tantos, ac tam perpetuos imbres effluere non dubitarem. Cui tum ego: Verùm id tam certum, quam quod certissimum. nam præter Agatharchidem, & Nearchum: qui gravissimi cæteroque autores fuerunt, remque solerti studio vestigare conati sunt, testantur id etiam quot quot hac ætate ad Æthiopes navigarunt. Neque hoc solemne in una Æthiopia: verum etiam in India, aliisque tum Orientis, tum Occidentis remotissimis plagis, quæque torrida in Zona positæ sunt. Qua in re uti modo dicebam, quam maximè admiranda

opificis providentia : qui ita illarum regionum naturam constituit, ut aquis æstum remittentibus, habitabiles hominibus essent. quod si secus inhabitabiles, ut plurimum ex antiquis arbitrati sunt, re veras forent : uti ea sunt, quæ perpetuo arenis squalent, nullisque imbribus irrigantur. Hic Meccenas Lælium intuens, Quid tu, inquit, adistud? Et ille: Non oppedo sanum tamen est, quod ambigam : si ita, ut Parchenius dicit, se res haberet. Niger etiam, qui Gis veteribus dictus, omnem quæ ferè Æthiopiæ excurrit, incrementa sentiret, quod tamen audivi nunquam. Cui tum ego : Audivi ipse : & se rem isto modo habere, frequentes illa loca Lusitanorum navigationes abunde docuerunt. Eo enim tempore, quo surgere Nilus incipit, ripasque portum-pere, Gis etiam & ipse victor ingenti exundat alveo, Hesperiosque Æthiopes, qui utramque ripam incolunt, longè, latèque perluit. quia vero gens illam non ferit, nullum populis iundantis alvei emolumentum. Hi enim Æthiopes illi sunt, quos antiqui Serutophagos, atque Elephantophagos vocitarunt : nam his bestiis plerumque victitant. Affecior, tum ille : at qui fiat, ut eodem ferme tempore, quo pluvie Æthiopum campos alluunt, Nilus exundet? Tum ego Quidam sunt, qui ex pluvie superioris anni intumescente Nilum putaverunt. Sed id iam falsum, quàm, quod maxime. Non enim fluvii gurgitibus, aut restudino eunt gradu : neque alio ex ore per immensa terrarum spatia decurrunt : immo adeo veloces, ut quidam celeritate nomen obviare : quos inter Tigris est, tantæ pernicitatis, ut à Gaggia vocatus sit. Tigrim enim Assyrii sagittam vocant : poterit igitur Nilus non plurius diærum curriculo ex interiorè Æthiopia in Ægyptum intrumpere, atque exundare.

Ascen-

Aſſentior tum Lælius, verùm quia de Tigri ſermo-
nem iſtulisti, qui una cum Euphrate Meſopotamiam
complectitur, ſine, ut te unum interrogem. Cui ego:
Per me licet. Et ille: Compertum id temporis, quo
Nilus excreſcit, Euphratem pariter aſſurgere, & hinc
Meſopotamiam, illinc verò Syriam, Arabiamque,
perluere: id autem non eſſe à pluviis: quæ ra-
rò æſtate his locis, ex quibus Euphrates erumpit, de-
labuntur. Ita verò, tum ego. alia enim extumescen-
tis Euphratis cauſa, & ea, qua plerique ex noſtris
maturo jam verè augentur. ſunt autem nives, quæ ex
Armenicis, Medicisque montibus ſolis vi liquatæ de-
fluunt, inque Euphratis alveum receptæ, illum ſupra
ripas ire cogunt, camposque perluere. Et ne longè
exempla peramus, Ticinus, Padus, Arhelis, liquatis in
Alpibus, Majo menſe nivibus, intumescunt. Hoc lo-
co Mecœnas: Si cæteri fluvii reſoluta è nive ſua ca-
piunt incrementa, cur non & Nilus? ſunt etiam in
Æthiopia altiffimi montes, ac perpetua nive cadent.
Cui tum ego: Augeri etiam nivibus non item iuſicias,
niſi id pluviis evenire compertum eſſet: At ille, mul-
ti exploratum ſe habere, ajunt, ex relatione Æthio-
pum, quibus utpote indigenis potior adhibenda fides
eſt: rariffimè admodum in Æthiopia plüere: & quæ
raræ decident, aquæ fabuloſo ſtatim à ſolo exhauri-
ri: arida quippe, ac ſtictuloſa tellus exiſtit. Verùm, tū
ego, cum longè, latèque Æthiopia pateat: quid quid
enim ultra Ægyptum, & Numidiam terraratum eſt
ad utrumque Oceanum excurrans, Æthiopiam ve-
teres appellarunt: inde eſt ut varia in ea ſoli natura
ſit. circa Libyam, atque ea loca, quæ deſerta ſunt, &
enis, ut dixi, ærenis ſqualent, nulli imbres: in aliis ra-
ri: ac ubi Abiſſini incolunt, continuæ eo tempore
pluviæ. ex his verò Nilus cum veniat, nil mirum ſi

tur.

turgidus intumescat. Egregiè, inquit. Mecœnas: sed quid tu de Cardani placito? putat hic, ni me fallo, idcirco Nilum excrefcere, quod altius mare eum fit, in terram influit, fluentesque Nili aquas submover, inque fontem ire cogit: hæc hunc in modum expul-
sæ accumulatur, superatisque riparum obicibus ex-
undant. Cui tum ego: Sed si ita: jam toto anno Ni-
lus tumesceret: & hyeme præcipuè, quando propter
assiduas tempestates plus solito afflata maria turge-
scunt. Tum Lælius: Imo memini te in eo libello,
qui de Mundo est, humiliter mare, non altius terris
esse, liquido demonstrasse. quod & alias memoravi-
mus. Teneo, tum Mecœnas: At plurimi fuerunt, qui
Oceano augeri Nilum non levibus conjecturis affir-
mant. ajunt enim id temporis, in quod incidit Ni-
liaca inundatio, vehementissimos perflare in Oceano
Ethiœas: quibus impulsu mare partim per latissi-
mos amnes, partim per secretos meatus in Zembren-
sem, Zairanumque lacus irrumpit: cogitque la-
cus assurgere: ex his verò descendens Nilus immen-
sam aquarum vim devehit: qua Ægyptum quàm la-
tissimè alluit. Cui tum ego: Si sic, jam altius assurge-
re Oceanum necesse erit, quod minime dandum de-
monstratum est. præterea jam compertum est, non
ex Lunæ montibus, perq. eos lacus Nilum descende-
re, qui ultra Æquatorem sunt: sed eis cum circum;
jam illud quod ex eo existeret, falsum esse necesse est.
Intelligo, tum ille. Sed qui tu de fermento, quod ob-
trudere novi volunt? autumant enim omnibus penè
rebus suum inesse fermentum, quo cœtis temporibus
fermentescant: & eo prorsus modo, quo pinfa farina,
inque panem coacta hypocausti calore sensim assur-
git, leviorque inde fermento, ac latior fit: ita
Niliæque fermento ab nimio æstu repesto, excre-
scunt,

scunt, exundant, Ægyptumque obruunt. quid tu, inquam, de istiusmodi fermento? Cui ego: Non me latet, multa novos phisicos de huiusmodi fermento, multa etiam Ægyptios fabulare. ajunt enim hi singulari Numinis Providentia, pridie id: Junii supremum celestis militiæ principem mitti: cujus eo tempore festum Ægyptii agunt: cumque nescio quo rore Nilū imbueret: imbutumq. mox fermentescere, atque exundare. Sunt verò inter eos sapientiores quidam, qui circiter Auroram ejus diei, quæ XIV. est à Kal. Jul. rorem quendam depluere arbitrantur: eoque corrupti Nili aquas, sensimque virescere, palustrium in morem: atque isto modo excreescere, effundi, atque obruere universa. compertumque addunt id temporis fluvii aquas minimè potabiles, nec sanas esse. ac illud mirum oppido, eodem scilicet rore, quo infœi Nilum fabulantur, purgari aërem, vitiumque omne exuere. Ipse, ut latinè dicam, quod sentio: sicut plurimis subesse rebus fermenti vim non negaverim; ita uni Nilo, vel alteri inesse fluvio, haud equidem concedo. cur non alii amnes eamdē vim sortiti? cur non reliquis aquis eadem facultas? laborent quamvis, nunquam rei causam producent. De rore autem, quem depluere Ægyptii comminiscuntur, ex eo ortū duco, inque ulgus mox emanasse; quod similem Hebræis prodigio cecidisse e cælo rorem acceperint. Intelligo tum Mæcenas, & verisimile quiddē illud. At Lælius: Sed quid de istis lacrymis? nā nī fallor, ex hujus fletu Ostrim deplorātis excreescere Nilū, veteres tradiderunt. Cui Mæcenas? Ista inter Poetarū, gentiumq. deliria collocanda: quo loco Lacteam cæli semitam ex Junonis lacte ortam, aliasq. hujuscemodī ponimus. Atq. hæc cū dicerentur, adest convivii magister, monetque omnia in promptu esse. illico igitur assurgentes disputationi finem fecimus.

C A P U T . XI.

De Nili fontibus, & à quibus detecti.

Posteaquam pransi diem diffidimus, in aulae pro-
jectum, ex quo pulcherrimus ad mare prospectus
erat convenimus: quo in loco simul ac sedimus, Quo-
niam, inquit Mecœnas, de Nili fontibus sermo inci-
dit, lubreat, quæso, de his disserere: & quo tempore,
& à quibustandem detecti, quoque in loco positi
enarrare. Cui ego: Veniam, quo jubes, ut verò rem
ordiar, ut dicitur ab ovo, scias velim ultra Æquidia-
lem circulum, qui medius terras interfecat, ad par-
tes latitudinis Australis, ut Geographi dicunt, duo-
decimas, altissimos montes esse, quos à Lunæ
quam summis jugis contingere videntur, nomine,
donarunt. ex his nonnulli Nilum descendere tradi-
derunt. ad partes autem decimasquintas gemini, ac
vastissimi lacus sunt. eosque esse quidam opinati,
quos Orientalem, Occidentalemq paludē Ptolemæus
appellavit: perque occidentalem, qui media insula,
duas in partes fiaditur, Nilum præterfluere, puta-
verunt. qui mox transmissio Æquatore in exteriorem
Æthiopiam invehitur. qua longo tractu perlustrata,
in Æthiopicos montes deducitur: ex quibus mox præ-
cipitatur, inq. Ægyptum descendit. atque hæc potior
de Nili originē superioribus sæculis scētia fuit. nam
antiquissimi ignorarunt, quo ex fonte tā celeberrima
fluvius oriretur. atque hinc celo caput condere
potēz suo more fabulati. Etenim, quod Juba rex
scripsit, nasci nimirum eum ex quodam lacu inte-
rioris Mauritaniz, quem Nilidem vocat, falsum om-
nino, nec probabile Nilum ex Euphrate per subterra-

nes

neos ductus in Æthiopiā irrumpere, ut alijs censuere. Verūm ut ad rem propius accedā, ajo superiore sæculo, anno MDCXVII. concessum id nobis, quod non Sesostris, non Ptolemæus Philadelphus Ægypti reges: non Cyrus, & Cambyfes Persarū, nō C Julius Dictator, non Nero Romanorum Imperatores, assequi tantis opibus, tantisque conatibus potuerunt. Duce igitur Æthiopum rege, quem nostri Presbyterum Joannem appellant, comite Petro Pays Lusitano ex nostra Societate, itum est X. Kal. Majas prædicti anni exploratum Nili fontes: habitumque iter toto cum exercitu: quo militari apparatu Æthiopum rex iter facere consuevit. Est in media Æthiopia, quæ Abissinorum regi, qui potentissimus inter Æthiopes habetur, regnum quam aplissimum *Gajam* incolæ nuncupant, in quo *Agoi* populi, & regiuncula *Tonkova* barbaris vocitata. in hac altissimus mons surgit: cujus in vertice lata planities, quæ editioribus circum jugis præcingitur. in hac planitie gemini fontes rotundi, latique palmos quatuor visuntur, quorum aqua levis: pet lucida, gustuique gratissima. eos Nili oculos incolæ indigerant. non autem in ea planitie scaturiunt, sed in declivi montis dorso. Superiorum fontium quanta profunditas non satis perspectum. nam cum longissimo hastili primi, qui ad Occidentem est altitudinem metiri Petrus vellet, in arbores in fundo enatas, sive in concavo rupium, offendit. Secundi, qui ad Orientem vergit, distatque a primo jactu lapidis, ne duobus cōplicatis hastilibus reperire potuit. Apud incolas ea invaluit opinio, omnem latè montem aquis repletum. idque ut confirmet, ajunt, omnem circum fontes terram nutare, ac tremere. & quamvis ex inferiori fonte continuo, magnoque impetu aqua erumpat, tamen superiores, quæ in planitie

tic sunt, eandem servāt altitudinem, neque unquam deerescunt. imo etiam notatum, eo anno frequentius, ac terribilus tremere, quo uberiores pluvie, minus vero cum rariore. Ex inferiori igitur elivo Nilus scaret; in quem alius ex vicina valle influit. qui & ipse eodem ex fonte per occultos terræ meatus erumpere creditur. Ortus igitur è suo fonte, auctusque Nilus tanto in Orientem spatio excurrit, quantus majoris tormenti jactus est. mox septentriones reflexus petit in ipso autem flexu labentem è vicinis scopulis rivum excipit. geminos deinde alios, ex Orientis plaga, editisque è rupibus decedentes admittit. His verò, aliisque torrentibus adauctus, major fluit, Nilique jam præ se speciem gerit. quem à magnitudine *Abanin*, fluviorū scilicet patrem *Æthiopes* appellant. Postquam autem unius diei itinere, valles, camposque emensus præterluit, justum amnem, cui *Lama* nomen, in societatem asciscit. Mox fontem versus retortus in Occidentem parva intercapedine defluit. statimque in Orientem conversus, in subjectum, ingentemque lacum effunditur. quo loci prima Nili catadupa, quam cataraetam pariter nuncupamus. Hoc loco *Lælius*: Patiare, quæso, inquit, ut te unum interrogem. Cui ego: effare. Et ille: undenam dictæ Nili catadupæ? Tum ego; κατὰ πῶν xefono, sive reclamo latine sonat: hinc κατὰ πῶν fragor, & clamor est, quia vero jis in locis, dum se Nilus præcipitat, magnum fragorem edit, catadupæ ea loca dicta. atque Cataraetæ κατὰ πῶν enim, cum impetu, strepituque decido significat. atque hinc in urbibus hæ portæ, quæ ex alto illico demittuntur, ad hostium insidias propulsandas, cataraetæ etiam vocitantur. Intellego, cum *Lælius*. perge portæ: res enim tum mihi, tum Mæcenati accidit quam per

per jucunda . Tum ego : Atque audite . Lacum igitur ingressus , *Bedum* barbaris dictum , tam rapido per eum cursu fugit , ut facile illius aquas à palustribus discernas . in quibus purus mox , putusq. egressus Meridiè versus recurrit *Alataq.* campos alluit ex quibus per prærupta montium irrumpens ex secunda catadupa præcipitatur , altitudine cubitorum XIV. fragore tam vehementi , ut ad X. millia passuum exaudiat . Hic Lelius : Miram oppidò tam vastam fragorem edi , ut tãto è spatio percipiatur . non igitur tota poetica illa tua hyperbole , quam habes Naut. VII.

Se velut ex alto cum Nilus Atlante refudit

Subiectos latè in campos, plangitque profundas

Ingenti valles sonitu, quo tota remugit

Thebais, Ægyptusq; atq; astiferi Garamantes.

Cui ego . Atqui audi modo , neque verbis istis moram innectas . Non longe inter duas rupes veluti absortus interlabitur : ut illum spectare vix possis . rupes adeo inter se propinquæ , ut Æthiopũ rex pontem inter eas sterni iusserit ; ut universus exercitus transduceretur . Tandem ex angustiis illis victor emergens , flexoque in Orientem cursu plurima regna , provinciasque fluctibus irrigat , ac fecundat . in *Gafasibus* , *Bixamiisq.* perlutis , in Boream contendit ; non longè ab origine primævi fontis pertransiens , Nubiam ingreditur , Maroën insulam , in duos ramos partitus alveum , efficit . per difficiles hinc aditus , ac prærupta loca connisus ad Æthiopicos montes evadit : e quibus horrendo strepitu delapsus , in Ægyptum descendit . atque hic celebres apud veteres Nili catadupæ : quas juxtà habitantes ob continuos fragores præcipitantium aquarum surdastros esse prohibent . Hæc autem sunt , quæ de Nili origine pro certo , exploratoque censeari debent.

ni velimus hominum fidem funditus evertere, quo
nescio quid absurdius dici possit. Egregiè, tum Me-
ccenas. qui, postquam multa alia disservimus, illud
postè repetens

Claudite jam vivos pueri, sat prata biberunt.
nos benevolè dimisit.

LIBRI PRIMI
FINIS.



VERIS



VERIS

HERCULANI

L I B E R I I.

C A P U T P R I M U M.

Dum apud Mecœnatem otiosi sedemus susceptum Babyloniam Arsinoen iter, quaque in via cum pradonibus acciderunt, enarrata.



Ost rigidissimos Boreę flatus, qui triduò nubilus desævierat, pacata tandem serenitas, quę nocturni indoles Aquilonis est, effulserat: & quoniam in vacationis diem placidissima cœli temperies inciderat, haud prætermittendâ apricandi occasionē duxi. Accito igitur Lælio, quem mihi suavissimi mores, ac juvenilis simplicitas, miraquē discendi cupiditas arctius in dies adstringebant; Eamus, inquam ad Mecœnatem, qui certè hac die tam lepida, quàm quę maxime, nos

G

ad

ad geniale colloquium expectat. Placet, tum Lælius, sed de ciso nulli negotium datum. Cui tum ego Mitam ad proximum amicum C. Manium; ut suum nobis hac diē commo det: nec dubito quin illico missurus sit. scio quippe quā perurbanus sit, & quanto me amore complexatur. Hęc inter adest Sextus Niger, adolescens, & ipse mihi ob egregiam indolem perquam charus: & quid meditemur? interrogat. Cui ego: De comparādo ciso, quo ad Mecœnatem veheremur. Tum ille: Si me in societatem asciscitis, offeram ego currum, qui quidem in promptu est. Cui Lælius: Quis tibi, Sexte, commodavit? Cui Sextus: Mecœnas vester: cui ego etiam non tantum notus, sed & percharus sum. Sæpe enim superiore anno illum cum Parthenio conveni. Tum ego ad Sextū: Ne tu versutus, illum ad nos Mecœnas, ut ad se pergeremus, haud dubio misit. Itaque verò, tum Sextus, non inficior: nam tu peracutus, semper, ut soles, rem acu tangis. dum enim in peristyllo, deambularem, me auriga convenit, & si tu domi esses, perquisivit, Cui ego: Est, inquam. præstolare hic tamtisper, dum eum tibi accersam. neque omittebam occasionem putavi conveniendi hominem officiosissimum. arbitrabar enim me tibi socium futurum. Bene, est, tum ego: in te quando fors cecidit, nolo te honesta voluptate, fraudare. eamus una cum Lælio. haud equidem grave Mecœnati erit, cuius tanta humanitas, tanta munificentia, ut paucos admodum æquales habeat. impetrata mox à præfecto abundi facultate, discedimus, inque Barnenses Mecœnatis ædes proficiscimur. Quò cum pervenimus, nos Mecœnas, qui pro foribus apertabatur, benevolentissimè excepit: ac singulari humanitate Sextum complexus est. Et cur, inquit, tam rari tui mihi copiam facis? nescis quanto te ego studio, quanto amore prosequar? certe quidem

nihil

nihil antiquius habui, quam tibi, non secus, ac Parthenio, Lælioque inservire. Cui Sextus: Scio quippe tua in me, ac socios officia constare: quibus ne frequentius uterer, studia, quibus operam navo, aliarque curæ in causa sunt. gratias nihilominus ago quam maximas, & habere etiam vellem, si possem. Atque hæc ubi dicta, in hortum ingredimur: sessumque in Xysto est. Vix dum sedimus, cum Mecænas me intuens: Quid expectem? intelligis. Cui ego: Planè intelligo, & paratus ad rem veni: agite igitur, animumque advertite. Et ille: Perpurgatas tibi aures, animumque attentissimum commodamus. effare, ut tandem tuæ peregrinationis finem teneamus. Tum ego: Perpurgatas quando mi aures, animumque attentissimum commodatis, faciam quod juberis. Verum adeo prolixa res est, ut vix post multos dies ad umbilicum venire liceat. dicam tamen, quod potero. Dum nos ad visendas Pyramides accingimur, adest Arabs quidam ex jis, qui Camelos locare solent, admonetque Achmetidem esse quosdam homines Europæos, qui in Arabiam iter adornabant, si uti occasione veller, in crastinum diem omnia in promptu esse oportere. se nobis camelos præ cæteris oprimos, ac cursorios locaturum. Quod cum mihi ille significasset, amplectendam occasionem duxi, inque diem crastini adornari profectionem jubeo. Mox Britannum veterem anicum convenio, deque itinere capeffendo edoceo. ille vix passus me ab se divelli, omnia prospera precatus: seque expectaturum me redeuntem Canopico in ostio, vel certè Alexandriæ sponpondit. Ubi vero manè illuxit, nos statim itineri committimus. Erant in comitatu Galli quatuor gladiis, æreisque fistulis armati, duo Itali ex Etruria, & ipsi ense, & minori sclopo muniti: duo Æthiopes ex jis, qui Christiani sunt,

Abissinorumque regi parent, & arcu, & patrio acinace præcincti, quo paratu ipse etiam Achmetides fulgebatur. ego syphunculum cum pugione à Britanno acceptum, ferebam Arabes camelarii majoribus cultris, gravibusque baculis non minus bestiis, quam hominibus terribiles. Hic Sexrus Niger, cui ad jocos promptum ingenium erat, Saris, inquit, armorum, ut justus exercitus videri posset: sed nescio an tantum etiam animorum? Cui ego: Animosissimus quisque erat, & si res postulasset, pugnaturus egregiè. & certè nemo nobis, aperto Marte, iniuriam intulisset, ab insidiis timebamus, quibus Arabes prædones viatores adiunguntur.

Postea verò quam in unum, ut condictum erat, convenimus, illicò in viam nos dedimus, ut verò res bene fluere, à Superis exoriri sumus, precesque, quas recitari mos est, læti decantavimus. Vix M. passus ab urbe confeceramus, cum nos concitatissimo equo, quo ferebatur, Turca quidam assecutus est: rogatque, ut in societatem admitteretur: neque id nobis, nisi commodo futurum. se Europæorum, quibuscum plurimos annos Alexandriæ vixerat, esse amantissimum. hoc autem Gallis. Gallico sermone, significabat. cum his enim hominibus versatum se dicebat. & quorum tum linguæ commercio, ut sæpe fit, benevolentiam conciliavit. quocirca admitti hominem Galli censebant, inque eorum sententiam reliqui descendebant: agebantque futurum viæ præsidium. cum enim Turcarum, penes quos imperium, multum apud gentes illas autoritas valeat, tutos nos sub illius ductu fore arbitrabantur. At ego, quasi divinus mihi animus, negabam expedire. idque mecum Achmetides censebat. Prævaluit tamen reliquorum sententia; inque societatem viæ ascitus est. imò & dux itineris constitutus.

rus. Hoc igitur duce lupo, læti omnes, me solo, atque etiam Achmetide, cui anceps animus, exceptis, iter corripimus. Ad meridiem properante jam Sole, in dirutas quasdam ædes peruentum est. Hic morari tantisper, & brevi prandio tum hominū, tum iumentorum refici vires visum est. Dum autem ceteri quiescerent, ego in vicinum tumulum conscendo, ut omnem circa regionem perlustrarem, cumque oculos circum verito, video Turcam equo inscensō, quasi explorare viam vellet: quod Gallis, ut omnem ab se suspicionem amoliretur, facturum sponderat; ad D. passus procurrisse. cumque mox cursum inhibuisset, visus mihi cum duobus aliis equitibus miscere colloquium: & quasi tessera data, ad nos redire. Id ego non boni consulens Achmetidem accerso, illique rem ad aures committo, qui mox ad ceteros retulit. At illi, siue fato, siue nimia fiducia, in suspicionem adduci minimè potuerunt, ut subesse fraudem intelligerent. Sed consensu illico camelis, iter aggredimur. cum autem ad dexteram ire Camelarii occupassent, exclamat, Turca: Ad sinistram, qua parte ipse præcurrerat: tutius illac, ac brevius iter fore. quod quidem manifestissimum mihi fraudis indicium fuit. At quia reliqui fidendum homini ajebant, Turcam sequi placuit: inque sinistram convertimur, reclamantibus identidem Camelariis. Tandem inclinante se die, in villam quandam devenimus. hic Turca in diruta quadam taberna, quæ actu sclopi aberat à villa, consistere iussit. idque suadebat tum putei commoditate, tum consuetudine ceterorum viatorum: qui in ea subsistere, solitabant. haud mora interposita, in tabernam cuncti succedimus.

Turca me Achmetides vocans, Eamus, inquit, in proximam villam, nam non lætam futuram hanc noctem,

mens augurat. Eamus, tum ego: Salutemque in tuto collocemus: nam & mihi pariter non hilaris est animus: qui præfagus sæpe mali, nescio qua fati specie obumbratur. cum verò nos cæteri discedere animaduverterent, quò rogant? Quibas ego: Visuri villam, in qua nescio, quæ rudera antiquitatis; quibus illustratis, redibimus illicò. Ut venimus in Ægyptium hominem ex antiquissimis terræ incolis, quos *Cosios* dicunt, ex corrupta voce *Cuptios*, qua olim Ægyptus appellabatur, incidimus. illū verò bonus quidā genius nostri miseratus, obviā misit. hic Achmetidē roget, quò iremus? Et ille: Arsinoen. Cui tum Ægyptius: At non hæc Arsinoen via ducit. Soline? Cui Achmetides: Minimè, sed plures alii in comitatu, qui proxima in taberna confederunt. Tum Ægyptius: Proxima in taberna. nimirum in latronum spelunca. timeo vobis ne quid struatur mali. Nam Turca quidam non multis ab hinc diebus, cum quibusdam Armenis, ac Persis se ducem præbuisset, omnes noctu spoliavit, plagis etiam inflēctis. Quod cum mihi Achmetides significaret: nam uterque Arabicè loquebantur: Divinavi, inquam ego. Haud equidem in infamem illam me specuni reducam. non frustra turbata nobis mens erat; ut quæ imminentem jam jam calamitatē prævidebat. non faciam, ut nos frustra admonuisse Superi videantur. Verum initæ societatis lex petit; ut illòs, quæ pendant pericula, doceamus; ne scilicet nostra culpa pereant. & opem conferre tuam cum possis, ut aliorum incolumitati consulas, divinum est. Ita verò, tum Achmetides. verū hanc ego provinciam suscipiam. mox hunc cum fasce, si fidem mihi neutiquam habituri sunt, illicò revertar. nos autem, ut ad se divertereamus, Ægyptius rogat, in villa plures esse, qui nos ab injuria vindicare potuissent. Dum igitur Achmetides
ad

ad socios pergit, ego Ægyptium secutus, in proximam
 casam me confero. ancepsque animi plurima mecum
 volutabam, & quam in partem penderet animus, ob-
 servabam: ut eam tutius sequeretur. sunt enim in nobis
 quædam divinitatis semina, quibus quid magis con-
 veniat, quidque futurum sit, præsentimus. Solida post
 hora se nostro cum fasce Achmetides reduxit: quem
 statim quid egisset interrogo. Et ille: Risere, inquit,
 simplicitatem nostram: illudq; Ægyptii commentum
 esse, ut sic pro locato hospitio à nobis pecuniam ex-
 torqueret. imo ab hoc potius, quam ab illo fraudem
 timendam esse. sinceros Turcas, Ægyptios verò, atq;
 Arabes bilinques, atque infidos semper habitos: ac
 proinde rebus nostris mature consuleremus. Hic ego
 rursus versare animo, ne Carybdim, ut dicitur, vitare
 cupiens in Scyllam inciderem. ac cum in Ægyptium
 penderet animus: minusque ab illo periculum futu-
 rum habitato in loco, quam à Turca in deserto: in
 quo ex furtivo colloquio suspiciō inerat, & urbanas
 fraude instructus videbatur: idcirco insistere jam ca-
 pto consilio visum est. Verum ille me scrupulus tor-
 quebat, ne Turca, quem in suspicionem sociis addu-
 xeram, non minus vindictæ, quam auri cupidus, in
 villam, in qua paucissimæ admodum casæ, sive potius
 tuguria erant, irrumperet, nosque eò crudelius per-
 deret, quò ira, cupiditateque impotentius aggredie-
 retur. quapropter meum hunc timorem ad Ægyptiū
 defero. Et ille: Quiescite, inquit, ego vos isto timore,
 sollicitudineque eximam. est hic in altero villæ secessu
 turris pervetusta, in quam solemus cum prædones su-
 perveniunt, confugere. in illam nos clam recipiemus,
 subductoque ponte, tam securi erimus, quam qui ma-
 ximè. quod mihi optimum factu visum est. Postquam
 igitur frugi cœnula corpora curavimus, clanculum in-

turrim secedimus, subductoque ponte, cataractaque demissa, quieti nos dedimus. Et quamvis Ægyptius profundè indormiret, Achmetides dormitaret, ego vix conciliare oculis somnum quivi. Nam magna animi perturbatio, magnus timor non cedit somno locum: nec quiescere mens potest, quam magni æstus exagitant. illi nihil habebant, quod perderent, inque patrio solo erant: ego in barbaro, & omnia cum salute amissurus. Credo equidem, tum Mecœnas, sed quid de sociis factum? Cui ego: Istuc ibam. Prima vigilia, cum omnes gravissimo somno correpti jacerent, præter Tuream, qui prædones præstolabatur; adfuere ex condicto sex Arabes ex jis, qui prædatu victitant. statim à Turca admissi, in dormientes manus iniiciunt, detractisque armis, quidquid prætiosum erat, vectarique poterat, subipiunt. Quia verò duo ex Gallis præ cæteris animosiores nudo ense resistere conati sunt, multitudine oppressi, ac duobus ictibus vulnerati cedere prædonibus coacti. qui statim ad villam veniunt, inque Ægyptii domum irrumpunt, quam cum vacuum reperissent, tota villa discurrunt de nobis queritantes. interim magnus exortus clamor, cunctique pagani ad arma concurrunt, inque Arabes impetum faciunt. Duo capti, reliqui cum Turca relictis armis, quæque abstulerant, aufugere. Quid tu interea? inquit Sextus. num prodiiisti cum tuo illo syphunculo? Prodiit Ægyptius cum Achmetide, re jam confecta, ego ad falces substiti. Consultò tu quidem, Sextus. ego certè prodiiissem cum illo syphunculo. Cui ego: extra aciem omnes sumus Hercules, cum vero periculum incumbit, quisque se subducit. Ita est tum Mecœnas, multi gloriosi in urbe milites, ut Plautinus ille: qui mox in conflictu ignavi sunt. verùm Sextus, cui lepidissimum ingenium, jocatur. cæteroqui idem præmium cer-

gantes,

rantes, & ad certantium vasa subsistentes manet. Sed quid tum postea? nam mirum oppido tuum istud iter, ac paradoxo simile. Cui ego: Accipe: primum ad socios ire placuit, ut quid de illis factum esset, intelligeremus. & primos obviam camelarios habuimus: ex quibus omnem tragædiam paucis cognovimus. dein de tabernam ingressi, destitutos tum consilio, tum viribus socios invenimus. ex quibus senior Etruscorum: Divinus certe tibi erat animus: utinam illius instinctum secuti essemus omnes: haud equidem in præsentem calamitatem volentes incidissemus. verum ita facto hominum comparatum est, ut non nisi serò sapiant: & tunc eos facti pœniteat, cum nullus pœnitentiæ fructus existit. Tum ego: Bono eos animo esse jubeo: ex prædonibus duos captos, recepta arma, quibus se in posterum defendant: saluum viaticum, & camelos, quibus saltem redire Babyloniam quæremus. At illi pecuniam, aliaque pretiosa, quibus nullum præsentius viaticum, deshebant. & sociorum etiam vulnera non levis dolor, luctusque erant. Quæ dum inspicimus, atque attrectamus, non ea lethalia esse deprendimus. quocirca resumptis animis, balsamo quodam illita alligavimus: mox ad capefendum de re consilium convertimur. Cuncti redeundum Babyloniam censebant. haud tutum sine pecunia iter, & duobus egris ex vulnere, Ægyptus, ut insequeremur prædones, horrabatur. se cum expeditis paganorum in auxilium futurum, quod quidem consilium cum spem recipiendæ pecuniæ ostentaret, amplexum statim ab universis fuit. nullum quippe periculum, in quod auri spes non irrumpat. Quibus ego. Etsi optimum videretur, prædones illicò vestigare, illatamque injuriam forti animo vindicare: verum qua parte aufugeant, quisnam divinet? quis velocissimos Arabum equos

asse-

asssequatur ? At illi : Nihil cunctandum esse, quodque in eorum potestate esset, confestim conari oportere : reliqua fortunæ committenda. quæ audaces, subitoscque aulus fovere, ac fortunate plerumque soler. Hoc loco me Lælius interpellat: At non egregiè illi censebant habes enim tu in Bellicis

*Odis enim Fortuna moras; quæ præpete semper
Itque, reditque rota, & nescit consistere eodem.*

Cui ego: Rectè autumas: sed audi modo. Nihil moræ factum, Ægyptioque duce, in meridiem magno cursu itū est. Vix tria passuum millia exhauscetamus, cum in antiquam casam, ac semirutam per ventum est: in quam se prædones receperant. inter quos cum diu de dividenda præda disceptatum: quoniam plus iusto maiorem sibi Turca vindicabat, cæteri Arabes, quos sociorum captura exacerbaverat, id indigne ferentes, illum, ut sunt ad rixas, & ultionem prompti, spiculis continuo adorsī sunt. qui patrio, quem gerebat, acinace se acertimè defendit, nec prius cecidit, quam duos graviter vulnerasset. reliqui dum socios curant à nobis circūveniuntur. & tam subito, ut fugere minimè potuerint. comprehensi igitur, omnis pecunia, quæque alia subriperant, recepta. magnoque cum gaudio villam repetivimus. Hic autem orta cum paganis statim lis est: Si quidem dimidium eorum, quæ receperamus, sibi dari postulabant. nec id quidem iniuria: nostri negabant. tandem, Ægyptio procurante, composita est controversia; triensque paganis datum. Ego cum plurimum Ægyptio non hospiti tantum, verum etiam servatori, debere intelligerem, multam ei pecuniam obtuli: utque veniam daret, si maiorem non offerrem, rogavi: nam mihi in externo solo non licebat, ea ipsum munificentia complecti, quæ ob acceptum tam illustre beneficium debuissim. Negavit ille

ille se pecuniam accepturum . quod erga nos fecisset, debitum hospitibus esse : idque tum divina , tum humana jura postulare . imò turpe esse, & diris omnibus execrandum , ex aliorum miseriis quæstum quærere. Ad rem ego tam insolitam, quam nullo modo à barbaro expectasē, tanto stupore perculsus sū, ut vix mihi crederem, usquæ adeo verum, haud misericordiæ, atque humanitatis sensum in eo desiderari , in quo bonam naturam indolem collocasset. Hoc loco Meccænas. Admiron sanè barbari hominis generositatem sed quid ego barbarum eum voco, cui tanta in hospitem, eumque ignotum benevolentia , tanta humanitas fuit ? Nullum oppidò cælum est , in quo hominum natura omnino degeneret , quæ ad mutuam societatem, ac benevolentiam homines fecit . Ita verò, tum Lælius: neque qui barbaro in solo nati sunt , statim barbari pronunciandi, cum etiam inter barbaros mitia ingenia educuntur: quæ interdum prava indole prævalente , in cultu , humanoque solo desiderantur . Verum age, sis, quid postea ? Tum ego : Toto illo die in villa apud Ægyptium versati , cujus tanta in universos officia, tanta beneficia fuere, ut nos arctissimè devinxerit, rogavimus sæpè, & enixè, ut nobiscum in Europam navigaret ; haud dignum passi tam frugi, atque humanum hominem in penitissima illa barbarie degere. Verum tantus illi nativi amor solī, ut nullis precibus adduci potuerit, ut nos sequeretur. Cui cum plurimas gratias egissem , strictissimè complexus sum: annulumque , ut in filii pignus , ac mei memoriam acciperet, vix tandem extorsi. Mox viam, cui insistere, quoniam faucii melius se habebant, cunctis visum erat, ingressi sumus. nullaque quietis causa, interposita mora, usque ad vesperam iterfecimus . Erat autem iter per deserta loca, vastasque solitudines. quæ illius
de-

deserti partes sũt, per quod XL. annos pervagatos Hebręos esse Sacre literę tradunt: nos quatuor diebus exhaustimus. Extabesciente igitur die, ad locum quendam, in quo rari admodum cespites, ac sicci viscebantur, consedimus. Hic Arabes postquam tabernacula fixerunt, omnem circa regionem lustrati, magis clamoribus vociferati, si qui in vicinia homines esset, siue nequam, siue frugi, ad nos venirent. cæterum nos viatores esse, qui Arsinoen iter haberemus, cunctisque futuros innoxios. Est autem id solenne Arabibus Camelariis, ut singulis diebus per deserta loca iterfacientes, postquam tabernacula extulerunt, immensis circum clamoribus omnia compleant, ut de suo, viatorumque adventu, ipsę solitudines, ipsę ferę scirent. mihi videbatur solenne prætoris edictum, & non illepidum quidem. Hic Lælius: Sed quid aliud illud erat, quam de adventu prædones certiores facere? Cui ego: Quid facias? ita apud illos moris est; cui utte accomodes, necesse est. Et ille: Venere ne unquam ulli? Admodum. tum ego. Sed miseri quidam, ac pauperes spiculis ex palmę ramis, incurvisq. pugionibus armati: quibus Turcę etiam utuntur: & olim, ut refert Xenophon, & Calybes, & Lacones jis præcingebantur. cæterum nudi omnes, & tam miserabiles visu, ut non timorem incuterent, sed misericordiam excitarent. nos eos, stipe erogata, benevole dimisimus. Mox ad curanda corpora conversi. Hoc loco Mecęnas: Sed qui victus in tam inculta solitudine esse ad manus poterat? Cui ego: Curatis primũ camelis, quę præcipua Arabum cura, ex cespitibus ignem illico excitant: atq. oryzam tanta mox celeritate coxerunt, ut vix crederes. illam verò non uti nostri, sed patrio more, quò fere omnes orientales populi, quibus quotidianus est cibus, solitaverunt, scite adornarunt.

Qua

Qua arte . tum Mœcenas nam id scire operæ pretium est. Et ego Singulis oryza scutellis ternas aquæ , sive juris jam præparati , attribuunt : deinde tandiu coquunt, quo ad jus omne ebiberunt, tum butyro asperso, atque in lance satis ampla, in hypocausto , sive ad lentum ignem applicant : ut illo benè imbuatur . ita enim fit, ut grana distincta, sapida , ac jurulenta, turgidaque miro modo proveniant . nostri adeo excoquunt, ut mollis instar massæ fiat, qua nihil inspidius. Divites caponino, vel vervecivo jure utuntur : Atque isto modo in secessu Surrentino oryzam ipse adorno. quæ meo stomacho optimè quadrat. At Mœcenas: Sapis tu quidem certè. curabo, ut meus coquus istam ex te artem ediscat. Sed age . quid tum postea ? Cui ego, Absoluta cœna, ad somnum concedimus . Quia verò timebamus, ne Arabes latrunculi noctu aliquid clam furriperent, per vices tota nocte vigilatum est . quis verò prima, quis secunda, quis tertia, quis tandem quarta vigilia : nam in tot partes noctem partiti , & automato horologio metiebamur, excubias ageret , militum more digitis micando sortiti sumus . Mihi, socioque meo prima obvenit, secunda Etruseis, Gallis tertia, Æthiopibus quarta. His verò vigilantibus, ridiculum quid accidit, quod cunctis somnum tempestivè excussit. Erat inter jumenta Asellus miræ pernicitatis, qui capistro excussus, in tentorium irrupit: tum Æthiopes rumore audito , exclamarunt , latrones adesse. caveret quisquis sibi, ac suis . ut verò latrones perterrefacerent scloperum explodunt . excitamur confestim omnes, arma capimus, & ad vim vi propulsandam accingimur. cùm vero in latrones irruere putaremus, in asinum incidimus. qui strepitu territus tentorium universum fatore turbavit : tantoque ruditu perstrepuisset, ut omnem solitudinem impleverit . quo loco tantū ridere

dere risum cœpimus, ut nihil supra, lepidèque Æthiopum ignaviâ carpsimus: & ut sit, rem ad jocos transduximus. Hic Sextus: Juvat seria hilaritate conspergere: & curis cum premimur, libenter animum ad jucunda convertimus. At illud tum vobis celsisse emolumentû puto, ut maturè nimirum viam carperetis. Cui ego: Ita factum est, ut dicis. Benè manè onerandis camelis plurimum tēporis insumptum, quod vitium Arabibus vectoribus natura insitum, ut nec minis, nec verberibus quidquam proficias. Mox per eandem solitudinem tertio jam die ire occœpimus. Qua dum vagamur, illud ego mecum animo reputabam: Esserne tellus alia, quæ Italiæ comparari potuisset. nam cum viderem Ægyptû tantis laudibus celebratam, Universique horreum habitam: proximamque Arabiam, cui ipsa fœlicitas cognomen fecit, tantis horrere solitudinibus, tam incultas, nec feris habitatas, statim sic animum inducebam: nullam esse terram, quæ Italiæ, & præcipuè Campaniæ nostræ, præferenda videretur. Ita, Mœcenas, inquit. Tui mihi versiculi jucundissimi ad unum omnes: at illi, quibus Campaniæ laudes exsequeris, mea mulsa; ut numquam divellere è manu possim. Ut & illi mihi summopere placent, quibus totius Italiæ laudes Mæto complexus est: quem tu non infeliciter imitatus es. Sed de his alias, nunc ad iter veniamus. Tum ego: Inclinate. So jam die, adventantes quosdam è longè conspicati sumus: & quoniam incitato ad nos cursu festinabant, statim arma expeditimus, eos Arabes esse arbitrati, nec sanè nostra nos opinio fefellit. Sex erant armati: Qui ut nos Europæos esse, & plures numero igneisque telis munitos conspexerunt, sibi merito, timentes, si vim intulissent, quasi socios amisissent, nos rogant, num per desertum eos vidissemus? Tum unus ex Camelariis: Pergite hæc rectâ, inquit; non enim

enim longè absunt: medacioque mendacium elusit. Est quippe ita natura comparatum, ut deceptores iisdem dolis capiantur, quos in alios retenderunt. nec magis decipiatur, quàm qui alios decipere meditatur. Securo mox die, nullos homines, nullas feras obviam habuimus, sed immensos campos squalidos, ac solos. quos ego videns, illud Virgilii ad rem accomodatum identidem repetebam, Cœlum undique, & undiquè Campi. Tandem vergente ad vesperam die, in castrum quoddam pervenimus, quod *Argirudum Turcæ*, à quibus ad frændas prædonum incurSIONES, viatorumque perfugium, extructum est, appellant. Hic juxta muros tabernaculum conspicati, accedimus, & qui mortalium essent, interrogamus? Responsum quatuor Europæos esse, qui voti causâ, in Sinam proficiscebantur. Ego statim homines convenio: cumque ex oris lineamentis Italos esse agnovissem; ex qua provincia forent, inquirō. Et illi Veneta, inquirunt. cūq; ego multa de illis: multa illi de me rogitassent, illico amicitia inivimus. Ita enim hominū genius est, ut si qui populares sibi obviam apud exteras gentes, alienoque in solo occurrant, facile in familiaritatem cocant: & ejusdem linguæ commercium, maximum societatis vinculum est. Quibus cum dum de itinere mentionem facimus, opportunius, inquirunt, si prius ad Sinam Montem eamus, rebusque sacris ex voto peractis, Arsinoen deinde, rubrumque mare descendamus. Quod ego consilium. cum ad Aehmetidem detulissem, probavit ille: probavere etiam Æthiopes. qui etiam ex voto in Sinam properabant. At reliqui, qui negotiorum causa Arsinoen petebant, neutiquam probavere. Quocirca ita tandem inter nos constitutum, ut ipsi Arsinoen iter continuarent, nos in Sinam deflecteremus. quo lustrato, eos Arsinae nos conventuros; uti una, ut cœperamus Babylon-

byloniam rediremus. Vix dum hæc enerraveram, cum adfuit ephebus : monuitque prandium moram non pati, iremus illico, ni cuncta corrumpi vellemus. quo audito, Surgamus, inquit, Meeœnas : à prandio quod superest recitabis. nec mora; ad mensam itum est.

C A P U T II.

A prandio incepta narratio continuata: quæque in Sina Monte visa distinctè relata.

SEcundis postquam mensis modus factus est, lotisque manibus, mantilia famuli extulerunt, Age, inquit, Meeœnas, & licet pasto tibi verba facere grave futurum sit; quia tamen nobis omni prandio tuus sermo suavior, ea nobis ediffere, quæ tibi mox acciderunt. atque istam gratiam nobis totam facies. Cui tum ego: Faciam libentissimè. & jucundissimum mihi erit, quod tibi placitum. Verùm officiis prætermisiss, ad rē venio. Postquam una cum Venetis, atque Æthiopibus antiquis sociis, in Sinam ire cōstitui, ad castrum visendi gratia unà cum Achmetide me confero. obvios confestim duos milites Turcas habemus: qui nos perhumaniter, quod ne à nostris quidem expectassem, exceperunt, atque intra vallum admiserunt. cæterum castrum pro eo loco, & ad prædonum excursions prohibendas, satis validum: apud nos ne ratio quidem illius haberetur. in eo pauci admodum prædiarii, & malè incincti: quibus ministrorum, ut plerumque cadit, avaritia, vix necessaria suppeditantur. quæ ob deserti sterilitatem Babylonia mittuntur. vix satis aquæ habebant: & narrabant plerique, qui multa eo loci stipendia meruerant, nunquam se pluviam vidisse. quæ quidem potior sterilitatis causa est. cum cæ-

rere-

veroqui tellus non omnino inepta ad ferendas fruges videatur. non enim arena, non topus, argillave: sed talis, qualem nostris in regionibus habemus. Tandem gratis præfecto habitis, & Nicotiana herba, de qua nos rogaverat, donato, datoque militibus præmio, in tabernaculum redivimus.

Manè tardiusculè ob intolerabiles Arabum moras, qui onerandis, atque exonerandis Camelis totum penè diem insumūt, iter aggressi sumus. Ne verò cogermur bestiis onerandis reliquū dici perdere, iter etiam post meridiem continuavimus quod mihi propter nimios æstus magni plenum fastidii, tardique erat. Atque hunc in modum iterfacientes, Moysis fôtes, extabescēte jam die, salutavimus. Sunr autem hi fontes ad Mare rubrum, milleq; ab litore passus absunt. cumque esse locum perhibent, in quem primum è mari egressi, sicum Hebræi tenuerunt. Hic ego locum tot prodigiorum feracem veneratus, diu animo, oculisq; complexus sum: præsentemque eam tanti populi multitudinem, cumque ijs colloqu, eorum gaudiis interesse, nobile audire epiniciū, quo relatam de Pharaone victoriam celebrabant, non sine voluptate fingebam. tandem vix ab ea cogitatione divulsus, ad curanda corpora me contuli: quibus procuratis, vigilias solito more partiti, indormivimus. Ut vero prima ferrugine tingi cælum incœpit, Achmetidem excito, ut camelorum custodes ipse excitaret, moneretq; ut ad iter se cito accingerent. Interea pedes ipse ire pergo; ut illius vecturæ tedium, quo magnopere efficiebar, excuterem. Dum sic solus progredior, miram oppidò voluptatem capiebam aspectu illius campi, qui fruticibus quibusdam mihi incognitis, refertus erat: ex quibus pulcherrimi flores erampebant; ut nō jam Arabiæ desertum, sed stellatos Capuæ campos

H

mibi

mibi percurrere videbar. Deinde orto jam sole, amoenissimus prospectus meis sese oculis obtulit. nam rarefcere jam colles, montesque assurgere videbantur, totusque Erythræi sinus in conspectum cadebat. ultra vero mare, hi montes conspiciebantur, qui ad Superiorem Ægyptum pertinent. & si me fallit, hi sunt, quos Alebatri mōtes vocant: inter quos ad occidentem solem ingentem vallem spectabam: ex qua perhibent egressos Hebræos, eosque, Pharaone insequente, Mare rubrum ingressos. Hoc loco Lælius qui nonnulli in sacris literis versatus erat: At si ita; consentaneum esset in Superiore Ægypto Hebræos habitasse. quibus tamen ad inhabitandum ea ab Josepho tellus data est, quæ *Gessen* dicitur, & juxta Inferiorem Ægyptum, & supra desertum, per quod erraverunt, sita est. Eruditè tu quidem Læli, ut semper, inquam ego. verum responsio est ad manus: nimirum ex veteri sede, in Superiorem Ægyptum, in qua Pharaonis Regia erat, translatos fuisse, ut arctius detinerentur. timebant quippè ne ex terra *Gessen*, quæ contermina Palestinæ, Arabizque erat, fugam illi molirentur, id vero ex ipsis sacris literis constare manifestè arbitror. legimus in Exodo ad Moysen preces Deum ex occidente validissimum ventum excitasse quo immensa illa locustarum multitudo, quæ ad puniendum Pharaonem immiserat, Rubrum in mare delata, ac submersa est: ex quo statim illud existit, Pharaonem scilicet, atque Hebræos in Superiore Ægypto habitasse. quæ cum ad occidentem Erythræi posita, facile occiduo vento tum in mare impelli locustæ potuissent. nam si in Inferiori Ægypto, atque in terra *Gessen* id temporis incoluissent, septentrionali vento opus erat, ut in Meridiem, ad cujus plagam Erythræum jacet, locustæ propellerentur. imò nec Hebræis versus mare tentare iter concessum fuisset; quando ex terra

Ges-

Gessen terrestris in Arabiam, ac Palestinam via pateat. Hic Lælius: Assentior, at unus hæret adhuc animo scrupulus: si benè memini, nec oculus me mappas inspicientem fefellit, est etiam juxta litus via, quam tenere Hebræi poterant: cur igitur se mari commiseret? Tum ego: Non te oculus, qui eruditus, fefellit: at via illa hinc mari, montibus illinc tam brevi spatio actatur; ut angusta admodum sit. quocirca occupari ab Ægyptiis poterat, ne illac fuga Hebræis patuisset. imo nec tantâ multitudinem capere valuisset. Optimè igitur Deus populi sui incolumitati, quem se brachio extento, crepturum è Pharaonis manibus professus erat, infueto illo, & numquam spectato prodigio providit. Sed redeamus, unde erudita hæc disputatio nos abduxit. Ita, quæso, tum Mecœnas; nam timeo, ne ad rei umbilicum minimè veniamus. Tum ego: Relicto ad dexteram Erythræo mari, sinistra iter tenebamus per campos speculari lapide, nitroque passim plenos; quæ solis luce splendencia, non inuicendam visu scenam exhibebant. quibus tandem duorum dierum itinera emensis, in mœtana loca peruenimus. Ego cum jam per colles incederem, videremque eos in altissimos sensim montes attolli, rogavi Camelorum custodem, numnam Arabiam intrassemus? quod ego ex eo coniciebam, quod scirem Petream Arabiam, non tam ab urbe Petra, quam à saxis, præruptisque montibus appellatam. Intravimus, tum ille: nec longe ab his montibus patria mea est. ad quam divertere ipse volebat. sed quia longum, & perplexum iter, nec satis à prædonibus tutum, cuncti vetavimus. Dum igitur per montes iter habemus, ego illorum naturam indagabam: cumque fragmenta quædam excidissẽ, illius generis esse reperi, quod Numidicum marmor, ac Bisaltæ vocant. cujus magnam copiam Romani in Italiam, capta Ægypto.

adduxerunt. cuius etiam multæ pyramides, atque obelisci ex eadem Ægypto advekti. Tellus verò, non aliter, ac desertum, quod transmiseramus, sterilis ob saxi duritiem. vidi tamen quasdam valles, per quas hyeme torrentes præterlabuntur, in quibus arbores aliquot, herbæque virides conspiciebantur. ex vero arbores, aut palmæ erant, aut illæ, quæ gummi, quod Arabicum vocant, extillant. in convallibus etiam nonnullis perennes aquas, easque nitidissimas summa voluptate spectavimus. & hæc quidem valles tam amœnæ, quam quæ nostris etiam in locis altissimis arboribus opacantur. Ad harum quandam, quæ præ cæteris gratior, & vestitu, & fonte erat, secundo die ex quo Arabiam intravimus, quietis causa consedimus: tum opacitate, textaque arborum, tum fonte illecti: cuius mihi aqua mirum quantum suo frigore, nitoreque arriseris. tanto enim calidæ, quam toto illo itinere haureramus fastidio tenebar, ut tum primum veluti exortus sum. Credo equidem tum Mœcenas; & ex me conjecturam facio: nam sine gelida, nedum frigida vivere non possem. Cui ego: Quod de me affirmare possum, ita gelida nimius hypocondriorum calor attemperatur; ut facilè, ac sine fastidio stomachi cibis conepquatur. qui repida vix tandem multis post horis & magno stomachi labore decoquitur. Est tamen servandus modus, qui si desit, nihil omnino benè. nam si crebrius haurias, tum præ nimio frigore nativus calor opprimitur, ac suffocatur: hinc crudi humores; ex quibus mox reumata, podagræ; alique morbi oriuntur. Atque hic, in bonam partem rapias, quæso, si te ego admoneam, ut ab assidua porione gelidæ te contineas. timeo tibi ab illa: & ut audiui, jam te podagra invasisse. quo morbo nullus nocentior. Tum ille, ut erat ingenio micissimus: Gaudeo, inquit, à te admoneri, cuius pluri-

plurimum apud me auctoritas valet. scio quippe quo animi candore sis, quàm acri ingenio, & quanto me amore prosequaris. curabo igitur, ut videas quanti ego tuam admonitionem faciam. Verùm redeamus ad vallē illam petamœnam, ex qua nos frigidus fons abduxit. Cui ego: Contendam illico id efficere. Ex illa valle cū movissemus, per duros, ac difficles aditus iter aggressi. per quos ut expeditius, ac securius iremus cūcti pedites incedebamus: at tãto labore, ac defatigatione, ut vix vires sufficerēt. ea tamen me cogitatione incitabam, ad Montem, in quo Deus ipse legem suo populo dederat, æquum esse, ut summis laboribus, sudoribusque ascenderemus. atque ira fieri etiam posse, ut voluntaria illa corporis castigatione antea actæ vitæ crimina diluerem, Numinisque missi gratiam cōsequeretur. qua cogitatione unus ego cæteros erigebam, animosque identidem excitabam.

Tandem aliquando ingenti corporum defatigatione connessi, ad toro terrarum orbe celeberrimū D. Catharinę Cœnobium pervenimus. cuius præ foribus, quę occlusæ erant, non exigua Arabum turba magnis clamoribus excurabat. universus enim cœnobii fundus alto, instar arcis, muro concluditur. unus ex nostris Camelatis cœpit, & ipse inclamare; & ut Europæis peregrinis fores recluderentur, identidem flagitabat. sed quamvis ad ravim usque sæpius exclamasset, nullus tamen ad referendas valvas veniebat. Tum ego moræ impatiens, Achmetidem rogo, cur maturo jam die fores exteris non aperirentur? & quæ turba illa hominum esset? quę mihi omnium miserrima, atque abjectissimæ sortis videbatur. Et ille: Hi Arabes, inquit, qui deserta hæc circum loca habitant. domos non habent, quorum loco montium cavernas subeunt. non vestes, quibus tegantur. nam ut vides præter pudenda,

quæ vel brevi panno, vel palmæ foliis obvelant, nudati incedunt. nullos campos, quos colant, obtrinent, & si qui perexigui inter mōtes jacent, quicquidui responderent, colere negligunt: adeo impatientes laborum sunt. immo cunctis se cœli, temporumque injuriis, cunctis vitæ miseriis volentes exponunt, dammodo otiosis esse liceat. at quoniam fames urget, nec habent, unde sibi victum comparent, ad Cœnobium hoc advolant: & qua clamore, quâ minis tandiu hircursant, quoad religiosi homines, qui in eo habitant, aliquid, quo vitam tolerant, subministrant. fores non referant, ne hi irrumpentes, ceu lupi famelici, in eos impetum faciant, cunctaque diripiant: verum ex fenestra illa, quam vides, victum in cistulis demittunt: quod ni faciant, fores diffringerent, cunctaque circumculsa, & ad Cœnobium pertinentia pervastarent. Hic Sextus: Æquissimum postulant. ex his enim erogandus in pauperes victus, quibus multa suppetunt. & sanè quanta in republica felicitas, si quibus divites abundant, in miseros distribuerentur. ex illis enim luxu materia subtraheretur, his vero dolorum omnium, ac fraudum, quæ mala ex inopia facile oriuntur. Cui ego: Rectè autumas. sed nactus Prætor, qui leges statuas. At redeamus ad propositum. Illud ex Mahumete, quem illius Cœnobii Camelarium egisse plurimos annos fecerunt, ortum duxisse perhibent. Qui mox rerum potitus, accepitque memor beneficii, jussit universos Arabes, qui ea Petrææ Arabiæ deserta colunt, religiosi illis famulari, inque omnibus, quibus eorum opera opus foret, præsto esse: nec quidquam pro locata opera, nisi unum victum repetere. id qua clamore, qua minis quotidie exigunt servitium vix exhibent. nam se liberos putant; nec Turcarum quidem regi, sub quibus ditione Arabiæ est, obsequium præstant. vestigialia
nulli

nulli pendunt; nec unde pendent, etsi velint, habent. imo ipsi à viatoribus exigunt, & ab invitis vitollunt. perpetuò per solitudines vagantur: easque se libertate frui jactitant, qua priscos mortales sub Saturno vixisse perhibent: aureique seculi reliquias dici, haberi; volunt. At mihi videntur pecudum potius rita, quam hominum vivere, cum humani nihil, præter externam speciem: & hanc miro modo viciatam præferant. usque adeo degenerant homines, cum semel offuscari ratio, depravarique mores incœperunt.

Vix hæc; cum janitor adfuit, distributoque Arabibus victu, cunctisque ad unum dimissis, nos sollicitè introduxit: tantaque mox humanitate religiosi illi Patres nos exceperunt, ut Christianam pietatem veterum temporum redolere. statimque data, atque accepta per interpretem salute, in ecclesiam recta perduxerunt. qui mos apud illos sollemnis est. quem ego plurimum laudans illud poetæ recitavi: *Ex Διὸς ἀρχομένηα*: quod poeta noster vertit:

Ab love principium Musis, lovis omnia plena.

Ubi verò ad Ædem, quæ in medio Cœnobio locata est, pervenimus, sacrum illicò limen ingressi, in genua accidimus: & dum hymnos Græco rito Cœnobitæ decantant, nos sancta venerati, tantisper oravimus. Ad facellum deinde, in quo D. Catharinę ipsa reposita sunt, itum est. ibique multis tum precibus, tum lacrymis sacrosanctum pignus adoravimus, enixeque petivimus, ut ipsa nobis virgo omnium expiatione nozarum auxiliumque à Deo obtineret. Hoc loco me Lælius interpellat: Ad unum ne omnes divam exorastis? nam vestro in comitatu, quidam schismatici, quidam etiam Mahumerani erant. Cui tum ego: Cuncti oravimus: nam tum Virginem, tum locum illum tot prodigiorum refertum universæ ferme gentes venerationi habent.

quæ vel brevi panno, vel palmæ foliis obvelant, nudi incedunt. nullos campos, quos colant, obtinent, & si qui perexigui inter mōtes jacent, quique cultui responderent, colere negligunt: adeo impatientes laborum sunt. immo cunctis se cœli, temporumque injuriis, cunctis vitæ miseriis volentes exponunt, dummodo otiosus esse liceat. at quoniam fames urget, nec habent, unde sibi victum comparent, ad Cœnobium hoc advolant: & qua clamore, quâ ministrandi hic cursant, quoad religiosi homines, qui in eo habitant, aliquid, quo vitam tolerant, subministrant. fores non referant, ne hi irrumpentes, ceu lupi famelici, in eos impetum faciant, cunctaque diripiant: verum ex fenestra illa, quam vides, victum in cistulis demittunt: quod ni faciant, fores diffringerent, cunctaque circum culta, & ad Cœnobium pertinentia pervastarent. Hic Sextus: Æquissimum postulant. ex his enim erogendus in pauperes victus, quibus multa suppetunt. & sanè quanta in republica felicitas, si quibus divites abundant, in miseros distribuerentur. ex illis enim luxus materia subtraheretur, his vero dolorum omnium, ac fraudum, quæ mala ex inopia facile oriuntur. Cui ego: Rectè aurumas. sed nā tu Prætor, qui leges statuas. Ac redeamus ad propositum. Illud ex Mahumete, quem illius Cœnobii Camelarium egisse plurimos annos ferunt, ortum duxisse perhibent. Qui mox rerum potitus, acceptique memor beneficii, jussit universos Arabes, qui ea Petrææ Arabiæ deserta colunt, religiosi illis famulari, inque omnibus, quibus eorum opera opus foret, præsto esse: nec quidquam pro locata opera, nisi unum victum repetere. id qua clamore, qua minis quotidie exigunt: servitium vix exhibent, nam se liberos putant; nec Turcarum quidem regi, sub quibus ditione Arabia est, obsequium præstant. vestigialia
nulli

nulli pendunt; nec unde pendent, etſi velint, habent; imo ipſi à viatoribus exigunt, & ab invitis vi tollunt. perpetuò per ſolitudines vagantur: eaque ſe libertate frui jactitant, qua priſcos mortales ſub Saturno vixiſſe perhibent: aureique ſeculi reliquias dici, haberiſque volunt. At mihi videntur pecudum porius rita, quam hominum vivere, cum humani nihil, præter externam ſpeciem: & hanc miro modo viciatam præſeferant. uſque adeo degenerant homines, cum ſemel offuſcari ratio, depravarique mores incœperunt.

Vix hæc; cum janitor adfuit, diſtributoque Arabibus victu, cunctiſque ad unũ dimiſſis, nos ſollicitè introduxit: tantaque mox humanitate religioſi illi Patres nos exceperunt, ut Chriſtianam pietatem veterum tēporum redolerent. ſtatimque data, atque accepta per interpretem ſalute, in eccleſiam recta perduxerunt. qui mos apud illos ſolemnis eſt. quem ego plurimum laudans illud poëtæ recitavi: *Ex Διὸς ἀρχόμεθα*: quod poëta noſter vertit:

Ab Iove principium Muſis, Iovis omnia plena.

Ubi verò ad Ædem, quæ in medio Cœnobio locata eſt, pervenimus, ſacrum illicò limen ingreſſi, in genua accidimus: & dum hymnos Græco rito Cœnobitæ decantant, nos ſancta venerati, tantisper oravimus. Ad ſacellum deinde, in quo D. Catharinę liſana reſpoſita ſunt, itum eſt. ibique multis tum precibus, tum lacrymis ſacroſanctum pignus adoravimus; enixeque petivimus, ut ipſa nobis virgo omnium expiationē noxarum auxiliumque à Deo obrineret. Hoc loco me Lælius interpellat: Ad unum ne omnes divam exoraſtiſ? nam veſtro in comitatu, quidam ſchiſmatici, quidam etiam Mahumetani erant. Cui tum ego: Cuncti oravimus; nam tum Virginem, tum locum illum tot prodigiorū reſectum univerſæ ſermè gentes venerationi habent.

Ubi verò assurreximus, in sacellum aliud post odzum templi situm, nos perduxerunt. ibi sub altari ingens saxum digito signantes. Hic, inquit, prodigiosus ille rubus constitus erat, qui medio in igne intactus, atque incombustus à Moyse videbatur. Saxum hoc cum sacello D. Helena posuit. cui deinde Justinianus Cæsar templum addidit, universumque Cœnobium, instar arcis, ædificavit. Postea verò quàm sacra ea loca perlustravimus, in triclinium ad mensam, quæ ingens tabula, nudata mantili erat, inducti. in qua statim sedimus, brevique cœna, ac frugali refecti sumus. Hoc loco Sextus: Quid vobis apposuerit? Cui ego. Bina singulis ova, in aquam dispersa, & pultem ex oryza butyro conditam. pro secundis mensis, poma quædam delicatissima. Tum Sextus: Satis frugaliter, & quæ longo itinere defatigatis irritare potius famem, quam sedare poterant. Cui ego: At nos ea contenti mensa fuimus. eo enim loci lautiorẽ non sperabamus. statimque ad quietem capeffendam concessimus. induitque singuli in singulas cellas: in quibus illico indormivimus.

Postera die ab eo, qui excipiendis hospicibus præpositus, ad visendum Cœnobium deducti. Est autem hujus circuitus quàm amplissimus, editaq; muro præcinctus. ad inhabitandum innumeræ cellæ, sed angustiores, quàm nostræ. plurimaq; ad Cœnobitarum commoditatem hac, illac sparsa sacella: in quibus suas singuli preces fundere, cœlestiaque meditari facile possint. Exiguo rivo alluitur, quo nihil opportunius ad incolentium utilitatem: cum siticulosa ea loca cæteroqui sint. Ad hunc vero riuum greges suos aquatum ducere solitavisse Moyse perhibetur. Ego vix affirmare ausim: cum circa hæc ipsa loca universam penes Hebræorũ gentem siti enectam, aquam à Moyse postulat

lasse sacre literę referat. Qui cū saxū, Dei jussu, virga illa tot miraculorum ferace, percussisset, illico largissimi fontes emicuerunt. quod quidem minimē accidisset, si rivus ille cum temporis profluxisset. Hic Meccenas : Sed quid rivulus ille ad tantam multitudinem? quare minimē mirum si novi fontes ad explendam tot hominum, jumentorumque sitim divinitus profluxerunt. Cui ego : Si rivulus ille non satis duceretur, nec fontes quidem satis esse poterant ad sitim explendam. sed ut ut se res habuerit, nos Cœnobio perlustrato, quid agendum esset, in mediū intulimus. Censebat Achmetides, statim itineri Arsinoen versus; quō ipse tendebat, insistentium, neq; hic diutius commorandum. mihi placebat montem utrumque conscendere, ex quorum vertice, & Rubrum, & Mediterraneum mare videri aiebant. idque fieri triduo facile posse. quod cum Venetis persuasissem ad conscendendos montes in crastinum diem accingimur.

Ubi primū diluculum illuxit, læti omnes, atque hilares, in Horebi verticem, qui Sinaítico humilior est, iter corripimus. Ex una enim, eademque radice gemini montes assurgunt, quorum qui editior, atque in septentrionem spectat; Sina dicitur: depressior alter, & ad Meridiem vergens, Horebus nuncupatur. Duce igitur Arabo indigena, ex jis, qui Cœnobitis inserviunt, atque ab illis jussu nobis ducatum præstare, montem conscendere exorſi sumus. Est autem non unus vertex, sed plurimi, quasi montibus impositi montes: qui tamen ob abruptam magnitudinem non omnes initio conspiciuntur; ita ut cum summum te jugum tenere credas, aliud exoritur, quod superare necesse sit, atq; iter ordiri, ut ajunt, à capite. ut non semel præ nimio tædio, ac defatigatione pœnitere incœpti cœperit, nec deerant, qui reditum suaderent, sed vicit animus, qui

si semel preoccupatus ejus rei desiderio, quam vehementer optamus, atque accensus sit, difficile à proposito dimovetur. imo non nisi vi cessare ab incæpto potest. Non igitur itineris arduitate, non saxorum asperitate, non periculorum multitudine, non laboris magnitudine perterriti in summa eniti jura, nervis omnibus conabamur: Postquam igitur diu, multumque conscendimus, in fontem cui à Sutore nomen, perventum est. ejus aqua mirificè recreati sumus. cum enim diei æstus incalesceret, sibi laborabamus. ne vero aqua pura, putaque noceret, diem fregimus. Hic Lælius: Ecquid, inquit ad manus fuit! Buccellati pastilli, tum egor quos mecum semper circumferebam, & dactyli, qui plurimi in Ægypto, probique succi nascuntur. qui adeo meo stomacho quadrant; ut hic etiã eis vescerer, si copia suppeteret. Sed quæso, ne præpedimentum obicias. nam vereor ne tardissimè domum revertamur. Non longe à fonte nos sacellum excepit, quod Virgini sacrum est. quæ eò loci Cœnobitis quibusdam, qui oratum in montem ibant, visa perhibetur. Deinde angustias quasdam, Græci pylas dicunt, subivimus. lapideis arcibus conjunguntur, ut claudi janua potuissent, adeo arctæ sunt. Quibus transmissis, & difficili clivo superato, in planitiem egressi, in qua spiritum resumpsimus, atque aerem liberius hausimus. mirum enim in modum per implexos eos calles, ac præruptos delassati eramus. in ea planitie quatuor sacella visuntur, in quorum uno, quod Eliæ vuncupatum, spelunca quædam non satis ampla post altare jacet: in qua proferã latuisse, & XL. dies cibo abstinuisse, cum ab impia Jezabele fugeret, non levi conjectura affirment. Tandem non sine ingenti labore, ac periculo in supremum jugum manibus, pedibusque connisse evasimus. Atque hic sacrosanctus vertex est, in quo Deus legem divino digito

gito

gito scriptam Moyſi tradidit: ſuæque Majeſtatis ſplendorem oſtendit. quo in loco ſaxum viſitur, ira excavatum, ut hominem excipere, ac tegere, quaſi theſa, valeat illud verò eum eſſe ajunt, in quod Moyſes micaciſſimum Auguſtiſſimæ Majeſtatis fulgorem ferre impotens, retroceſſit: cumque ita ſaxum, patefacto ſinu excepit, ut à prætereunte Numinis Majeſtate, tegeretur. Duratque ex illo ſaxum, eundemque ſitum poſt tot ſecula tenuit: ut neſciam, an majori miraculo ſinum recluſerit, an recluſum conſervaverit: ut nec tempori, nec tot caſibus ceſſerit. Sacroſancto in vertice ædícula eſt, quæ Græcis *Αγία κορυφή*, ſanctus nimirum apex appellatur. in ea ſumma animi deſiſſione oravimus: Deum precati, ut quam ibi legem dederit, perpetuò ante oculos haberemus, & ad eam cuſtodiendam vires ipſe ſufficeret. Eſt è regione altera ædícula, in qua Turcæ, & Arabes ſuas preces fundunt nam, ut dicebam, locus hic his etiam nationibus venerationi eſt. Hoc loco Meccenas: At minimè dignum, ut in loco tam ſancto profana etiam ædes ſit. ego certe id non paterer, eamque à fundamentis everterem. At quid facias? tum ego. locus in horum dominatione eſt: & quod nec æquum, nec ſanctum eſt, vi, atque injuria faciunt. Faxit Deus, ut his tandem locis noſtri potiantur. tum haud equidem fanum ſtabit, quod non ſacrum, ſacroque ritu dedicatum ſit.

At nos ædícula egreſſi, quoniam ad medium jam diem Sol erat, brevi prandio vires reſecimus. Deinde descendere ad inferiora cœpimus: & tanto majore labore, periculoque, quanto facilius per abrupta corpora præcipitantur. quæ circa conſtitendum nobis cōtinuò erat, ne ipſomet propendente membrorum pondere, rueremus. & ſanè non ſemel nihil proprius factum eſt, quam præcipites decideremus. Tandem ne
peri-

periculorum recordatione tædium creem, in profundissimam vallem, quæ Horebum inter, ac Sinam jacet, singulari Numinis favore, descendimus. Hic cœnobiū alterum, sed minimè habitatum, ac penè vacuum in quod culcitrae aliquot Cœnobitz asportari jusserant, ut quietem commodè caperemus, atque hinc postero die expeditius in alterum verticem scanderemus. At nos adeo defatigati, ut vel nudo in solo somnum cepissemus: cuius opportuna conciliatrix lassitudo.

Secuto mox die, in editiorem Sinæ verticem ire occupavimus, principio quoniam mitior clivus, & ex nocturna quiete robustiores, gradus grandiebamus, summaque alacritate incedebamus. at ubi per angustos, abruptosque calles, crebrosque viarum anfractus scandere cœpimus: atque altior jam Sol cunctas, suis radiis calefacere, imo etiam adurere incipiebat, vix ingenti labore, ac sudore paulatim in editiora succedebamus: & ni superiora montis frigidula reperissemus, nos æstus perdidisset. interdum in præcipitia quædam veniebamus, ut visum avertere necesse esset, ne vertigine circumacti delaberemur. plurimum his in locis Arabes juvere, qui nativa quadam agilitate præditi, ac viis illis assueti, quam expeditissimè incedebant, nosque manucentes è periculo subtrahant. Fateor cum jam supremum in jugum non tam pedibus quam manibus niteremur, tanta arduitas erat, tam facilis casus, tam horrendum præcipitium, ac certa præ oculis mors, ut non unum Virgini votum conceperimus. Tandem aliquando, diva adjuvante, cujus opem sæpius præsentissimam experti eramus, in editissimum fastigium, altissimo jam Sole pervasimus. Illico in ædiculam eo loco ædificatam, ubi Divæ corpus superni spiritus collocarunt, nos deduximus;

ut

ut gratias Deo , divæque ageremus , quod salvos , ac sospites nos illuc perduxissent . Vîsumus deinde saxum , sivè rupem , quam miraculo intumuisse ferunt cum in eo D. Catharinæ corpus repositum fuit. sunt circum tria signa , in quibus tres spiritus confedisse, Divam diu custodisse, certò credunt . hæc verò signa innata monti videntur, cujus tanta durities , ut ne durissimo quidem scalp pro sciendiamenta queant, ita vero totus mons est , ut nigris quibusdam arborem imitantibus, venis sparsus videatur. ex his vero tria illa signa distincta conspiciuntur.

Mox ego summa animi voluptate omnem circa regionem contemplabar. ad Meridiem Rubrum mare, atque Ægyptii montes spectantur: ad Septentrionem deserta regio , quam Pharan dicunt : atque hi montes qui longo tractu in Judæam excurrunt : ad Orientem Amalecitarum regio ; & Amoræus mons: ad Occidentem Cedar regio, ubi Ismaelitæ, qui Agareni, & Saraceni appellati sunt, habitarunt. Mediterraneum mare vix suboscure videbatur , quo aspectu diu delectatus, ad prandium secessimus, factaque brevi mora ad quietem capessendam , nos ad reditum accinximus . At ne vobis verborum prolixitate fastidio sim, omitto dicere quanto periculo, laboreque descendimus ; & quoties parum absuerit, quin fallente vestigio decideremus . declinante igitur die ad ultimam vesperam , in vallem, à qua primo manè profecti eramus, perventum est. inque easdem ædes recepti tandiu nos quies occupavit, quoad dies rediit: tum per vallem , quâ ventum fuerat , in cœnobium iter intendimus. Inter eundem ad Horebi radicem ingens saxum, quasi ex reliqua rupe divulsum , basi que impositum, diu mirati sumus. ex hoc enim Moysen aquas virga eliciuisse ferunt. tres in eo veluti cicatrices insunt:

sunt: quarum una ad Sinam, altera ad Horebum spectat: tertia erecta in cœlum vergit: ex his triplici veluti fonte aqua profluit. Extra vallem ampla planities: in qua vitulum ex auro fustum, atque adoratum à populo Hebræorum perhibent. Deinde mons surgit, in quo Aaron Paschatis festum celebravit: aliaque observavimus, quæ ne sim longus, pertermitto. Tandem cœnobium reversi, summa iterum humanitate excepri fuimus. Sequenti die iterum sacris interfuimus: divæque lipsana, quæ marmorea in arca asservantur pie venerati, utque nostrum iter fortunaret iterum, iterumque precari sumus. Mox ubi Cœnobitis gratias persolvissimus, discessimus. Atq; hic Mecœnatem rogo, ut liceret per eum domum nos reducere, cumque annuisset, vale diximus.

C A P U T III.

Iter ex Horebo Ælanam, quaque in eo acciderunt, ac mira de virgine quidam Crotoniense historia refertur.

SEdebam in Musæo, utque acutissimum capitis dolorem, quo vehementer discruciar, aliquantulum allevarem, appictas terrarum tabulas percurrebam, cum me Quintius convenit: Et quomodo vales inquit, cui ego: non planè benè. tantum enim à capite laboro, ut vix sufficiam. Tum Quintius: Si ita, cur tabellas istas evolvis? omitte, quæso, atque aliquam intercapedinem facio. Cui tum ipse: Imo ut dolorem parumper lenirem, has accepi: quibus evolvendis, à severioribus studiis animus amoveretur. At Quintius, non est, inquit, ut dicis. laborat etiam in illis mens, oculi defatigantur, atque hæc cum diceret

Lx-

Lælius supervenit: & Salve, inquit, Musarum delictum. Salve & tu Quinti meum corculum, ut valetis? Cui Quintius: Salve, Læli, meus ocellus: ego quidem benè valeo, & pangraticè, ut dicitur. at Parthenius non ita: sed magno capitis dolore vexatur. Tum Lælius: Quid mirum? imo nescio sanè uti vivat. Semper enim hic claudus veluti sutor sedet, seque libris istis involvit, inque illis perpetuò distentissimus. Surge, quæso, me intuens, diestam amœnus, quam quæ maximè. Eamus ad relaxandum animum, tres sumus, quot gratiæ. Aglajam æget Quintius, Thaliæ ego: tu qui consilio polles, Euphrosynen Cui ego: Lepidus, tu Læli, & eruditus: Sed quò nos pedes ducent? Et illi: Ad Mæcenatem tuum. Et ego quo curru? Ille vero de curru ne labores. habeo paratissimum. Si ita, cum Quintius, surge cito: non omitam certè occasionem istam conveniendi hominem eruditissimum, atque humanissimum. nulla igitur mora interposita, conscenso curru, Barnam contendimus. Ut venimus, illi obvia Mæcenas processit: nosq. benevolè salutavit. statimq. in projectu, ubi apricabatur nos sessum recepit. Postquā vero sedes occupavimus; in tēpore, inquit, affuisti: nā hic otiosus sedebā, & qui cum erudita miscerem colloquia vehementer optabam. Et quoniam tu reliquator es, Parthenie, solve debitum, ut nomen tuum tandē ex rationum libro eradam. Intellico, tum ego: vis nimirum, ut ad itineris mei narrationem me vertam. Et ille: Ita, quæso, tam enim mirum est, & curiosum, ut me delectet miro modo. & ut benè memini ex Sina monte Arsinoen tendebas. Cui ego: Miror memoriam tuam. sed ordior, jam ut jubes, narrationem: & gaudeo vehementer hac tibi in re morem genere. At date, quæso, veniam, si sermo erit impolitus: nam veni omnino imparatus: & non
benè

benè valëor: Tum ille: Doleo quod non bellè te habear: ceterum ista tua negligentia, quæ plurimum nativi præsefert, mihi summopere placet. Ego verò, ita orsus sum: Ex Sina per non inamœnam convallem iter intendimus: quæ quidem angustissima: & licet saxosa, ac sterilis, tamen quia multis in locis, in quibus aqua emicabat plurimæ arbores, ex ijs quæ gemmi exulant, palmæque item plurimæ, ac dumeta virebant, pulcherrima visu erat. in ea complures Arabes habitant. quorum casæ ipsæ palmæ: quæ ramis tectum, & umbram exhibent: ex saxis egressi, per apertam, atque immensam planitiem, quæ ad maris Rubri littora pertinebat, ire cœpimus. In hac dum conglobati, ac vigiles mœtu prædonum, qui per aperta, ac plana vagari solent, progredimur, in exiguum quendam gregē, qui per herbosa pascebat, incidimus. Servabat illum sædissima quædam anus muta, & adolescentior quidā qui mihi ex colore albicante, ex lineamentis corporis, non indigena, sed ex Europa advectus videbatur. stabat procul ab anu tristitulus. qui ut me vidit, quasi divinus popularem esse, statim advolat. & esne tu, inquit, Italus? Ego tum, rei novitate perculsus: Ita vero. Sed qui tu, & unde huc devectus? Et ille: Longæ ambages, quas referre tempus non patitur. Per Deum te rogo, per Superos omnes, ut ex hac misera servitute me eximas. eripe à barbaris prædonibus, qui quotidie me Christum ei utare cogunt. Tum ego illius misertus, comites rogo, ut & ipsi illius misererentur, eumque in comitatu reciperent. Et illi: Faceremus, inquit, si liceret. verum id sine certo nostro periculo fieri non potest. Nam si Arabes noverint: & ab illa non facile intelligent, nos juvenem abduxisse, statim advolabunt, velut vultures: nec dubium quin universos perdant, si poterunt. sin minus arma veriti,

usque

Ælanam usque, quò rectè tendimus, insequantur: ibique apud magistratum raptus, quod capitale est, accusabunt. juvandum miseris, non negamus; sed quando sine proprio periculo id fiat. Hic juvenis: De Arabibus nihil timendum, inquit: longè ad Euphratem profecti. aous illa mata nec quò, & quibus cum iverim docere potest. quare per vestram fidem, per vos, parentesque vestros oro, atque obsecro, ut miseri hominis, & ejusdem patriæ, ac religionis misereamini. inque copiosissimas lacrymas effusus, id ipsum identidem repetebat. quibus ego permotus, ita ad socios: Quàm magnum, ac penè divinum sit miseris opem ferre, esse cui notum non sit, arbitror neminem. enim vero cùm proprium Dei sit benefacere, atque opitulari universis; idcirco divinitatem quandam induere videmur, cùm qua possumus ope, miseros sublevamus: id autem sine proprio incommodo, sine discrimine præstare, non multum laudabile, nec magnificum; humanum, non divinum est. negare, quod facillè possis, ne barbari consueverunt: at quod arduum, quod difficillè arripere, moliri, in effectum adducere, quam maximè generosum, atque æternis laudibus est dignissimum. At ei succurrere, cujus religio, æterna salus in discrimine versantur, religiosissimum, ac divinissimum. nec nisi à Christianis expectari potest: imo etiam debet: quando id lex ipsa, ipsa charitas jubent; Verum, nos prædones, ajetis, assequantur: & sic nec ille satis salvus, & nos à periculo, in quod immittimur, non evademus. at prædones longè absunt: nec quo adolescens fugerit, & solus ne, an non, à muta, stolidaque anu scire nequibunt. Sed assequantur: quid gloriosius quam pro pietate certare? occumbere? at non minùs periculi sine pugna erit Ælanæ à Turcico.

magistratu . Sed hanc aleam facile vitabimus, si eum domi contineamus . omitto quanta illorum sit avaritia, ut pauca pecunia capi possint . tandem quidquid futurum sit, Deus, cujus causam suscipimus auxiliator accedet, In rebus æquitas ipsa, & charitas primùm requirenda, quæ si adsint, nihil est, quod de felici eventu timeamus . His demum adducti socii sunt, ut supplicem acciperemus . receptus autem, nostrisque vestibus indutus tanta dexteritate, ut anus, quæ procul diverterat, nullo modo animadverterit, mox in viam nos dedimus, cumque totum diem iter fecissemus, sub vespere ælanam pervenimus . Oppidum cum arce perexiguam, verùm apud Turcas, & Arabes magni nominis emporium, in quod ex India, Arabia, Africaque plurimi mercatores conveniunt . Est in oppido Græcorum cœnobium, in quod quia extra mœnia positum primùm incidimus: de eo Sinaitæ cœnobitæ mentionem fecerant . quo viso, ea mihi incidit cogitatio, quæ opportuna videbatur: si nimirum unâ cum supplice ad illud diverterem, ita fieri posse, ut res in tuto locaretur . quod quidem reliqui comites non improbarunt . Præpositum igitur adeo, atque enixè rogo, ut pro ea, qua Christi fideles, ac peregrinas complecti par esset charitate, mecum ægroto illo adolescente, (pallor oris ex metu mortis fidem dicto conciliabat) reciperet . de victu ne laboraret: id nobis curæ fore . ille, quod vix speraveram, non solum humaniter admittit, sed & reficere illico voluit . imo cuncta se suppeditaturum, quæ necessaria forent, spopondit . id & mihi gratissimum, & sociis accidit, illi, quod à se periculum amolirentur; ego, quod servati civis una apud me laus futura esset . Hoc loco Lælius: Laudo piam fraudem: verum an satis prudenter feceris, non disputo . Imo

prudentissimè, tum Mæcenas. Si innocentia, charitatieque consulendum, nulla industria, qua non uti, nulla alea, quam non subire debeamus. At perge porro: res quippe curiosa est quam maximè. Et ego: Postquam in triclinio resecti in cubiculum secessimus: erant geminae cellae, non satis amplae, in quas unus aditus, cœnobarum in morem extructae: ego etsi defatigatus ex itinere, nihilominus ingens quando cupiditas animo incescerat, omnem supplicis rragdiam intelligere; somno expulso, illum rogo: ut quando remotis jam arbitris, narrari res poterat, ne gravaretur repetere; sciretque se eam lapidi dicturum. Tum ille: Equum inquit, ut hunc tibi motum geram, quando mihi auctor libertatis, æternæque salutis extitisti: & tanto tuo periculo, ut vix à germano expectassem. Drusillæ mihi nomen. Hic ego perculsus: Mulier tu è inquam. Et illa: Ita vero, inquit, & Itala Crotone nobili patre nata. qui me ex priore conjugē susceptam frigidè admodum amabat, cum plurimum novercæ daret. quæ tam ferreæ indolis erat, ac depravatæ, ut me nullo modo pati posset. quotidie ob levissimas causas, sæpius etiam immerito durissimè objurgabat, probris onerabat, & verberibus etiam, nimis sæpe. cum ego ad patrem confugerem, ille obligatus amore novercæ, & falsis criminibus, quæ ipsa prius detulerat, præoccupatus, durius excipiebat. Eò res processit, ut omnis mihi patientia abrupta: inque desperationem acta fugere decrevi. erat domi servus ætate biennio major, quem mater mea à puero educaverat, plurimisque, dum viveret, beneficiis affecerat, atque ob id me unicè diligebat: ad hunc rem deferro. atque enixè precor, ut se mihi ducem, comitemque fugæ præberet. ille principio vehementer percul-

sus, eam nervis omnibus dissuadere conatus est. multisque adductis rationibus, me à proposito dimovere equis. velisque, ut dicitur, adnitebatur. ubi verò me persistere in sententia vidit, certamque, ni fuga patuisset, suspendio vitam unà, & miseras finire, invitatus assensit. Fuga igitur decreta, consilium inire cœpimus, quo id modo, tutò exsequi potuissemus. Erat in portu Surrentina navis frumentum Neapolim deportatura: hæc visum est Neapolim petere; qua in urbe affinis meus degebat: apud quem nos recipere securò poteramus. Eo ipso die, qua profectionem navarchus adornabat, meus pater unà cum tota familia in villam profectus, me unà cum servo illo domi relicta. idque in gratiam novercæ. at ego divinitus factum arbitrata, nihil morandum duxi. quocirca virilem statim vestem, jam præparatam, indui, accepraque mecum non parva pecunia, cum gemmis aliquor, quas mea mihi mater reliquerat, ex horti postico, qua via infrequentior, in navim, quæ jam anchoram subducebat, unà cum famulo, qui jam cum navarcho condixerat, & quædam ad victum necessaria comportaverat, perreximus. qua statim conscensa, quoniam secundus ventus erat, vela fecimus: totumque eum diem, & secutam mox noctem navigavimus. Manè ubi primùm illoxit, binas in alto naves animadvertimus. quibus visis, quæ illæ essent, versare animo nautæ cœperunt. quidam Britannicas, quidam Hollandicas, eas esse; ac Messanam petere. quidam piraticas esse asseverabant; quod præter morem magno ad nos cursu contenderent. Nec diu dubitatum: nam ut clarior dies emicuit, & propiores factæ, piraticas esse cuncti conclamarunt. Tum quoniam languescere ventus incœperat, navis onusta expeditius fugere non poterat. nautæ amissa
spe

spe servandæ navis, de sua salute solliciti, illicet omnes in lembum profluere; veritque ne præ vectorum numero mergeretur, nos, binosque alios reliquerunt. nec quidquam preces, ac lacrymæ apud homines valere. immitte genus, & quam à mari feritatem hauriunt, frequenter exercent. Cui ego: Ita enim verò. Sed quid facias? suam quisque salutem quærit: neque cunctis ea sunt indole, ut virtuti cuncta posthabeant. sed quid tum postea? Et illa: Advolarunt illicò barbari ad prædam, quasi ultures: inque navim insilientes magnoos clamores ediderunt. ubi verò nautis vacuam repererunt, in nos iram omnem evomuerunt. districtisque gladiis mortem minabantur, nè cuncta tradidissemus. Postquam navim totam perlustrarunt, quæque reperire, inter se partiti, nos in inferius tabulatum conjecerunt. hic quantis lacrymis calamitatem deploratemus, facile conicies. Illud autem me summopere cruciabat, ne detecto sexu vim pudori inferrent, quod mihi morte ipsa acerbius videbatur. Verùm hic, quam minimè merebar, divinam opem præsentissimam expertus sum. nam cum omnia nudassent, sociosque alios perferutarentur, me ne tetigere quidem, ut gemmæ, quas mecum habebam, adhuc salvæ sint. Inter piratas syculus quidam erat, qui & ipse multos ante annos captus, fidem ejuraverat. hic quotidie ad nos veniebat, victus gratia: & quod rarum in hujusmodi desertoribus esse solet, humaniter tractabat, bonoque animo esse jubebat: seque nostræ calamitatis misereri, nec defuturum officio, quod exhiberi à se nobis potuisset. piratas esse Tripolitas, nosque brevi in Africam venturos. ubi si de patria, ac parentibus certiorum faceremus, curaturum se spondebat, ut iusta pecunia redimeremur. qua spe paulisper subleva-

bamur. Quarto die, à quo in potestatem prædonum veneramus, Tripolim appulimus: ubi nova nos calamitas afflixit, spemque omnem salutis abstulit. Nam statim ac venimus me archipirata Turcico prætori, qui jam jam discessurus erat, inque Felicem Arabiam, quæ illi provincia demandabatur, profecturus, dono dedit. id mihi acerbius ipsa captura accidit. alterum enim in orbem relegata, redemptionis spes omnes amittebam. eoque magis cruciabar, quod à servo tam fido, meique amantissimo, & cujus operæ uti in adversus poteram, divellebar. quoniam vero cum jacta est alea, constanti animo quidquid inde futurum sit, ferendum est, me erigebam, solabar: atque ipsa mihi animos, viresque sufficiebam. Novus dominus, in cujus potestatem transferam, sive quod genio mitis, sive quod forma caperetur. quæ, etsi ego, antequam caperer, unquibus sædissimè deturpaveram, ne prædones alliceret, sexusque suspicionem faceret, jam se aliquantulum ad nativam speciem reduxerat, benevolè excepit, atque ephebis adscripsit. id mihi gratum nequaquam fuit: nam verebar, ne tandem re patefacta, in extremam omnium calamitatem inciderem. Tertio die, ex quo Tripolim deducta, Prætor jussit vela fieri: atque felici usque cursu quarto die Alexandriam intravimus. Hic navi dimissa, quæ Constantinopolim navigatura erat: conductoque lembo Pelusium petivimus: ut inde Arsinoë veniremus. cum enim simultras dominum inter, atque Ægypti prætorem intercederet, noluit ille Babylone transire, ne illum convenire cogeretur. quod quidem illi, cunctisque suis fatale, mihi verò salutare fuit. nam cum primo die, & secundo etiam tranquillo mari navigassemus, ingens ex improvviso tempestas orta est. itum statim ad sortes, quibus ille mi-

rum

rum in modum addictus . atque hoc editum oraculum est . Palmare nimirum mendacium , inquam ego . Et illa : Ita verò : nam mentiri dæmonum semper est : atque audi modo : Tum tempestas cessatura , cum novum mancipium deserto in litore feris exponeretur . Nihil moræ factum , admoto ad litus lembo , me projectam deserverunt . Hic ego omni prorsus ope destituta , principio accusare sortem , quæ me prædonibus primum , mox feris objecisset . quæ tanti fati inclementia , quæ me non domi liberam inter parentes , non in servitute apud barbaros esse pateretur : satius fuisse si prædonum gladiis trucidandam , quam ferarum dentibus laniandam præbuisset . Mox memet temeritatis damnare , quod non æqua consilia cœpissem , nec rationi , sed iræ obtemperassem . fieri enim potuisse , ut patientia novercæ odium debuisset , patrisque amor conciliaretur . nunc verò nullum penitentis locum , nullum patientis fructum esse . resumpto deinde animo in tumultum litore proximum conscendi . ex quo dum domini lembum ingenti undarum agitatione jactari aspicerem , & interdum penè absorberi , paululum allevabar . quem ubi tandem demersum vidi , erecta spe sum non exigua , fore , ut tandem salutem invenirem . neque enim sine consilio Dei factum , ut è naufragio eriperer : nempe , ut ad meliora reservarer . solere nonnumquam in rebus omnino desperatis salutem exoriri , inque densissimis tenebris lucem affulgere .

Postquam hæc mecum evoluissem , in litus redeo , ut si quid vescum , quo tolerare vitam potuissem , reperirem . nam in tumulto illo arenoso , ne stirps quidem arida conspiciebatur . vix descenderam , cum naufragorum cadavera , tabulasque ad litus ferri animadverto . quo visu tam misero , quàm qui maximè ,

magno triftari opere, ac timere cœpi. Verùm ne aspectu illo sc̃do, ac lacrymabili diutius excruciarer; & cum neque ibi quicquam eſſet, quo famem exple-rem, ſed quo calamitatem paſcere abundè poſſem, in interiora deſerti litoris ſeceſſi. ibi herbida quædam loca inveni; in quibus arbores aliquot, quæ palmæ mihi videbantur: quarum paterno in horto geminæ erant. ex harum fructibus, qui non dum mures bi-duo vitam tranſduxi. Tercio die ingens mihi cla-mor auditus. erant venatores plurimi; qui neſcio quam feram lacerto ſimilem occiderant. Qui ut me vident, loqui mecum occœperunt: ſed nec ego illos, nec me illi intelligebant. per nutus, ac ſigna, ut mu-ti ſolita verunt, me naufragio ſervatam ſubmerſis aliis ſignificabam. quod planè intellexerunt, ubi ad litus accedentes, cadavera, tabulaſque conſpexerunt. tum miſerationè, ut credo, permoti ſecum ad-duxerunt. Vix tria paſſuum millia exhauſeramus, cum in Arabes prædones incidimus. qui ſtatim nos aggreſſi ſunt: nec ſegnius venatores: ingentique utrimque animorum ardore concurrerunt. at ego tanta formidine correpta ſum, ut nihil propius fa-ctum, quàm illico occumberem. Tandem poſt ærem conſlictum, tribus ex venatoribus occiſis, reliqui tu-gam capeſſunt: ex prædonibus duo occubuerunt, multi vulnèrati. qui me, quæ inermis, & pugnæ ſpe-ctatrix fueram, captivam avexerunt. eoque poſt magnum iter pervenimus, ubi me reperifti. Cui ego: Vim tibi intulerunt? Minimè. tum illa. etſi acerbè primùm tractaverint: deinde paulo humanius in eam ſpem adducti, ut Chriſto ejurato, Mahumeti no-men darem. imo ubi ab Euphrate rediſſent, velle me vel invitam circumcidere. ideoque divinitus fa-ctum duco, ut per ea loca pertranſires. nam ſi ſecus fu-

futurum, ut in maximum tum fidei, tum pudicitiae discrimen venissem. Mira oppidò, hic Mæcenas, tragædia, quam summa voluptate abs te audiui. ut variant humana, ut sæpe salutaria sunt, quæ nos desperata existimamus! Iudit Fortuna, reciprocoque veluti undarum æstu cuncta versat, faciesque tot rebus, quot puncta, inducit. Atque hæc ut diceret, adsunt ephebi, monentque omnia parata esse. statim igitur ex projectu in procætonem pransum processimus.

C A P U T IV.

Quæ Ælana observata, mox Arsinoë iter, aliaque scitu digna memorata sunt.

POSTea verò, quam basilica pene mensa, & Mæcenate, viro splendidissimo æquè, ac ditissimo perquam digna, resecti summa hilaritate sumus, ad eruditos sermones me iterum ille advocavit. Et Age, inquit, Parthenie, quæ tibi deinde, quæ miseræ illi, cujus tu servator fuisti, acciderunt, facili tuo sermone enarrato. quod ut video tuis istis adolescentibus, perquam jucundum futurum est. Tum Lælius: Ita verò: & si quicquam impetrare nos possumus, iterum, iterumque rogamus. Quibus tum ego: Næ ego inutbanus, qui eo graver, quod vobis placere sentio. faciam igitur, quod situm in me est. insequenti mox die, Druilla valetudinem causata domi substitit, ego ad socios, ac perlustrandum oppidum progressus, in quo præter parvam arcem, nec satis munitam, quia nihil fermè dignum visu erat, ad Erythræi litus, quod videre summo avebam opere descendi. Hic Mæcenas: Estne, inquit, arena punicea? Nani idcirco Rubrum appellatum multi crediderunt. Cui ego: Nequaquam,

quam, imo potius albicat. mirabar sanè cum maximè, quod mare illud Rubrum veteribus dictum fuerit. nam quod Euxinum nunc Nigrum vocent, non immeritò id quidem: est enim quam maximè cœnosum, atque altissimum; quo fit, ut nigrescere videatur. At verò Arabicus sinus adeo nitidus, purus, perlucidus, ut videri fundum, quæque in eo sunt, clarissimè possint. Benè quidam cum Strabone ab Erythra Rege, qui quadam Oceani insula regnasse creditur, atque humatus est, Erythræum Græcis, Rubrum Latinis nuncupatum. Quibus tota illa Oceani Meridionalis pars, quæ Africam, Arabiam, ac Persidem alluit, Rubrum olim mare appellata: Id vero mihi pulcherrimum visum est, refertissimum scilicet mare coralliis, conchisque omnis generis. quorum ingentem copiam quotidie piscatores capiunt. Ego, quando nihil erat, quo diem obducerem, piscari placuit. miro enim modo captus sum tum varietate, tum pulchritudine earum concharum, tum etiam figura, quæ adeo curiosa, ut in illis elaborandis otiosa luisse natura videretur. Assumpto igitur Achmetide, qui Arabicam linguam apprimè callebat, naviculam quandam conscendi. quæ & ipsa insolens mihi visa est. cujus structuram referre operæ pretium erit. carina, & statumina, quæ una ex ligneis asserculis, non ferreis clavis, sese inter advehebantur, sed picatis funiculis miro modo complicatis. reliquum naviculæ corpus ex pellibus compactum. velum non ex lino, sed juncis storearum in morem contextis. cujus autem formæ in Nilo etiam plurimæ navigant: quorum costæ ex minutissimis asserculis, non picata fune, sed ligneis clavis obfirmantur; cætera ex corio. His superioris Ægypti incolæ, atque Ætiopes mercatores merces Babyloniam invehunt. quibus distractis,

naves dissolvunt, divenditisque lignis, quorum ibi ingens inopia, pedestri itinere in patriam remeant. Istud vero non eò fit, ut imperiti quidam tradunt. quod magnetici ibi montes; ut in Septentrionalibus factitari perhibent: sed quia antiquissimus apud gentes usus, atque expeditissimus, ut Author est Strabo, qui pelliceis cymbis navigari Erythræum ab Arabibus scriptum reliquit. Imo soliti etiam ex papyro cymbas Ægyptii compingere. Ex corio autem in Euphrate pariter, ac Tygre factas naviculas Zenophon, atque Herodotus tradiderunt. Hic Quintius: Id tu in Nauticis etiam scripsisti. & teneo pariter versiculos, quos io Meccenatis tui gratiam, cui jure optime illa nuncupasti, patiare, quæso, ut recitem:

*Assuta veteres sulcarunt pelle Britanni,
Pelle etiam, quotquot rigidis tenet Ursa sub oris
Marmora cana legunt: & sutilis orbe rotundo
Euphratem irrumpit venientem gurgite linter.
Fertur & Ægypti regnatrice barbara Memphis
Argilla fecisse ratem, testamque cavatam
Suscepit medio miratus flumine Nilus.
Flumineam biblum, & nizeam junxere papyrum,
Prædones; qui stagna colunt torpentia Nili.*

Quibus recitatis, Habeo tibi gratiam, Quinti, inquit Meccenas; quod illorum mihi memoriam excitasti: quibus ego mirificè capior. Nec è manibus elabi facile patior. Sed tu, ad me conversus, perge porro. nolo modestiæ tuæ esse gravis. Cui ego: Facitis vos pro vestra in me benevolentia. cæterum quam exsuccī sint, & male tornati, satis teneo. verum audite. In cymbam recepti litus propter ire cœpimus tanta voluptate, ut nunquam alias: meque per nostri Pausilypi scopulos, Bajanosque lacus, una cum Lycone, ac Doryla percurrere arbitrabar. aqua
instat

inftar cryftalli perlucida, vada tam brevia, ut fundum tenere manibus, ac oftrea, corallia, conchyliaque commodè evellere potuiffes. Quia vero totum fermè Erythræum vadoſum eſt, & brevibus paſſim conſtitum, ingens idcirco teſtaceorum captura fit. ac majoribus navibus non ſine periculo propter id ipſum navigatur.

Poſtquam otioſi ſatis, ſuperq. genio indulgiſimus, domum me contuli. Achmetides ad ſocios, ac profectionem in proximum diem adornandam profeſtus eſt. De qua ſollicitè diu conſultatum eſt. verebatur enim, ne nos Arabes aſſecuti de rapto mancipio apud Turcicum præſectum accuſarent; vel nos in itinere aggreſſi, vim inferrent. optimum cunctis viſum eſt, ſi unà cum publica vectura, qua plurimi omnium nationum mercatores Babyloniam ferebantur, nos etiam iremus. Gratiis igitur Cœnobiarhæ perſolutis, primo manè diſceſſimus; perque litus Erythræi, quod nobis Septentriones verſus progredientibus ad occaſum erat, iter faciebamus. Eſt interdum propter colles, qui in mare exporriguntur, in mediterranea ſlectere cogeremur. quibus in locis tantæ propter ſcopulos anguſtiæ, ut cameli crura tenus abluerentur. Tandem ad Moïſis fontes, per quos in primo itinere transferamus, perventum eſt. Hic fixis tabernaculis pernoctavimus. Prima vigilia magnus clamor obortus, quo audito, ingenti formidine correptus ſum. verebar enim, ne Arabes, quos vehementer timebamus, ſuperveniffent. excitati illico omnes, & ad arma concurſum eſt. ac brevi abactus timor, atque excuſſa formido eſt. Etenim cum quid rei eſſet, percontaremur, renunciatur, tabellarium quendam veniſſe, qui ab Arabiæ præſecto miſſus, magnis itineribus Babyloniam contende-
debat.

debat. Orto jam Sole profectos is nos locus excepit, qui à trajectu Arabibus nomen. ex eo enim brevi compendio, navibus, quæ plures ibi ad id ipsum stare solitæ, Arsinoënam traicitur. Ne igitur cogermur, ad intima usque sinus, longo itinere circumflectere, & ut citius omnem prædonum metum excuterem, navi Arsinoëni ire constitui. assumpto igitur Achmetide, ac Drusilla, lemboque conducto, duabus non amplius horis, Arsinoënam, quæ in Ægyptio litore ad Occidentem posita est, tenuimus; tantus enim ille trajectus, quantum Siculum fretum patet. Et uti Siciliensi in freto ex uno in aliud regnum brevi spatio commigramus, ita in Arabico isto ex una, in aliam Mundi partem brevissimè pertransimus. Cæteri una cum impedimentorum, sarcinarumque mole terrestri itinere profecti, sequenti die pervenerunt. Hic Mæccenas: Est ne, inquit, Arsinoë ista (nam plures reperio à Ptolemæis ædificatas) elegans urbs, ac populosa? in eâ enim, ut ferunt, totius Ægypti Turcicum navale, in quo naves, quæ Erythræum excutunt, stationem habent. Currego: Non admodum ampla, non elegans, nec populo frequens, ut fere omnes Turcici Imperii urbes sunt. habet arcem urbi respondentem, nec satis validam. Navalia non admodum magnifica, nec multis navigiis referta. Quod mihi visu dignum, navis quædam fuit Indica, quæ duplicato tabularum ordine muniebatur, ut Oceani fluctus, qui immensi penè assurgunt, sustinere potuisset. Vela ex palmarum foliis texta; quæ tum in litore extenta, filo ejusdem materiæ necto, reficiebantur. Hoc loco Quintius: At tu de his in Nauticis: statimque versiculos recitavit:

Qui regna rubentis Eoi

Gangarida, Seresque colunt, & durus Japon

Vi.

*Vimineam Zephyris tegetem spirantibus alto
Expandunt malo: floreisque canentibus aura
Obstrepi: inflata tegetes spumantia currunt
Æquora. tu foliis contexere vela caveo,
Nauta, sed Eoi si sit maris aquor arandum
Trans freta trans Gades, gemina compingere tela
Carbasa præcipio, diris Typhona procellis,
Utque sinu Prætera queant tolerare furentem.*

Cui ego, ut recitavit: Nimis odiosus es, Quinti, tuis istis interpellationibus, & cantilenis: & res, ut dicebam alias, benè prolixa. At Lælius: Laudo Quintium, qui præceptoris memor est, & gratum animum gerit. Cui ego: Tu etiam adularis. Euge, Euge, Læli; salvete ambo equorum, ut ajunt, filiar. Hic Meccenas non sine risu: Gaudeo quod lepidam in re seria intercapedinem fecistis. mirum oppidò quantum, lepidissimis istiusmodi jurgiis delecter, quippe amoris, atque humanitatis refertissimis, & veram animorum conjunctionem præ se ferentibus. Verùm quod instat agamus: nam ni me fallo, multum adhuc vix restat. Cui ego: Adverte igitur animum: Quintioque ut quiescat juberò. Tum Quintius subridens: Si Meccenas jusserit, exsequar illicò. Tum Meccenas, ut est humanitate limatissimus, imo, quæso, inquit, ut lubeat. contieuit tum ille. Ego autem sic filum retexo. Ut me domum recepi, versare mecum animo incæpi, quid mihi magis expediret. continuare ne iter cum amicis, totaque illa hominum turba, qui publica vectura, ut superius dixi, Babyloniam iter habebant: an expectare Achmetidem, qui negotiorum causa Arsinoën venerat, neque ante dies octo confici negotia poterant. Et quamvis mihi videretur expeditius, tutiusque fore si tanto stipatus comitatu iter facerem: tamen propter

propter expertam hominis fidem, atque officia, quibus me semper profecutus fuerat: propter patris etiam amorem, vix divelli ab eo patiebar. Dum varias in partes distrahor, me Drusilla interpellat: & quid, inquit, de profectioe? continuo mihi à tergo imminere prædones videntur. pœnasque fugæ à me sumere. Cui ego: De illa cogitabam: mentemque omnem expono meam: & quid ipsa, sentiret? interrogo. Et illa: Tutius, inquit, si tanta hominum multitudine, nos vix committamus: nam si secus, in Atabes incidemus. Et jam pendebat animus, ut ad illius sententiam descenderem; cum en tibi Achmetides: qui post datam, acceptamque salutem. Quid tibi, inquit, constitutum de discessu est? Cui ego: Vix à te divelli patior: verum justus me metus occupavit, ne soli tantum, & tam periculosum iter capeßere cogamur. Tum ille: De hoc metum excute: nova in dies multitudo ex India expectatur; in qua plurimi Europæi, atque Armeni: his nos adjungemus. Cui ego: Si ita, expectabo, tu verò cura, ut quantocyus te à negotiis expedias: ne quid moræ in te sit. Ille verò: Diligentiam omnem adhibebo, ut brevi in procinctu sim. Mihi vero tutum non videtur meritoria hac in tabernas diutius subsistere. imo opportunum erit, si profectos vos esse divulgetur. Interea est hic juxta pomerium anus Ægyptia, mihi nota, & quæ habetur frugi: apud illam divertere, & commodum, & tutum. quod mihi optimum factu visum est. ut igitur reliqui, se itineri dederunt, nos recta ad anum divertimus, quæ excepit non gravatim. at non omnis timor prædonum excussus: adèò animis infederat: quocirca vel domi nos continebamus, vel per solitarios agros, proximumque litus vagabamur.

Hic

Hic Lælius: Timuisssem velego: at, tua pace dictum, haud mihi prudens consilium visum fuisset inter barbaros subsistere: sed proficiscendum confestim erat. At eventus, tum ipse, & prudenter, & sapienter factum demonstravit. Altera enim die, ex qua Mercatores profecti, Arabes adsuur, Præfectum ædeunt, deque rapta mancipii conquærantur: cum autem didicissent profectos homines esse, lictore impetrato, magnis itineribus eos assequuntur. omnemque multitudinem vexant, singula perscrutant. postea verò quam, cuncta susque deque everterunt, irarum pleni revertuntur: arbitrati que per desertum effugisse, illac lictore dimisso, iter tenuerunt. idque manifesto Dei favore factum est: nam si Arsinoëa redissent, proditi ab anu fuisset. Erat quippe illa quam vaferrima, & magicas artes edocta. siquidem apud Arabes educata, Christianam religionem Mahumetana superstitione turpissimè infecterat: Et eò magis metuenda, quod sub ovina pelle, lupi indolem obtegebat.

Confectis jam ab Achmetide negotiis, nec dum appulsa ex India, quam præstolabamur, mercatorum turba, disfructuari summo opere cœpi. Siquidem diutius moram trahere nec tutum, nec expediebat; jam enim suspecta maleficii esse ausus ceperat: sine comite, & quidem plurimo tanto se itineri committere, quam permaximè periculosum. nunc has, nunc illas curas ibam. nec exigua malorum appendix Drusilla erat, quam ut salvam facerem, memet manifesto periculo objectaveram. At tantus illi animus, tanta audacia inerat, ut me benè sperare, sorti confidere, cumque sequi bonum Genium, qui nos hactenus à tot periculis eduxerat, adhortaretur. id ipsum Achmetides suadebat: seque bis per illas solitudines iter.

iter aggressum feliciter evasisse, affirmabat. Neque solere latrones nisi ad multitudinem accursare, in qua non exigua prædæ spes luceat. Ne igitur unus timoris argueretur; quâdo nec Drusilla, nec ille, cujus intererat, sua salva esse timebat, ite constituit: duobus igitur camelis conductis cum duobus Arabibus sene uno, altero puero, ne si plures, ac robusti, nos opprimerent, ut non rarò accidit; atque insalutata, post conticinium iter arripimus. Vix hæc, cum adsunt Ephæbi cum multa, ad quam hauriendam intercapedinem fecimus.

C A P U T V.

Iter Arsincæ Babyloniam versus, quaque cum solitario sylvicola evenerint, referuntur.

Postquam argenteis in scyphis suavissimam melisam exhaustimus, Meccenati propinantes: & ille, utpote qui officiorum refectissimus, nobis libasset; Redeamus, inquit, in viam: expecto enim quæ tibi in illa acciderint, nam ni mea me fallit sententia mira oppidò fuerunt. Cui ego: Rectè coniecis. attendite igitur: cum continenti cursu eo die iter habuissemus: camelos identidem stimulant: quod non sine risu fuit. nam puer, ut qui agilior, atque expeditior, camelos identidem stimulo urgebat: senex tardigradus in puerum irascebatur: eratque inter ipsos rixa perquam lepida. tandem ad fontem quendam pervenimus. Atque eo die ne vestigium quidem hominum occurrit. nam per eas solitudines rarò admodum soli pererrant. Ad fontem senem quendam aspectu gravem, proluxaque barba venerandum reperimus, cujus vestis instar sacerdotalis ex pal-

palmarum foliis contexta, cetera nudus : mihi unus ex antiquis illis sylvarum incolis visus est. ad quem propius accedentes , dum rogare in animo erat , ille nos prius humanissimè salutavit . Hic Quintius pro suo more : Larinè ne, an Græcè ? nam si barbarè, nihil penitus intellexisti . Cui ego : Imo verò intellexi , nam etsi barbarè, jam enim ex longa consuetudine cum Achmetide voces aliquot didiceram . in reliquo sermone ipse mihi Achmetides pro interprete fuit . At tu non stas promissis . Et ille : Erravi, fateor ; me ad frugem deducam . Et ego : Nos reddita salute, rogamus , quis esset , & qua in solitudinis parte degeret ? Et ille : Non longe, inquit, tugurium meum est : in quod, quæso, ut venire lubeat. nos laciniam minimè scindi passi , statim ire pergitur ; sequi que camelos iubemus, quod vix ab Arabo post multas preces impetravimus : minimè enim nobis id expedire aiebat : neque satis tutum à publica via divertere . tandem cum nullum subesse dolum dicemus , neque multum vix ad tugurium senis interesse, acquievit . Dum vero una omnes imus, ita ad nos ille ; Ex intima Thebaide, in qua Ægyptiis parentibus natus, in hanc solitudinem vix è pueris egressus veni, & quidem miro modo . inque ea plurimos annos vixi summa animi tranquillitate, summa corporis valetudine . neque quidquam in humanis fuit, quod optatissimam mihi quietem valuit perturbare . nam cum nihil metuis, nihil expetis, pacatissimus tibi animus est : qui non nisi timore , vel spe jactari potest . Et ita tranquillo jam animo , sanum ac vegetum corpus fuit. quod plerumque ex animi ægritudine labem contrahit, non aliter ac vitiatò vapore aër inficitur . accessit frugalitas, ac continentia : qui dulcissimi solitudinis fructus sunt : quibus nihil efficacius ad tuendam

dam valetudinem. Nec defuit assiduus labor, quo otium frangitur, validudo roboratur: nec sine aliqua voluptate vita transigitur: dum enim laboris fructu delectamur, honestam voluptatem percipimus: neque enim omni carere voluptate animus potest. virtutis igitur est, ac summæ industriæ, ut honesta ille proposita delectatione præoccupetur, qua si ante capiat, in tuto beatitas est. Quæ dum diceret, mirabar oppido hominis indolem, & adeo excultum in media barbarie ingenium: mecumque illud reputabam, magnum esse hominis animum, si à vitiis liber, sui-que juris existeret; nec immaniolem eo, cujus obsecrata victorum caligine ratio est: atque idcirco repetiri interdum barbaros apud cultissimos quosque populos: atque inter barbaras, incultasque nationes esse plurimos, qui sortiti bonam indolem humanissimum præ se ingenium ferunt.

Sed jam non longe à tugurio eramus: cujus quoniam insolens structura erat, iuvateam referre. In immensa arenarum planitie exiguus quidam locus erat, aliquanto benignior; in quo plurimæ palmæ consistæ: quæ ex magnitudine satis apposæ videbantur. in harum recessu modica casa, seu potius mapalle assurgebat. in quatuor angulis ex palma trabes positæ: quibus ex palmarum rami texti muri adhærebant. tectum ex papyro Ægyptia constructum: utque solis æstus arceretur, plurimæ palmarum frondes superpositæ. lectus storea erat ex iisdem palmis texta; pulvinar ex eadem materia paleis infartum. nulla ibi sella, nulla mensa, nihilque eorum, quæ ad vitæ commoditatem adhiberi solent. totæ divitiæ pendens è cruce servatoris imago erat. Hic Quintius: satis, inquit, divitiarum in eo uno, in quo thesauri omnes reconditi. Ita verò tum ego, atque audi mo-

do. Ut venimus, tabernaculum fiximus; dumque camelarius cenam accurabat, ipse cum sociis in tugurio sedi more illarum gentium, humi scilicet erubus decussatis. Postquam confectum, hominem rogo de religione, timebam enim, ne esset heterodoxus: Et ille! Progenitores mei, inquit, ex antiquissimis Christianorum fuere. verum adeo inscii rituum, veræque doctrinæ, ut præter nomen nihil sanè Catholicæ religionis præ se ferebant. ex hoc caudice quale germen eruperit, tu conjicies. Quia verò bonam indolem sortitus sum, nec jis me vitiis, quibus hic loci sordent universi, deturpavi, eo me lumine benignissimus Pater illustravit; quo Ægyptiorum renebræ discutiuntur; ea mente Deum veneratus sum, qua par erat: meque ea sentire, ac credere, quæ sentienda, credendaque forent, professus sum. Adultus vi à parentibus abstractus, militiæ adscriptus, quam ego, quoniam in Christianos bellum erat, cane pejus, & angue oderam. pecunia, qua nihil firmè est, quod à Turcīs non obtineas; me in libertatem asserere conatus sum. sed lusi operam; tot enim Cretico bello perierant, ut toto Imperio summas præfectorum diligentia, delectus haberentur; & quamvis avarissimi, continebant se timore pœnæ. Alexandriam tandem venimus tirones DC, inque navibus duabus impositi. Vela vix fecimus, cum atrox de repente tempestas orta est; qua diu jactati, tandem qua ipse vehebar, navis non longè à Pelusio, quod tenere non potuimus, ejecta est: statimque in litore diffracta. E naufragio evasere plurimi, inter quos ego. qui non arte, nam eram nandi omnino ignorans, non tabula, quam nullam tenere potui; sed sive vi æstus, sive singulari numinis beneficio, in sicum delatus sum. Hic ego gratias mari persolvi,
quod

quod me ex illa militia liberasset : meque non fecisse naufragium , sed auspiciatissimum cursum tenuisse , quo in portum hunc tutissimum appulsiſſem , putavi . Ex illo enim in hanc ſolitudinem me contuli , in qua pacatiſſimam vitam duco . nec quidquam eſt , quod expetam : reſque omnes humanas infra me poſitas exiſtimo . Tum ego admitatus hominis indolem , & quas in varias incidiſſet viciffitudines : Ut belle , inquã , ludit Fortuna ! oh quantum plus interdum barbari ſapiunt ! nempe eſt una in omnibus natura , quæ la-be vitiorum carens , nihil illa excelfior . & excelfior animus eſt , cum ſibi ſatis nihil eorum deſiderat , quæ etſi ſpeciem præ ſe boni gerunt , malorum omnium ſemina tamen ſunt . tantuſque ex illo me quietis , ac ſolitudinis amor invaſit , ut nihil propius factum eſt , quàm me illi ſocium addiderim . at vicit amor viſendæ patriæ , ſervandæque Virginis , cujus tutelam tam piè , ſanctèque ſuſceperam . Hic Mæcenas : Ne te vexes , credo equidem , ut qui tuum ingenium plane moverim . teneoque quanto idcirco Surrentinum tibi otium gratum ſit . Certè tum ego ; Nihil mihi ſcientia rerum , nihil quiete charius . cætera omnia tanti duco , quanti vitiatam nucem . ſoleoque ſæpe verſus illos poëtæ recitare , quos ego diviniſſimos puto .

Felix , qui potuit rerum cognoscere cauſas ,

Atque metus omnes , & inexorabile fatum

Subjecit pedibus , ſtrepitumq; Acherontis avari .

Sed pergamus porro . Hæc ubi mecum latio ſermone exclamavi , plurima hominem de religione doceo . quæ ille tanta tum aviditate , tum voluptate excipiebat , ut mirum oppido eſſet . neque ego minore gaudio perfundebar . eoſque damnabam qui divinas verba tanta oſcitantia , ſupinoque animo audire ſo-

lent, ut pudendum quam maximè sit. Maximo deinde opere illum admonui, ut caveret à Mahumetis superstitione, qua nihil pestilentius: ibique necessariam cautionem esse, ubi tot inter Arabes, ac Turcas summum in dies periculum imminebat. Et ille: De hoc ne sis sollicitus: Ex perditissima enim eorum vita optimè intelligo, quam falsa ipsorum secta sit. Siquidem veram religionem sanctæ institutiones, sanctique mores probant: nec quispiam probè vixerit, ni sanctè crediderit. Hoc loco Quintius: Poruitne Achmetides ille tuus, quo interprete utebaris, hæc æquis auribus audire? nam si benè memini illum in Mahumetis verba jurasse, ex te cognovi. certè nimia tu usus confidentia: nimiam præ se ille tulit patientiam. Cui ego: Opportunè hic me interpellas, Quinti, mihi pietas, ac veritas audaces animos sufficiebant: illum, summum erga me obsequium patientem faciebat. quin etiam tum nostro contubernio, tum facilitate morum, tum etiam veneratione senis, ac sanctitate nostræ fidei, jam jam ad veram religionem inclinabat. Et sanè si cum illius sectæ hominibus differere de religione liceret (nam id capitale Mahumetes statuit, veritus ne sua commenta falsitatis arguerentur) fere omnes, ratione perspecta, infamem sectam eiurarent. Sed ad propositum revertamur. Quædam me solitarius, cui Hilarioni nomen, de Augustissima Trinitatis natura, quæ illi inter densissimas tenebras, in quibus natus vix effulgebat, rogare cœpit. Quæ ego ad captum hominis, quam maximè poreram accomodatè explicui, addidique sanctius, ac reverentius fore de ineffabili Deitate credere potius, quam scire. quippe tam immensa illius natura est, ut humana mente comprehendere minime possit. quodque Divo Augustino

evenisse pervulgatum est, enarravi. Hic, inquam, acutissimus, ac sanctissimus vir de Trinitate scripturus per proxima urbi litora, animi gratia, obambulabat: ne vero otiosum omnino otium esset, quæ scribere moliebatur, secum intentissimè pervolvbat. inciditque in puerum, qui facta manibus scobe non satis ampla, in qua confederat arena, è proximo mari aquas concha acceptas, in scobem ingrebat. id cum Augustinus vidisset, inanemque pueri laborem reputans, illum subridens interrogat: Quid esset quod facere tanto labore meditaretur? Tum serio puer: Hanc, inquit, in foveam universum Oceanum infundere. Cui Augustinus: At non vides, inquit, fieri haud posse, ut tam exigua scobs immensum hauriat Oceanum? Tum illico puer: At multo facilius id mihi factu est, quàm quod tu nunc meditaris, efficere. Statimque disparvit. quo admonitus tantus vir est, haud homini fas esse divina concipere, deque illis pro dignitate disserere. quocirca venerandæ silentio ea esse, quæ assequi intellectu non possumus. Hæc verò tanta senex voluptate excepit, ut vix se præ gaudio continuerit. Interea nos camelarius admonuit accuratam jam cenam esse. nihil igitur morati, mensam extendimus eo loci, quo confederamus: cenavimusque more gentium. Inter cœnandum solitarium rogo, quo ipse victu vitam sustentaret? Et ille: Hæ palmæ, inquit, mihi victum, vestitum, reatumque, ut vides, subministrant. nam fructus siccati tibi loco sunt, frondes vestimenti, rami tecti vicem præbent. Interdum à viatoribus oryzam pro stipe accipio: panem perquam rarissimè degusto. oleratellus hæc arida non gignit. at uni dactyli tantum mihi accepti, ut regum mensis non invidiam. natura hominum modico cibo, coque simplicissimo

contenta est: cetera, quæ luxus, non fames invexit, gulæ, non vitæ serviunt. imo plerumque huic maxime nocent. Ità verò tum ego: quare oprime divinus vates: Plures gula, inquit, quam gladius absumpsit. Sed age, num tibi unquam incommodum prædones creant? Minimè vero, tum ille, quid enim ab eo auferant, cui totus thesaurus pauperies est? divites vexantur, atque incursionibus obnoxii. qui nihil habet, extra ictum est. Tandem cœna absoluta, quoniam in ultimum diei sermone proventus fuerat, ad somnum securi concessimus. Hæc ubi dicta, faciamus, inquit, Mœcenas intercapedinem, illatque scyphi cum calida Americana, ad quam nos statim convertemus.

C A P U T VI.

A solitario discessus, quaque apud sagam Authori acciderint, referuntur.

HAUSTA jam calida, ad narrationem redimus, itaque exorsus sum; Primo diluculo, refixo tabernaculo, seni vale dicimus. Ille me non sine lacrymis complexus: Quam ægre, inquit, te abire patior: qui divino illo tuo sermone mirum quantum hac me solitudine recreasti. Tum ego, etsi non facile in lacrymas ire soleam, vix tamen tum me ab illis continui; & Invitus, inquam, abs te divellor; cuius candida indoles, rata in his terris pietas, me summo petere devinxerunt: at non committam, quod unum in me situm, ut me unquam tui capiet oblivio: tu verò ne graveris preces ad Deum pro nobis fundere, cujus præsentis ope in hoc difficili itinere indigemus. Rogabo, tum ille, ut vos sospites in patriam reducat.

cat. Quia verò nos camelarius urgebat, viâ infestimus. adeò verò solitarii imago animo infederat, ut adhuc illum præsentem habere mihi viderer: beatam illius vitam assiduè meditabar. Sed en tibi nova rerum imago, quæ aliò mentem advocavit. vix IV millia passuum exhaustimus, cum altissimas è longinguo ædes nostro more ædificatas conspeximus. ego rei novitate perculsus Achmetidem rogo, quænam illæ essent? Et ille: Numquam, inquit, tales me vidisse commemini. &, quod magis admitor, non harum more gentium conditæ. mox Arabem camelarium? si locum illum nosceret, interrogat. Ille mirabundus: Etsi, inquit, centies hæc iter fecerim, nunquam sanè simile quid vidisse, mens, quæ non obliuiosa mihi est, in præsentia suggerit. Vbi verò propius accessimus, Æthiopem præ foribus stantem animadvertimus. erat iuvenis non inelegans, & vultu tam sublucris, ut noctu instar carbunculi micuisset. crispo capillo, diductis modicè labris, dente nitidissimum ebur æmulante, candida tunica, crurium tenuis, quæ nuda videbatur, amiciebatur. tunica tum superior, tum inferior limbus lata fimbria ex ductili auro mirè intertexta, exornabatur. Qui statim obviam factus, ad Achmetidem verba faciens, nos perhumaniter invitavit. esse ibi dominam humanissimam, quam visere nobis haud gravè futurum. esse item elegantissimas ædes, amœnissimos hortos, quos lustrare operæ oculis fore. Achmetides, cui indoles supra barbaros bona, minimè recusandum putabat. Ego, cui perspicax ingenium, verebar ne quid doli subesser. conversusque ad Drusillam, Dubito, inquam, ne palatium istud præstigii oculorum sint; ac domina insignis quædam saga. Tum Drusilla: Numnam illa, quæ nos Arsineæ excepit? Qui ego:

ego: Verisimile quidem. Timeo ne postquam bonus ille senex ad virtutem nos suo exemplo excitavit, hæc in vitia deducat; inque alios Circeæ quodam poculo immutet. Proximæ enim viæ sunt, & quæ ad virtutem, & quæ ad vitia ducit; ut si à prima deflexeris, in alteram illicò incidas: ex qua se deinde deducere, perquam arduum est. tot enim illecebris consta, tanto ornata fūco, tot sparsa floribus, ut animum avertere, declinare oculos, non facile sit. Quin immò, ut ad virtutem non nisi vi facta, impellimur, ità ad vitium, ipsa propendente natura, sponte prolabimur. Quocirca institutum tenere, iter, nec transversum quidem unguem, ut ajunt, deflectere in animo erat. cum en tibi quidam tabellarius, qui nescio quas literas ad Ægypti Prætozem se ferre affirmabat. quem cum camelarius rogasset, si quid novi è deserto? Ille: Non procul, inquit, Arabes quidam pererrant, nescio quod Europæum mancipium vestigantes. Hic ego etiam animo perculsus, frontem tamen explicui: quod & Drusilla, & Achmetides tam generosè præstiterunt, ut vix in animum induxissem. nam si secus, facile indicio homini fuisset. Placuit igitur ædes subire, ut sic è prædonibus evaderemus. etiam non parum anceps animus, ne si fortè scyllam, ut est in proverbio, vitare cupientes, in Charybdim incideremus. verum quia illud certum, ac penè præsens malum, id incertum: illud vitare nostræ opis non erat, hoc situm in nostra voluntate, quæ si masculæ virtutis, capi non potest, facile idcirco primum complexi. Transmisso igitur pensili ponticulo, ædes subivimus. Æthiops mirabiliter celeritate pontem sustulit, nosque amplissimum in atrium introduxit. Hoc loco Mæcenas: Miræ oppido, inquit, quæ narras, tuisque carminibus quam di-

dignissima. At perge porro: nam summam ex illis voluptatem capio. nec dubito quin idem tuis illis comitibus eveniat. Tum Lælius: Ita verò; ut etiam pro Quintio spondeam. Quibus ego: Accomodate igitur aures. Æthiops, qui nos ducebat, iussit camelarium in atrio subsistere: nosque statim in hortum induxit. Et nunc domina, inquit, impedita quare commodum, si prius hortum, deinde universas ædes perlustremus. At operę pretium erit, si ptius ego loci situm vobis ob oculos ponam, ut quæ vidimus commodè intelligatis. Atrium quadratum erat, quatuorque porticibus jungebatur; singulas vero porticus sex arcus marmorei, marmoreis columnis innixi, Doricoque opete instructi constituebant. Columnarum stylobatæ ex Caristio factæ, cænitæ vero ex ophyte: bases, quæ ex Plintheo, & Thoro componuntur ex Numidico. columna vero ipsa ex porphyrite tornata, venisque puniceis pulchrè variata, miro modo emicabat. superiori scapo impositum capitellum per quàm egregiè sculptum ex Pario probatissimo: arcus ipsi ex Lucullæo, Epistylum item ex Pario candeat. Zophorus, una cum sua coronide, ac cymatio ex Serpentino: cuncta verò adeo polita, ut lucem speculorum instar repercuterent. Quatuor in mediis porticibus januæ, marmoreæ & ipsæ, atque ejusdem operis patebant. in quarum superiori limine epigtaghe erat hæc. Genio Musarum. Ad Orientem ea erat, qua ingressi, ex adverso, quæ ad ædes ducebat visebatur. duæ vero dextra, lævaque in amplissimos hortos aditum aperiebant. horti longo muro latericio instar turris prætorgebantur. Jam verò ut ad Æthiopem revertat, per dextram nos ille introduxit. At mirum quod ipso in ingressu, horti que vestibulo accidit. Hinc inde ex Lucullæo lapide duo mauri acina-

ce præcincti astant, quasi aditum custodientes, qui nobis pedem inferentibus, acinacem eduxerunt: quæ res primo terrori, mox admirationi fuit: nam illum militari modo deosculati, nobis plaufere. Hinc me Drusilla intuens, amicè non hic satis salvi. Tum Æthiops, quasi Drusillæ sermonem intellexisset; Ista, inquit, non præstigiæ, sed magistræ artis miracula, inquit; quibus domina maximè oblectatur. Verùm tantum absuit, ut illius dicto fidem adjungerem, ut auxerit suspicionem. at quoniam iacta erat alea, præfenti animo ibam in omnem casum paratus. pascebamque animum inani rerum specie, quæ se tum oculis visendam præbebat. At illud mirabar, quod nemo unus præter Æthiopem videretur. Qui primum per amplissimum tramitem perduxit. in cuius exordio elegantissimus è Pario marmore fons immensam vim aquæ versabat. quæ amplissimum in orbem effusa, copiosissimum imbrem æmulabatur. in fonte Pan sculptus ex Porphyrite insedebat: cuius oculi mira celeritate in utramque partem voluebantur. cicutam tenebat, quam mira digitorum arre animabat. quod quidem vi aquæ fieri posse, non ignorabam. Alter in extremo limite fons erat. in quo duo ex Numidico saxo elaborati Satyri erant, Nymphamque, quæ in medio stabat, contuebantur: interdum aquas ex ore veluti sagittas jaculabantur, Nymphamque aspergebant, quæ ex intervallo vultum avertens illos dedignabatur. tot vero satyriscei motus incompósitos edebant, ut vim omnem artis excederent. longissimum tramitem buxæ sepes in varias figuras miro modo conformatas complectebantur. qui verò utrimque campus extendebatur, in plures arcolas, pulvinosque distinctus, certamque floris speciem singuli ostentabant: ut campus universus Attalico veluti

Iuti intertextus opere, pulcherrimus visu tapes videretur. perque areolarum divortia, vel nitidiriui, vel crystallini fontes emicabant: in medio utriusque campi marmoreus lacus erat, in quo geminæ Sirenes humana voce canebant: & quod mihi minimè vacare dolo visum est, mollissimum quoddam Anacreontis carmen, Græcis modo numeris, modo latinis dulcissimè cantitabant. Has dum Sirenas intueor, illud quod de Ulisse perhibetur, Homerique carmine celebratum est, subit animum, ac mecum una, quam proclive esset, voluptatum illecebris capi, serio reputabam, neque alias Sirenas esse, quam voluptates ipsas, quarum titillationibus, quibusdam veluti cantilenis, non incauti solum, non ignavi, sed soletissimi, ac prudentissimi quique nonnunquam irretiuntur. virtute igitur in præsentiarum opus esse, masculosque animos advocandos. At Æthiops: Videte inquit, ut non fabula, ut vulgus putat, sed historia sit, quæ de sirenibus narratur. illarum non Oceanus tantum, sed Africani etiam lacus sæcundi, quas hic aspicitis, ab extremis Indiæ oris domina magno sumptu adportari iussit. verùm ne vobis tempus defuit, pergamus ad reliqua. statimque in pomarium perductavit. quod duo longissimi tramites sese recta interfecantes, in quatuor areas partiebantur. in medio amborum tramitum mensa erat, ex pretiosis lapidibus texellato opere coagmentata. cujus sedilia quatuor ex lævissimo Porphyrite: columellæ vero quibus fulciebantur, ex catystio lævigatæ, quatuor mensam columnæ ex Numidico complectebantur; quibus argenteis trabibus pergula superposita, quam ingens vitis aureis pampinis obumbrabat. botri ex unionibus potius, quam uvis constipati, tanta acinorum copia, ut nihil supra. ipsique grandissimi

ex tralcibus botri pendeant. in quatuor angulis, seu potius lateribus, totidem fontes visebantur, in quibus argentei delphines aquas jaculabantur: fontiumque crateres vivaria erant, in quibus quamplurimi pisces natabant. Hoc loco me Quintius interpellat: Erantne in illis vivariis Orbis, & Latus pisces, de quibus tu in Halieuticis.

Orbis in Ægypto, Rhagini ad litoris oram

Regales nascuntur Acti

Et infra

Ægyptusque Latis, Acipensere ditior Ister.

Cui ego: Facis tu ut soles. ea ipse ætate hos pisces ne de nomine quidem cognoveram. sed redeamus ad propositum: Dum ea curiosi perstramus. Hac, inquit, in mensa, tum Æthiops, solet interdum Dominum admitti gratia cibum capere. Atque hæc, quam videtis, vitis semper viret, gemmascit semper, aurearumque frondium intertextu, placidissimam prædenti umbram subministrat. Mox pomarium ingreditur: erant arbores quam brevissimæ. sed tot graves fructibus, ut jam jam seissuros præ pondere, sese ramos crederes. tot verò species, & tam peregrinæ, ut toto ex orbe conquisitæ viderentur. quas dum suspensis oculis admiramur: Ceralte, inquit Æthiops, ut nullum humi pomum deciduum jaceat: Ne enim hæ arbores sunt, ut fructus minimè caducos generent, ni carpas, numquam cadent: & carpere invia domina, nefas est. Imò si illa annuerit, sponte sua in os advolabunt. tam verò suaves, atque omni ambrosia juveni diiores, ut si semel degustaveris, vix te ab illis deinde contineas. Cui tum ego: Sapientius igitur abstinere omnino. Et ille: At quam paucissimi admodum ista præditi sapientia sunt. plerumque mortales voluptate trahuntur. Ego non ob-

scu-

scure intelligens, quò ille spectaret. Si quam homini, inquam, à diis data est, rationem sequi velimus, sapientes sumus omnes. Non inficior, tum ille. verum hic mons est, cujus summum tenere apicem, quam maximè arduum est. imo quot sunt, qui in altissima connisi, cum jam jam apprehensuri verticem essent, in præceps momento relapsi sunt? salubrosa nempe via est, totque impedita difficultatibus, ut audacissimos quosque, solertissimosque deterreat. At percurramus tramitem hunc, cujus utramque ripam detonsa myrtus prætexit. ac per certa intervalla Nympharum omnium, quas antiquiras venerata est, signa ex alabastrite, qui lapis in Ægypto probatissimus, posita sunt: quæ, dum nos pertransebamus, placido risu, noctuque oculorum excipiebant. In extremo tramite amplissimum aviarium quatuor columnis instructum assurgebat, cujus argenteum tectum, parietes ex ductili auro prætexti. in quo mira avium omnis generis varietas continebatur. qui ut propius accessimus, canere una cuncti, & numeris adeo concordibus cœperunt, ut nihil me unquam jucundius audisse confitear. Ex aviario ægre divulsi, in sylvam ire cœpimus, ducente Æthiope, qui supra illarum gentium ingenium eruditus erat. Sylva & ipsa quadrata, duobus pariter tramitibus intersecta. tramites detonsæ cyparissi, atque iostat parietis complanatae hinc, inde arctabant, & virentem simul, & opacam scenam præbebant. tota verò sylva ea arte arboribus constituta, ut labyrinthi speciem præseferret. ex quo sine Ariadnæ filo te expedire minimè potuisses. tot verò cervis, capreolis, aliisque cicuribus bestiis resecta, ut quocumque te verteres, innumerum earum gregem videres. quas dum intenti spectamus: Hæ bellæ, inquit Æthiops, adeo

do-

dociles sunt, dominæque jussis obtemperantes, ut nunquam nisi vocatæ è sylva prodeant. illas nominatim vocat, quæque appellata est, ad dominæ pedes venit, quæ postquam delectata, ut libuit, dimittit, nec belluas adeo cicures, ut hæ sunt invenies: imitantur dominæ ingenium, quod illi mitissimum. Sed sylva perlustrata, ad ædes devenimus: at non qua in atrium, sed quâ in hortum spectabant, & quâ elegantiores erant. Universi enim prospectus structuras vario in marmore collucebat, amplissimique projectus ex Numidico facti: at columellæ, quibus præcingebantur, ex solido argento: quibus aurea poma pro coronide erant: mirumque in modum emicabant. Superior ædium corona peregrino ex marmore constructa, pulcherrimis statuis exornabatur. gradus, per quos ascendebatur, ex bisalte strati, tam ampli, ac faciles, ut vestigia fallerent: nec te sursum corniti, sed quasi per planum ire crederes. Tandem in aulam ventum est, quæ marmorato incrustata, quàm bellè erat, auroque interdistincta; variisque imaginibus egregiè depicta. Hic Europa à Tauro invecata, illinc Danaë visebatur. Hic in laurum mutata Daphnè, illinc equitans Delphino puer: aliaque hujus generis, quæ minimè honestam dominæ indolem arguebant. Hoc loco Lælius; cujus singularis dos verecundia fuit: Haud unquam, inquit, pati petui depravatos, hujus ætatis mores, mollesque animos. siquidem nihil aliud videre est in principum virorum ædibus, imo & in privatorum plebisque, quàm istiusmodi imagines, quæ pudicitiam omnem evertunt. Atque ob id Mæcenatem nostrum sum opere adamavi, quod ab hujusmodi abusu quàm maximè abhorreat, nihil hic nisi eruditum, nisi honestum spectate intuentibus datur, certè si festucam

gererem, edicto caverem, ne tales unquam imagines
pictores effingerent: qui secus faxit, in antipodes
emandarem. Verùm omittamus aulam illam, à cu-
jus intuitu scio te oculos illicet avertisse. quid in-
procæione? Cui tum ipse: Plurimi erant ex utro-
que latere, seseque recto valvarum ordine excipie-
bant. primi Attalicis aulæis adornati: in quibus
gigantum bella, inanesque conatus, montes ægesti
montibus, intertexti miro opere spectabantur. Deo-
rum fuga, latens in Ægypto Iuppiter, totoque Orbe
errantia Numina. Phaëbontis ausus, lapsulque
quadrigarum, & id genus alia, quæ veteres pœtæ
commenti sunt reliqui vero oloseticis Phrygia acu
variatis, ductilique auro interdistingctis, tegebantur.
in ultimo cubiculo, sub purpureo conopæogemmis
variato, aureaque in sede, pretiosisque inrestrictis
lapillis, loci domina præter gentium morem sedebat.
quam duæ circum puellæ Æthiopissæ astabant. quæ
byssinis pallis mira atre laciniatis vestiebantur. nuda
brachia, nudumque collum crebra margaritarum se-
rie præfulgebant. encausto elaboratæ in aures, ter-
nas singulæ uniones grandiusculos, aureoque ex filo
pendentes ostentabant. crispus capillus reticulo, cui
amplissima è regione frontis penna erecta erat, te-
gebatur. Hoc loco Quintius: Num, inquit, istas
Æthiopissas imitatæ id temporis nostræ matronæ,
quibus id genus tegminis mirè arrisit? Tum Mecœ-
nas: Optimè animadvertit Quintius. hunc ego, ut
vocant, seculi genium nunquam probavi. Nihil
profectò novi, insolentis nihil est, huc à barbaris
oris advectum, quod statim ingens quasi miraculum,
expansis ulnis non amplectamur. quàm benè Rei-
publicæ consulere, si patria simplicitate contenti,
antiquis moribus insisteremus. nihil enim est quod

ad depravandos mores plus valeat, quàm barbarus cultus. Ipsa Romana fortitudo, quæ gentes penè omnes, etsi ferocissimas, superavit, Orbemque universum sibi subjecit, victorum populorum luxu enervata, ac victa est. habeant barbari tales ornatus, quibus vincantur, nobis virtus ornamento sit. commendetur vigor in nobis, luxum cum poëta barbaris objiciamus;

*Vobis picta croco, & fulgenti murice vestis,
Desidia cordi, juvat indulgere choreis.*

Et tunica manicas, & habent redimicula mitra.

Sed quo vultu saga? nam non dubito quin talis fuerit: cunctaque præstigiæ, quæ oculis cernebantur. Cui ego: Vultu erat aquilo, ut sunt in Ægypto universi. sed quam venustissimo, oculi cæsi, quos in Minerva vehementer Homerus celebrat. frons lata, ac lævis, genæ nitidissimæ, labra paululum diducta rubebant: capillus promissus, ac niger: quem alba victa, gemmeis interstricta oculis, alligabat. collum margaritis dives: quibus etiam nudi lateri coruscebant. medio in pectore ingens gemmarum acervus pendebat: in aures geminis carbunculis insignes. purpurea chlamyde Phrygia acu, in aves, ac flores variata, amiciebatur. Atque hæc cum dicerem, adest ephebus, nunciatque magnates quosdam adesse, qui visendi gratia ad Mecænatem advenerant. quibus ille assurgens illico obviam ivit: nos, Vale dicto, domum reversi.

C A P U T VII.

*Quod reliquum itineris à deserto Babyloniam usque
supererat; quæ in eo cum prædonibus mira acci-
derint, apud Mecænatem enarrata.*

PER dies aliquot gravedine laboraveram: quæ mihi nares concluserat, vocem obstruderat, sic-
cam-

camque tussim excitaverat : quo ego malo, graveditosus cum sim, tota ferè hyeme laboro. quo ex morbo cum meliusculè me haberem , diesque amœna, amœnitate amœnus illuxisset, ad Mœcœnatem, nempe ad delicias meas, meumque Apollinem ire constituo. Quia verò tum Lælius, tum Quintius nescio quibus studiorum tricis præpediebantur, Sextum Nigrum, cui lætum ingenium, & naturalis quædam facundia, quæis capiebar, me arctissimè devinxerant, accerso : conductoque ciso, ad Mœcœnatem me confero. Sedebat ille in agrunda, libellumque nescio quem perlegebat. Qui simul ac nos vidit, ex eo loci humanissimè salutavit, mox obviam veniens pro aulæ foribus, affabiliter est cõplexus. Et opportunissimus, inquit, venisti: avebam enim scire quo modo te haberès. audiveram quippè phlegmatica te febri tri-duò ægrotasse. at rogo, ut excusatum habeas, si te non inviseram. nam & distentissimus domesticis curis fui, & acerbissima etiam gunagra laboravi. Cui ego : Non metua latet humanitas, & quantis me officiis amplectaris, hæc autem dicentes in agrundam pervenimus. & quoniam duas alias in ea sedes jam ephebi paraverant, confidimus. Ubi verò ad jucundissimum prospectum sessum est. Mira, inquit, me cupiditas tenet, quid tibi deinde apud sagam illam acciderit, intelligere: quod ne tum cum me novissimè convenisti, exponeres, nobilium quorundam ex improvise adventus, prohibuit, credo equidem te non sine præsentis numinis ope evasisse. Cui tum ego: Maximo certè in discrimine versati fuimus: à quo nos bonus aliquis genius eripuit. Momento enim, quo id casu factum nescio, tum ædes, tum horti, cæteraque disparverunt: medioque in deserto tanto horrore perstricti, nos vidimus, ut vix spiritus relictus

fit. Mox confirmari, animo, ciboque refecti iter tota nocte, nam jam extabuerat, continuavimus. Circiter tertiam ab ortu horam ad quandam aquam perventum est. quia vero nos æstus nimium vexabat, & longo delassati cursu cameli erant, commodum visum est, si ibi fixo tabernaculo quiesceremus. Confestim igitur Achmetides unâ cum camelariis tentorium posuerunt, excussoque igne cibos parare solerter cœperunt. Ego quoniam tota nocte vix oculis somnum videram, dormiscere primum, mox demisso capite, arctior me somnus complexus est. tum illico turbulentissimum mēti insomnium occurrit: videbantur adesse latrones, omnia corripere, nosque captivos abducere. Deinde pugna, confictus, vulnera; atque insperata tandem libertas objiciebantur, Quibus visis exterritus expergiscor. Et quamquam non ego is sim, qui præstandam somniis fidem credam: ut qui anilibus superstitionibus non tenear: nihil tamen minus: quia malorum prælaga interdum mens est, & à Superis futurorum per somniorum visa admonemur, angebar, inque contrarias partes animus distrahebatur. Ne verò sociorum mentes præfatione malorum perturbarem, spem vultu simulabam. Et quando maturus esui cibus erat, corpus refecimus. at majori animus refectioe indigebat: illum tamen ea, qua poteram, constantia erigebam. Post prandium ad vasa alliganda, cæteri se applicuerunt. ego mecum quietus, quæ somniatus fueram, evoluebam: cum è longinquo sex equites concitatissimis equis ad nos advolantes animadverto. quibus visis non falsa, inquam, mihi per somnium visa Deus immisit: nec à reliquis dubitatum quin prædones essent. Quia verò impares numero, non vi agendum, quod Achmetides suadebat, putavi. sed committendos

nos esse arbitrio fortunæ. ita humanis comparatum, ut mutatis repentè vicibus, adversis prospera succedant: & tùm maximè spem affulgere salutis, cùm desperata jam re conclamatum esset. quàm ipsa visæ latum tragædiæ exitum portendebant. Vix nos assecuti, cùm deprenso mancipio, in tantam iram exarserunt, ut vix ictu abstinuerint: fortasse, quia pro uno plures acciperent. deinde ad esculentia conversi, famelici veluti lupi, cuncta devorare cœperunt. At Drusilla in uberrimas lacrymas effusa; sortem suam inculabat, optariisque sibi futurum si occidissent. nec ulla res magis eam, quam fidei, pudicitiaque jactura exercebat. quam ego, etsi consolatore egerem, solari pro tempore cœpi: sumeret animos, & constantia præsentem miseriam toleraret, omnèque in Numine, cui fides, ac pudicitia cordi sunt, spem poneret: nec fidem ea in vita, nec pudicitiam auferre prædones posse: etsi vitam tollere in ipsorum manu esset. ea animi non corporis esse, & quæ animi bona sunt, potentissimus quamvis, eripiet nemo: nec ea labefactari vi, nec armis posse. quid ei pulchrius? quid gloriosius? quid conducibilius, si tùm vitam poneret, cum pro fide, ac pudicitia certamen foret? Si nunc eam prædones morte multassent, nulla ei laus futura fuisset, nulla utilitas: nam id fugæ, perfidiaque pœna, non corona, ac triumphus virtutis extitisset. igitur non humili animo, sed excelso, ac forti eam sortem, qua feliciorem optare non posset, amplecteretur. sic immortalem gloriam, atque æternam beatitatem consequeretur. Apud sagæ illecebras timere oportebat, quibus facile perissemus. nec ibi leve discrimen, à quo si nos superi vindicarunt, fore ut etiam ab hoc eriperent. Vix hæc finieram, cum globum equitum ab Occi-

dente modico cursu appropinquantem conspiciamus. Tum ego. Bono animo este: illi non certè prædones, sed nostri vindices: & ni meus me fallit animus, Europæi sunt. Hoc loco Mæcenas: Ex somnii visis facilis erat conjectura. nec dubito quin tales fuerint. Cui ego: Ita enim verò: quatuor Angli erant duo Veneti, qui Babylonia Arsinoën perebant: quo brevi Anglica navis appulsura ex Indis erat. ut autem tutius per desertum irent Turcam ducem ab Ægypti Prætoris impetraverant. Prædones, ut eos venientes conspiciari, illicet in equos insiluerunt: magnisque minis nos sequi, ac gradus grandire jubent. id ut venientes animadverterent, illico advolant suspecti, quod revera erat. Inter Anglos unus erat. qui me Alexandriæ primùm, mox Babyloniæ viderat, sciebatque me suis contribulibus perquam familiarem: qui statim Turcam adit, petitque ut nos à prædonibus vindicaret. id æquum esse, Prætorique, ad quæ pertinebat, viastutari, futurum acceptissimum; nec ipsi mercedem defuturam. Ille statim Arabes aggressus, jubet nos dimittere, id Prætoris velle: imo & jubere. Illi negabant, nosque reos esse, quod mancipium subduxissemus. Instabat Turca, & quidem vehementer. At illi obstinatè negare, imo & minas, atque arma intentare. Tum Turca, erat enim pro more gentis superbus, arque impatiens, inque iram pronissimus, exploso sclopo, quem gerebat, qui reliquis durior, ac pertinacior obstitit, prostravit. Tum cæteri Arabes jaculas expediunt, nostri syphunculos, atroxque pugna exoritur. Verùm prædones cum igneis armis rem geri vidissent, non sine vulneribus, fugam in interiora deserti continuò cepserunt. At non incruenta ea pugna nobis fuit, etenim Drusilla sive casu, sive data

data

data opera, leviter in brachio icta ab Arabe fuit. At cum balsamo nescio quo, vulnus Anglus perlinisset, biduo convaluit. Nos postquam servatoribus nostris plurimas gratias egissemus, Turcamque multa pecunia donassemus, Babyloniam versus iter toto eodice, & secuta mox nocte, magnis passibus, nunquam intermisimus. Hic Sextus: At non sine ingenti sollicitudine, ac timore, ne reversi prædones, amissi socii à vobis, pœnas repeterent. Cui ego: conjecturam ex te capies, suspensis auribus procedebamus, si forte strepitum aliquem exciperemus: quales lepores dum a venatoribus sibi timent. at nullus unquam tota die excitatus, nisi fortasse, quem nos ipsi trepidi fugebamus. quod non semel accidit. quo statim discusso, animosiores reddebamur. Primo manè nos quædam villa multi referta populi excepit. in ea visum tantisper subsistere, viresque rescere; quando jam securi à metu prædonum videbamur. Hic ad Cauponam divertimus. erat amœnissimus hortus, quem juxta meritoria taberna pro regionis more instructa, quam Ægyptius homo procurabat. hic nos in cubiculum prope hortum introduxit: & quoniam, inquit, defessi de via pervenistis, lautius tractabo. Hic Mecœnas: Gaudeo, inquit, quod in tanta barbarie aliquid humanitatis reperistis: atque inter tot calamitates spes certa salutis affulsit. num verbis facta responderunt? Cui ego: Admodum. nam non solum laute excepit, sed qua gestu, qua facetiis, quas Achmetides interpretabatur, mirificè exhilaravit. quocirca totum eum diem apud hominem deduximus. Sub vespèram nos ad iter accinximus. experimento docti commodius noctu iterfacere propter solis æstum, qui vehementissimè exardebat. tota nocte nihil accidit me-

moratu dignum . tandem circiter tertiam ab Ortu horam Babyloniam pervenimus . Atque in id sermonis multa allata est . quam dum libamus , iogens literarum fasciculus Meccœnati traditur . statim ille ad perlegendas literas secessit , nos verò vale dicto domum reversi .

C A P U T VIII.

Inter redeundum I-pidum cuiusdam commentum narratum; uique in Ægypto in furno ova calificant, pullique excendantur .

DUm una cum Sexto Nigro domum redirem. Quoniam, inquit, de Navigatione in Ægyptum apud Meccœnatem modo habitus sermo est, sine ut unum, aut alterum te interrogem, ne viz ratio afficiamur. ego enim sic sum, ut ægre taceam. Cui tum ego: Scio quidem ingenium tuum, at si eruditum colloquium, non vitio, sed virtuti vertam. Etenim nihil magis est quod probem, quam doctum sermonem: illo enim & sublevarur simul, & eruditur animus. & erudito animo nihil præstantius: nec quidquã ego inter bruta animantia, atque indoctos homines interesse puto. Et ille: Ajo enim vero. quate placuit mihi illud tuum, quo Bell. III orditus es, & sine quaeso, ut recitem non enim id aucupandi gratiam, causa facio: de qua non dubito: sed ut genio indulgeam meo. Næ ego tetricus, tum ipse, qui renuam. si tibi lubet per me licet: ille verò versículos memoriter recitavit.

Non etenim in pugnas pecudum de more, sine ullo Ordine permixtim, ut cæcus fert impetus, ut fors. Ire decet, divina quibus mens indita, & acrem

Vim

Vim quibus ingenii Dii concessere benigni :

Telū ingens validūq; homini quo vincere quidquid

Posse datum , cunctisque super animantibus esse .

Nam si non utaris ingenio , nihil à bruto differs . At ego : Imo deteriorem cum brutis ducō : nam in his plurimum valet natura , cuius ductu , magisterioque quæ sibi conducunt , faciliè assequuntur . nos quibus natura ingenium largita est , non eam de nobis curam , nec sollicitudinem gerit . quo circa , nisi nobismet ipsi consulamus , perimus omnino . sed age , quid tandem istuc rei , quod scire aves . Et ille Audiui non gallinas in Ægypto , sed homines pullos parere . id ego , numquam induxi animum , ut crederem . Cui ego : Prudenter fecisti , nam si ita in Ægypto , cur non etiam apud nos ? num secundiores in Ægypto homines sunt ? Atque hic lepidum cuiusdam commentum in memoriam venit , quod audire operæ auribus est , imo & animis , ad eos enim exhilarandos plurimum facit . Quidam , ut de uxoris indole , periculum faceret ; esset nec ne prudens , ac silentii tenax ; ovum clanculum pulvinari supposuit . cum verò evigilasset , accepto ovo , uxorem excitavit , & Accipe , inquit , mea Quintilla , hoc enim nomine appellabatur , decumanum ovum , quod hac ipsa nocte enixus sum . Illa hilaris , ac læta , ovum accepit : & quoniam lecti calore repidum : & est recens , inquit , nam adhuc calet , & vere decumanum . imo & Anterino supparelator mihi , tibi que gratulor fecunditatem istam . Et ille : At vide , ne ulli dixeris . Cui tum uxor : Næ ego stulta , quæ thesaurum manifestem . Sed quid ? vix assurtexit , & ut sunt fæminæ ad credendum leves , ita ad loquendum faciles , vicinam illicò accersit . Et est , inquit , quod tibi ad aures credam . Cui vicina : Lapidī dixeris , tum Quintilla

tilla : Meus conjux hac ipsa nocte gemina ova peperit . Cui vicina ; Itane vero ! Et Quintilla : Imo verissimum . Benè est tum illa , lætorque tibi ex animo . utinam & maritus meus ova funderet . mox Quintilla dimissa , ad aliam accurrit , secretoque narrat Quintillæ conjugem quatuor ova ea nocte emisisse . breviter , ut compendio insistam , serpente per viciniam fama , & crescente pro more , vulgatum est Quintillæ conjugem una nocte centum non minus ova excudisse . Quanta omnium invidia , tu conjicies . Hic Sextus non sine vehementi risu ; Lepidissimum hominis commentum . ut sunt credulæ mulieres ! ut quisque res suas amplificat ! Benè ego , qui vix cuique credo . Cui tum ipse : Scitum illud *Ἐπιχρημελον* , Nervos , atque attus esse sapientiæ non temere credere . ac prudenti viro , multisque testibus non adhibere fidem , stultissimum . sic enim humanam fidem tolleremus . qua ablata , commercium omne tollitur . Et ille : Vellem ut universi verum dicerent , ac sincerè , ut prisca mortales , loquerentur . At ego : Id ut quam maximè laudabile , atque expetendum , ita obtineri difficile . ea in nobis ex vitiosa natura labes , ut ad mendacia promptissimi . qui verò eam sapientia , integritateque labem curant , nihil magis oderunt , quam mendacium . quod turpe etiam ingenui ducunt , quos insita à genetoso sanguine nobilitas sinceros reddit . qui impotentes , ac miseri , mendacissimi . nam cum suis viribus tueri non possunt , se mendacio obregunt ; atque idcirco fæminæ , pueriq ; mendaciores . mercenariiq ; omnes , & ut plurimum negotiatores , qui cupccta mendaciis fucant , Sed redeamus ad veritatem Quod verum est , quodque detortum , atque amplificatum mendacio locum dedit , est hujusmodi : In Ægypto non gallinæ

præ ova fovent, tandiuque alis tegunt quoad ova nativo calore tepesacta crepent, pullique excudantur: sed hanc sibi homines curam demandant: furnos habent quamplurimos ad id factos, quos incendunt, certoque caloris gradu constituto, ova inducunt: quæ eo sensim calore tepesacta, quam brevissimo tempore pullos emittunt eosque mox homines educant. Hic Sextus: Nunc intelligo. & verisimile quidem illud, at si ita, ingens ibi pullorum copia: Cui ego: Rectè autumas: passim invenies, & vili vaneunt. At illud sanè per quàm lepidum, videre per urbes homines pullorum greges ductantes: quos ità pulli observant, ut pastorem oves. Sunt etiam quidam, qui secum simiarum greges trahunt, uno omnes fune ligatos: canes item multos, aënosq; & capras. cumque his more circularum in singulis urbis foris, ac præcipuè, ubi major otiosorum numerus, tot lusus, & tam varios edunt, ut perridiculum sit: tanta artium dexteritate, ut admirationi sint: si talia apud nos spectacula exhiberentur, infinitus quæstus circularum esset; tanta ad ea visenda multitudo accurreret. talis enim huiusce populi genius, ut facilè ludicris spectaculis detineatur. Atque hæc cum dicerem, nos janitor, qui præ foribus præstolabatur, salutavit: & Nimis tardè, inquit. Nos Meccenatis officia causati veniam petivimus: & in suum quisque cubiculum se recepit.

C A P U T IX.

Qua fuerint Ægyptiæ Pyramides, & à quibus posita, earumque mira structura apud Meccenatem enarratum.

SEdebam quodam manè ad literariam mensulam, tantumque studio, quo tum vacabam intentus
ani.

animo eram, ut janitoris strepitum, quo me tum clamore tum ferrearum tinnitu virgularum, tota domo inelamabat, nullo modo exaudirem: cum Lælius ad me convolat, & surge, inquit, illico: nam te conventum Mæcenas expectit: nec strepere cessat janitor. tum ego confestim assurgens una cum Lælio ad januam descendo, atque obvius Mæcænati eo. Ille, ut me vidit: Parce, inquit, si te Musis distraxi, præ quibus tucuras neminem. Cui ego: quæso, ut des mihi veniam; nam tanta animi intentione literis incumbēbam; ut nec vocantis clamorem, nec ferri tinnitum exceperim. Neque id ego suspicari poteram: nam si vel levis suspicio fuisset, expectassem hic à primo diluculo. Et ille; Omittamus officia: quibus nec ego, nec tu afficeris. simplicem non in scribendo tantum stylum amo, sed etiam in tractando. quò enim simplicior cunctis in rebus natura, eò etiam gravior est. Et quando hic dies à strepitu discipulorum vacat, silentque hæc porticus, eamus ad relaxandum animum. Cui tum ego: Faciam quando jubes. atque diem hunc gemma signabo. interq; beneficia, quibus me semper complexus, ponam primo loco. Assumpto igitur Lælio, qui aderat, cum Mæcænate Leucopetram, ubi jam adornati prandium jussertat, deferimur.

Dum autem quadriga vehimur, ita me Mæcenas interpellat: Vidisti in celeberrimas illas in Ægypto Pyramides, quæ inter prima orbis miracula ab antiquis posita fuerunt? Cui tum ego: Vidi equidem verum nihil absuit, quin illis prætermisiss, Babylonē discederem. Vix enim post tot ærumnas, ac pericula Babyloniam tenueram, cum commoda se occasio petendi Alexandriam oblata est. in eam enim urbem quatuor Europæi profectionem adornabant.

cum

eam vero occasionem ne paterer è manibus elabi Achmetides hortabatur. suadebat etiam Druſilla, precesque plurimas adjungebat. Quibus ego: Non faciam, ut ex Ægypto concedam, antequam Pyramides viſem; quarum gratia plures in Ægyptum ſe conferunt. evanuerè jam turbines, fyrtes, ac vadaſ ſuperata, tutuſque noſ portus excepit. non amplius latrones timeendi, non ſolitudines perluſtrandæ: nec in dies occaſio deerit, qua commodè Alexandriam petamus. Id verò, quod me acrius angebat erat inopia pecuniæ: ſine qua nihil omnino benè. At Druſilla, id intelligens; Quando, inquit, miraculo factum eſt: ut inter tot, ac tam rapaces prædonum manus hæ gemmæ ſervarentur; utamur illis. parva quidem jactura, ſi illis diſtractis, incolumem me parentibus reſtituam. imo ſtultum his parcere, ex quibus, ſi pereas, nulla tibi utilitas futura ſit. Ego laudaro illius animo, Veneto mercatori diſtrahendi gemmas negotium committo. Præſtitit ille, tanto noſtro emolumento, ut plurimas illi gratias agere noſtrarum partium eſſe duxerim. Poſtera die, conductis, ſit honor autibus, aſinis, duceque aſſumpto iter aggredimur. Hoc loco Meccenas, & ipſe honorem præſatus: Cur, inquit, potius aſinis, quam equis? Cui ego: Ita mos gentium illarum eſt. Etenim rati quoniam in Ægypto equi: qui verò ex Arabia aſſectuntur cariſſimo vœneunt; idcirco aſinorum plurimus uſus. Sunt verò adeo expediti, ac robuſti, ut non multum equos deſideres: & eò præcipuè, quod nativa manſuetudine præditi. etſi interdum Majo menſe, cùm, ut ait poëta, calet calor oſſibus: & ipſi ferociant. Horum ingens Babylone numerus: paſſimque in triviiſ reperiuntur. uti apud noſ Sebethi ad pontem, ad Terducium, Retinz, Herculaniogue

que stant quotidie conductitii: eos ut plurimum puer ducit. Nam propter urbis vastitatem, non facile adiri loca, conficique negotia possent, si pedes eas: quocirca hisce jumentis utuntur. Atque hinc videre licet innumeros tota urbe cursantes asinos, quos puer agaso identidem stimulat. quantoque ipse valet cursu consequitur. quod advenis perridiculum visu est. Non enim plebei tantum, sed universi, si Prætores excipias, asinos adhibent. Est & illud etiam commodi, quod multitudini non officunt, quæ ut superius dixi infinita pene est. Utinam apud nos hic etiam barbarus usus, quando plurimi recepit, teneretur. percommodè enim, & sine periculo progredieremur. tot enim id ætatis quadrigæ, tot cista, ac plaustra, tot onusta jumenta per vias occurrunt, ut vix sine discrimine, nedum incommodo ire per urbem concessum sit: Hic Mecœnas. Num ideo, inquit, tu rarò pedem domo effers? Cui ego: Rectè conjectas. Et ille. Hic usus primum videretur perridiculus: at ubi invaluisset, ne mirus quidem. at tu iratus nimium in tot viarum præpeditamenta. Fateor, tum ego: sed justus dolor. At verò iram concòquamus: lepidumque factum accipe. Pridie quàm Babylonix vale dicerem, Gallus mercator, qui magna in gratia, tum inter Europæos, tum inter Ægyptios erat, & opibus quam ditissimus, Pelusium concessit; ut inde in Cyprum navigaret: quem cum honoris causa comitari in egressu amici vellent, singuli primo manè ad illius domum convenire, numero ad centum. cuncti elegantioribus se vestibus induerant; pileisque, & gemma, & peregrinarum avium pennis insignibus, gladiosque succincti more patrio. Turcæ & genere vestis, & patrio acinace, & superbissimo item galero, pulchriores præ-

cæteris mihi visi sunt. mox ubi Gallus cunctos excepisset, & ea qua gens plurimum valet humanitate gratias egisset, asinum conscendit, qui equorum more frenatus, ephippium etiam gerebat, nec moras, universi suos in asinos miro modo ornatos insiluerunt: longoque agmine ire bini cœperunt, tam serio, atque ea, qua Turcæ reliquos superant gravitate, ut mihi intuitu quam maximè ridiculum visum fuerit. Nec sanè lepidior haberi scena apud nos eo tempore potuisset, quo ante magnum jejunium, Bacchanalia celebramus. Nempe adeò varius mortalium genius est: nec quidquam tam insolens, quod alicubi non frequens sit. Festiva quidem æquitatio, tum Mœcenas: At mihi crede, cuncta quæ in humanis, meras quædam apparentia, ac scena sunt: nos opinione nostra, & pretium rebus, & speciem facimus, quodque usus recepit, putatur optimum, quod respuit, non ità. antiquitus simplices mores usque amabant: nostra ætate, illa explosa, fucum, ac mendacia sectamur. At ne verè excidamus ab asino, ut ajunt, ad propositum revertamur. quid nam postea? Cui ego: Contendam illico ad id, transmissio juxta veteris Babyloniarum ruinas, orientali primum Nili alveo, deinde occidentali (nam hic eam Nilus insulam facit, de qua alias mentionem feci) eo genere navium, quod Ægypti utuntur: alios mox canales vadavimus: qui tempore inundationis pleni currunt, reliquo anni tempore penè sicci. Ultra hos canales, sive rivos majoris dicere, veterum Ægyptiorum sepulchra erant. Est autem vastissimus campus ad Occidentem Nili, crebris prope fluvium jstiusmodi rivis interscissus: & verissimile est etiam circa Pyramides olim Nili aquam canalibus manu factis defluxisse. Refert enim Diodorus Siculus V. circiter passuum millia à Nilo Pyra-

Pyramidas erectas fuisse, quæ id temporis XII passuum millia ab eodem Nilo absunt, quocirca facile crediderim, magnum ea ætate alveum, arte ductum per ea loca confluxisse, quem ille pro Nilo accipiebat. Imo, ut idem tradit, circa Pyramides ingens lacus erat, à rege Myri excavatus, qui in præsentia unà cum universis pene rivulis aruit, monumentaque omnia etæta: nec quidquam vetustatis præter Pyramides extat, cumque non amplius ad ea se loca excreescens aqua convectet, sterilia sunt, ac vastitatem præferunt, ut cætera sunt, quæ longius amne absunt. Hic Mæcenas: At olim fertilissima. Cui ego: Id ex eo, mea quidem sententia, proveniebat, quia antiqui incolæ, ut qui industrii pluribus canali- bus manu factis ad interiora loca Nili aquam deducebant: qua irrigati deinde campi mira feracitate luxuriabant: nunc Arabes, ac Turcæ, qui ea loca incolunt, hanc non adhibent industriam, utpote qui desides, ac minimè laboriosi; quapropter neutiquam mirum si non tanta soli feracitas: quod nisi assiduo hominum labore excolatur, sterile scit. Verum illud scitu dignum, & quod mihi omittendum non duxi: omnia circum ea loca sepulchrorum refertissima: in quibus tota Memphis contumulabatur, demortuorum cadavera cymbis deferrebantur: qui verò nauta cymbas agebat, antiqua Ægyptiorum lingua, ut author est Diodorus, Charon vocitabatur. Atque hinc occasionem comminiscendi Græcos accepisse, docti tradunt: fabulamque natam de stygio flumine, & portitore Charonte: fluvium autem lethen: unum ex Niliramis vocatum autumant. Verum cum lethæ fons sit in Græcia, aptius dicitur, si Cocitum potius, aut Phlegethontem eos fuisse rivos putemus. Primus autem, qui hæc apud Græcos fioxit,

cre-

creditur Orpheus, qui primus in Ægyptum peregrinatus est, & carmine plurimum valuit: cecinitque ante Homerum Hic Mæcenas: Eruditum quippe, nec certe lætheo flumine obruendum. & Lælio huic non dubito quin gratissimum acciderit, quippe adolescenti eruditionis amantissimo. Cui Lælius; Ita verò: at gratias tibi ago quamplurimas, quod perhonorificè de me sentias. At ego: Atqui audite, modò; est aliud, quod scire operæ pretium erit. Ecce Mæcenas: Hic stamus, ut pro Lælio etiam spondeam; cujus summa in magistrum observantia, verum scias non me ab illo hac parte superari: tanti te æstimo. Cui ego: Tua benevolentia facit, ut tantus tibi videar. cæterum qui sum, non adeo stolidus, qui nesciam. sed contendam, quod institui. Mos erat apud Ægyptios, ut qui casu aliquo extra patriæ lares sibi demortui essent, eorumque corpora insepulta remanserant; minime liceret talium cadavera trans fluvium, lacumque ad sepeliendum deferri. hinc conficta à poëtis lex est, nulli abroganda, ut qui insepulti fuerunt, minimè ad alteram eocyci ripam, trans stygiam paludem, quæ lacus ille circa Pyramides, haud dubio, erat, deveharentur. Et quia Ægyptii summo studio in eo campo trans Nilum humari præoptabant, vehemens illud animarum desiderium transmittendi fluvii, Virgilius commentus est. lib. VI, ubi ait:

Sedibus ut saltem placidis in morte quiescant.

Id verò ferventioris tumuli studium, atque cupido, gentium pene omnium fuit. imo quidam Americæ barbari, honoratissimum parentibus fore arbitrabantur, si filiorum visceribus tumularentur. idcirco eos devorabant. Tum Mæcenas: Verum hic ut barbaricus honor, ita immanis, & effera consuetudo. sed ad

M

Pyra-

Pyramides veniamus. quæ, ut facile ex hæcenus dictis capi conjectura potest, sepulchrorum vice conditæ ab antiquis regibus illarum gentium fuere. Cui ego: Rectè intelligis. veteres enim, qui in Ægypto regnabant, adeò gloriæ appetentes, tantoque studio nominis immortalitatem quærivere, ut nulli eularum gentium, quasum proprius hic stimulus fuit, unquam cesserint, idcirco immortalia esse monumenta, quibus jam vita functi conderentur, esse voluerunt. Quia verò supra omnes ædificiorum formas ad immortalitatem aptior visa pyramis est, hæc monumenta figuram accipere iusserunt. Et sanè si moles, structura, lapis spectetur, meruò inter terrarum orbis miracula primo loco Ægyptiæ Pyramides numerandæ. Basîs quadratæ longitudo est passuum CCCL (et si aliæ minores, nam non omnes æquales, CCC numerent) altitudo est graduum CCL, minorum vero CC, gradus lati palmos duos nostrates, alti quatuor, qui gradatim usque ad verticem ascendunt. structura, et si primo non videatur elegans, quippe iis ornamentis vacans, quibus uti nostri consueverunt; nihilominus attentis animis meditantî miræ oppido apparet. nam videre enim est immensas lapidum moles, tam fabre quadratas, atque inter se connexas, inque tam excelsam altitudinem, non nisi immensis machinis erectas, ibique ad unquem collocatas, ut adhuc immotæ post tot secula persisterant, magnæ quidem artis, sumptusque immensi. Neque mirum si ea ornamenta neglexerunt, quibus ætas nostra plurimum insodat, nam illi non pulchritudinis rationem, sed perennitatis habuerunt. quapropter instar montium, qui perpetui sua mole, ac figura manent, illas extruxerant. Lapis marmor est. cuius et si ingens in Ægypto copia, & per Nilum, latosque

tosque campos commodè etiam è longinquo advehi potuisset; quia tamen tam vasti, & graves sunt, vix concipere queas, quo pacto ferri, & quod majus est, attolli potuissent. Hoc loco Lælius. Mirum oppido, fateor. sed nihil humano ingenio inausum, si ad artis ingenium magnorum regum potentia accedat. qua in re Romani minimè Ægyptiis posthabendi, qui plurima, quæ tanto conatu, ac sumptu Ægyptii celebrant, Romam non minori vel impensa, vel industria transduxerunt. Non inficior, tum ego: Verùm opus tantæ molis, tantæque perennitatis, tam multiplicem, tantamq. in unum congestam marmoris copiam haud equidem apud Romanos reperies. Sed redeo ad Pyramides, de quibus non rectè Martialis.

Barbara Pyramidum sileas miracula Memphis.

Quando de his nulla secula reticere. quod autem tanta ipse pompa celebravit, pauciora secula obruere. Sed mitramus poetarum ironias, quibus uti historico turpe ducitur. Et sanè non satis mirari potui januæ structuram. Siquidem septem vasti lapides ex durissimo marmore, quorum quilibet major eo est, qui Romæ in Pantheone visitur, foribusque pro Epistylis, Architrabem nos dicimus, impositus. qui lapides in altumeducti, atque examussim compositi, arcum, fornicemque januæ constituunt. Ex janua, per quam ingressus in pyramidis centrum, ubi demortuorum corpora collocabantur, longissima via patet. cujus etiam compago mirabilis, multæ artis, ac magistræ opus. Est autem quadrati instar putei. non recta ad imum tendens, sed acclivis, ac perdifficilis, & adeo præceps; ut sine periculo adiri vix possit. idque factitabant, ne quis ad inter turbandam mortuorum quietem crebrò descenderet. atque ob id, condito cadavere, eisdem lapidibus occlude-

bant . cumque universi ejusdem figuræ , frusturæque essent ; haud equidem aditus reperiri facile poterat ; ni forte tota pyramis dissolveretur . Hic autem trames , in quem non nisi accensis facibus penetrare licet : nam nullam ea parte lucem accipit , pater longitudine passibus ferme CC. non enim ex superiore pyramidis parte rectus in ejusdem gremium , sed acclivis extentus . Est autem ipse rectissimus , quater-naque lapidum serie compingitur . quarum primas testum exhibet , secunda pavimentum : dux reliquæ latera claudunt . illius tanta latitudo , atque altitudo est , ut unus tantum vir , nec recto , sed incurvo corpore incedere valeat . idque ex eo factum , arbitror , ne facilis cuique aditus esset . Lapidēs tam vasti , ut quidam triginta palmorum nostratum longitudinem æquant , ut mirum sane sit qua arte locati fuerint . Ad ultimum tramitis caput , cella quædam instructa est : eamque ad assumendum spiritum positam crediderim . & sanè necesse erat , ut post immensum , laborem , in difficillimo , ac prærupto descensu exantlatum , locus aliquis respirandi foret . Hoc loco Mæcenas : Perbene maduisti ? Cui ego : Propemodum : nam incessus ille incurvo corpore maxime laboriosus , difficultas incedendi propter saxa quædam , quæ ex superiore tramitis ore deciderant , viam præpediebant , facium calor , hominum halitus , tantum sudorem elicerunt ; ut totus diffuerem . at visendi cupiditas laborem allevabat , sudoremque abstergebat . nempe nihil homini arduum est , quod cupidine aliqua arripitur . Verum accepto jam satis aëre , redeo ad laboriosissimum iter . Bene facis , tum Mæcenas : id enim abs te expectamus . A cellula , tum ego , in quam multa tandem defatigatione perveneram , incipit ad lævam trames altera quam per difficilis . ac per-

perardius, sursumque protenditur. quando ex eo loci in superiora iterum ascensus est. nostræ clymæcis speciem refert: nisi quod trames hic non rotundo flexu sed angulari finitur. Est autem in ipso solido pyramidis corpore instructus, immensus lapidibus affabrè dispositis: qui plures ordines componunt; quorum superior inferiore magis prominet. sensumque arctantur: cellulamque, & tramitem efficiunt: de quo modò dicebam. in quem non per gradus ascenditur: sed hinc, inde in marmore tali extructi: quos utraque manu apprehensos tenens, atque inhzrens, sursum enitatis oportet, idque perdifficile, adeo delivæ sunt, inferius autem utroque in latere, duo foramina, quibus pedes ascendendo ponas: uti apud nos in puteis fit: in quibus foramina gradatim excavata graduum instar sunt. Est & illud incommodi, quod plus iusto distent, quapropter necesse est crura diducere, ut pedes longius extendas: quod non sine magno incommodo, ac defatigatione efficitur. Hoc loco Lælius: Num, inquit, antiqui Ægyptii statura grandiores? Cui ego: Verisimile id quidem: atque ex hoc deduci commodè potest. ni id factum, ut difficilior aditus redderetur. At Mæcenas: Ego, inquit, vestra pace, id factum ex eo arbitror, quod Ægyptii diductis cruribus nascerentur, ut ait Aristoteles, & tu id ipsum in Automnis Surrentinis offers. Cui ego: Doctè, tu quidem rem acu tetigisti. sed pergamus portò. Superato hoc tramite, qui longulus, atque altus excurrit, in cubiculum intratur, ubi defuncti cadaver condebatur. Est autem illud oblongum, paterque longitudine pedes XXII, latitudine vero circiter XL. quod verò mirum oppidò in eo est, septem, non amplius planis lapidibus componitur planus & ipse fornix. ita vero positi, ut patet illorum

parietibus hæreat, pars rectum efficiat. tam fabrè, atque examissimè connexi, quadratique, ut tectum quam maximè planum, ac veluti lævigatum appareat. sepulchrum in extremo situm. est autem ingens urna ex Thebaico lapide, qui porphyrite durior; ut ne durissimo quidem malleo, ac ponderosissimo, fragmentum excindas: sonumque reddir, qualem æs Campanum solet. imò & gratior auribus assonat. Urna sola manet, ac sine operculo. id ex eo, ajebant indigenæ, quia rex ille, qui superbissimum illud sibi monumentum paraverat, tumulatus in eo non fuerit, quando id mortalium fatum est, ut ne de sepulchro quidem certi sint. atque ex hoc etiam esse quod aditus patuisset: qui in reliquis Pyramidibus, quæ plurimæ sunt, deprehendi non potest: adeò connexi inter se lapides uno omnes modo, atque arte sunt.

Tandem ex munifico sepulchro egressi, in dium ærem, ut ait, poeta, redditi. & certe oriri mihi iterum visus sum, at statim cupido incessit, in summum Pyramidis verticem conscendere. nempe numquam expletur curiositate animus. quæque prius visa, acres ad alia exploranda stimuli sunt. Non autem diffidilis is ascensus erat, etsi laboriosus: nam ita lapides locati, ut sensim tenuati vacuum suppositi spatium quasi gradum relinquunt, alacres igitur cuncti in superiora convissi, editissimum in verticem evasimus. ex quo pulcherrimus ante oculos prospectus nobis exhibitus. Videbamus mare, longissimum Nili tractum, immensamque pene Ægypti planitiem. quo ego conspectu mirificè delectatus. Ubi verò descendimus nos dux itaeris ad visendam sphingem produxit. Est autem ingens saxum ea forma, qua Sphingem pingunt, insculptum. mirabile quidem pulchrumque visu opus. ac totam videre non datur adeo

caim

enim circum arena exerevit, ut jam semisepulta sit: nec nisi humanum caput, collumque atque humerorum pars, dorſique videantur. Hoc loco me ita Meccenas interpellat: Adrectum ne aliunde ſaxum, an eo loci mons natus? Cui ego: Id difficile iudicare propter immenſam circum, ut dicebam, arenam: quia verò arenolum univerſum circa ſolum, aliunde deventum crediderim. quod ſi ita. magna quidem potentia, magnis opibus, magnis machinis opus fuit. At Meccenas: ſed quid mirum: ſi Ægyptum, & populorum reſertiſſimam, & auri diſtiſſimam fuiſſe hiſtorici omnes perhibent. Atque hæc ubi dicta ſunt, nos tandem Leucopetra excepit: & quoniam inſtructa jam menſa, cunctaque edulia eſui matura, conſedimus.

C A P I T U L U M X.

Poſtquam Basilica apud Meccenatem menſa tractatiſumus, ſuſcepta de Pyramidibus narratio, conſinuata, de qua mortuorum eandem veribus ſermo habitus.

UBi jam ſecundis menſis celebratis, aquam manibus ephebi effuderunt: nos Meccenas rogat, num meridiari vellemus? Cui ego: Faciemus, quod jufferis: ſi tibi meridianone opus, nos etiam ſomnulum capiemus: ſi minus, id etiam nobis percommodum. Tum ille. Tuus mihi ſermo, non calamitatus, nulloque imbutus ſuco, ſed ſua ſimplicitate ſatis dives, omni ſopore dulcior; idcirco, quaſo, ut quod ſuſceperas, illicet exequaris, retexe igitur telam, nec ſili invenire caput perdifficile. Cui ego: Geratur hic tibi mos: & eo præcipue, quod ad cibum eoquendum pluriſimum ſermo valeat. Attendite igitur.

lustrata jam Sphinge : quoniam dies extabuerat , in pagum quendam pergitus cui *Abusiro* barbaris nomen . Hic Lælius : Num antiquæ Busyridis reliquias quam magnam in Ægypto urbem olim fuisse accepimus . Cui ego : Non defuit , qui ita opinaretur : sed perperam . nam Busyris intra Deltam fuit , inque illius gremio , ut Author est Diodorus . Hæc verò villa extra est , atque ad superiorem Ægyptum spectat . Hic ea nocte pernoctavimus . & quoniam defatigati , ac pene clumbati , altissimè indormivimus . Orto mox sole , assurreximus . statimque ad v. sendas alias circum pyramides , quæ plurimæ per eam planitiem sparsæ , et si minores reliquis , conspiciuntur . Has vero Mumiarum vocant : ea enim circum loca hæc cadavera erunt . Sunt autem Mumie antiquorum Ægyptiorum cadavera , quæ mirò quodam bitumine condiebantur , ne putrescerent . multis mox fasciis , aliisque pannorum involucris involuebantur : atque in hunc modum sepulchro , eo in campo , mandabantur . soliti quia etiam in illiusmodi fasciis Ægyptiis literis , quas hieroglyphicos vocant , de mortui genus , virtutes , nomen , veluti epitaphium , inscribere . his vero sepulchris totus ille campus occupabatur . Campus verò maximè aridus , ac sabulosus , quæ siccitas , mea quidem sententia , ad vindicanda è corruptione cadavera , quæ humore faciliè corrumpuntur , maximè conducebat . Hic Lælius : Non omnes in pyramidibus locabantur ? Minimè , tum ego , neque id omnibus propter immeasos sumptus facile erat ; reges tantum in eas , quique regii sanguinis , primi que principum virorum , quorum multæ opes , insigni illa funeris pompa inferebantur . cæteri simplici cultu humi condebantur isto modo . in sterili , ac sticuloso circum campo innumeri penè putei excavati erant , ac profun-

sanctissimi quidem illi: singulique, ut arbitror, ad singulas familias pertinebant; quarum impensis facti, ut etiam apud nos in privatis tumulis factitatur. Imoque in puteo varia circum loculamenta, quasi sepulchra instruebantur, ut apud antiquos mos fuit: & passim Puteolis præcipue via Campana visuntur. in his corpora locabantur, atque arena intuebantur. qua mox totus puteus opplebatur. ingestaque superius plurima item arena; difficile deinde erat os putei reperire. Atque hæc corpora, quæ lucri gratia multo studio à villicis quærentur, èque profundissimis illis puteis in lucem iterum educuntur, Mumias vulgus appellat, quæ, quoniam prodesse morbis credunt, in varias terræ partes distrahuntur. Hoc loco Meecenas: Licuine tibi integrum hominis cadaver inspicere? distractas ego particulas vidi sæpe. Cui ego: Plurimè ad nos villici confluxere rogantes si ad vestigandas Mumias ire in animo esset, se libenter suam operam locaturos. ego, quoniam id multitemporis esse, & non mediocris impensæ audiveram, respondi, mihi tantum non suppeditari temporis, ac pecuniæ inspecturum tamen libentissimè, si aliquam jam erutam in promptu haberent: neque id illis sine præmio cessurum. Illi negarunt: quocirca ad visendos putreos, qui jam excavati, ac vacui erant, me conféro. Pagani ad sua unus post alium, ut sit, dilapsi. duo tantum nos secuti, quasi per otium. ut verò reliqui, jam se è conspectu subtraxerunt, ad Achmetidem conversi: habere se, inquiunt, duas elegantissimas Mumias, quas nobis contemplandas exhiberent, dummodo id ipsorum lucro cederet. Quod cum ad me Achmetides attulisset, statim pacta pecunia, ad visenda ea cadavera proficiscimur. occultaverant ea pagani in casa quadam semiviruta non longè à pago,

ne

ne reliquis innotescerent. ea enim apud illos lata lex est, ut quæ ab huiusmodi cadaveribus pecunia corrogaretur, quæ plerumque victitant, in commune collata, in singula mox capita divideretur: ideoque si quid occultare possunt, non omittunt. quando nullas penegens, apud quam, non suum fraudes locum habeant. imo vulgus callere fraudes artem putat, honestiores prudentiam vocant. adeo à simplici illa primæ ætatis simplicitate descivimus, in versisque vocabulis vitia tegimus. sed ne longè à proposito divertam; Cum diu per arenam, extra publicam viam, ne deprehenderemur, non sine magno labore progressi essemus, ad tuguriolum tandem illud devenimus. Hic pagani circumflectentes oculos, si quis nos observaret, attentè speculantur. cumque sub obtutum caderet nemo, casam subimus, in ea sub arenâ, quæ totum pavementum altè obritum, gemina cadavera tegebantur. quæ illicoeducta præ nostris oculis locavere. Primum, quod inspeximus viri erat, liliis et pannis strictissime involutum. quæ fasciæ bitumine conditæ una cum cadavere duraverant. in super totum corpus magno, lineoque amictu undiq; tegebatur. qui totus fere pictus, ac inauratus, parçè assurus, illicus bitumine, plumbeisque sigillis circum circa obsignatus: quæ cuncta illustis mihi viri argumenta videbantur. In superiore corporis parte, quæ ob pannorum multitudinem plana erat; humana effigies appicta, juvenemque referebat: nec dubium quin defuncti imago esset. Quæ tot circum signis, caracteribus, hieroglyphicisque tanto colore, & tam variatio, tantoque auro interdistincta, atque exornata, ut pulchra æquè, ac mirabilis visu esset. vestis longa, atque ad talos usque demissa: eoque ex panno, ac forma, quæ usos fuisse antiquos Ægyptios narrat.

He-

Herodotus. Et si hujus demortui album lineum, & signis interpiectis, & aureis maculis interstrictum, quod honoris gratia cum defunctis factitatum crediderim, cerneretur. Caput aureo item operimento, gemmisque distincto tegebatur; ex quo capillus niger, & crispus prominebat. cui similis barba, etsi rarior. oris color, ut manuum subniger. ex quo deduxi hunc hominem non ex inferiori Ægypto, præcipuè Delta, ubi homines ad vineum vergunt, sed ex superiori fuisse: ubi incolæ Æthiopibus, quibus contermini, similes crispo capillo, subnigroque colore nascuntur. Aureum ex collo pendentem torquem gerebat: ex quo juxta pectus, quasi gemma, aureus orbis dependebat, in quo inscriptæ literæ, insculptaque signa quædam nobis omnino incognita. orbis ipse, in avem effictus visebatur. Hoc loco Mæcenas: Facile crediderim virum istum, cujus appictam imaginem descripsisti, unum ex Ægypti Prætoribus, aut Judicibus extitisse: nam hi, ut Diodorus refert, istiusmodi torquem gerebant, ea verò avis veritatis imaginem præseferbat. Cui ego: Erudite, & verisimile quidem illud. Dextera, ut ad narrationem redeam, auream pateram tenebat, rubro liquore plenam sive id sanguinem, sive vinum, quod vero similis est, significares: & sacrificii alicujus libamen prænorabat. Sinistra (cujus index, & ultimus aureo annulo in articulo juxta unquem insigniti) suboscuro nescio quid oviforme stringebat: quod nictum mea opinio tesellit, ei fructui persimile videbatur, quod insanum malum appellant. neque id mysterio vacat. Atque hic statim Mæcenas: Num, inquit, quia pomum illud Proserpinæ sacrum apud Ægyptios foret? Cui ego: Affirmare non audeo, negare ne id quidem. Crura, & pedes nuda. horum tamen plantæ
nigris

nigris sandaliis tegebantur. è quorum soleis niget filus eductus, perque majorem digitum, proximumque transiens, geminis fibulis, quæ plantis astrictæ colligantur, adnexus pedi ornamento est. At verò quod curiosius, relatuque dignius mihi visum, attentisque animis adnotavi, id est, quod jam jam adjungam. Fascia quadam ampla veluti cingulo præcingebatur: in qua nigro pigmento, hoc verbum Ægyptiis literis inscriptum erat EV † VXi, quod est Eutiche, vel Eutichius. bonam Fortunam latine sonat, idque proprium viri nomen puto. scriptumque in fine I pro HS, ut re vera scribi deberet, corrupto Ægyptiorum more, uti plerumque fit, vocabulo, quemadmodum litera † pro T præstat. Est autem celeberrimum Hebræorum Tau, quod veteres Hebræi in crucis formam scribebant. quam tamen literam novæ Hebræi in odium crucis expunxerunt, aliâquinduxerunt, qua nunc utuntur. Hic Lælius, qui Græcis literis egregiam operam navaverat; Quid, inquit, si dictio illa EV † VXi verbum sit imperativi modi, idè sonans, quod apud nos, vale? neque id ab usu illorum temporum abhorret. quo & prisci Latini usi sunt. legimus enim apud Virgilium: *salve æternum mihi, maxime Palla;* *Æternumque vale.* Quibus verbis Æneas Pallantis corpus a Turno occisi patri Evandro sepeliendum remisit, cui cum Mæcenas assensisset. Nihil ego, inquam, habeo quod objiciam, nisi detortum verbum. verum scio id corruptione linguæ evenire potuisse. Sed hujus viri cadavere circumspecto, alterum contemplari attentissime cœpi, quod, ut superius inui, defunctæ faminæ erat, non secus ac primum fasciis, lineisque pannis involutum, conditumq; bitumine: juvenis etiam præ

præ se speciem ferebat. nec dubito quin viri aut
 conjux, aut soror aliqua existerit: in eadem enim
 urna utrumque repertum pagani affirmabant. hujus
 autem vestis panno appicta, auro, gemmisque ditior
 erat, in aureis circulis, quibus variata vestis, præter
 dicta jam signa, & characteres, insculptæ pariter aves
 quædam, æque animalia, quæ leones videbantur.
 at vero ea in armilla, quæ media erat, bos seu ve-
 rius vacca insculpta, quæ vel Apis, vel Isis vices
 gerebat, pluribus præcinctum torquibus collum ni-
 rebat, ex quorum uno ad pectus pendens aureus or-
 bis solis imagine enitebat. in aures plurima nitentes
 gemma utraque ex aure pendebant. manus etiam &
 sura aureis, gemmeisque monilibus præcinctæ,
 exornatæque erant. sinistræ digiti omnes, excepto
 pollice, annulis insignes. index duos, quorum alterum
 in articulo proximo, præferebat, dextræ annularis ge-
 mino tantum prælucebat. Quæ manus per exiguum
 vas ex auro ejus formæ, quæ aquales fieri consueve-
 rant, tenebat: ac duobus digitis quasi per jocos
 ostentabat. sinistra fasciculum ex longis, rotundisq;
 virgulis stringebat: quæ verò ille dignosci non po-
 terat, oris color magis albicat, nigri tamen capilli,
 & crispi: nigri oculi; at supercilia, quæ spatiosa, &
 conjuncta; ut id ætatis apud eas gentes mos est. ocu-
 li pariter ampli, palpebræ subnigro quodam fuce il-
 litæ: forsan stibio, ut antiqui temporis fæminæ soli-
 taverant. quod & nunc apud Orientales populos fa-
 ctitari perhibent. Hic Mæcenas: Non id quidem
 improbable. verum cedo, elegans ne pictura? nam
 nulli insignes pictores apud Ægyptios memorantur.
 Cui ego: Rectè conjectas. nulla in ea elegantia, eam-
 que præ se artem ferebat, quæ apud nos usi pictores,
 qui barbaris seculis extitisse perhibentur. Sed iustra-

tis hisce Mumiiis, Paganisque mercede donatis, in pagum rediimus. nobiscum puellæ cujusdam caput attulimus. Ubi verò brevi nos cœnula refecimus, jamque de discessu cogitabamus; cum nos quidam convenit, rogatque si Africanam Mumiam inspicere amor esset. Cui ego; novitate vocabuli excitatus, Ecquæ, inquam, Africana Mumia? Et ille: Cum, inquit, per Internam Libyam Afri interfaciunt, excitantur nonnunquam validissimi venti, qui vastos arenæ cumulos, nam ea tota arenosa est, in contrariam partem ferunt, viatoresque opprimunt: qui præfocati illiò intereunt. ea autem arida arena adeo cadavera exsiccantur, induranturque, ut minimè putrefactioni dent locum. deinde, cum contrarii venti in contrarias partes spirant, arenamque impellunt, eadem cadavera nudantur. acceptaque inter mummies pariter poni consueverant. istorum unum ad nos devectum, quod contemplari operæ oculis erit. Tum ego, nihil moratus, in pagani casam pergò. in quam brevi ingressus eadaver inspicio. Erat Æthiops nigerrimus adeo informis, ac fœdus, ut me caecodæmonem, vel aliquem ex damnatis ad inferos videre mihi visus sim: tanto horrore, ut illud poëtæ usurpare potuissem:

Obstupui, steteruntque coma, & vox faucibus hæsit.
Et sanè cum inferorum loca, æternaque animo meditator supplicia, illam mihi præ oculis imaginem pono. oculi cavi omnino, ac nudi, labra corrosa, nasus jam pene dæfluxerat. reliqua membrorum caro una cum pelle benè exsiccata, totumque fete corpus integrum: si ventrem excipias ex quo exta extabuerant, ac pene dæfluxerant. dentes nitidissimi, crispus capillus, ac brevis: crura, ut sunt Æthiopes valgi, distorta. Hic Lælius: Num hinc illud, quod in Nauticis est,

est, exceperisti? versusque recitavit:

*Arabie deserta velut, Libya, & loca cirum,
Cum gemini adverso spirarunt flamine venti:
Hinc Notus abreptam magna vi voluit arenam:
Inde levem Boreas nubem ciet horridus: ingens
In medio cumulus sub tollitur: atque ubi quondam
Campus erat, magnus congesti pulveris extat
Confestim mons: & miseros premit altus cunctis.
Cui ego: Rem ipsam, Læli, ut soles, putasti. At Me-
ccenas: Laudo, inquit, Læli, ingenium tuum, & stu-
dium, quo erga magistrum te geris. Verum quia jam
inelinatur dies, tempus est ut currum conscendamus.
nam volo vos tempestive domum reducere. Cui ego:
Satis erit si ad Barnenses usque ædes nos comiteris:
cæterum, quæsumus, ne te amplius nostrorum causa
vexeris, quod cum vix passus esset, conscenso curru
Barnam contendimus.*

C A P U T XI.

*Navigatio Babylonæ Alexandriam, quidque ea in
urba ante discessum acciderit memoratum!*

DUm autem curru deferimur: Age, sis, inquit Me-
ccenas. Quid postea? Tum ego: Ea pompa, qua
discesseramus Babyloniam reversi, deque reditu illi-
cò cogitavimus. & quoniam Galli quidam profectio-
nem adornabant, nos illis comites adjuvimus. Mox
profecti Canopum secundo Nilo perventum. hic
Gallica navi conscensa, prosperoque usi vento, tan-
dem Alexandriam tum meo, tum Achmetidis gau-
dio, cujus visendi parentis mira cupido, sub vesperam
appulimus. Primo mane è navi egressi rectà ad
Achmetis domum gressus direximus Excepit nos bo-
nus

nus senex: tantaque lætitia, ut continere se minimè quiverit, quin me illico totis ulnis complecteretur: nec tantum ex nati, quantum ex mea incolumitate, de qua dubitare jam cœperat, gaudium contempit. Nempe si vera amicitia est, nihil sanguini cedit: nec chariores amici sunt, quàm affines. Ut sedimus de tota peregrinatione rogare cœpit, ego cuncta paucis exposui: audivit ille animis intentissimis; & ut de adversis contistabarur, ita in lætis gestiebat: non secus ac ipse vel subiisset pericula, vel evitasset: accessitque nuru, ei Drusillam, de qua tragædiam omnem edidicerat, impensè cômendavit. Numquam sanè mirari desino viri barbaro ex genere, barbaroque in solo nati tantam benevolentiam, humanitatem, atque erga antiquos dominos tantam grati animi testificationem. eos dies, quibus expectandum fuit, ut navis Gallica, qua veneramus, adornaretur, tam affabiliter, & laurè pro conditione hominis tractavit, ut vel ipsa Drusilla summopere admiraretur.

At illud memorabile accidit, quod conceptam jam lætitiā abundè cumulavit. dum altero ab eo, quo Alexandriam veneramus die, per urbem una cum Drusilla virili, ut solitaverat habitu induta, præcipua loca viscebamus, in juvenem incidimus. quem ut virgo conspicata est, hæsit, suspensoque diu animo, oculisque in juvenem fixis, contemplata attentissimè est. Juvenis cum animadverteret in se hominem curiosè intentum, cœpit & ipse mirabundus Virginem intruere. Id ego animadverrens, in eam illicò cogitationem animum induxi, esse nimirum eum juvenem, qui cum virgo navigaverat, inque piratas inciderat, quapropter: Num, inquam, ille tuus est servus? Et illa: Ni me fallo, ipsissimus est. at interrogare non audeo, nec tutum videtur. Cui ego: Id mihi negotii relinquito.

quito. Nec mora, juvenem convenio. & quis esset interrogo? Ille cum patrium sermonem audiret, magno opere lætatus, Italus, inquit. Cui tum ego: Gaudeo, quod eadem nos patria tulerit, eundem ærem spiravimus. verùm qua ex Provincia? Et ille: Brutius, Crotonæ natus. Tum ego: At quis te huc casus devexit? num in piraticas manus venisti? Ille verò: Divinasti, inquit. Tum ego nihil dubitans quin Drusillæ famulus esset, jubeo nos domum sequi, habere quædam, quæ ipsum intelligere operæ pretium foret. ad Drusillam verò: Bono sis animo; ille tuus est famulus. Ut nos recta domum recepimus, in secretius cubiculum ingressi, servum intuens. Estne, inquam, ista tibi facies nota? Et ille: Etsi non nihil immutata, inque virili veste sexus lateat, & mea me fallat opinio, illa mea domina Drusilla est. Cui ego: Illa ipsissima est. quod ut audivit, ingenti perfusus gaudio, tenere lacrymas vix potuit, subitusque ad deosculandos pedes accurrit. Nec minor sanè Drusillæ læticia fuit, recepto præter spem famulo, insignis fidei, & cui ipsa, etsi invita, calamitatem creaverat. Postquam multis gaudiis modus factus est aliquis, quo casu Alexandriam petiisset, & suæ juris, an sub alterius potestate esset? interrogo. Tum ille ita exorsus, totius rei scenam compendio enarravit: Mauro homini, cui à piratis venditus fuit, uxor erat Turcici generis, & ea non inelegans: quæ virum, & ore, & moribus turpissimum nullo modo ferre poterat. nec aliud quotidie, quam illius fatum, non optabat modo, sed meditabatur etiam, si potuisset. Ut ego domum veni, inque me illa oculos coniecit, cœpit illico me humaniter tractare. cumque vir aberat, summam in me benevolentiam affectabat. quæ cum servi conditionem excederet, suspecta mihi erat, vergebam enim ne


illa impudico amore exardeſceret, quapropter, du-
 rius agebam, &que blanditiis illius magis, quam à do-
 mini minis cavebam. Nam cum à puero, ut meæ do-
 minæ ſatis notum eſt, honeſtè educatus eſſem, & quam
 maximè ab illicitis voluptatibus abſtinere didiciſſe,
 nihil magis, quam pudicitia primùm, mox fidei, quod
 plerumque uſu venit, jacturam facere pertimeſce-
 bam. Quodam die, quo herus in villam cum amicis
 diverſerat, cœpit illa blanditiis me primùm tentare:
 mox aperta vi. Ego erſi totus inhoruiſſem, ne tamen
 furentem illico exaſperarem: non eſſe id ejus loci,
 nec temporis: nec licere illi tantam viro injuriam ir-
 rogare: neque illud ſine Numinis vindicta, neque
 hominum fieri: recogitaret animo, quam turpe fu-
 turum ſi reſciretur. neque id agendum, quod ſummo
 probro, ſummoque capitis discrimini ceſſutum. Illa
 cognita mea conſtantia, rem diſtulit. me tamen pe-
 cunia, quæ vehementiſſimus apud homines ſtimu-
 lus, donavit. & hæc, inquit, redemptionis pre-
 tium eſto. Ego nolebam accipere: mihiq; gratius
 ſub ſervitute futurum, quam male patris libertatem
 adipiſci. Illa exaſperata, totaque ira fervens: Mea,
 inquit, non domini, ut tu falſo exiſtimas, hæc eſt.
 Et quæ mea ſunt, non cui voluero dare licet? tene,
 nam ſi renuaſtibi capitale futurum pro cerro habeas.
 Tum ego itam furentis timens: nam ſæmينا, &
 amante irritata, nulla fera nocentior, pecuniam
 accepi. erant centum aurei. Sequenti die ad den an-
 datum mihi à domino negotium domo egreſſus, in
 foro Italum offendi, qui ex Gallica navī, quæ in
 anchoris ſtabat, mercimoniorum cauſa deſcenderat.
 Hic cum me ex vultu, ac ſermone Italum eſſe co-
 gnovit: quis eſſem? rogat, & quo illuc caſu adveni-
 ſſem? Cui ego tragœdiani omnem narravi. Ille mi-
 ſeri-

sericordia, quæ facile recordatione malorum exci-
tetur, statim permotus, spondet me Gallica ea navi
abducturum. idque futurum tutò, si postridie ad li-
tus ad certum locum, ad quem rari accedebant, sub
vesperam venissem. fidemque suam Sacramento
firmat. Ego tanta plenus spe domum redeo. Vix pe-
dera intuli, cum nuncius è villa ægrotare dominum
attulit: & ut credo ex nimia crapula: & ne morbus
ingravesceret, in eadem villa substituisse. Id ego di-
vinitus factum duxi, ut facilior occasio evadendi mi-
hi foret. At hera id sibi commodum ad explendam
voluptatem rata, cœpit me arctius urgere. Ego, cui
fixum animo erat, lucem vitæ potius, quam pudicitia
nitorem amittere, negare cœpi. ne verò rem in ulti-
mum statim discrimen adducerem (cum remedio uti
licet, adhibere prudentis est) lenire eam variis ratio-
nibus conatus sum. Expectaret, si quid viro humani-
tus accidisset, tum sine noxa fieri posse, quod in præ-
sentia culpa non vacaret. nec licere alienam cala-
mitatem in proprium commodumvertere, sibi que
voluptatem, ex viri malo quærere. Tum illa, quasi
furia, in iram exarsit, & minaci vultu, nec sine fre-
mitu: Vide, inquit, quid facias. scio equidem me ab
injuria vindicare. atque ita indignabunda è meo se-
conspectu subduxit. Hoc loco Mecœnas: Miror, in-
quit, hominis constantiam, quam in servo difficile
reperies. Cui ego: Tanti est à puero virtutis assuesce-
re: & qui sanctè, honestèque educati, & si servi, libe-
rum animum gerunt. Ità vero, tum ille: nec facile
ea virtus flectitur, quæ altius radicem fixit. Sed quid
tum postea? nam tam curiosa res est, quam quæ ma-
ximè. Mane cœpit hera, aiebat famulus; me iterum
blanditiis appetere: & accipe, inquit, dure, & ingra-
te, simulque alios Laureos porrexit. Ego quoniam

ad rem, quam machinabar, faciebant, libenter accepi. quod illa benè interpretata, jubet me sequi. cum statim nuncius alter adfuit. quo jubebatur ipsa illico ad virum proficisci, qui non bene se habebat. Illa lætata nuncio, nam brevi obituro sperabat, ex templo parvit. meque cum ancilla Maura domi subsistere jussit. Quantum id mihi gaudium, quantam læticiam attulerit, haud verbis explicare queo. Imo ingentes animos ad fugam addidit. quippe non humano id consilio factum, sed divino evenisse putavi. sunt enim miseri curæ Deo, & perire sine auxilio Superiorum, nequeunt innocentes. Fateor, nullus eo die longior mihi visus. nec quidquam, quam fuga in animo erat. tandem ut extabuerat, ad locum pergo. qui solus omnino erat. at neque Italum inveni, neque Cymbam ullam in vicinia animadverto. Quocirca angī animo, ac pene de salute desperare cœperam, inque meum caput jam jam atrocia omnia imminere. nimirumque me fiduciæ damnabam. cum è navi, quæ non longe erat, cymbam ad litus conceitatissimo cursu venire conspicio, qua visa erectus spe, ac pene exortus sum. adfuit brevi amicus, meque accepit, atque in navem duxit. vix conscendi cum eductis anchoris, prosperoque vento exorto, Alexandriam venimus: atque hic tertius dies est. Verum ut hæc dicta, Barnam perventum: relictoque hic Mecœnate, nos Neapolim petreximus.

Libri Secundi

Finis.



VERIS

HERCULANI

LIBER III.

CAPUT PRIMUM.

Dum apud Mæcenatē versamur, iter Alexandria Italiam versus, quæque in eo acciderunt, enarrata.



Uodam die dum ego, & Lælius apud Mæcenatē essemus, ita ille ad me: Sæpe te interrogare in animo fuit, at fallente modo memoria, modo ad alia digressi, sæpe etiam omisi: nunc quando, & memoria suggerit, atque ab aliis rebus liberi, atque expediti sumus,

occafionunculam non negligam: quid tandem in reditu tuo, dum Alexandria in Italiam remeares, curiosi accidit: nam si meministi, ea in urbe professionem in patriam adornabas. Cui ego: Memi-

ni quidem; & sæpe etiam reliquum illud navigationis ad te narraturus veni; sed ad alia è vestigio digressi, quod primum in animo propositum erat, pertransivi. faciam igitur nunc tibi satis, remque ad ambilicum deducam. Tum Mæcenas: Istuc expecto. Et ego: Ubi Gallicus myoparo, quem ibi opperiebamur, ad navigandum instructus, atque in promptu fuit, Acmeti vale diximus. Sed quantis me lacrymis bonus senex dimiserit, haud verbis explicare queo, cettè non tantas pro filio effudisset. usque adeo roboratus beneficiis amor, ævoque inveteratus, naturæ non cedit: interdum etiam exsuperat: & ubi bonam natura indolem collocavit, nihil est, quod desideres. deinde ut mutuis aliquantulum lacrymis temperatum est; mihi omnia fausta ominatus, viatico affatim onetavit: nec ullis adduci precibus potuit, ne adeo in nos profusus esset: imo perpauca ea esse, aiebat: seque mihi omnia debere: & si ampliores fortunæ desiderandæ, id eò spectaret, ut largissime me donaret. Hoc loco Mæcenas: Utinam, inquit, ita omnes memores beneficiorum essent, & eam nacti à parente natura indolem: nihil in hominum vita expeti ad felicitatem pollet. At vitiata semel caudice comuni sabe, id frustra desideramus. non enim prudens is est agricola, qui cariosa è stirpe optimos fructus expectat. Sed perge tu porro. Tum ego: Divulsus non sine vi ab Achmete, navim comitibus Drusilia, & famulo conscendi. expansisque illico velis, Alexandria excessimus, totique Ægypto vale diximus. ventus, qui principio vela impleverat, erat Auster; quò brevè Rhodum, aut Cretam tenere sperabamus. Sed ea nocte, quæ profectionem secuta est, Lybico maris imperium Auster concessit. qui ut ejus natura est, cœpit vehemē-

tis-

tiſſimo ſtatu perſurere, ſequē in Occidentem paulatim ſlectere, noſque ab inſtituto curſu deſlectere, inque Cyprum clavum dirigere cogebat. Id mihi & ſi cupereſ quam citiſſime patriam reviſere, non tamen omnino ingratum accidebat. tanta cupido erat novas terras, novos populos perluiſtrare : & eam præcipuè inſulā, de cujus celebritate multa in ſcholis didiceram. At hæc ſpes brevi præciſa : iterum enim ſibi Auſter maris arbitrium vindicavit. quod ubi victor obrinuit, Libonoto conceſſit. quo ſecundo in puppim perſlante, cum Rhodum nos perveniſſe crederemus, Carpathum tenuimus, quod quidem pergratum mihi accidit : nam eo in portu Turcica claſſis in anchoris ſtabat : erant XL tritemes, & naves XVIII, quæ Sporadibus perluiſtratis, ad Creticum bellum contendebant. ibi vero Rhodiam claſſem VIII roſtratarum, & Africanam, quæ ex Tripolitanis navibus, Tuncetanis, ac Mauricis conſtabatur, in dies expectabant. Hoc loco Lælius : Quobono Numine ex barbarorum unguibus tuò evaſiſtiſ? Cui ego ; Cum ſcđus Gallos inter, ac Turcas initū eſſet, nos utpote ſocios benignè admiſerunt. Imo in Prætoriam unā cum navis præfecto conſcendimus, Turcicum Arch thalaſſum inſiſori. cui munuſcula etiam attulimus. qui humanior, quam ceteri barbari, nos affabiliter excepit : plurimaque nos de Alexandria interrogavit : & ſi Cythēum, aut Cydoniam peteremus Præfectus vir peracutus, & caurus ; Negavit ſe per ea loca tranſiturum. mox ubi dimiſit, geminis vervecibus, & panibus aliquot donavit. deinde obſenta facultate, univerſam inſulam perluiſtravimus. curioſeque rogitabam, ſi adhuc ex jis leporibus ſoboles eſſet, qui aliunde adveſti, tanta ſæcunditate creverunt, ut indigenas aliò com-

migrare coëgerint: unde factum adagium Carpathii lepores, ubi quis hostem domum admiserit. verum adeo inscia id temporis ea gens est, ut ne nomen quidem proverbii teneat. imo tanta in universam Græciam, ex quo Turcieū sub jugum missa, ignavia, atque inscitia irrepsit, ut in Græcia Græciam quæras: tantaque obsita barbarie, ut meritò quidam dixerit *ἑσπερὸς βαρβαρίῳ ἐστὶν ὅτι ἐκείνῳ* usque adeò verum est, humanis artibus, ac liberalibus disciplinis ingenia mitescere: quæ si desint, efferari. Ita vero, cum Mæcenas: sed quid tum postea? Cui ego? Lustrata insula, vela fecimus: placuitque Septentrionale Cretæ latus præternavigare, ne ad Australe descendentes Africanam in classem incideremus, cujus occursum, cum illa plerumque ex piratarum colluvie, ac desertorum sæce coalescat, apud quos nulla fides, fœdera nulla, non satis tutum videbatur. id mihi ex animi sententia evenit, summo etenim opere avebam Ægeum mare tot terris sparsum, tot constitum insulis perlustrare. & spes etiam erat, fore ut Veneram classem obviam haberemus, quam ad Cithera stare in anchoris rumor apud Turcas percerebuerat. Secundo igitur vento, qui æstivo ex Oriente spirabat, navigantes, brevi, salutata ex longinquo Astypalea, Zephyrium promontorium transmisimus, deinde læva Diam insulam, mox verò dextra Theram, & Thireciam prætervecti, in Venerum lembum instruatissimum, remigioque pene volantem, qui Cytheum petebat, incidimus. Veneti ut ex vexillo Gallicum Myoparonem esse deprehenderunt, illico ad nos properaverunt, & salute militari more data, atque accepta; unde solveremus, & si quid de Turcica classe accepissemus, interrogant. Nos Alexandria solvisse, Carpathioque in portu Turcicam classem conspe-

spexisse, respondimus. Et illi: Venetam classem ab Citheris in Milum profectam, gratumq. Architalasso futurum, si cum in portum diverteremus: quæque de Turcis comperta haberemus, illi exponeremus. hominem esse humanissimum, nosque benevole excepturum. Visum præfecto, nec non & reliquis, qui in navi eramus, hanc Venetis, per quorum portus crebrò navigabat, gratiam facere: quapropter obliquo aliquantulum velo, Melum contendimus. Ventus, qui commodè perflaverat, multum se sub vesperam remisit, quo factum, ut parum ea nocte navigatum sit. primo mane resiantibus iterum auris, velum paullo vehementius urgentibus, meridiem circiter in amplissimum Meli portum intravimus. Classe illico salutata, Venetum Prætozem adivimus. qui nos affabiliter excepit, cunctaque de Turcis à nobis cognita edoceri voluit. quibus enarratis, perhonorificis verbis dimisit. nos quod reliquum diei supererat, in iustanda Venerorum classe consumpsimus. Hoc loco Mæcenas sic me interpellat: Quæ melior, atque instructior visa, Turcica ne, an Veneta? Cui tum ego: Utraque, ut verū fatear, erat instructissima, in Turcica plus pompæ, atq. ornatus, plus in Veneta animorum inerat, cui si tempestive Italarum subsidia advenissent, non dubito, quin egregiam de Barbaris victoriam retulissent. At nos in hac parte peccamus sæpe, & nostro cum damno. Hic Lælius: Merito tu idcirco in Bellicis:

Tempestate nova primi procedere in armis

Festinate, duces, hostemque ad cæpta præite.

Tempestivus eris campi quicumque Magister

Possessor hinc victor eris: qui serus, abibit

Re sæpe infecta, positisque inglorius armis.

Cui Mæcenas: Egregie, Læli, istus avidè exp: & abam

bam, ad me vero. quid tum postea? Cui ego: Melo egressi, Cythera secundo vento tenuimus. in quorum litore turrim nobis quidam ex nautis ostendebat, inque ea Venetis olim sanum exiisse, ex quo Helenam Paris rapuisse fertur, affirmabat. Ego illam prospiciens: hinc, inquam, incendium illud exarsit, quo brevi Europa, atque Asia comprehensæ, tantas mortalium clade, & tot annis afflictæ gemuerunt. simulque ea mihi animum cupido subiit, locum propius inspicere: at vetuit Navarchus: festivè addens, Ne sopitas diu flammæ excitemus: nec malorum refricata memoria suo vacat malo. Igitur Veneris Fano vale dicto, ac transmissio mox Laconico sinu, Tænarium venimus. Hic quoniam ventus velo immoriebatur, visum Navarcho scapham in terras aquatum dimittere; ego Tænariam specum videre percipidus, in eam statim insilui, cumque quatuor armatis in litus contendimus, ad quod ubi applicuimus, in oram scapha egressi descendimus: in qua in hominem ferme nudum incidimus. quem ex oris lineamentis non Laconem eum, sed Italum esse putavimus. nec nostra nos opinio fefellit: vix enim nos conspiciens, in genua accidens, multis precibus rogavit, ut nobiscum reciperemus, inque Italiam, in quam nos navigare existimabat, devehheremus. Deinde serio admonet, ut quam cito in cymbam reverteremur, eam oram prædonibus passim habitari, qui divino, humanoque jure contempto, cuncta latrociniiis complent, hospitesque denudant: summæque misericordiæ loco habent, si non repugnantes, non occidant: nam si vim vi repellere ausis, atrocissima quæque in victos exercent. Galli cum benè sperare hominem jussissent: sunt vobis, inquit, arma, & animi, quos, si veniant, propulsemus. At ego cum ro-

go,

go, si Tænariam specum vidisset? Et ille, ut qui vetustatis ineruditus, ne vocabulum quidem nosse falsus est. Interea loci, de vexæ, jam ætatis Lacœna ad nos venit, pomorum omnis generis cistam benè plenam gerens: & si emere animus esset, rogat. Cui Gallus quidam, qui Græcam linguam callebat, quanti indicaret, petiit. Tum illa: Quanti vis, inquit. brevi igitur transacta res est. mox fontem in proxima valle esse ait nitidissimum æquè, ac gelidissimum, ubi aequati per commodum: pascere item in ea gregem, si agnas à pastoribus, vel lac, caseumque comparare voluntas esset. Tum negante supplice tutum esse illuc se conferre, eos non pastores, sed prædones qui gregem pascerent, & soliros illa anu insidias struere; petiere tamen, tanta illis in armis fiducia. Ego cum in promontorio specum quandam animadvertissem, Tænarias fauces esse, per quas ad Inferos iter olim patuisse in scholis audiveram, arbitratus, eò ire pergo. quam non multis passibus ingressus, immanem speluncam, horridamque eam esse video, & perobscuram: quocirca non ausus ulterius pedem inferre, ne revera in Plutonis antro me vivum conderem. Hæc inter, socii ingenti festinatione redierunt. plurima enim turba è proximis collibus effusa descendebat: & ne jam à pastoribus oppressi essent, horum paucitas, atque illorum arma effecerunt. in scapham igitur insilientes ab infami ora paululum recessimus. mox cursu inhibito, expectari patumper placuit, ut quæ ea turba, & quibus adveniret armis, videremus. Nec moratum diu est. venire ad litus circiter triginta partim sclopis, partim sudibus armatis; atque ense Laconico. quos ubi explosis tubis salutavimus, in navim cursum illico cepimus. Hoc loco Mæcœnas: Ut variant, inquit;

hu.

humana ! ea loca, quæ quondam gente tam culta, & tam sanctis legibus instituta habitabantur, nunc exuta pene humanitate: nihil nisi barbariem, atque immanitatem præferunt. Sed quid tum postea ? Cui ego : Resante iterum vento, Peloponnesum præternavigamus: transmissoque sinu Messeniaco inter ultimâ peninsulæ promontorium, quod Acutas dicitur, & Thiganusas, atque Oenusas insulas eursum intendimus: inque Mothones conspectum sub dici sequentis creperas pervenimus. qua urbe è salo salutata, bonis Jonium avibus, erat enim summa serenitas, & secundus perflabat Euris, ingredimur. Quo ducente, brevi Strophadas, Harpiarum quondam regnum, tenuimus. id tempus solitarius in his scopulis degit: & partim stipe à navigantibus corrogata, partim hortuli fructibus, herbulisq; quas ipse sibi plantat, vitam tolerat, & felicissimè quidem certè. Quem ego Beatissimum omnium duco: ut qui procul à tumultibus, atque humanis fraudibus perpetua pace fruitur: qui si intus ab animi perturbationibus se fortiter vindicet, quod non difficile factû duco, fruetur etiam, quam post fata expectamus; æterna. Hoc loco Lælius subridens; Vellem te ego in Strophadas remandare, ut felicissimam illam pacem, quam tanti extimas, obtineas. Cui ego : Jrem libenter. Et scis me, cum datur, relicta urbe, in solitudinem convolare, inque ea me unâ cum Musis occludere. Et ille: Scio equidem. Sed in solitudine Surrentina: nimirum in angulo totius orbis amœnissimo. in quo quis ætatem non ageret ? Cui tum Meccenas: Optimè, ac festivè Lælius. Verum talis Parthenii genius, ut etiam in asperrima solitudine vitam duceret tranquillam. Et ego : Si Musis comitantibus sola loca petas, amœna sint oportet nam

nam horrida fugiunt Musæ, quæ elegantiorum cultum amant: si vero Metanœa comite, in sylvas te conjicias, tum quo horridior locus, eò aptior ad vitam expiandam, æternamque beatitudinem obtinendam. Sed redeamus ad propositum. Strophadibus, & solitario relicto, occidentem versus iter corripimus; Euroque efflante, brevi Italiam tenere sperabamus. ac brevis ea spes fuit: nam exortus ex inopinato vehementis Africus ad Epiri nos litora deflectere coëgit, alteroque, à quo spirare incœperat die, ad Corcyram devexit. id mihi, etsi patriam revifere summo opere cuperem, non ingratum omnino accidit. tantus erat amor novas gentes perlustrandi, atque ea loca, quæ tantum vetus fama celebraverat, inquirendi. Ut portum intravimus, factaque ab Veneto Prætoris potestas descendendi est; in litus insilui, statimque ubi antiqui Alcinoi horti fuissent, & quæ vestigia illorum superessent, indigenam quendam, quem primum obviam habui, interrogo. Et ille: Nullus, inquit, hic cui Alcinoos nomen, nec quos dicis hortos scio. Cui tum ego: Celeberrimos, inquam, illos, aureisque pomis insignes, quos quondam Alcinoos insulæ rex plantavit, summoque studio excoluit. Tum ille subridens: Somniatis, inquit, hospes. At ego demiratus illius inscitiam: ò ubi, exclamo, omnis eruditionis patens Græcia! ò ubi culæ quondam gentes! Hæc inter, Venetus quidam supervenit, & quid petquirem? rogat. Cui ego: Phæcum hortus, quorum ne nomen quidem apud hanc gentem manet. Et ille: Ne mireris, inquit: obsita omnis barbarie, atque inscitia Græcia est. eruditæque gentis honorem ex barbaria incumbens turbo decussit: meque statim ad colles quosdam perductavit; qui præ cæteris petiti, atque amœnissimis hortis consiti erant: & hic, inquit, extitit

tisse olim Alcinoi hortos, ferunt, qui quoniam aurantium refertissimi, aurea mala protulisse fabulati sunt veteres. Mox his ex collibus ad litus redivimus, & ne ad visendam urbem, arcemque eminenti in saxo impositam irem, devexus jam dies prohibuit quocirca gratis humanissimo viro peractis, in navim redivi, ubi me Drusilla expectabat, cœnulaque celebrata, ad quietem concessimus. Circiter secundam noctis vigiliam ingens in navi clamor exortus, quo illico exporrectus, quid esset? interrogo. Qui proxime stabat: Vela, inquit, expandi Navarchus jussit, nam cum Thrax spirare cœperit, non omittendam occasionem duxit, eoque secundo brevi se Italiam venturum sperat. Nec ea hominem spes fefellit, tertio die sub Auroram Brutios colles conspeximus, quos faustissimis mox vocibus salutavimus, propiusque accedentes nos Crotonem delatos comperimus: quæta Drusillæ lætitia vix dici potest. Hic Mœœnas: Credo equidem, quis enim post tot casus, ac tantas exantlata pericula, sospitem se in patriam appulisse summopere non gestiat! Et ipse: At non minori ego gaudio affectus sum, quod paternam in domum salvam miraculo virginem reduxissem.

Et sanè si nihil aliud, magnum me ex suscepta navigatione fructum retulisse arbitrabar, quod nobili loco natam virginem ex penitissima barbaria, totque immanissimorum prædonum manibus, ac tot periculis, sine minima quidem, vel pudoris, vel fidei labe illibatam, ac sospitem parentibus reddidissem: clario-remque meam expeditionem futuram, quam Argo-
nautarum, duce Jasone: qui nihil nisi vanum nomen, & nescio quam arietis pellem, auro ne dicam, an mendacio fucatam retulerunt. Quid enim homini gloriosius potest accidere, quam servatoris vel nomē,

vel

vel gloriâ suâ virtute, suis laboribus adipisci. Hoc loco Lælius: Imo tu Perseo gloriosior: nam ille Andromedam è Ceti faucibus liberavit, tu virginem ingenuam, ac nobilem ex Orco, in quem jam jam casura erat, vindicasti. Cui Mæcenas: Ego te, Leli, ut soles. Sed quid si poetam nostrum Orpheo componamus? non id jure? Imo felicior, tum Lælius, nam ille incautus, quam reducebat Euridicen, amisit: hic ita se, qua prudentia, qua constantia gessit; ut ereptam virginem tot per discrimina, ac turbines salvam perduxerit. Quibus ego: Gratiâs ago, quod glorianti mihi adblandimini. Sed redeamus in viam, nam tempus est, ut de discessu cogitemus. Vix Porcum intravimus, cum præmisso famulo, recta ad Drusillæ domum contendimus: in quam ut venimus, virginis parentem obviam habemus: qui reducem filiam ea lætitia excepit, qua redivivam recepisset. & sanè opinione sua talem habuit; ut qui jamdiu è vivis excessisse crediderat. Postea verò quam omnem ex nata historiam intellexit, me filiz servatorem, suumque maximum benefactorem magnificis verbis appellavit, tot gratias egit, tantis me præconiis, tantis laudibus affectit, quantis maximè potuit. Non intra privatam eam domum se lætitia continuit; sed per vagata per universam urbem fama, ingens Nobilium concursus in virginis domum, eam videre cupientium, reditumque tum ei, tum Patri gratulantium. nec quidquam tota civitate, quam Drusillæ reductio, imo exortus narrabatur. Me vero mirari omnes, celebrare, extollere, inque priscorum heroum numerum referre. quas ego laudes libens devorabam. Ubi vero gratulationibus modus factus est aliquis, ad opiparum prandium concedimus, nec semel inter pocula mihi festis vocibus universi convivæ, & erant plu-

plurimi, propinavere. Hæc vero ut dicta, Mecœna-
tem rogo Numquid Neapolim vellet, statimq; una
cum Lælio discessi.

C A P U T II.

*Recitatur Galli cujusdam ode, & mox Authoris
carmen Seculare.*

AD horti prospectum sedebam, & versiculos quos-
dam, quo limatiores prodirent, radebam, cum
Neapoli me Lælius inopinus oppressit: Et Salve, in-
quit, Musarum delictum. Cui ego: Salve, inquam,
meum corculum, statimque eum mecum una lectum
accepi: & quid novi ab urbe apportaret? interrogo.
Tum ille: Habeo, inquit, quod tum mihi, tum ami-
cis omnibus accidit perquam gratissimum. tibi vero
futurum grave haud dubito, scio quippe animi tui
moderationem. Sed velis, nolis, audias oportet. Cui
ego: Quid istuc tandem est? Et ille: Accipe: Quati-
nus, scis viri nomen, & eruditionem. Cui tum ipse:
Cui non dictus ilas. Tum ille: Humanissimus hic vir
oden quandam, quam ei doctissimus Blanchetus Pi-
etavio misit, ad me Roma confestim transmisit, & ut
legerem iussit, cui sine, quæso, ut paream, atque il-
lico recitavit

N. Parthenio G. S. I.

Poëta Clarissimo Neapolitano

*Cum Philippus Dux Andegavensis Rex Hispaniarum
renunciatus esses.*

O D E.

*Partheni, nostra sine te Camœna
Frigens: Clanus sine te moretur*

Flexi-

Flexiles undas : sine te resistat

Penfile plectrum.

Obstupet Phœbiss novitate rerum,

Hinc, & hinc sacri stupuere fontes

Nescii cursus : nova lux Olympo

Orta refulget.

Neapolim insistit nova stella cælo :

Hesperis splendet Cynosura regnis,

Ante non visa, & Pharus hospitalis

Dat nova lucem.

Æmulum Solem patitur, creatque

Ludovix ; clarum sociare lumen

Impigr Soles, parileque cælo

Fœdere gaudent.

Vidimus Solem : radiis cornuscat

Pictorum tractus, faciemque candor

Congener signat, sedet eleganti

Gratia frons.

Partheni, cedit tibi Musa plectrum

Magna nam doctus celebrare versu,

Bellicas artes resonas, daturus

Grandia prælo.

Scribe Regnantem Hesperia Philippum,

Scriba concordēs populos beantem ;

Scribe bis dena imperio potenti

Sceptra regentem.

Helmus auritus fidium canoros

Audiat cantus, Cytharamque Moles

Audiat ponto : Teretisque saxum

Audiat arcis.

Plaudat Etruscum mare, plaudat aquor

Adrianum, & Parthenope canenti

Accinat vasi, emeritumque summis

Inferat astris.

Ut recitavit: Bona verba, tum ego, & tota poetica.
 At Lælius. Sed quando tantus te vir excitavit, ad
 magna te accingas, oportet. Cui ego; Satis, su-
 perque lusimus, ut an Navalia bella absoluturus sim,
 plurimum dubitem. Ad Historiam, ut scis, animum
 applicui: & de hac etiam in ancipiti est animus: adeo
 diminutæ corporis vires. Tum ille: Ne tam cito
 animo despondeas; revivisces Surrentino in Elysi-
 o illo tuo, cujus aër potentissima tibi panacæ: cujus
 ope morbos omnes expellas. Cui tum ego: Non
 inficior, sed elapsos jam annos revocare non potest.
 Tum Lælius; Ut Nestores vivas annos, Superos ro-
 go, quæloque: & si placet, ut de nostris addat tibi
 Juppiter annos, precor. Sed quid istuc, quod inter
 manus est: Cui ego: Carmen sæculare, quod nuper
 habui, & ut limatius iterum prodeat, ad trutinam
 revocabam. Et ille: Quæso, ut recites, nam cum ha-
 buisti, morbo regio præpediuit, non interfui. Cui
 ego: Cantabq; libenter, ut si quid minus placet, ad-
 moneas, atque illico de scripto cantitavi.

CARMEN SÆCULARE

INNOCENTIO XII. PONT. MAX.

D I C T U M

Hic ego non Musas, vatium commenta priorum
 In mea ab umbroso deducam carmina Pindo.
 Nec te per rigui pascentem flumina, Phœbe,
 Amphrysi, quæram, vel in Actæo Arachynto.
 Haud equidem sacros ficto de fonte liquores
 Haurire est animus, nec inani nomine pasci.
 Te, Virgo, summi genitrix veneranda Tonantis,
 Au-

Ausim, sitantum fas est, accersere cœlo.
 Tu, quæ purpureo fulges circumdata Sole,
 Et stellis redimita, facique innixa bicorni,
 Divorum regina, hominumque incedis: & omnis
 Te circum Aligerum pictis exercitus alis
 Funditur, observans, tua jussa explere paratus:
 Tu Nati, tu Patris amor communis, & Auræ
 Ætheriæ, nostrique salus, spelque unica Mundi,
 Divines fontes, & dii carminis æstrum,
 In nostros infunde animos, numerosque ministra
 Æquales operi; quando nova secla paramus
 Dicere, quæ Summus pacato condere mundo,
 Magnanimis jamjam INNOCENTIUS apparatoris:
 Ac toto in terras deducere gaudia cœlo.
 Tuque adeò, magni quem secli Fata pararunt
 Authorem, Romane Pater, cui cernuus uni,
 Per te pacatus, terrarum flectitur Orbis,
 Huc adsis, patrioque, precor, da carmina vatis;
 Ut canere à superis per te data munera Divis,
 Sparsaque per cunctas cœlestia gaudia terras;
 Uique tuas possit laudes, tua nomina ferre,
 Quà nitidus primo consurgit Lucifer ortu,
 Quàque idem fuscus jam Vesper mergitur undis.

Jam circumflexo centenis, cursibus orbe,
 Venturi Parcæ texebant stamina secli:
 Tempore quo Superis mos est antiquus, Olympi
 Sydereas aperire fores, atque alta Tonantis
 Atria, solennes & circumducere pompas.
 Utque ipsi pariter (largissima dona Deorum)
 Spectaculi in partem tanti, pompæque venirent
 Mortales, soliti in cunctas diffundere terras
 Gaudia, lætitiæque, & amicæ munera Pacis.
 Et jam purpureo properabat lumine Phœbus
 Pandere Divorum stellantia limina, & annum,

Annum exoptatum, votis & mille petum,
 Auspicio ordiri læto, cum summus ab arce
 Ætheria Pater in terras sua lumina fixit,
 Visurus, quæ fata hominum, qui rebus inesset
 Terrenis color, & qui agerent mortalia casus,
 Sed vix divinos oculos, vix arduus omnes
 Per terras circum mentem, perque æquora flexit,
 Cum totum densa immersum caligine Mundum
 Prospexit, scelerumque alta cuncta obstita nocte.
 Namque novis odiis, odiisque incensus avitis
 Tartareus Pluto, Stygiis è sedibus omnes
 Per totum pestes vitiorum immiserat Orbem.
 Quas inter discissa nigros Discordia crines
 Prima volat, spargitque faces, atque undique vasta,
 Irritans populorum animos, incendia sufflat
 Bellorum, sociosque in mutua concitat arma.
 Hinc latè exultat Mars impius, aspera miscens
 Prælia: concurrunt gentes, quæ pace quietæ,
 Jamdudum patrios versarant vomere campos:
 Inque vicem cædes, & tristia funera portant.
 Omnia miscentur, jactantur turbine ab uno
 Omnia, jusque datum sceleri, perversaque sacra.
 Quæcùm prospiceret summo regnator ab axe,
 Ingemuit, casus hominum miseratus acerbos.
 Atque hæc divino dedit ore; Tot horrida fluctus
 Martia luctificos tempestas movit, & omnem
 Europam subvertit atrox furialibus undis.
 Nimirum tantos mortalia crimina luctus
 Per tantas meruere neces: gens impia pœnas
 Promeritas luit, & proprio se sanguine pascit.
 At fragili quoniam generi miserescere nostrum est,
 Æmulaque inferni calcanda superbia Ditis,
 Succurrat tanto jactatis turbine rebus.
 Quæque una exortos valeat sedare tumultus,

Atque

Atque suam Mundo faciem, priscumque decorem
 Reddere, sydereo demittam à vertice Pacem.
 Quæque piet populos, & noxas diluat omnes,
 Addam olli comitem Pietatem: operisque minister
 Præclarus tanti, quique aurea secula condar,
 Sit, qui Romanæ dignatus honore Tiaræ,
 Terrarum regit auspiciis melioribus Orbem.
 Hunc etenim, cui munda dedit cognomina virtus,
 Delegi prius ipse, sacra quàm sede locarent
 Unanimes consensu homines; ut scilicet alto
 E cælo Pacem redeuntem, munere nostro,
 Atque unâ acciperet Pietatem, Orbemque piaret,
 Atque novi in terras exordia duceret ævi.
 Idque etiam sacris prædici vatibus ante;
 Nimirum ut gentes cunctæ, populique tenerent,
 Quæ summo præstanda viro reverentia, iussi.

Hæc secum nitidi fatus moderator Olympi,
 Aligerum è tantis accersit millibus unum,
 Magna Patris Magni cui terris nuncia ferre
 Concessum. panis Euro velocius alis
 Ille volat, folioque assistit iussa paratus
 Accipere. actutum placido olli sic Deus ore:

Vade, age, Romuleos in colles dirige cursum,
 Atque hæc Pontifici defer mandata Latino:
 Me tandem cælo Pacem dimittere ab alto
 Decrevisse: cui Pietatem adjungete, & omnem
 Virtutum insignem cœtum, sententia menti est.
 Ipse choro sedem tanto, & solennia sacra
 Digna paret, Latio gentes purgamine lustret,
 Conciliet reges, decernat fœdera, placet
 Iratos populorum animos, nexuque sub uno
 Alliget, & Scythicos in fines bella releget.
 Illum ego, virtutes, reliquos quibus eminet omnes:
 Mortales super, aspiciens; vim scilicet Aequi,

Caadoremque, Fidemque, & Relligionis amorem,
 Ac mites animi sensus, mentemque benignam,
 Pauperibus qua semper opem largitus amicam est;
 Jamdudum è tantis elegi Heroibus unum,
 Hæc ipsa ad rerum præclara, & grandia facta:
 Scilicet ut magnus Pater esset; & arbiter Orbis,
 Venturique auctor seculi, Pacisque sequester,
 Atque sator Pietatis, & illo ut Principe cuncta,
 Expulsis longe Furiis, & Dite fugato
 Claustra sub inferna, antiquo reddantur honori.

Hæc Pater Omnipotens. confestim nuncius ales
 Præpetibus cursum pennis rapit, & secut altum
 Æthera, diffugiens, nitidum ceu fulgur: & alis
 Dispulsus paribus lævè circumsonat aër.
 Et jam descendens Eoo à cardine summa
 Attigerat Tauri fastigia: jamque Chymæram
 Deserit, & monstrum, monstrique incendia ridet.
 Mox volat Ægæo, sparsasque in fluctibus altas
 Despectat Sporades. Cy ladesque, & Gæossia regna:
 Spectat & Eubœam, & toto jam gurgite menso,
 Pelion appropians, altumque intersecât. Oetam.
 Quos cùm prospiceret, placido dat talia risu:
 O claros ausus, & grandia cœpra gigantum!
 Hinc se Parnassi geminata in culmina librat:
 Et Pindum læva, fortunatosque recessus
 Musarum, & Phœbi, dextraque Heliconæ relinquit.
 Nec mora fulmineis pulsata Ceraunia flammis
 Jamjam succedens celer occupat: inde profundum
 Jonium cursu tranat pernice; propinquam
 Mox tenet Hesperiam: perque alta cacumina longi
 Sub paribus pennis delabitur Apennini.
 Illicet & vasti dimensus culmina montis,
 Se tandem sacro Tarpæi in vertice sistit.

Tempus erat, quo blanda rosis Aurora coruscis

Se

Secomit, jam prompta mari consurgere, & Orbi
 Optatum deferre diem prænuucia Phœbi;
 Cum Pater è thalamo surgens Romanus ad aram
 Se flectit, funditque preces: & Numina toto
 Pro grege sollicitus, pro sponsa exorat; ibi ales
 Summo missus ab axe supervenit, & jacit ore
 Talia divino: Superi me rector Olympi
 Ad te, Magne Pater, demisit: & illa refert
 Jussit, agenda tibi quæ sunt, quæque ipse misertus
 Fata hominum optasti jamdudum supplice voto:
 Nimirum afflictis pacem concedere rebus,
 Atque omnem lustrate gregem, Mundumque piare
 Criminibus, sævi quæ multa licentia Martis,
 Et rabies hominum, & diri furor intulit Orci:
 Atque futura ævi primordia condere, quæ jam
 Concordes auro subtexunt ductile Patrà.
 Ergo age, quandoquidem tantarum ad munera rerum
 Te Pater Omnipotens delegit, & omnia volui
 Sub pedibus, vertique tuis mortalia jussit.
 Numinis i magni divina ad cœpta minister:
 Junge animos regum, populorum pectora flecte:
 Da pacis leges, mala crimina dilue, scelum
 Conde novum, cunctisque viam sub lydera pande.

Hæc postquam roscò effatus dedit aliger ore,
 Se subito, expansis in cœlum sustulit alis.
 Quæque viam secuit; fax lumine clara refulsit:
 Atque ætër circum dio spiravit odore.
 At Pater Aligeri summo dignatus honore,
 Illicet aggreditur magni mandata Tonantis
 Explete, & finem tantis imponere cœptis.
 Ergo ubi Sol fuscis rediens aurtus ab Indis
 Extulit Oceano curtum, lucemque revexit,
 Tarpæjam in sedem sacrum de more Senatum
 Imperat acciri: confestim murmure factò,

Acciti veniunt Patres, diumque subintrant
 Limen, & auratis se cuncti in sedibus aptant.
 Hinc postquam siluere, throno sic inquit ab aureo
 Tum Pater, & lætis implet sermonibus aures:

Quod precibus multis, dudumque optavimus, illud
 Nunc tandem Omnipotens solio miseratus ab alto,
 Annuit: & Pacem mortales visere rursus,
 Et secum Pietatem unà deducere Olympo,
 Cumque novo jussit diffundi gaudia seculo:
 Quare agite, hæc mecum molimina grandia rerum
 Suscipite, in partemque operis succedite tanti.
 Hæc ubi, qui pulchra sunt majestate decori,
 Quique tonant acri eloquio, ingenioque potentes,
 Deligit, ut magnos ad reges sacra reportent
 Mandata, & dictis animos ad fœdera flectant.
 Utque, jubente Deo, deponant arma, furoremque
 Et tandem à prædis, ignique, & cæde tenentes,
 Conjungant socio se fœdere, seque vicissim,
 Depositis odiis, puro amplectantur amore,
 Fœdataeque pient fraterno sanguine dextras.
 Ipse sed interea solennes ducere pompas
 Molitur, condenda quibus sacra secula Mundo
 Auspiciis Divum magnis, atque omine læto,
 Ordiri incipiat, sacrisque insignibus ornet.

Est Vaticani clivoso in vertice collis
 Regifico moles sumptu, luxuque superbo
 Instructa, & summo Divorum sacra Tonanti,
 Magnum opus, & regni pro majestate Latini.
 Quo nil Roma potens, nil majus jactitat Orbis,
 Magnorumque ferax operum generosa vetustas,
 Nec quidquam Romana colit sacratius usquam
 Relligio, & magni clarescit nomine Petri,
 Marmoribus surgit niveis, variataque saxo
 Barbarico, Numidaque excisæ à rupe columnæ.

Longa

Longa laboratis queis projectura coronæ
 Capitulis super incumbit, circumque recurrit,
 Incingens templum, sculptura insignis, & auro;
 Altera Divorum quo non est ditior ædes.
 Vasta sed in cœlum testudo attollitur, alti
 Æmula Soraëtis, vel nubiferi Apennini,
 Stellatumque ferit stellato vertice Olympum.
 Concava depictis Divum nitidissima signis,
 Quæ spirare sua sub imagine, viva colore
 Nativo credas, fulvoque ardere metallo.
 Quo vestita tholi fastigia summa superbi,
 Atque extrema simul confinia, quæque figuras
 Appictas inter spatia interpesta nitescent.
 Clarum opus, & factum se dicere posset Apelle.
 At verò insculptis circum convexa resident
 Marmoreque, statuisque: & cœlo insignia docto
 Ampla fenestrarum fulgescunt limina, & arces
 Magnifici, cardoque auro variatus: & omnis
 Ex opere insigni moles externa superbit.
 Ut Polycletea se natam dicere dextra
 Posset, & astringero similem se fingere Olympo.
 Hujus ab augusto Romani limine templi
 Dum sacra Pontificis vox intonat, alta Tonantis
 Redduntur populis, totique oracula Mundo.
 Sancta hic Religio cultu veneratur avito
 Regnatorem Orbis, Divumq; hominumq; parentem;
 Atque adolet pia thura: patrumque è more vetusto
 Mille sacerdotes persolvunt sacra: Supremo
 Inque cruenta Patri mactatur victima Natus,
 Natus, quo cuncti sunt Salvatore redempti
 Mortales, propria noxa, noxaque paterna.
 Huc reges sua dona ferunt, huc cardine ab omni
 Terrarum populi venientes vota resolvunt.
 Omnes hic gentes divino fonte lavantur

Sordibus à cunctis; animisque, & corpore mundæ
 Instar olorini canescunt alitis, æstra
 Ut volitare super, numerumque augere beatum,
 Cumque ipso regnare Deo per secula possint.

Augusto in templo binæ sub cardine valvæ
 Vertuntur solido, nitidoque ex ære rigescunt.
 Quarum perpetuò cunctis hæc una patescit,
 Nomen adoratum quo quot delubra subintrant.
 Altera centenis ubi magnus cursibus annus
 Incipit, atque novo conduntur secla metallo,
 Pontificis Magni dextra referatur; & illa
 Quo quot templa petunt quocumque è litore Mundi,
 Ac sacra Romano peragunt de more, piantur
 Criminibus, vitam quæ commiseri per omnem:
 Atque iter ad Superos sibi tutum, & Olympia regna,
 Ad quæ progeniti magno sunt munere Divum,
 Lactea per nitidi pandunt vestigia Cœli:

Ergo ubi jam tempus, composito sedere, Pacem
 Accipere è cœlo venientem, unàque beatum
 Virtutum cœtum, sacraque sub arce locare:
 Scilicet ut magni menses auctoribus illis
 Exoptata novi facerent exordia secli:
 Tum Pater ornari cultu delubra superbo
 Præcipit, & Phrygio vestirier omnia textu,
 Omnia Sidonio fucata ardere sub ostro.
 Et jubet Attalico pariter, Batavoque labore
 Marmoreum splendere solum, cultuque Britanno.
 Inferni flores, ornari floribus aras;
 Balsama succendi, sylvasque ardere Sabæas,
 Quidquid & Ægyptus, quidquid Nabathæa remittunt
 Regna vaporiferi, Persique, Eoque tellus.
 Ordine sed longo solennes instruit ipse
 Interea ad templum pompas, comitante Senatu
 Purpureo Patrum; quos totque induta corusco

No-

Nobilitas sequitur : totaque ex urbe Quirites
Effusi, retrò succedunt agmine longo.
Ipse Quirinali gradiens spectabilis ostro,
Et nitidus gemmis, & tempora sacra Tiara
Tergemina redimitus, & ore verendus, & alta
Majestate, Deo similis qua cernitur ipsi,
Cœtum inter Patrum, turmasque incedit ovantes,
Pone chorus geminus, geminas divisus in alas
Subsequitur, citharas, sistrumque, & nablia pulsans,
Arte, modis, numero, & concordî personat ore
Divinas laudes, Superosque ad grandia cœpta,
Auspiciis properare bonis, & adesse secundos
Supplicat, ingeminansque preces gens assonat omnis.
Undique septeni festivo carmine colles
Responsant : & tota sacro per compita passim,
Perque vias omnes subsultat murmure Roma :
Et cantu, cytharaque poli convexa resultant.

Jam sacrum ad templi limen pervenerat agmên
Purpureum : in binas hic se tum distrahit alas :
Amplaque per medium fit semita : totaque longo
Ordine flammaram, pompaque ardente relucet.
Hâc se Romuleus Princeps ad operta reducit
Limina, queis sancti capiunt exordia menses.
Mox veteri de more sacras discindit acuto
Vestæ fores, referat valvas, aditumque recludit.
Quo novus auspiciis currat felicibus annus,
Qui subitò festa populi, Patrumque, Equitumque
Voce salutatus, plausuque exceptus ovanti est.
Vix dix patuere fores, cùm lumine claro
Ingens delubrum complexa est undique flamma ;
Auditusque sonus, validi ceu fluminis ætî
Disrupta de nube : omnisque à vertice collis,
Et templum visum est, & subsultare columar.
Mox scindi cœlum, cœlique à limine primo

Auræ

Aurea Pax rosea, celerique inuenta quadriga,
 Conspecta in terras descendere : cui comes alma
 Assistit Pietas : circum pennata recurrens
 Nobilitas placidis expandit nîsibus alas :
 Carminibusque vago levis implicat orbe choreas.
 Quos inter cantus vox hæc audita : Quirini
 Augustum ad collem summo descendimus axe,
 Imperio Patris Magni, qui visere terras,
 Commotumque jubet bello componere mundum ;
 Ut longe tenebris vitiorum, armisque fugatis,
 Protinus incipiat seclorum nobilis ordo :
 Aurea quo terris, orsis felicibus, ætas
 Perpetuum victura fluat : cunctæque revinctæ
 Interea Furia, pestesque, horrendaque bella,
 Et fraudes, iræque, antris claudantur Avernis,
 Ast, INNOCENTI, summorum hæc munera Divum
 Virtutes meruere tuæ, te maximus unum
 Respexit Pater : & facilis tua vota, precesque
 Audit, & casus hominum miseratus Olympo est.

Hæc postquam læva cælum de parte serenum
 Intonuit, latèque faces micuere supernæ ;
 Continuo magnum populorum murmur obortum
 Numen adorantum, tensisque ad sydera palmis
 Promeritas tanto grates pro munere habentum.
 Mox roseo è curru concordi fœdere Pacem,
 Et sociam accipiunt Pietatem, omnemque Dearum
 Felicem cætum : & pompa solenne reponunt
 Sede sub extructa, medioque in fornice templi.
 Immortale tuum, INNOCENTI, & grande trophæum :
 Quo non Pontifici Romano illustrius unquam
 Ponere venturi poterunt in secla nepotes :
 Visere nec majus, quotquot miracula Romæ
 Ex omni veniunt spectatum limine Mundi,
 Per tantas populi terras, perque æquora tanta.

Cui

Cui liceat vati carmen superaddere ; ut omnis
Hæc tua posteritas dum grandia munera noscet,
Et meritas referat grates, & laudibus ornet
Te, nomenque tuum, dignosque indicat honores.

Immodico quæstu purgata, & moribus aula,
Castigatus amor Generis, data jura Nepotum
Pauperibus: cultus sacris altaribus auctus,
Aucta fides, reges lustrati, & regna recepta;
Aurea Pax populis concessa, Orbisque piatus:
Instructæ moles, nova secula condita Mundo,
Magnum INNOCENTII opus est, & nobile donum;
Cui facer hæc vates monumenta perennia ponit.

Quibus cum finem fecissem, & Lælius probasset, ad
alia digressi sumus.

C A P U T III.

*Dum in hypæthra ad Vesuvii conspectum confeditur,
multa de illo quasita, cunctaque illius incendia
brevisiter recensita.*

SEdebamus quodā mane ego, & C. Menlius in sub-
diali ambulatione, ex qua amœnus ad Vesuvium
prospectus patet. ut verò otium falleremus, libel-
lum legere cepimus: erat hic Martialis; cum autem
plurima epigrammata recitasset, ad hoc tandem
ventum,

*Hic est pampineis viridis modo Vesbius umbris,
Presserat hic madidos nobilis uva lacus.
Hæc juga, quam Nisa colles plus Bacchus amavit,
Hoc nuper satyri monte dedere choros.
Hæc Veneri sedes, Lacedamone gratior illi;
Hic locus Herculeo nomine clarns erat.*

Cun-

*Cuncta jacent flammis, & tristi mersa favilla:
Nec superi vellent hoc licuisse sibi.*

Ut Manlius perlegerat, satis inquit, cum hoc poëta: quæramus nunc ipsi etudita, & primò cur Lesbios, & mutata deinde litera, Besbios, & Vesuvius appellatus? Cui ego: Censent quidam ita dictum à græca voce *εσβιον*, & *λεσβιάζειν*, quæ ducta à Lesbios de nominatione, quorum impudici mores, obsceno ore loqui sonat. Nec sanè quidquam hoc monte oblectius putant, cum flammeo eructans ore evomit incendia: ac fæda illa sulphurei ignis, ac bituminosi illuvie universa conspurcat. Alii mores, ipsos notari dicunt: quibus circum accolæ, præcipuè Nolanis male audiebant. Atque hinc illud Ausonii enim de Crispæ libidine loquitur,

Et quam Nolanis capitalis luxus inussit.

Hic Manlius: Num recitatus nuper poëta hanc ideo Veneri sedem dilectam affirmavit? Cui ego: Ita enim verò. Siquidem Osci, qui prima hæc loca tenuerunt, libidine maxime notabantur: non secus ac Cyprii, Lesbii, ac Lacedæmones. Nonnulli Besbium à Gygante quodam dictum opinantur, qui ab Jove ictus sub hoc monte consepultus est. Et si alii Alcyoneum hunc vocent. Finxit enim antiquitas ignivomis sub montibus Gigantes jacere, quos in cælum pugnare ausos, fulminibus Juppiter disjecit. sic sub Æthna Enceladum, sub Ænaris Typhæum, Mimanta vero sub Prochyra latere fabulantur. Atque dedita hinc occasione, ait Philostratus, Neapolitanos Alcyonei gigantis ossa jactare solitos. Teneo ista, tum Cajus. quare, si lubet, pergamus ad alia. Ante memorabilem illam eruptionem, quæ in primum Titii annum incidit, putasne alias Vesuvium exarsisse? Cui ego: Aio enim verò: & author est Strabo, qui

flo.

floruit Augusti ætate. Siquidem eo tempore summa montis planities cinere oppleta erat, & saxa in cavernis ambusta visebantur, quando autem incendium contigerit non liquet. & alias etiam, sed longo admodum intervallo, verisimile oppidò est. etsi ob temporis vetustatem memoria occiderit omnino. Tum Cajes: Id mihi facile persuadeo. quis enim conflagrassè antiquitus eum neger, sub quo antiquissima incendiorum materies continebatur. Sed numeremus, si tibi gravè non sit, quot post illam Titi, conflagrationes extiterunt. Faciam, tum ego: sic enim otii fastidia detergemus. Postquam trecentos, & octoginta annos quievit, ut nullus iam de illo timor incolis esset, ex improvviso sub brevem Olybrii principatum, tam immenso incendio exarsit, tantam cinerum vim effudit, ut longum terrarum tractum caligine obduxerit. deinde, Theodorico in Italia regnante, iterum conflagrassè traditur, & tam vasto incendio, ut universam Campaniam vastaverit. Deque hæc Vesuvii eruptione extat elegantissima Cassiodori Epistola Theodorici nomine ad Faustum scripta, de remissione tributorum, quæ Campani solvere soliti erant. Præterea eo anno, quo Belisarius Neapolim expugnavit, eructavit rursus: etsi non tanta vastitas secuta sit: imo plus timoris, quam damni intulit. At major fuit eruptio, quæ anno xvi. Constantini v. accidisse perhibetur. quo etiam tempore, tota Italia, tanta topitrua insonuerit, tanti effusi imbres, tanta fulmina ceciderunt, ut plerimi mortalium, una cum brutis interjerint. quæ mala non ultimum quidem illud consecutum est, eruptio scilicet Saracenorum in Africam, ac postremum Carthaginis excidium. ea enim malorum natura est, ut non sola in mortales irruant, & ple-

rumque

rumque calamitatis appendix gravior est ipsa calamitate. Sed pergamus porro. Anno ab orbe instaurato DCCCCXCIII. intercapedine CCCVIII. annorum facta, iterum improvisus immegit, adituque vi referato, universam penè Italiam insolitis flammaram eruptionibus perterruit. Annis vero uno, & triginta interpositis, rursus sub Benedicto VIII., & Henrico Principe, in vastissimum erupisse incendium multi memoriæ tradiderunt. Hoc loco Manlius: Haud equidem credidissem, tantum irarum in Vesuvio nostro inesse, ut tot vicibus exarferit. Cui ego: sed multæ restant, & nostris temporibus iræ impotentior visus est. Ambrosius Nolanus vir quam maximè eruditus, refert sua ætate Vesuvium mōtem ignem evomuisse. antea verò quam effervesce cepisset, terribimū visum ærem, tantaque insolenti caligine obductum, ut magno cunctis terrori esset: pluresque per dies immani æstu montis viscera effervuisse. mox ubi ignis vis illa deferbuit, concoctaque materies, quæ intus æstuabat, cinere subrufo longè, latèque pluisse: ut cuncta tenuissima veluti nive obui, obtegi que cernerentur. Hic Manlius: Memini me apud quendam Auctorem legisse ante hæc tempora anno M CCCVI. sub Benedicto IX. Pontifice, memorabile incendium contigisse. tenes illud? Cui ego: Ille auctor, ni me fallo, Ænariensem conflagrationem ad Vesuvium transtulit. imo & error est in Chronologia. nam eo anno non Benedictus IX., sed Clemens V. Benedicto XI. successus, sedebat. Tum Cajus. Igitur vel Ænaria exarxit? Ita verò, tum ego: & quidem anno MCCCII sub Bonifacio VIII, quo tempore vetustissimarum eruptionum memoria desierat omnino. nam antiquissimis temporibus cōflagrasse nulli dubium. tan-

tus

tus vero sulphureus ignis egestus, ut incolas fere omnes unà cum brutis deleverit. tanta item pumicum copia eiecta, ut totum circa mare obtexerit. plurimus verò cinis ab his centum millia passuum latè effusus est. Tum Cajus; intelligo. at legi etiam apud Munsterū, nostrū Vesuvium anno MDXXXIX effervescente iterum sinu, tantum cineris eructasse, ut novus illico mons congesto ex cinere assurrexerit. Cui ego: At falsus, bonus cæteroqui author. ea enim eruptio ad Gaurum potius pertinuit, quem juxta ex Lucrino lacu incendium erupit: atque is mons enatus, qui Puteolano in sinu visitur, cinereusque ab indigenis appellatur. Sed pergamus ad eas eruptiones, quæ hoc seculo acciderūt, & quarum plurimas nos ipsi vidimus: quando senescente iam mundo, succumbere eo morbo, quo absumpturus tandem est, videtur. Et quidem memorabilis fuit illa, & terribilis quàm maximè, quæ sub finem anni MDXXXI. XVIII. Kal. Jan. occurrit. ex quo servata miraculo non solum nostra Neapolis, sed universa Campania fuit. tanti eo tempore terræmotus percrebuere, ut horrendū in modum cuncta oppida quaterentur. tanta cinerum copia, ut ad plures supra terram pedes assurrexerit, ac sata omnia obruerit. tanta ignitorum lapidum, imo rupium, procella, ut arbores, tecta, domos, imo, & ipsas urbes dejecerint. ex cratere autem ignivomo amplissimus sulphuris, ac bituminis inflammati fluvius, tanto impetu effusus, inque septem mox ramos dissectus, præcipiti in mare lapsu diu defluerit; neque solum obvia quæcumque in terris habuit, exusserit; sed ipso in mari duodecim solidos dies efferbuerit, fluctusque depastus sit. ex adverso autem montis latere ingens fetidarum aquarum torrens erupit; qui

latè effusus, ac bulliens, quamplurima circum loca inundatione sedavit. Secuto mox anno, Februario mense mirum in modum recrudit incendium, atq; vastitatis metus renovatus est. tandem manifestissimo D. Januarii beneficio, & nostra Neapolis, & universa Campania, & timore simul, atque incendio liberata. Sed reliqua persequamur. Anno MDCLX. V. Non. Jul. ambustus montis crater emicuit, atque inter immanes fumi vortices, magnam vim cineris, ac lapidum eructavit: nullis tamen concussionibus mons tremuit, nullo igneo fluvio detonuit: quocirca innoxiiis minis exarsit. Hoc loco Manlius: Istuc tu certè incendium spectasti? Cui ego: Propemodum; eram enim quatuordecim annos natus: sæpiusque in apertum prodivi, ut insuetam meis rem oculis attentius contemplerer. Hanc vero conflagrationem altera secuta est post annos XX. quæ etiam magno mugitu, magna flammarum eruptione ceperit, magno sparsorum cinerum imbre, ad dies aliquot continuaverit, innoxia tamen fuit. Eo me tempore totum in scribendis Nauticis occupatum Vesuvii fragores excitarunt, & meum nescio quid Bellici in animum injecerunt. Hoc loco ita me Cajus interpellat: Num nam ex illo montis incendio similitudinem illam deprompsisti, quam habes lib. III. statimq; versus recitavit.

*Ac veluti ruptis, gremio fervente, caminis,
Ingentes scopulos, & grandia saxa sub auras
Vesbius agglomerat, disjectaque viscera montis
Erigit eructans, & sydera verberat imbre
Saxorum: totius radicibus egeritur mons.
Flammarum erumpunt cunei sub nubila, & ingens
It cælo fumus, latèque obrubilat astra;
Præcipitesque ruunt pice nigra, & sulphure mixto*

Ar-

*Ardentes fluvii; rapida flammante flavilla.
 Subjectas replent vallis: atque omnia circum
 Arvaque, litoraue, & villa vastantur, & urbes.*
 Cui ego; ut recitavi: Divinaſti, tu quidem Manli.
 cæterum quoad reliquas eruptiones ſpectat, duæ aliæ
 memorabiles ſubſecutæ, una V ab hinc anno, de qua
 ego in ſtatibus Surrentinis mentionem feci, altera
 quam ſuperiore anno vidimus. verùm de his plura
 dicere ſupervacaneum. Tum Manlius: Admodum,
 quocirca ad alia ſermonem transferamus. & illud
 ſummopere ſcire aveo, verumne ſit, quod ajunt,
 Veſuvii cinerem in maximis eruptionibus, nō ſolum
 in Ægzum, ſed Conſtantinopolim uſque, imo in Li-
 byam, Ægyptum, ac Syriam delatum. quod qui-
 dem Hieronymus Borgius his verſibus eleganter
 ſcripſit:

*Senſit procul Africa tellus
 Tunc ex pulvereis geminata incendia nimbis.
 Senſit & Ægyptus, Memphisque, & Nilus atrocem
 Tempeſtatem illam Campano à litore miſſam.
 Nec caruiſſe ferunt Aſiam, Syriamque tremenda
 Peſte: nec exantes Neptuni è fluctibus arces,
 Cyprumque, Cretamque, & Cycladas ordine nullo
 Per pontum ſparſas, nec doctam Palladis urbem:
 Tantaſt inexhausſtis erupit faucibus ardor,
 Ac vapor, Oromedon vomeret cum fervidus iram:
 Terrigena horribilis Veſuvina mole ſepultus.*

An verò hic poëtica uſus hyperbole belliffimè luſit?
 Nam ſi benè memini, ridet hæc Bodinus, & eo loco
 habet, quo poëtarum commenta, & aniles nugæ. Cui
 ego. Haud equidem, poetica hæc ſomnia, vel fabel-
 læ aniles: ludit ipſe Bodinus: qui dum ſe Hiſtoriarum
 pene omnium cenſorem facit, tum maximè omnium
 ſe cenſuræ obnoxii exponit. Non enim mentitus eſt

Dio, cujus hæc verba: *Τοσάντη γάρ ἡ πᾶσα κόνις ἐγένετο, ὥς' ἀπ' αὐτῆς ἦλθε μὲν καὶ ἐς Ἀφρικὴν, καὶ Ἀσίαν, καὶ Αἴγυπτον.* Non Cassiodorus, vir antiquæ fidei: qui Theodorici nomine scribens, hæc ait: Volat per mare magnum cinis decoctus, & terrenis nubibus excitatis, transmarinas quoque provincias pulvereis guttis complevit, & quid Campania pati possit agnoscitur: quando malum ejus in orbis alia parte sentitur. Non Marcellinus, qui hæc memorix prodidit: Vesuvius mons Campaniæ torridus intestinis ignibus æstuans, exusta evomit viscera, nocturnisque in diem tenebris omnem Europæ faciem minuto contegit pulvere. Non Sigonius: qui addit tanto terrore Constantinopolitanos percussos, ut Leo Cæsar urbe excesserit. Non tandem Baronius gravissimus author, mentitus est. Hic statim Manlius: Ne quæso, te amplius vexes: satis enim testium est. Sed quæramus, si lubet, qua id causa effectum sit. nam etsi id præter Naturæ leges fieri potuisse, non dubitem: non tamen ad sacram semper anchoram, & ut ajunt, ad aram confugiendum. Cui ego: Rectè æxtimas, cum enim sua sponte natura suppetit causas, non est ab illa desiscendum. Si ita, tum ille, qua id ratione evenisse arbitaris? Tum ego: Dicam compendio, quid sentiam: aliò enim negotiolum me quoddam vocat. Quia pulvis ille Veluvianus, qui unâ cum fumo effervescentis vi æstus in sublime intorquebatur, levitate præditus quàm facile pendulus in aëre perstabat: perflantibus mox ventis impulsus in longissimas regiones pervolabat: quoniamque à variis ventorū flatibus agebatur, ideo nunc in Libyam, nunc in Thraciam deferbatur. Enim verò, si vicinas in provincias ventorum impetu actus quam brevissimè excurrit & hujus loculentissimi testes

stes rei sunt, cur etiam non potuit vehementiore, ac continente illorum flatu in remotissimas etiam terras pervenire? Hic Manlius: illæ igitur pulveræ nubes eo deferebantur modo, quo reliquas versari per aërem videmus. Cui ego: Ita prorsus. Quia, verò ille cinis non totus ejusdem levitatis erat, dum ulterius impellebatur, gravior depluebat, levius longius, ac longius agebatur. atque isto modo factum est, ut in Libyam, Asiamque pervolaverit. Tum Manlius; Istuc satis exploratum, reliqua nunc pergamus agere. Antequam superiore anno MDCXCVIII. qui ob pactam inter Europæ Principes pacem memorabilis in fastis erit: & quem tu eleganti illo carmine, niveo instar lapillo, quod in Autumnis Surrentinis est, signasti; Vesuvius festivis primo ignibus applaudere; mox verò caminis supra modum accensis, mugituque immani, renovare iterum bella visus est: scis equidem ad plures ab litore passus mare subdisse, nec quidquam propius factum; quam naves in sicco consedissent: id quoniam insuetum nostro in Cratere, portenti loco habitum. putasne tum, aquas per occultos terrarum meatus, in cavernosæ montis defluxisse? Cui ego: Id mihi verisimile visum: & fore, ut brevi in incendia Vesuvius erumperet, amicos præmonui. arida quippe materia, è sulphure, bitumineque adusta, ea aqua paulatim cepit fermentescere, tandem æstuans, ac bulliens è summo Crateris ambugi labro, immani illo torrente effusa est. Tum Manlius, inrelligo. Verum anne calidus ille, atque adurens imber, qui per aliquot dies latè depluens, segetes omnes, fructusque arborum corrumpit, ex illa aqua effectus? Cui ego: Aio enim verò: siquidem densissimus tum cinis, atque humidus depluebat. Ego primo credidi ex Aureo monte, qui su-

pra Stabias est , pluviam illam eo ad nos vento deferri , qui æstate post meridiem oriri solet , & Tropeum dicimus . mox verò , ab monte Vesuvio eructari animadverti : & compertum ab multis habui , qui per ea loca accensis facibus medio in die iter faciebant . At fulmina illa , tum Manlius , quæ tam crebra , atque horrenda inter densissimos fumi vortices identidem coruscabāt, è montene erumpebant? Cui ego; Ita verò , ex eo enim halitus ignei ascendeant, qui mox præ frigore coacti in fulmina exardebant . quod quidem vasti incendii argumentum erat . quod & in aliis conflagrationibus , & ea vel maximè, quæ in annum MDCXXVI incidit , exploratum perhibetur . Atque hinc pariter immania illa tonitrua exaudiebantur . suppeditante enim Vesuvio materiam, inter fumi, pulverisque nubes detonabant . Intelligo hæc , tum Cajus : At cur illud , quod mihi oppido mirum visum est : ex albicante, nimirum cinere, confectum tum esse , jamjam desitutum incendium? Cui ego: Id Siculus quidam, qui Æthnæo incendio interfuerat, Herculanensibus prædixit , & bona spe eos esse iussit. Id ego ex eo fieri arbitror : quia cum primo fervere incendant , præ nimio humore , qui in fumum convertitur , nigræ erumpunt flammæ, niger torquetur cinis : deservente mox igne, siccior materia in album vergit, atque fumus ille albidæ instar nebulæ elevatur : cinisque item albidus est . quod quidem in universis incendiis usu venit, & videre cuique est . Atque hæc, ut dicta, ad negotiolum me contuli .

C A P U T IV.

*Magnificentissima villa Magni Ducis Etruria; qua
non longè à Florentia, in colle, quem Pratoli-
num Thusci dicunt, sita est, accurata
descriptio.*

SEdebam cum Mæcenate in Agrunda: eratque
mecum Lælius, cum Mæcenas, quoniam, inquit,
in aprico hoc, amœnoque projectu ad placidissimas
Zephyri auras confedimus, & otiosis esse eruditis nō
licet, quæso, ut pulcherrimam villam illam, & perquā
magnificam, quam te summa admiratione in Etruria
vidisse, alias dixisse memini, nobis, qui illic mini-
mè fuimus, ob oculos ponas, ut nostros oblectari
animos saltem pictura concedatur. Cui ego: Fa-
ciam lubentissimè, tum ut tibi morem geram, tum
ut sic quas possum gratias humanissimo Principi
referam: qui me se invisentem summa benevolen-
tiâ complexus. Et sanè tanta in eo humanitas, tan-
ta comitas, ac magnificentia, ut majorem non desi-
deres. mitto mores suavissimos, ac probitatem sin-
gularem, quibus ille regium animum, ac vere Ma-
gnum exornavit. sed rem cominus aggrediamur.
Est igitur in umbilico Etruriæ, quā hæc ad Apenni-
num vergit, amœnissimus quā positu, quā prospectu
locus, cui ab amœnitate, ac pulchritudine inditum
ab indigenis nomen. in eo villa regio planè sum-
ptu, ac structura mirabili ædificata. duo illam ne-
mora hinc, inde præcingunt: jucundissimi circum
colles, frondenti veluti serico coronant. ampla pla-
nities ante regias ædes, quæ dextrâ assurgunt, ex-
tenta jacet, ex qua per geminos gradus, qui in-

apertum palatii vestibulum matmoreo præcinctum
 balauſtio, terminantur, in eaſdem ædes viridi præ-
 cinctas prato, conſcenditur. In angulis geminæ
 turres, geminis obeliſcis exornatæ, in quibus vigi-
 les ſtationem habent. antica ædium pars, ac prin-
 cipalior, ad ſeptentriones convertitur, altera ad
 meridiem convergit. Hoc loco ita me Mæcenæ in-
 terpellat: Quot paſſuum millia Florentia locus abeſt?
 Cui tum ego: Ferunt V, non amplius. at mihi lon-
 giſſimum iter viſum eſt: ni forte Florentina millia-
 ria plus juſto longiora noſtris ſint. ſed redeamus
 ad magnificentiſſimas ædes. in illorum conſpectu
 ampliſſimus campus eſt, in quo vaſtiſſimus gigas ex
 lapide fictus aſſurgit: atque Apennini, cujus epigra-
 phen præfert, vices gerit. eo autem ſitu ſeder, quaſi
 inclinare ſe honoris gratia vellet. manu ſuper dra-
 conis caput incumbit, qui ex ore perquam amplo,
 in largiſſimum fontem aquam infundit. Gigantis
 corpus ab imo ad ſummum uſque faſtigium, vacuum.
 caput turritæ inſtar columbariæ effictum, faſtigia-
 tumque eſt, ejus aures, atque oculi fenestellæ ſunt ed
 excipiēdas columbas. Juxta gigantis humeros elegā-
 tiſſima ex marmore addita nuper aquila, quæ roſtra-
 to ex ore copioſiſſimam aquā ſpargit, quaſq: Iovi ſer-
 vat, jaculari ſagittas credas. Cāpum in cuius proſpe-
 ctu Apenninus aſſurgit, perquam pulcher præcinctus
 amplectitur. in quo ſex, & viginti loculamenta ex
 elaborato ferro, hederaque conveſtita poſita ſunt: in
 quorum ſingulis ſingulæ ſtatue, ex niveo marmore
 elegantiffimè ſculptæ viſuntur. in hunc verò cam-
 pum, tam magnifico exornatum theatro per ferreos
 chalcros ſfabrè effictos, perque totam campi latitu-
 dinem extenſos, venientibus aditus parer.

In eminentiori elivo, qui in conſpectu ædium ſur-
 git

git, Marmorcus stat Juppiter, qui hinc Aquilam è nigro marmore; hinc aureum in manu fulgur habet: qua non ignem, sed nitidissimā quaquaversus aquam magno impetu evibrat: ut qui non fulmine terrere homines, sed delectare ludicro velit. Ad nitidissimum hunc Jovem duo ampli, rectique tramites ducunt: in quorum extremis longi lapides pumicosi, inque medio amplissimorum fontium extructi pulcherrimam scenam exhibent. Sed in campum redeuntibus occurrit ad dexteram in ipso sylvæ aditu domus ovatum fastigiata in fornicem, inque sex latera distincta: quæ circum duodecim innixa columnis porticus visitur. fornix in tholum conformatus plumbeis laminis intectus est. Ex hac rectâ descendentes elegantissimum Persei simulacrum serpentis dorso insidentis obviam habent. statua in pumicoso monticulo collocata. serpens continuo aquæ effluxu sibilare creditur. Infra Æsculapii signum serpentem alterum manu tenentis aspicitur: è serpentis gutture nitidissimus fons emicat: quæ dum cerneremus miram haussimus voluptatem. Hic Mecœnas: Credo equidem: quando maximam nunc ego ex illorum pictura percipio. maxima profecto ea lux, cujus vel umbra conspicua est. sed perge, ut facis. Cui ego: Contendam illicò: nam extra lineam transilire, res beuè longa non patitur. Antrum ulterius est è pumicibus fabrè coagmentatis instructum: in quo suis cum catulis ursa reposita, mira que concinnitudine exornata uberem aquam effundit.

Sed miranda quantūvis hætenus descripta sint, longè tamen mirabilia, quæ ad meridionalem ædium partem visuntur: ubi in adinveniendis machinis cum natura certare ars, & felici quidem conatu videtur: ut nimirum per ludicra aquarum inventa perpetuam
 præ-

præbere spectatoribus voluptatem valeret. Ad Meridiem igitur ædium, perquam amplum vestibulum, ex quo geminæ scalæ rotundæ, marmoreisque balaustris adornatæ in planum ab ædibus exeuntes perdunt. atque hic ludicrum illud discrimen impender, ne orta ex improvise non è cœlo, sed è terra pluvia benè perpluas. siquidem utrinque ex singulis gradibus improvise ab occultis syphunculis aquæ emicât, quæ sibi mutuò occurrentes testudinem exhibent. tanta vero aquarum copia est, tam subito erumpit impetu, ut effugium nullum in promptu sit: Hoc loco festivo Mœcenas risu: Maduistis, inquit, benè quotquot in comitatu eratis? Cui ego: Ceteri, qui ignari dolorum festinato pedem gressu primi è vestibulo extulere, affatim perpluere; ipse qui ultimus tardiore ibam gradu, statim me intus recepi, & sic levi aspergine perfulsus sum. At pergamus porrò inter hos gradus, & vicinum antrum cui ab immani aquarum effusione Diluvio nomen factum est, per amplum soli spatium, fistulis undique instructum est: quæ laxata à custode clave, aquam pariter effundunt. & ni cautè incedas, inque custodis oculis oculos habeas, non exiguum ab aquarum ludicro periculum jactu est. At vero antrum plurimis innixum columnis vario ex marmore excisis. mediæ præcipuè laudantur, quæ nitidissimo lævore virescunt. solum ex lapillis diversæ coloris texellatum, phrygioque opere inter pictum. Per totum late antrum magna aquarum vis, cum laxato emicat epistomio, suffunditur. ut urceatim pluere credas. E regione ostii ejusdem antri scala est exigua quatuor, non amplius, gradibus, quibus alterum in antrum ingreditur, cui à Galatæa nomen impositum. in hujus aditu audacissimi quiq; timore corripiuntur, etenim tali, & tam miro artificio

eio constructum est antrum, ut jamjam ruiturum videatur, miræ artis mirabilius opus, quo fit, ut sic casurum consistat, ut re vera decedens credas. inter hiatus murorum hederæ intertextæ conspiciuntur; viridis vernat ficus, è rimulis verò abundè aqua erumpit. antrum tum nitidis coralliis, tum conchis, conchiliisque, tum etiam variegatis neritibus convestitum, pulcherrimam præ se speciem gerit. neque leve pulchritudini additamentum picturæ, atque oratus adjungunt. Medio in antro peramplus crater, variis scopulis distinctus, è quorum uno, arte, ac machinamento prorsus mirabili aureo in loculamento geminis delphinis inveccta Galatea prodit: delphines tum ex ore, tum ex oculis, totidem quasi fontibus aquas vibrant. Ipsa vero nymphea, dum se in erythrallo, quem manu gerit contempletur, usque ad externum crateris marginem devehitur: geminis illam conchis, quibus adnata corallia, hinc, inde comitantibus: ambæque è geminis scopulis egrediuntur. Quo tempore fontis in margine subsistit, dumque subitura scopulum recedit, innumeræ penè fistulæ suis in locis clausæ, per universum latè antrum, tanto, & tam largo imbri rorem excitant, ut difficile admodum sit se à pluvia defendere. Hic Mæcenas: Madefacti igitur, & quidem benè. Cui ego: Maductunt reliqui, at non ego, & natus tuus: Et ille: Gaudeo: sed qua arte, evasistis? Aurea tum ego: etenim cum hominem, qui nos per singula deducebat, aureo nummo donassem. adeo ejus benevolentiam conciliavi, ut semper me secreto admonuerit, quo in loco securus ab aqua possem subsistere. Tum ille: Acutè tu quidem: nihil enim auro potentius, quo non animi, sed arces etiam expugnantur. at cedo, qui eo in antro immunis ab imbri locus erat, ut cavere possim, si unquam illuc

me

me genius ducet? Cui ego; uterque extremus angulus, qui juxta fontem; ubi nec syphunculi latitant, nec ex aliis emissa aqua pertingit. sed rem bene longam prosequamur. simul ac è scopulo prodiit Galatea, marinus Triton concham inflare cœpit, nec desistit, nisi postquam iterum se eadem subduxit. sonus autem hydraulica machina fit, auresque afficit miro modo. quocirca eodem tempore & oculus visu, & auris sono, & voluptate animus pascitur. Ex quo tandem antro ægrè divulgati, dum in alterum, Diluvium, ut dixi, appellatū, regrediremur, in geminas statuas incurrimus, gemina utrinque loculamenta è pumicibus contexta, quæ duos supra fontes, quorū labra è cōchis, muricibusq; efficta, instructa sunt: in horum uno Bacchi signum, in altero Orphei visitur: juxta gradus vero, quibus ad Galateæ antrum itur, utroque in latere, duo alia loculamenta, in uno marina arbor, subter vero signum, Pavonis caput exprimens: tam fabre collocatum, ut dum præ timore oculos circumvoluit, uberem ex ore aquam evomat: in altero Aquifolium frondescit. è singulis fermè foliis harum arborum, cum laxatur epistomium, magno impetu aqua exilit. Non longe gemini stant abaci è vario marmore levigati. quibus in mediis pulcherrima ex effusa aqua Phærus resplendet. è regione marinæ arboris sedet in ponticulo puerulus, qui orbem dextra tenet, cumque fontis aqua perpetuò versat. duo ad pueruli pedes cygni bibere visuntur. atque ex intervallo caput è fonte, quasi jam saturi educentes. & hinc prælum in quo pressis ex olivis oleum fluere credas, & officina item, in qua cartha conficitur; illinc vir acuens cultros, ac novaculas, aqua rotam versante.

Sed transmissio Orphei signo, ostium patet; cujus in aditu vibrata illicet è tubulo aqua perfundi quam facile

facile est . nos quamcitissimè insilientes effugimus, cubiculumque ingressi sumus . Hypocaustum vocant, cujus pavimentum ex nobiliori argilla constratum, parietes elegantissimè picti , ac marmorato expoliti, atque exornati . Hic instructum balneum est , quod è duobus fontibus calidam accipit, & qua hæc certam ad temperiem reduci valeat, frigidam. fontes gemini è metallo satyri sustinent . in editiori conclavis parte puellus visitur: quem si curiosus tetigeris, Hlico aquam effundet, qua perbenè perpluas . vix etenim accesseris, cùm fallente sub pedibus solo, technica se aperit fovea , simulque fistulæ referantur : ex quibus extemplo multiplices aquarum venæ , erumpunt. Circa plurima animalium signa sunt musivo opere elaborata, duroque in lapide insculptæ imagines. Hic Meccenas: Evasistis satin' salvi ? de te non dubito. at meus filius, utqui curiosus supra modum, non certè artificioso illo ex barathro evasit . Cui ego: Ita prorsus factum est. sed condonanda illi culpa , quippe adolescenti.

Reversî ad Bacchi signum in alterum incidimus ostium, inque similem dolum . ex eo in tria cubicula adirus patet . Primi latera albo ex pumice investita, belleque exornata: pavimentum distinctum , variegatumque miro modo . media è concha , quæ ibi est, pulcherriſſimum assurgit opus è pumicibus instructum. in ejus fastigio gemini ex corallo rami, èque marinis conchis, ac muricibus, quasi loculamentum: juxta innumeri syphunculi , aquam emissuri , latitant . Sed jam secundum in cubiculum intrantes , elegantissimum Tritonem obviam habemus , qui magno flatu marinam concham inflat: ipse à duobus delphinis in amplum craterem educitur . una cum delphinis plurimi produnt satyri ; plurimamque universi aquam

emit-

emittunt: tot item pumicoso è cono, ex fornice, èq; ipso solo, tot undam fistulæ jaciunt, ut urceatim toto cubiculo pluat. In hujus prospectu visitur Jovis simulacrum sub Tauri effigie mirè gestientis ob raptâ Europam: infra vero illud est marmoreum Cleopatrae signum, juxtaq; intermixto ex marmore fons est, ejusque aquam gemini, qui astant, satyri egerere conspiciuntur. In umbilico sequentis conclavis mensa est octo in latera distincta: in quorum singulis ovale cavum. in hac mensa sexcenta spectantur ludicra, nō minus visu, quam arte mirabilia. Propè pincerna astat aquam manibus ministraturus. Ad dexteram hujusce conclavis summa voluptate spectare licet militum agmen arcem invadentium: hisque instructi machinis, quæ ad obûdendas urbes adhiberi consueverunt. alii, & ipsi sclopis armati, tuentur. ast illud mirum oppido, & perquam ludicrum, quod non igne sclopi, nec tormenta exploduntur, sed aqua: quæ cum cient sonitum, quem ederent si tormentario pulvere instructa forent. id autem mihi summopere placuit: & ni Martia à jocis abhorrent in mea Bellica inservissè. Hic Meccenas: Verum post serias pugnas, in quibus non est joco locus, licet interdum victoriam festivis lusibus exornare. Cui ego: De his alias, nunc contendam efficere, quod institui. Ad lavam ejus cubiculi, in quo morabamur, perquam magnificum est antrum, inque varia loculamenta concinne distinctum. Hic inter ferreos chaltros nympha in procinctu stat. quæ simul atque hi, chaltres deferantur, egreditur urnam ferens, longumque spatium haustura ad fontem aquâ decurrit, tanta agilitate, atque ore tam vivo, ut spirare credas. fons in opposita parte positus: ubi pumicoso in scopulo pastor nymphæ amasius sedet, qui venientem, ad, se nympham tibia excipit, quam inflat

mino

miro modo : eosque corporis motus exhibet, tantaque facilitate ; ut non melius vivens pastor in animanda tibia præstaret. nec cessat, ni se nymp̃ha intus receperit. quo puncto statim chaltri occluduntur . Interea alia quædam ludicra spectare licet : nimirum fabri officinam, in qua ferrum cudi diceret: ad molestrinum occupatum in moliendo molarium , serpentem sese explicantem , cygnum bibentem , caput identidem attollentem , canentes arboribus aves , & cornicem prope insidentem . & quod festivum maximè , ac ludicrum est, in speculo, quod objectum est, jucundissimam venationem: feras velocissimo cursu fugere, insequi venatores , jaculari, ferire , ovantique prædam murmure reportare . Hoc loco Mæcenas : delectatus certe hoc ludicro meus puer , id enim ut in sylva virile , ita puerile in pictura ludicrum . Ita verò , tum ego : Atque hæc cum dicerem , adsunt Ephebi cum pateris mulsæ congelata benè plenis. Tum Mæcenas: Hauriamus ex his nunc solidam voluptatem : ad ludicra redibimus mox.

C A P U T V.

*Interrupta superius villæ descriptio instauratur,
& tandem absolvitur.*

P Ostea verò quam mulsam exhaustimus, Eia , inquit Mæcenas , quando dici multum superest , absolvamus amœnissimæ villæ narrationem ; quæ mihi tam grata accidit , quàm quæ gratissima. Et sanè digna, ut tu illam Herculanū in ver, cui te scio operam dare, inter prima inferas. sic enim delectari illius pictura poterunt , quibus contemplari oculis non licet. Cui ego: Id ipsum jam meditabar ; & te suatore,
liben-

libentius faciam . at quoniam prolixa res est , veniamus ad limen ostii , ut dicunt . Dum è celebri antro Diluvio nomen , reverteremur , invenimus ad gradus superius memoratos geminas speluncas : in ea verò , quæ ad dexteram aperitur , piscatores in antro vidimus caneros occidentes , qui in aqua sunt . aquamq; efflando in spectatores jaciunt . circum subsellia aliquot marmorea , quæ si confideas , illico emicant , aqua , perfunderis . infra gradus ad lævam mustela in serpentem ruerè cernitur ; dum interea Thessala anus mechanicum versat incerniculum : sunt vel hic infidiosa subsellia , à quibus priore incommodo cruditus declinare quis facillè poterit .

Sed ab hunc satuti voluptuariis hujusce antri spectaculis in jucundissimum visu campum , quo ædes coronantur , subintramus . in quo spatiosus , ac superbus limes longissimè exrenditur . per quem hinc , atque hinc sua surgunt subsellia : ex quibus triginta utrinque fontes elevantur . ad pedes innumere oculantur fistulæ , quæ obliquè collocatæ , atque ob id cum ab universis aquæ emicant concavam veluti testudinem figurant . idcirco tuto incedes sub medio illius aquosæ fornici , nec tibi ab aqua periculum , nec cum de repente , reducto epistomio . tubuli occluduntur : sed levis aspersio , ac veluti subita irroratio . At majus periculum cum limitis terminum accedis , major enim ibi tubus rectà attollitur , in quem si incidaris , bene perplues . ex quo ad latera declinantes , ut ut evasimus , in amplissimū craterem devenimus . ubi mulier lotricis figuram induta candidam telam intorquens aquam exprimit . ad ejus lævam puellus insistit , inque subiectum fontem mingit . atque isto spectaculo iter illud magnificum bellè finitur . At verò priusquam amœnissimum hunc in tramitem per geminos

minos gradus descendatur, spectare sub his licet pulcherrimum fontem cum signo proximi amnis, in cuius manu è marmore vas positum, copiosissimam in fontem aquam versat; quæ ex eodem proximo amne derivati fertur.

Mox ad dexteram flectentes alatam conspiciamus Famam, tubam manu præferentē. quam illicet aquarum vi, machinaque impellente, ori admovet, occiditque perquam sonore: alasque unā continuò commovet. Hæc inter rusticus quidam ad fontem sedens pateram præfert, draconique aquam propinandam porrigit. dumque hic caput dimittit, ille elevat manum: atque ita unico fermè haustu totam draco aqua ebibit: ut haud sciam, an quid pulchrius videri possit. Hic Mæcenas: Credo facilè: at ego nescio, an hic mirari plus artis magisterium, quàm Principis munificentiam debeam, quæ ut in reliquis magna, maxima hic, ac prorsus regia. sed perge porrò. & quando magna isthæc me voluptate afficiūt, quæso ut nihil prætermittas. Cui ego: Faciam, ut jubes, et si inclinari in vespæram dies jam cœpit. Contra Famæ signum, ad lævam sedentis simulacrum Panis est, avidoque ore Syringen, quam deperiit, prospectantis: quæ Nympha Deorum miseratione in calamum transformata. Hoc loco Lælius: Teneo fabulam: sic enim Ovid: cantat:

Inter Hamadriadas celeberrima Nonacrina

Najas una fuit, Nympha Syringa vocabant.

Cui ego: laudo memoriam tuam. verum aliò divertere non vacat. Pan fistulam manu tenet septem cicutis compactam; qui, aqua signum animante, erigitur, admotaque ad os fistula, caput miro versans modo, cicutas omnes explorat: ac veluti ad numeros jam revocatis, sonorum occinit. sonoque jam edito, iterum sedet: inque amagam suam Syringen

Q

amato-

amatorio vultu obtutum figit. Supra turris attollitur, in cujus vertice Cuculus insistit; qui se inclinans blandè accinit.

His omnibus vehementi tum admiratione, tum voluptate conspectis; cumque è sinistra in orientem per iter non admodum latū flecteremur, in aviarium satis amplum, ferreis columnis, ductilique cre intertextum, incidimus: jucundamque vidimus propè sylvam, & amœnum oculis prospectum, & commodum avibus receptum exhibentem. in cujus vestibulo copiosus fons delabitur: inque antrum conformatus fons inclusis porum avibus suppeditat. Hunc supra ornithonem elegantissimum pomarium constitutum est. quod juxta pulcherrimus visu fons murmurat. ejusque rectum instar tholi fastigiatum geminis ex porphyrite columnis innititur. pomarium plurimæ arbores ornant; variaque ex buxo opera, & texturà, & elegantia pulcherrima distinguunt. Hinc verò digressi, perque augustam ambulatiunculam incedentes, quæram amœna est, quam quæ maximè, in alium perquæ magnificum fontem pervenimus. quem vario ex marmore elegantissimè instructus ordo coronat. ordo quatuor columnis distinctus; columnæ verò ita insculptæ, ut quernis intextæ; implicatæque frondibus videantur. in illarum capitulis quatuor aves insistant, quæ quatuor anni tempora referunt. in medio agricolæ gestantis arborem signum locatum est. ex arboris verò foliis assatim aqua exudat, atque extillat. quod quidem signum quatuor alia fabrè ficta circumplectuntur. quæ diversis ex locis eo artificio aquam effundunt, ut mirè variegatam texturam efficiant. Dum verò per eandem ambulatiunculam progredieremur, quædam vivaria visimus, in quibus magnæ piscium copia asservatur. Tandem nos bivium quoddam

dam accepit; ex quo dextrâ, sinistrâque duo itinera
 erant, non admodum lata. contra Parnassus mons
 assurgebat, inque laurea sylva positus. in illius verò
 conspectu gigantis caput miro modo elaboratum vi-
 sebatur: oculosque mirabili nervorum motu quaqu-
 versus intorquebat: cumque diu curiosum de se spe-
 ctaculum nobis præbuisset, immensam aquarum co-
 piam ex improvviso evomit, qua qui proximus erat
 ephēbus, & dolorum ignarus penè obrutus tanto so-
 ciorum risu, ut nunquam alias. Hic Mæcenas ephē-
 bum, qui forte aderat, intuens: Adeone, inquit, tu in-
 cautus, ac stolidus? nonne satis superiora erudire te
 poterant? Et ille: Tanta me curiositas tenebat, ut ad
 fraudem, etsi in illiusmodi dolos sæpius incidissem,
 minimè adverterim. imò varianda hilaritate aliqua
 res erat. Tum Mæcenas: sed non miror, nam cupidi-
 ne novarum cum teneretur animus, difficilè sibi con-
 stat, præsentique voluptate distractus, præteritorum
 obliviscitur: ad me verò, perge, ut cœperas: ut enim
 conjicio gratus tibi Parnassus ille fuit. Cui ego: Re-
 ctè intelligis: Mons universus ex faxis indistinctè, nul-
 laque arte compositis, ut naturam melius æmulare-
 tur. vepretis tamen, & arboribus investitus: atque
 arbusculis etiam, crebroque frutice variatus: quibus
 gratissimam spectantibus scenam exhibet. in ejus de-
 xtro clivo novem Musarum chorus sedet: suisque
 singulæ musicis instrumentis exornatæ, quas supra
 Apollo est, lyram tenens, tantamque præ se majesta-
 tem gerens, ut revera viventem quandam divum cre-
 deres. In summo montis vertice expansis Pegasus alis
 incumbit, ungulaque fontem, & quidem copiosum
 elicit: elegantissimè fictus est. Quod verò mihi sum-
 mopere placuit, dulcissimus sonus fuit. Etenim cum
 montē cum Apolline Musasque miraremur, villæ custos,

qui nos per singula perductabat , laxato epistolio, aquam admisit , qua veluti flatu animata Musarum instrumenta sonare cœperunt : ac vario , diversoque sono, pro organorum varietate, omnibus absolutam numeris musicam exhibuerunt; quam postquam summa tum aurium , tum animi voluptate percepimus, in montis sinum introgressi omnem operis artem, atque organa , quibus varius ille sonus ederetur , magnæ admiratione contemplati. verum tum in ingressu, tum in egressu, qui primi pedem inferre ausi sunt, perbene maduerunt , aqua ab occultis syphunculis illicot emicante.

Infra amœnissimum, & verè poëticum hunc Parnasum ingens circulus attollitur , quam mediam octogonum planities complectitur : in cuius singulis angulis fons est percrepans : ad ipsius verò radicem quercus simulacrum, ex quo aqua altissimè emittitur , locatum est. Supra quercum planum satis amplum extenditur : inque illo superbissimus fons, in quem duobus gradibus, qui trunci præ se vicem gerunt, ascenditur . Cum autem paululum progressi essemus , in prælongam Salamandram offendimus; quæ humi jacens in subjectam paludem continuo aquam egerit . non longè à palude villicus , qui colligendis juncis dat operam : sunt & ad lacum arbores, plantæque omnis generis. Non procul mirum oppidò horologium vidimus , quod non pondere , sed aquarum vi versatur, horasque pulsu indicat; supra artificialis turbo , qui perpetuò, agentibus aquis, rotatur. Ad dexteram tria vivaria instar lacuum . in his plurimæ aquatiles aves circumvolitant; Mergi nimirum, Fulicæ, atque Anates: medix in vivariis insulæ, seu scopuli sunt, in quos se aves recipiunt . Post vivaria elegantissimum æquè, ac munificentissimū ex lapidibus versicoloribus instru-

ctum

Aut balneum, inq; varias cellas distinctum, non sine admiratione spectavimus: ex eius verò margine pluri-
mæ aquarum emissiones erumpunt; inq; unum coeun-
tes, ad abluendos eos, qui lavatum ingrediuntur, pul-
cherrimam visu pluviam efficiunt.

Ex his digressi, perq; amplissimum iter ad sinistram
tendentes, in antrum quoddam pedem intulimus. in
illius sinu Satyrus inerat, Corinthio ex ære fusus ele-
gantissimè, urceumque juxta dolium tenet: ex quo
dolio, atque urceo tanta aqua effunditur, & nitida, &
frigida, ut tota principis familia abudè hauriat. in an-
trum per clathros itur: in quibus tot fistulæ la-
tent, ut universos penitus perluant, cum laxato epi-
stomio, aquam omnes ejaculantur. Ex quo tandem
antro non sine multa aquarum aspergine, egressi. Hic
Mecænas me ità interpellat: Maduisti in igitur & tu?
Cui ego: Aliquantulum; tot enim, tantique passim
instructi eo loco doli, ut acutissimum quemque sal-
lant. Et ille: Gaudeo, quod tandem festivum sociis ri-
sum præbui. risissem & ego quamlibenter. Cui cum
ipse: summum mihi lucrum, summa voluptas fuisset,
hanc tibi ridendi ansam præbere. sed pergamus por-
rò. Ex eo, inquam, egressi, in alterum, cui Cupidini
nomen, intravimus: in quo plures latent fraudes,
quàm alibi. Quid mirum, cum Mecænas, si Cupido
dolorum artifex. Cui ego: Recte colligis. verum hic
non ab igne, sed ab aqua tenduntur insidiæ: quocirca
innocentiores, nec nisi in risu erupturæ. In ipso
vestibulo, vix pedem gradui admovisti, ut in an-
trum descendas, cum statim utriusque è duobus sy-
phonibus aqua emicat, inque os ipsum introeuntium
effunditur, totūq; hominem perluit. Puer tuus qui pri-
mus pro more ingressus est, unà cum ephebo cæteris
documento fuerunt, ut saltu gradu transmissio, antrum

subirent . ad antri parietes octo sedes sunt , in quibus si sed eas , perfunderis eo modo quo in ingressu . In antri gremio Cupidinis simulacrum ex ære , magnifico-
que in fonte insistit , facem præferens . eo autem artis ingenio locatus , ut se circum verſet , èque face aquam fundat , omnesque circum abluat . Ad dextram delphinus est , inque cum , qui se medium statuit , aquam illicet eructat . Ex adverso Rana viſitur , quæ cum latus obvertit univerſum antrum perfundit . antrum ex pumicoſo lapide factum , & tam benè naturam imitatur , ut nihil amplius accedere poſſit . Contra ex pumicoſo item ſaxo teſtudo in tholum ſaſſigiata cõſurgit , proſpectumque , ſcenamque terminat : ex ea vero aqua quàm altiffimè exilit . Ex antro demum egreſſis , tanta aquarum copia ex innumeris penè fiſtulis illico emicuit , nec deſtitit , ni ad aream quandam per-
ventum fuit , ut urceatim pluere credidiſſes . ſed quidè vix ad aream perventum , cum pluere iterum cœpit eodem modo . ſunt hic duo ruſtica ſimulacra , unum villici ex capra lac elicientis , alterũ vuam prementis .

Ultra hanc aream , altera ſubſellis è ſaxo inſtructis circumdata viſitur . verum cave , ne hic ſedeas , nam fugies illico tuo damno ; tanta ex illis aqua erumpet , ut penè obruaris . medius in area è marmore fons , qui à gallis in ejus cratere bibentibus , nomen accipit . Verum ad ſuperbiſſimas ædes redeuntēs , in ampliſſimum vivarium pervenimus , quod longo amplexu ex marmore balauſtia præcingunt : inque geminas ſcalas terminantur : quibus in vivarium , quod inſtar balnei inſtructum , conſcenditur . in huſus proſpectu ſimulacrum eſt , quod perſonatum vocant . eſt autem hominis , qui ſe piſcatum ire ſimulat , piſceſque aliquot præfert , ſed tantam aquam evomit , ut rivum dicerēs . Poſt ſimulacrum cella facta eſt , in qua duo
parvi

parvi instructi sunt elibani, ad aquam calefaciendam. non longè rusticus cum eado adstat, eoque aquam in Craterem versat. crater ex marmore pulchrè interpretus. Hoc loco Lælius: Vide, inquit, ne pervesperi domum redeamus; jam enim dies extabescit. Cui ego: Optime mones, & in tempore: nihil quippe de villa elegantissima dicendum restat. Meccenatem igitur rogo: Numquid Neapolim vellet. Et ille: ut prope diem vos revisam. statimque discessimus.

C A P U T VI.

Qua in Magnete vis sit, qua ferrum alliciat: quaque Sympathia, atque Antipathia, pluribus disputatum.

Dies Redivivo Numini sacri recurrebant; quo tempore, indicto literis interstitio, in Herculano, unà cum Lucilio, qui à capite laborabat, uti consueveram, rusticabar. dum autem primo à festivis die ad otium pro hypethræ foribus confedimus, multas de animi tranquillitate disputantes, adest famulus, meque rogat, quota diei hora deflueret? Ego tum illi: Inspice automatum, vel si placet, solarium. Et ille: Automatum laxata nimium rota horas præcipitat, solarium stylus excidit. Tum ego pyxidulam, in qua descripta horatum spatia, educo. planoque in loco ita accomodo, ut acus Magneticæ cuspis in Meridiem se converteret. mox inspicio, quamnam horam umbræ indicaret eratq; tū XVI, quam statim famulo significo. At Lucilius: Qua data, inquit, porta, ingrediar. & quando otiosi sedimus, haud tibi grave futurum duco. Cui ego: Intelligo quorsum spectes. Et ille: Non minor, acce tibi ingenium. Age sis igitur, & quæ vis ea

in Magnete sit, qua ferrum allicit, ac pertrahat? & quæ tanta ferri cum eo connexio, quæ *συμπάδιον* Græci nuncupant: quæ tanta aversio ejusdem ab eodem, si ad alteram partem applicetur, quam illi *ἀντιπάδιον* vocant? id enim ex longo scire aveo: & eò præcipuè, quod illiusmodi affectionibus, quas *πάθος* Græci, nos etiam perturbationes cum Tullio nuncupamus, tota pene hominum vita agitur, ut nihil ferme sit, quod non amore, vel odio fiat: quibus gemino veluti cardine universa circumvolvuntur. Cui tum ipse: Magnū tu me, Lucili, lapidem movere vis: & facerem, si vires in præsentia suppetere, etiam in gratiam tui, cujus nivei mores, ac læta indoles me devinxerunt miro modo. Et ille: Dummodo velis, nihil impediri: subitum tibi, atque expeditum ingenium. Cui ego: Bona verba: quibus nec ego assentior, nec ji, qui se rectè sapere profitentur, resque penitus internoscere; ru vero facis amicè. Tum Lucilius: Ut ut sit, inquit, id ipsum quaero, cur ego ita sentiam, & benè sentire mihi videar: alii verò contrariam in partem abeant, & rectà se ire via arbitrentur? nam ni me fallo, huiusmodi perturbationes in causa sunt. Haud falleris, tum ego: sed videamus quando jubes, si quid imparatus ad rem afferre possim. audias ru quaeso amica aure: nam si ita, non ingratum tibi sermonem futurum confido. Ne dubites, tum Lucilius. benignastibi aures accommodabo. Cui ego: Atque audi, remque ordior hoc modo: Sympathia, quam Cicero convenientiam naturæ, conjunctionemq; ingeniorum; similitudinem, ac concordiam Plinius vocat, nihil aliud in hominibus esse duco, quàm concentum quendam, & consensum sive naturæ, sive morum; quo ita duo inter se nativa quadam cognatione consentiunt, ut facile socientur. ex hoc autem ingeniorum consensu amicitia oritur, quæ
si vera

si vera sit, nihil illa in humanis præstantius, nihil divinius est. Antipathia verò, quam naturarum repugnantiam, atque discordiam, dissimilitudinemque idem appellant, dissensus quidam est: quo duo nullo modo inter se consentiunt. ex hac non amicitia, sed aversio plerumque nascitur, ut unus alterum pati neutiquam possit, utraque ni ratione, sapientiaque moderetur, vehemens est animorum perturbatio, quæ optimos quosque in transversum agat, versetque. Enim vero nisi intra æqui, bonique fines hujusmodi affectio se contineat, nihil illa turpius, nihil perniciosius est; vel enim immoderatum in amorem, si paucorum; vel in sectam, si plurium, turpissime degenerat; ex qua gemina sentina dicam, non fonte, duplex tum privatæ, tum publicæ rei pestis exoritur. Ex immodica enim benevolentia corruptela morum, corporum lues, honestatis naufragium, eaque omnia mala proveniunt, quæ minime honestæ voluptates secum asferre consueverunt. Ex secta vero labes bonatum artium, virtutum excidium, simultatum seminarium, mutæ charitatis interitus enascitur. id etenim hujusce pestis ingenium, ea affectuum indoles, ut omnia ad se, suosque trahant, sibi velint: & quod pejus est, omnia sibi deberi arbitrantur. se ipsos amant, colunt, observant, se mutuò laudant, commendant, promoveant: sibi commoda vindicant, honores arripiunt; sibi consulatus, præturas, ædilitates petunt, invadunt: ceteros verò, quibuscum nulla gratia, atque antipathia, despiciatui habent, laudibus fraudant, dignitatibus arcent, magistratû submovent: uno verbo, quasi proscriptos igni, & aqua interdiciunt. si candidatus amicus est, quas non illi vires adhibent? quem lapidem non movent? quos nervos non intendunt? quam fraudem, erravi, artem vocant, non instruunt, nè petitio-

ne

ne dejectus, voto non potiat? quantis non illum laudibus apud populum, apud patres ornant? quantas commendationes? quantas preces adjiciunt? quàm magnificis verbis attollunt? quantum virtutes amplificant? quanto vitia fucō, quantis mendaciis illiniunt? Competitores verò, quibuscum nulla est gratia, nullus consensus animorum, quantis onerant probris, ut deiciant? quantos conatus exerunt, ne voti compotes efficiantur? virtutes vel silentio tegunt, vel attenuant, vitia exagitant, mores carpunt, merita reticent, perque fas omne, ac nefas eunt, ut honorum aditu prohibeant. tandem ut compendio studeam, nulla est machina, quam non admoveant, nullæ artes, quas non adhibeant, nullæ decipulæ, quas non instruant, ut quod ipsi velint consequantur, inque fundum suum cuncta derivent. Ex hoc autem quis adeò cæcus est, ut non videat, Rempublicam omnem subvertri, societatis vincula dirumpi, tolli virtutes, amandari disciplinas, atque una tantùm nutrirī vitia, atque foveri. Enim verò si ad omnes honorum gradus, non qui virtutibus dives, modestia insignis, doctrina conspicuus, lauream erudito in pulvere adeptus est, vel palmam in arena sua fortitudine, suis armis egregiè promeritus est: qui labori otium posthabuit, virtutemque voluptati præposuit, promovendus est: sed qui amicus, qui nostras; quique otio emarcuit, disciplinam solvit, obtusis armis, ac strioso equo usus est: cujus culpa acceptæ clades, — *III* cta Respublica, fortes in acie ceciderunt: quis, quæso? posthac virtutum sectator: quis disciplinæ custos? quis, Reipublicę propugnator? quis vitiorum hostis? quis patiens laborum erit? quam paucissimi admodum, qui generosum nacti animum, omnia infra virtutem habent; ipsaque facti honestate contenti sunt. Non ita? Ita sanè, tum Lucilius; neq; isto vel

vel *vetior*, vel *blandior* ad aures meas allapsus unquam sermo est. O quam benè humano generi consultum esset, si non amicitiae, non sanguinis, sed unius tantum virtutis ratio haberetur: nec privatae rationes, sed publicae nos ad iudicia ferenda, ad distribuenda munera, ad dandas laudes impellerent; isto enim modo fieret, ut bonae vigerent artes, florerent disciplinae, niterent mores, atque humanitas ipsa limatior esset: nam praemia virtutem excolunt, & ubi haec malos sequantur, rari admodum boni reperientur. Verum omittamus isthaec, quae neque loci huius sunt, nec temporis: & pungent quidem animum, non allevant, atque ad limen ostii, ut ajunt, veniamus: & quinam consensus iste, qui verò dissensus sit, enucleatè disseramus; in ceteris enim animantibus, atque inanimis explicari vix potest. Cui ego: Istuc jam contendebam. quaeso igitur, ut auscultes. Tum Lucilius: Hic sto. cōtende ergo, ut cōperas. te ego dicentem animo sequar, atque auribus. Tum ego: Quidam Physicorum sunt, qui inesse rebus universis vim quandam quam *πύρ* *πνεύμα* Graeci, qualitatem Latini dicunt, opinati sunt. illa vero arcana veluti virtute, tum animi, tum corporis vel amico invicem nexu copulentur, vel internecino, ut ita dicam, odio se oppugnent, jugulentque: nam duplicem illa indolem praefert, amicam scilicet, & hostilem. Sic Magneticus lapis, quem, ut scis, Herculeum etiam, & Magnetem appellant, ita huiusmodi vi in ferrum afficitur, ut durissimum quamvis, ac ponderosissimum vel è longinquo conspectum ad se alliciat, trahat, uniat, adstringat; ut divelli non nisi vi adhibita, & majori illa evaleat. Cōtra verò adamas, contraria affectione, atque vi inimicam nactus indolem, ita Magneti dissidet, ut juxta positus, omnem illius virtutem hebetet, atque obtundat; ferrumque

trahere

trahere minimè patiatur. Hic Lucilius: Intelligo, ac quid tu de hujusmodi qualitate? quam similitudinem ipsam, ac dissimilitudinem naturarum volunt. Ipse enim, ut candidè fatear, non satis video, qui fiat, ut similitudine, dissimilitudineque, quæ utraque agendi vi prædita neutiquàm est, tantus in natura motus oriatur. imo mihi videtur id ipsum quæri, cur nimirum similes, dissimilesque res afficiantur isto modo. erit ad summum, non inficiat, dispositio quædam, qua res ad mirabiles illos effectus excitentur. Cui ego: Egredie tu quidem, Lucili. Enimverò cum ferrum, excessivo veluti somno, ad Magnetis amplexum tam subitaneo, tam celeri cursu advolat, ut pennas induisse crederes, vim illam, qua id patitur, vel ipsum sibi ingenerat, vel accipit à Magnete? si primum velis, rogo, cur non antea? nam sola lapidis præsentia operosa non est; si secundum, atque à Magnete derivari asseras; jam hic reclamante Philosopho, in ferrum abs se distans ageret, & operosè quidem certè. Non refragor, tum Lucilius. verùm experimenta quædam in promptu sunt, quibus nonnullæ causæ vim istam præ se ferre videantur. Perhibent pilosam hominis cutem vulnerato ex capite recisam, eodem prorsus tempore incauisse, ac capillos deposuisse, quo is à quo fuerat multo ante revulsa, & canos induit, & glabrescere, mox cæpit. Memorant apud Britannos, ad quos Liber non navigavit, nec victor uti apud Indos, vitem invexit, aliunde aspottatum navibus vinum, eo tempore quam maximè efflorescere, quo vites, à quibus expressum, gemmascunt. compertum sæpe cervinam carnem sale conditam id temporis veluti effervescente, interdum etiam computrescere, quo ad procreandam cervi sobolem incitantur. jam vero (omitto cætera, ne sim longus, & te illa non latent) & hominem

minem in recisam abscutem, & vites in vinum, & in cognatam sibi cervos carnem vim aliquam illorum effectuum effectricè immisisse, esse qui neget arbitror neminem. nam si secus, quo id pacto evenire potuisset, non dum satis intelligo. Cui tum ego: Acutè tu quidem, Lucili, & eruditè: verùm responsio est ad manus. & primo, ut à capite exordiar, à quo tu merito exordium duxisti; ea in cute fibrarum textura, eademque cum toto corpore temperies erat; idcirco easdem cum toto capite affectiones sortiebatur: non igitur mirum, si unà cum reliquo capite incanuit. In vino eadem temperatio, eadem ac vitibus naturæ indoles, eandem etiam fermentationis periodum patiebatur: ut cum florescentibus vitibus, inclescere in earum sinu humor inciperet, vinum matris ingenium imitatum, inclescere etiam, ac fervere moliebatur. Non secus ac cerasa, reliquique fructus, diversis licet in locis, eodem ferè anni tempore maturescunt: eadem enim arbores cum sint, idem, quo tepescant, ac veluti animentur, æstus, iidem in cunctis effectus oriuntur. Nec multum de cervina carne negotium. Hic Lucilius: Ne te vexes, inquit: teneo quippe; eandem nimirum illa cum cervis fermentationem experiebatur. Cui ego: Ita verò. At miror, Lucili, te illud, quod tum admirabile, tum curiosum quàm maximè est, non retulisse. numnam excidit memoria? Et Lucilius: Quodnam illud? Cui ego: Quod de Apulo araneo celeberrimum, ac pervulgatum est. Hic Lucilius, ut ad rem novam, & inopinatam fit, aures arigens: quid istuc, ait, monstri est? quæso, ut narres. nam ut latinè fatear, & meo more, nunquam intellexi. Deus bonè, quot sunt, quæ nos, qui cæteroqui cruditi audiri affectamus, fugiunt omnino! Tum ego: Laudo, Lucili, candidam istam tuam indolem, ac
since-

faciem animum, quod in paucis reperio. sic enim plerique sunt, ut cum paucissima admodum didicerint, omnium se artium, disciplinarum omnium scientes videri, atque haberi volunt: & cum ipsi plerumque ineptiant, omnium se censores, omnium iudices, eò iniquiores, quò ineptiores, nullo senatus-consulto, nullo plebiscito constituunt. Ex ea vero, qua sive naturæ, sive educationis vitio præditi sunt indole, illud lucri percipiunt, ut nimirum odio universis sint; maledicentiæque nota à reliquis secernantur. At nos interea excidimus ab equo: redeamus, quæso, in viam, à qua nescio quis nos deus abduxit. Est in Apulia, & præcipue Tarentino in agro

Quà piger humectat flaventia culta Galesus,

Quoddam animalculum, araneo quam simillimum: imo ex araneorum genere, quæ plurima sunt, unum esse docti non dubitant. Tarantulam indigenæ appellant, cujus tanta veneni vis, ut quos semel momorderit, tandiu illa agitantur, quoad animal vixerit. quod autem mirum oppidò, & fabulæ simillimum est; cum anni æstus incallescere, atque unà furere illiusmodi animalia incipiunt; & ipsi furere, ac variis, mirisque modis agitari: statisque temporibus in eos motus profiliunt, in quos occulta veneni vi incitantur, quod ni facerent, per summos cruciatus interirent. at non una veneni vis est: quidam musica levātor: & dum citharæ, ac lyre certos ad numeros pulsantur, ad eosdem illi numeros saltus agglomerant, choreas jungunt, perque itus, reditusque venenum excutunt. Ex his verò, incitatoribus quidam numeris, quidam remissioribus gaudent. alii acuto, alii gravi sono, diversoque saltandi genere afficiuntur. Sunt quos arma, nitidique enses delectant, perque umbratiles pugnas, simulatosque ictus humorem de-

coquunt. tandiu vero hujusmodi motus durant; quoad omnis veneni vis se sensim remiserit. Hic Lucilius: Mira quidem narras, & quæ nunquam inducere in animom, ut crederem, nisi tu diceres. Verùm dic, quæso, undenam istiusmodi motus fiant? Quia, tum ego, hi spiritus, qui cum veneno in hominum corpora irruerunt, ejusdem naturæ, ac ji sunt, qui in araneo perseverant, jisdemque affectionibus obnoxii. quocirca id temporis, quo aranens perfurit, & hi, quæ momorderit, agitantur; & varii quoniam in variis araneis sunt, varia pariter veneni vis, diversosque effectus progignit. Intellego, tum Lucilius. Sed quinam istiusmodi spiritus, & quæ illorum indoles? velim, ni grave tibi sit, clarè explices; nam totam in his, ni me fallo, sympathiæ, atque antipathiæ vim statuis Cui ego: Rectè autumas. Ita igitur: rem ipse dilucidè, ut potero, explicabo. Ex universis fermè corporibus minutissimæ quædam partes continuo emittuntur, quæ cum tenuissimæ, volatiles, activæq; sint, non erit abs re, si eas spiritus appellemus, etsi re vera inanimæ sint. Hoc me loco ita Lucilius interpellat: Numnam illæ sunt atomi, quas Democritus somniavit? Cui ego: sive simplices atomos, sive compositas substantias rectius esse mavis; perinde erit in re nostra. sed ne, quæso, moras innectas, jam enim, ut vides ad umbilicum dies est. Ex his verò spiritibus quidam similes, quidam dissimiles sunt omnino. quidam similes aditus, ac spiramenta *πόρος*. Græci dicunt, quod apud Physicos receptum usu vocabulum jamdiu est: quidam dissimiles, ut subire corpora, seq; penitus insinuare nullo modo queant. Jam verò si corpora similes emittant spiritus, similibusq; spiramentis laxentur, ut excipere eos possint, inter ea sympathia, ac socialis quidam veluti nexus intercedit: si verò dis-

simi-

similes sunt, dissimilesque poros nacti, nullus inter earum nexus, nulla amicitia: seseque internecino odio persequuntur. Hic Lucilius: si non verum, verisimile quidem certe, at si sic, jam ex Magnete innumeri spiritus evibrantur. Cui ego: Aio enim verò. ut autem id in animum inducas: dic, quæso, unde nam est, quod canis heri sui vestigia sectetur? quod illum in infinita penè hominum multitudine, & quantumvis conglobata, divina illa dicam, narium sagacitate dignoscat, teneat, blandiatur? quod feram longo ante spatio fugientem, & quam ne vidit quidem per invios, atque imperplexos sylvarum saltus persequatur, inveniat, comprehendat? nonne quia substantiam quandam tenuissimam, quam spiritus voco, illi effundant: quam canis sagacitas sentiat, ac perscruteretur? Non abnuo, tum Lucilius: imo conjecturam facile capio, nullum penè corpus inventi, ex quo tenuissimæ particulæ non expirent. Cui ego: Rectè colligis. ex odorifero odores effluunt, ex olido, & graveolenti putores, ex cocto nidores, vapores ex vapido, & que luminoso lux emicat. Intellego, tum Lucilius: sed quo pacto poros, sive spiramenta permeant? Cui ego: Quo aërem cuncta ferme corpora permeare, nemo unus est, qui neget. nam si patet aditus, & particulis illis pervius est, quid impedit, ut volatiles cum sint, illicet irrumpant, penitusque descendant? Tum Lucilius: Et hoc etiam concedo: manifestum quippe. At qua vi deinde hi spiritus ferrum ad magnetem trahant, non plane intellego. sis igitur tu mihi Delius natator. Faciam, tum ego: verum res est satis prolixa, & multi multa sunt, quæ nituntur, ut è vado emergant. referam alias, cum erit otium, in præsentia me paucis expediam; eosque imitabor, qui ut è latronum manu evadant,

pallium

pallium relinquit . Quia illi spiritus ad suum principium , fontemq; , unde emanarunt , perpetuò enituntur ; quò dum unà cum amicis spiritibus , qui ferro insunt , incitantur , illud arcanis veluti vinculis alligatum trahunt , magneti sociandum : Atq; in id ratiocinationis prandii signum datur : quo audito illicet assurreximus.

C A P U T VII.

*Occasione ignis speculo excitati , quæsitum an à Prometheus id primum tentatum , & an revera ,
& quibus speculis Romanas naves
Archimedes incenderit.*

V. Ernīs recurrentibus feriis , Herculansenſe in rus conceſſeram , ut ſolidos eos dies liberiore otio fruere , capitisq; dolorem aliquantulum allevarem ; in quod rus mecum unà ſe C. Manlius receperat ; ut ex ſullicula , qua identidem vexabatur , mitiſſima illa cœli temperie convaleſceret , adoleſcens magnæ ſpei , & tum Latinis , tum Græcis literis eruditus : moribus verò ædeò cultus , ut nullus illo limatior . Dum verò quodam die in hypethram apricandi gratia egredior , ibi inambulantem Manlium invenio : qui ſtatim : Quid hic Manli ? Et ille : Obſono famem deambulando . Benè facis , tum ego . Sic enim comes majori appetentia . At ille : Age ſis : Arabicum mihi potum adornato , quem ſcio tibi gratiſſimum , illo ego frequenter utor : ut ſi quæ ſunt excretorum reliquæ , facile egerantur . Tum ego : Inſerviam tibi hac in re , cæteroqui leviſſima , vellem ut majoris operæ occaſionem exhiberes . Ingrediamur igitur cubiculum . Ubi vero pedem ambo intuli-

S

mus,

nus, ego vitrum utrinque turgidum, & globosum accipio, ut illo Soli objecto ignem excitarem, quem simul ac excudi: accipe, inquam, Manli, ne dum potio adornatur, odiosa isthæc tibi mora sit, fabellam perquam lepidam, quam quidem erit operæ auribus audire. Et ille: Istuc ex te expectabam: cedo, igitur: operam ego tibi anrium dabo intentissimā. Ego vero: Atque audi, Philosophus quidam, erravi sophistam dicere volebam. Hic Manlius: Intellego: non enim surdo fabulam canis. Ego tum: Teneo ingenium tuum: sophista ille, & quidem apud istiusmodi homines vendibilis, cum me crystallo Solaribus radiis objecta, ignem excitare animadvertit, non secus ac si portentum novum, atque insolens inspexisset, stetit primo attonitus rei novitate: facto mox sibi animo, saluari se signo munit, quasi cum Cæcodæmone luctaturus, et si non bonus athleta; adeo meticulosus erat, animoque pusillus: præstigiaque arbitratus, quod ipsis oculis tam manifesto aspiciebat: Næ tu, inquit, Thessalus, qui magicis cautionibus ignem creas; Cui ego: Nugæne loqueris? Immo fetissima, inquit ille. Istuc enim sua sponte fieri nequit, quare religionem ducō, te ad Ædilem præstigiarii deferre. Tum ego non sine stomacho: Næ tu Philosophus, qui hoc tam vulgare, tam tritum non teneas; quis enim adeo crasse Minervæ, qui nesciat ignem esse suæ spontis; & quis non vidit Solaribus radiis in unum adunatis flammam erumpere? Hic Manlius: Mirum oppido, ac pertridiculum; usque adeo delirant aliqua multi, qui in frivolis toti sunt, omnemque in illis operam locant, notissima verò naturæ contemplati supini prætermittunt. Quam benè literis consultum esset, si istiusmodi homines, omissis sophistarum nugis, quæ oculis getris vaniores sunt, in ipsius naturæ ady-

ta pedem inferrent: atq; ea meditarentur, quæ multa animum cognitione rerum locupletarent. Cui ego: Sapis tu quidem, Manli; & ò utinam sentirent sic omnes. Et ille: Verùm age, & ostentatam occasiunculam arripere, ac tenere tibi grave non sit; quo circa patiari, quæso, ut unum, aut alterum abs te requiram. Imo gratissimum, tùm ego, velim tamen ut rem in pauca conferas. Et ille: Usus compendio, dicam, inquit, breviter. Et primo fabulantur poëtæ, ut cecitò non fugit, Prometheum, qui Japeti filius traditur, pater vero Deucalionis: quemq; ajunt excitisse mortalium audacissimum: quippe in Solem ipsum ausum itrumpere, atq; ex illo ignem subripere, quæ quidem audacia illi capitalis fuit: Nam Jovis jussu à Mercurio ad rigidissimam Caucasii rupem alligatus, additus & misero infensissimus comes Vultur, qui illius præcordia cōtinuò depasceretur: atq; hinc cecinit.

Hinc lapides Pyrrhæaëstos, saturnia regna,

Caucaseaq; refert volucres, furtumq; Promethæi.

Imo etiam ob id morbos, & febres mortalibus immissas, ut Sapho, & Hesiodus referunt, & quidem hic sic ἐν ἔργοις, καὶ ἡμέραις cecinit:

Τὸν δὲ Χολωσάμενοι προσέφα νειληγυρέτα Ζέυς

Ιατρῶν γὰρ πᾶντων περὶ μέδεια εἰδώς

Καίρις τίς κλέειται, καὶ ἐμαί φρένας ητιροπέυσας

Σοίτ', αὐτῶ μέγα πᾶμα, καὶ ἀνδρῶσι ἐπομένασι.

Τοῖς ὃ ἐγὼ ἀντὶ πυρὸς δώσω κακὸν, ὃ ἅπαντες

Τέρονται κατὰ θυμὸν ἐὼν κακὸν ἀμφαγα πῶντες.

Numnam idcirco conficta fabula, quod hic primus istiusmodi usus speculo abs se invento, ignem Solaribus radiis excitaverit? Nam etsi id novum omnino, mihi certe videtur inverisimile. Cui tum ego: Huc te ego, Manli, venturum suspicabar. Fa-

teor, id mihi jamdiu in mentem venisse, sed proferre nondum ausus. Non enim tutum est nova moliri, nisi prius socios asciveris; quæ plures fortuntur authores, etsi non vera, verisimilia tamen apud vulgus sunt. Gaudeo igitur te cogitatum meum prævertisse. Et sanè nullus, quem sciam, hucusq; nobis id tradidit: neq; ea historiarum prodita monumenta, ex quibus capere conjecturam liceat. quo circa affirmare non habeo; negare, ne id quidem. Licet tamen suspicari; etenim cum illum solertissimum Naturæ mysten fuisse perhibeant, & rerum plurimarum auctorem; potuisse & specula elaborare, atq; illis ignem excudere vero mihi simile videtur. Et quamvis eò spectare fabulam dicant, ut illius solertiam, peritiamq; in contemplando Sole, superisq; corporibus, significare velint: tamen si vim fabulæ perpendamus, id insinuare veteres voluisse, congruum magis est. Tum ille: Intelligo: idq; mihi nullo negotio persuaserim. Sed pergamus porro: deq; secundo, quod non ad chaos spectat, & Saturnia tempora, ut ajunt, te sententiam interrogo. Illa mihi semper hæsit animo dubitatio; verumne fuerit Romanas naves, Syracusas, Marcello duce, obsidentes Solaribus radiis conflagrasse. nam etsi hac de re dissipatissimus sermo sit, tamen vulgaria plurima sunt, de quorum veritate adhuc apud doctos ambigitur. præterea quæ id machina fieri ab Archimede potuisset, non satis hucusque intellexi; quæso igitur, ut mihi Delius natator sis. Cui tum ego: Etsi natare non probè novi, enitar tamen te educere è vado. Et primo veram esse historiam, haud equidem arbitror esse, qui negaverit, neminem; nisi fortè hominum fidem tollere velit, quonescio quid dici absurdius possit. Imo cum feratur etiam Proclus insignis machinator, Archimede verò multo

multo inferior, speculis hujuscemodi sub Anastasio Cæsaris tempora, ingentem barbarorum classem, quæ circa Byzantium erat, incendisse, id ipsum ab Archimede prius effectum oppido vetisimile. Et sanè de Proclo hæc habet Zonaras III. Historiarum :

πῆρ' ἂν γὰρ αἰδᾷται χαλκίῦσαι πυρρφόρα ὁ Πρόκλος, καὶ ἐκτὸς τῆς ταῦτα ἀπαιωρῆσαι κατ' ἐναντίων πολεμίων νέων τε τοῖς τῶν ἡλιακῶν ἀκτίνων πρὸς Βαλέρων πῦρ ἐπαῖπεν ἐγκρανεῖν κατακρίνον τὴν ναίτην τῶν ἐναντίων .

Hic Manlius : Assentior ; & gaudeo , quod te magistro Græcis literis operam navaverim ; quàm enim turpe in præsentiarum esset , te loquentem non intelligere ? Sed ne motam festinanti objiciam , quibusnam speculis tantum opus Archimedem confecisse , opinaris ? Cui ego : Istuc ibam , quod caput est controversiæ . Da igitur vacuas mihi aures . Et ille : Perge porro : ego hic sto . Tum statim ego : Zeizes Græcus author, id Archimedem speculo sexangulo, plurimisq; è regione aliis illi adjunctis fecisse tradit . illius, quando volupe est Græca audite, hi versus.

Ἐξ ὧν π' ἀτόπτρον ἐτεκτανεν ὁ γέρον

Ἀπὸ δ' διαστήματος συμμετρὸν τῷ κατόπτρῳ

Μικρὰ πααῦτα κἀτόπτρα δὲ πτερά πλῆγ' ὀνείας .

At reliqui fere omnes, apud quos hac dere disputum invenio, id consecutum Archimedem speculis aut globosis, aut concavis fuisse autumant; quod, ni me fallo, fieri potuit nullo modo. Tum Manlius : Audiveram id ego; quare argumentum expecto. Accipe, tum ipse, & ni mea me decipit sententia, aperitissimum. Hujuscemodi specula sive è crystallo fingantur, sive è calybe, vix tantæ molis elaborari possunt ; ut ultra triginta passus acceptos à Sole radios

repercutiant, inque cavum constipent; ex quo illud statim existit; nimirum totidem ultra passus excitare ignem non posse. Hic Manlius: Istuc do facile. verum quid hinc conficis? Cui ego: Illud ipsum, quod modo affirmabam: his scilicet speculis creari incendia, quibus illico exarsuræ naves, neutiquam potuisse. Etenim similis vero est, Romanorum navigia tantum à muris abfuisse, quantum sagittarum excursus est. Id facile impetras, tum Manlius: secus enim extra ictum non fuissent. Atque audi, tum ego. Ultra triginta passus sagittæ excussæ ex arcu emittuntur, at non hos repercussî radii pervadunt: non igitur his incendi naves potuere. Tum Manlius: Assentior & his, liquida quippe. Sed cedo tandem, quibusnam machinis ignis ille excitatus est? Cui ego: Mathematicus quidam oppido vendibilis planis speculis usum fuisse Archimedem vel ex eo præcipue arbitratus est, quod ex his lumen quàm longissimè repercutiatur. Hic Cajus: sed si ita, tot in unum cogi radios, in validum mox incendium exarsuros, non facilis erat negotii. Cui ego: Responsio est ad manus: enim verò si plurima ejusmodi specula ita aptè collocentur, ut in ipsa incurstantes radii, atque è vestigio repercussî, unum in locum, quem Geometræ focum vocant, universi convergant, haud dubium, quin excitatissimum ibi lumen, caloremque vehementissimum congregarent, atque his pariter speculis memoranda illa incendia Proclum suscitasse, opinatus est. Imo sex, & non amplius abs se adhibitis ignem testatur accendisse. Hic Manlius: Numnam hic author, inquam, se fingit, velut araneus? Cui ego: Non sic animum induco, ut id credam; fuit quippè ingenuus vir, & antiquis moribus. At Cajus: Rarum, inquit, id ætatis. Sed si ita, tu quid sentis? Ecce, inquam ego,

emi-

emicare ignem isto modo; posse crediderim, tamen
 ita revera ab Archimede factitatum, haud scio; quæ
 circa faciliè in alterius Geometræ sententiam iverin
 qui Portam populatam nostrum secutus, duobus in
 ab illustri sene speculis, parabolico, ut ajunt, cavo,
 & tubulo ejusdè formæ, non minus ingeniosè, quàm
 feliciter tentatum, effectumq. fuisse existimavit. Hoc
 loco Manlius: Ut candidè fatear, vix hic per nebu-
 lam videre me videor; quo circa, quæso, ut ex his me
 tenebris eruas. Tum ego: Contendam omni ope,
 atq; opera: quanquam sine pennis volare difficile
 admodum sit. Er ille: Intelligo: nimirum sine figuris
 Mathematicis, quibus omnia Geometræ quàm fa-
 cillimè expediunt. Tum ego: Tetigisti rem acu, ut
 dicunt, faciam tamen quàm potero ad facilitatem
 accomodatè. Cum plani corporis superficies conum
 aliquem medium secat, curvam quandam in exteriori
 coni facie lineam signat, hanc à Græco vocabulo
 Parabolē illi appellant, ad hujusmodi verò figuram
 lineæ fabricata specula Parabolica nuncupamus: quæ
 ad copiosissimum ignem excitandum optima habentur.
 Cur ita? tum Cajus. Quia ea est illorum natura,
 tum ego, ut radii omnes ab ipsorum superficie resili-
 entes, atq; ut ajunt, paralleli unum in locum con-
 stipentur (centrum hunc Parabolē vocant,) & fo-
 cum diximus, si meministi. Et ille: Memini, perge
 porro, reliqua expecto. Tum ego: Porta ingenio vir
 singularis, inquirandis rerum arcanis solertissimus,
 machinamentum quoddam excogitavit, quo Solis
 radii in virgulam coacti, constipatiq; ignem quàm
 longissimè suscitarent; istiusmodi verò machina an-
 nulus, sive tubulus est in parabolam conformatus;
 quod quidem mirabile artis inventum Archimedem
 non latuisse crediderim: quo nullus in machinando
 feli-







005642530

Digitized by Google



CB

